



Vitæ
Professorum
Groningæ
&
Omlandæ



1654







25,810 / C / 1

B. XXI. 27

~~EFFIGIES~~

²
GRONINGEN

McRichardson
1817

In England


Guil. Makdowd	p. 71
Fran. Gammarus	75
Fran. Meyvartius	83
Hen. Atting	88
Mat. Pasor	108
Petr. Mulenius	112
Jaes. Atting	161
Fran. Jernius	224

at the End Catalogus Librorum Bibliothecae illustrae
ae almae Universitatis illustrum de Proprietatibus
Groningae & Omlandiae & al. Gerhadi Samsonii.

Richardson

Jacobus Goulden. 1691. obiit 1704


vt. obiit. finit. R. D. E. L. onia in ipse. de consp. Ch. f. k. En. u. a. h.



Doctorum vitas legere & non vivere frustra est,
Doctorum vitas degite vos legite.

Tacitus in vita Agricola mox in principis.
Clarorum virorum facta moresque posteris tradere
antiquitas usitatum.

1. 17. Recensitum nonnullor. h. l. Cassellorum nomina p. p. 17.



PONTIÆTHÆ PION PIETATIS VIRTUTIS
BONARVM LITERARVM SVVDII DICATVÆ.

EFFIGIES
&
VITÆ
PROFESSORVM
ACADEMIÆ

GRONINGÆ
&
OMLANDIÆ;

Cum historiola fundationis ejusdem Acad:

& Apud IOHANEM NICOLAI


GRONINGÆ
1654

72265



THE
HISTORICAL
MEDICAL
LIBRARY
OF THE
WELLCOME TRUST
1, ADELPHI WALK
LONDON, W.C.2

Ad Lectorem
CANDIDUM
EDITOR.

 Quod aggredimur, nec novi exempli, nec nullius in publicum commodi esse, agniturum te confidimus; quisquis non plane ab his sacris abhorrens, vel tantillum cum Musis Gratiisque colis commercium. Iuustrium in literas Mæcenatum favor, atque ad propagandam clarorum ingeniorum voce publicâ earum æternitatem, munificentia, in condendis Virtutis, Pietatis, Bonarumque literarum studiis dicatis ^{SPORTISACIOIS} ACADEMIIS, fovendisque Viris Doctis, plausum eum justæque laudis premium meretur, suoque sibi jure deposcit. Deposcunt & Virorum Cl. seipsos publico impendentium, aliisque lucendo consumentium merita, ut sicut, Ipsi, vel tabulis viventibus benè natorum ingeniorum, vel chartis victuris, inscripta præclara sapientiæ omnigenæ monumenta seculo suo ac secuturis imputant, sic ab iisdem gratæ memoriæ redhostimentum, liberali commemoratione laborum virtutumque ipsorum reportent. Nec id tantum, sed & ipsâ hac benè merentium gratâ deprædicatione, aliorum quoque provocatur studium, accenditur æmulatio, ut parilem sibi gloriam à posteritate paribus artibus, virtutibus, meritis, conciliare contendant. Habet enim acerrimos in animis excelsis ad virtutem stimulos, eorum qui cum laude vixerunt, per exemplum, quasi per speculum vivum atque ardens propositum, accensa æmulatio. Quam vim cum ipsa nuda recitatio ac recordatio factorum præclarorum in animis generosis habere soleat, tum longè eam & vehementiorem & velut occulta quâdam vi penetrantior, experimur, si non tantum animarum magnarum simulacra oculis mentis, sed & corporum, quibus eæ domicilijs dum in terris versarentur usæ, imagines, velut spirantes, oculis corporeis detur intueri. Ea igitur, cum seculo nostro (quod ut multarum aliarum artium, sic cæli artificis gloriâ priscis omnibus præripit palmam) obtigerit felicitas, non erubimus, ut honestis Viris quibusvis, quos inter versari nobis contingit, ingenuum & erectum vultum præsentibus ostendimus, sic absentibus, si quibus fortè eas intueri volupe sit, nostras antecessorumque nostrorum, præter vitæ interioris delineationem, cælatas faciei effigies exhibere. Produximus autem eo quemque ordine, quo in Academiam quisque fuit introductus, quæ ordinis ratio simplicissima visa, omnisque ambitionis expers, simul etiam


(**) continu-

Ad Lectorem.

continuationi, citra præcedentium innovationem aptior, si, quod speramus & vovemus, Athenas nostras Gryneas aliquando illustriores, pluribusque imaginibus nobilitatas resurgere, caputque altius efferre, obtigerit. Adjunximus Doctores Academicis comites, aut potius duces præfecimus literatæ gloriæ Groninganae Triumviros WESSELUM, AGRICOLAM, PRÆDINIUM, omnes, meritos quod uni seculum suum tribuit elogium, ut LUMINA MUNDI celebrentur. Ab eorum igitur cæterorumque antecessorum nostrorum, qui culmen gloriæ feliciter contigerunt, jubare, nobis aliquid splendoris fœnerari fas fuerit, surgentibus, sit fas ita loqui, stellis minoribus, donec & ipsæ, discussis quæ circa horizontem officere solent nebulis, scientiæ virtutumque petitum fastigium & quasi zenith adeptæ, illustrioris famæ radios, longius latiusque diffundant. Qui bonus es favebis, & quæ præclara tibi proponi exempla agnosces, æmulanda; quæ mediocrii, non despicienda censebis: qui malus es ringaris licet, mordeas, vellices, & quantumlibet cum his larvis nostris lucteris, dum nec in vitâ bonorum virorum cui dentem Theoninum offensus solidum imprimere, nec in honestâ famâ, quod tetro tuo halitu queas obscurare, reperias. Vale Candide Lector, & tu quoque Niger si potes: at vos Musæ Charitesque Mystis alumnisque vestris baccare frontem Cingite, ne noceat Doctis mala lingua Bonisque.

NATALES ACADEMIÆ,
 Illustrium ac Potentum
 GRONINGÆ
 E T
 OMLANDIÆ
 ORDINUM

Auspiciis erectæ, in Urbe Groningâ,
 prout stylo Viri Cl. DN. URBONIS EMMIJ, primi
 ejusdem Rectoris, re recenti accuratè consignati &
 descripti, in archivis Academicis inveniuntur.



Uanti sit aut esse in homi-
 num Societate debeat eruditio, compendio
 summus Philosophus Aristoteles ostendit, cum
 rogatus, quid existimaret inter eruditum &
 ineruditum interesse, respondit, quod inter-
 est inter vivum & mortuum: Et lepidè, ut
 solet, Aristippus, cum ex eo quæreretur ab
 aliquo, qui de educando filio erat sollicitus,
 quid profuturum filio putaret, si in bonis literis erudiretur, dixit,
 hoc saltem, si nihil aliud, ne in theatro sederet lapis super lapi-
 dem. Hoc nimirum significare voluere Sapientissimi Viri, nihil
 sublimius, nihil præstantius in homine esse illustri magnarum & bo-
 narum rerum scientiâ. Quemadmodum enim mens supremum in
 homine est, & id quo homo propriè homo est, ita mentis actum
 præcipuum esse cognitionem, cognitionis verò penum quàm copio-
 sissimè instruere eruditionem, per quam fiat, ut penè in infini-
 tum differat cognitio eruditi ab ea quæ est in inerudito, non so-
 lum copiâ ipsâ, sed etiam certitudine & præstantiâ: atque ita sanè
 fieri, ut magis vivere eâ parte, quâ propriè homo est, imò quasi
 homo magis esse eruditus quam ineruditus videri queat. Atque
 hæc adeo causa est, cur non omninò falsum dixisse censeretur
 qui dixit, tantum ferè discrimen aut intervallum esse inter illitera-
 tum & literis excultum, quantum est inter pecudem & hominem
 illiteratum. Præterea res ipsa docet, eos qui literas bonas benè
 discunt, non solum scientiâ locupletari, verum etiam humaniores,
 mansuetiores, meliores fieri. Nam

didicisse fideliter artes

Emollit mores, nec sinit esse feros.

Quapropter ubi literarum bonarum studia vigent, quæ nihil aliud sunt, quam cultura quædam animi ac politura, quâ velut sentes eruncantur & ignorantia pariter & feritatis ærugo abstergitur, illic necessum est, ut in societate civili non solum qui præsunt & regunt, sed etiam qui subsunt & reguntur, ut plurimum fiant, commodiores & meliores. Quod si bonis literis vera etiam & sincera religio accedat, existunt fructus quoque multò uberiores. Etenim quemadmodum omnis humana sapientia & cognitio, si sine vera DEI notitia sit, quæ religioni veræ est insita, non solum claudicat, sed procul quoque à scopo aberrat, sic practicus ille habitus bonus, naturæ viribus nixus, qui ex studio humaniorum & elegantiorum literarum existit, si pietatem veram, quæ ex religione profluit, adjunctam non habeat, simulachrum potius ejus rei est, cujus nomen induit, quam res ipsa. Et religio vera non tantum format homines, & quidem efficacius quam bonæ literæ, ut in vita hac civili & repub. terrena cæteris sint aptiores ac meliores, verum etiam vocat eos & format αἱς πολιτεύμα τὸ ἐν οὐρανοῖς, ut loquitur Apostolus: quod & perpetuum constansque est & summè beatum: cujus participes qui non sunt, hi verè sunt miserrimi, ut melius ipsis fuerit ne natos quidem esse. Quæ omnia considerantes Primores Ordinum Provinciæ hujus GRONINGÆ & OMLANDIÆ, qui reliquos sapientiâ & pietate antecunt, jamdudum meditati fuere literarum bonarum & piarum studia hoc quoque loco augere, & Scholæ triviali, quam vocant, superiorem, quam Academiam appellant, addere. Sed quod optima voluntas ferebat, id facultas adhuc arcta ob belli gravissimi impendia & creperos ac formidabiles armorum strepitus impediēbat. Tandem verò belli feris anno M DC IX confectis, & Repub. sumptuum parte levatâ, iidem illi Proceres, seriò jam animis huc versis, id effectum dedere, ut anno M DC XII, vergente mensē Novembri, de instituendo hic illustri Gymnasio, quod Collegium Facultatum tunc indigitabatur, in quo Professores quinque (tot enim tunc initijs sufficere putabantur) Theologiam, Jurisprudentiam, Medicinam, Historias, Philosophiam, Mathesin docerent, deq; Curatoribus Gymnasij quatuor, cœu instituti hujus ἑφοροῖς, duobus ex civitate, totidem ex agro creandis ex voluntate Nobilissimorum Amplissimorumq; Provinciæ hujus Ordinum Comitum agentium decretum scriberetur, Designatique eodem decreto VII-viri, qui totius hujus negotij primas curas susciperent, ea quæ ad munus tum Professorum tum Curatorum pertinerent, delinearent, commodum Gymnasio locum despicerent, ædificijs struendis adornandisque, ac Professoribus idoneis vocandis animos intenderent, & quæ alia hujus generis providerent: expressim verò de suscipiendâ Historiarum & Μαθηματικῶν professione mentem & voluntatem Ubbonis Emmij præsentis ipsi explorarent, de reliquis

de reliquis aliundè vocandis ad Collegium Deputatorum referrent, ut per eos vocatio Ordinum nomine expediretur. Octoviri nominati hi, Joachimus Altingius Consul, Egricus Eggæus Phœbens, D. Hieronymus Isebrandus Senatores, ex urbe, Joannes Rengers Postanus, Joannes Lewius, Boccon Awama ex agro, & cum his utriusque partis Syndici D. Paneratus Castricomius & D. Scato Gockinga. Sed ab his priusquam quidquam fere conficeretur, exspiravit ille annus & initium sequentis. Ac ob mutationem Magistratuum decedentibus ex VIII-virorum collegio Egrico Eggæo, D. Hieronymo Isebrando, Boccone Awama, Rodolpus Battingius, D. Eizo Tiarda è Senatu oppidano, Hidde Jensema ex agrariis, mense Febuario sunt surrogati. Tum ferio cura suscepta, plurium virorum clarorum per Belgium, Germaniam, Galliam, Britanniam vocatio, verum sine profectu, tentata. Cum Ubbone Emmio actum à duobus Syndicis paulo ante Pentecosten, & die quinto Septembris à Consule Joachimo Altingio & Joanne Rengers ex numero VIII-virum Lamberto Hornkenio & Boccone Awama ex collegio Deputatorum, cum eodem transactum. Contractus die XXIII. Octobris in Comitibus ab ipsis Ordinibus confirmatus. Anno MDCXIV. cum rursus ex more per mensem Februarium Magistratibus munere decedentibus successores essent dati, ex oppidanâ parte Fridericus Coenders Consul, Lambertus Hornkens, Goswinus Schaffer Senatores, cum D. Pancratio Castricomio Syndico loco trium priorum collegio VIII-virorum sunt adscripti: à parte agrariâ solus Hidde Jensema cum Boccone Awama commutatus, cæteri ejusdem partis in procuratione relictî. Horum studio & diligentia trium auditoriorum cum porticu & domiciliorum quorundam in usum Professorum structura absoluta: præter Ubbonem Emmium Professores alij numero quinque (nam de augendo eorum numero jam tum in Comitibus decretum fuerat) vocati, D. Hermannus Ravensbergerus Theologus, D. Cornelius Pynackerus Jurisconsultus, D. Nicolaus Mulerius Medicus, D. Joannes Epinus Huninga, itidem Jurisconsultus, Dn. Guilhelmus Macdowellus Scotus Philosophus: quorum D. Ravensbergerus Theologiam in publico Gymnasio Steinfurtenfi, D. Pynackerus Jurisprudentiam in celeberrimâ Academiâ Lugdunensi apud Batavos cum summâ laude docebant: D. Mulerius in Rectura Scholæ Leowerdianæ, Dn. Ubbo Emmius similiter in Rectura Scholæ Groninganae erant, Dn. Macdowellus in explicanda Philosophia Aristotelica apud Sanctandreas in Scotia feliciter versatus hactenus fuerat, à Clarissimo Philosopho Brussio Scoto commendatus. Cum D. Mulerio die XXI. Martij, cum D. Huninga xiv. Maj, cum D. Ravenspergero xxviii. Maj, cum Dn. Macdowello etiam, & D. Pynackero paulo post convenit, & res confecta est. Theologiæ ordi-

NATALES ACADEMIÆ.

dinaria Professio D. Ravenspergero, Jurisprudentiæ D. Pinackero, Medicinæ & Matheseôs D. Mulerio, Historiarum & Græcæ Linguae Ubboni Emmio, Philosophiæ Ethicæ D. Epino Huninga, Logicæ & Physicæ Metaphysicæque D. Macdowello est commendata. D. Epino Huninga quoque Institutionum juris explicatio extra ordinem attributa. Nam de duobus Professoribus extraordinariis supra numerum sex ordinariorum adsciscendis, uti & de vocando D. Ravenspergero, itemque D. Mulerio, & de Aristotelis placitis in Philosophiâ sequendis, & ut inter se de Professione Matheseôs & Linguae Græcæ D. Mulerius & Ubbo Emmius compararent, in Comitibus hujus anni die XXI. Februarij fuerat decretum. Interea & Programma ab VII I-viris, nomine Nobilissimorum & Amplissimorum hujus Provinciæ Ordinum conceptum, typisque excusum, & non solum heic sed passim celebribus in oppidis, quo missum fuit, ex eorum voluntate, publicis locis est affixum. Eo & consilium ipsorum Ordinum, optimumque studium summatim expositum, & tempus solennis introductionis, ut vocant, & faciendi laborum initij indicatum. Ejus velut sanctionis fundamentalis Academię, aut Edicti perpetui, exemplar, hic exhibemus.

ORDINES GRONINGÆ ET OMLANDIÆ LECTORI S.

Quanti semper fecerint literarum studia ac eruditionem, quæ hinc existit, optimi & sapientissimi quique Principes & Rerum-publ. Gubernatores, ex multis eorū dictis & factis claret. Præfulget heic ALFONSUS Hispanus, ARAGONIÆ, SICILIÆ, SARDINIÆ, NEAPOLIS Rex, sui sæculi Reges omnes sapientiâ superans, unde & Sapientis cognomen ei tributum. Is ipse impensè literis bonis deditus, quantum per gravissima regnorum negocia licuit, & literatorum consuetudine delectatus, cum audisset aliquando aliquem ex Hispaniæ Regum numero dicere solitum, non decere generosos ac nobiles viros literatos esse, & libros tractare, exclamavit commotus animo, Vocem istam non Regis, sed bovis sibi videri. Quin etiam persanctè testatus est, ad se quod attineret, malle se regna sua, quæ multa haberet, perdere, quàm literas, quas permodicas sciret, nescire. Et cum Ænea Sylvio cum sermocinaretur, dixit, literarum expertes Reges non multum dissimiles esse asinis coronatis. Ex omnibus autem Consiliariis suis affirmare solebat, maximè se probare mortuos, sapienter scriptos libros designans,

designans, quos sine metu, gratiâ, assentatione sibi respondere, & consilia suggerere dicebat. Nec sanè iners aut deses Rex fuit ALFONSUS, umbrâ & otio gaudens, sed negotiis maximis pace belloq; perpetuò occupatus, & utramque fortunam non semel expertus. In utraque verò fortuna eundem velut vultum retinens, quantâ esset sapientiâ, virtute, constantiâ, animi moderatione, demonstravit. Et tamen non desunt etiam nunc homines, qui sibi sapere videntur, plaudentes inscitiae suæ, omnis literaturæ ipsi expertes, quos dictitare non pudet, literarum bonarum studium inutile esse, & eruditionem in societate civili pariter & Ecclesiasticâ rem planè supervacaneam, omnesque, qui his se dant, tempus ac sumptus malè perdere. At Nos longè aliter sentientes, & hac in re cum sapientissimo ac maximo Rege facientes, cum duo militiæ genera sint, existimamus utriusque disciplinâ instructam Remp. esse oportere, ut ei bene sit, armorum scilicet, & literarum; illâ, ne ab hoste opprimatur, hac, ne inscitiae & barbariei succumbens pessum eat, arbitramurque neutrum genus bonis ac prudentibus gubernatoribus negligendum esse. Quam ob causam Nos etiam his belli feriis ad pacis artes curis Nostris versis, ut fortunam Patriæ verè Nobis cordi esse ostenderemus, non ita nuper aliorum exemplis stimulatî statuimus heic apud Nos quoque literarum studia, quæ alterius militiæ sunt, magis & magis excitare, decrevimusque eam in rem Scholam illustrem seu Academiam in Provinciæ hujus nostræ Metropoli GRONINGA aperire. In eâ volumus tres superiores quas dicunt Facultates, Theologiam, Iurisprudentiam, Medicinam, dein Philosophiæ partes omnes, Logicam, Ethicam, Physicam, Historias, disciplinas Mathematicas, Græcam Hebræamque linguam, denique ea, quæ in aliis publicis Scholis, seu Academiis tradi solent, cum Disputationum convenientium exercitiis, doceri publicè. Atque his docendis, regendisque Disputationibus Professores doctrinâ insignes, numero sufficientes, liberalibus stipendiis ornatos, ac ad diligentiam in faciendo officio monitis & beneficiis excitatos, favente DEO, adhibebimus, erimusque in eo toti, ne quid in hac parte instituto desit. Iura quoque & Privilegia instituto idonea, & bono publico congrua docentibus pariter & discipulis tribuemus, ordinemque omnibus in rebus commodum atque utilem dabimus. Id denique agemus serio, ut levandis sumptibus eorum, qui studiorum causâ sedem heic ponere volent, ratio hujusmodi habeatur, ut in hoc beneficii ac liberalitatis genere jure ac meritò nemo à Nobis quicquam requisiturus sit amplius. In has res bonam eorum censuum partem, quos Majores Nostri, homines liberales, pro modo rerum suarum, animo quidem bono & religioso, sed errorum tenebris implicito ac lapsante, in æconomia Monastica quondam contulerunt, convertemus, atque in usus impendemus longè meliores. Invitavit verò Nos, atque adeò incitavit ad capiendum hoc Ecclesiæ simul ac Reipub. con-

silium utile, præter istam, quam monstravimus ferendorum sumptuum facultatem, loci quoque hujus singularis commoditas, qui Musarum sedi destinatus esse à naturâ videri potest. Nam & amenitas ejus insignis est, & aer purus ac salubris, & annona omnis generis uber ac facilis, & hospitiorum commodorum magna copia, & quæ alia istuc pertinent. Jam & in illius Nostræ Scholæ usum auditoria ædificiaque non parvo impendio his proximis mensibus instruximus, parataque habemus ea urbis regione, quæ huic rei, Musarum ἀσκησις, sive literarum officinæ est omnium aptissima, se-juncta ab hominum & negotiorum strepitu, peramplo & egregio templo cohærens. Hec consilij & instituti nostri summa. Successum à DEO Opt. Max. cujus gloriæ cum bono publico servire potissimum Nobis mens est, speramus. Et Nos à Nobis pro viribus nostris nihil deesse patiemur. GRONINGÆ, prid. Eidus Julij Juliani, Anno Christi M. DC. XIV.

Initium exercitiorum & laborum destinatur fini dierum }
 Canicularium ad diem scilicet X. Kal. Septemb. Juliani, }
 adspirante Christo Θεωρεῖται.

Mandato Ordinum subscriptum

W. MEYNARDI Secret.

Postquam igitur dies x. Kal. vii breis sive xxiii Augusti, huic rei destinatus feliciter illuxisset, ACADEMIA (sic enim appellari Decreto publico placuit) ab viii-viris sex, qui soli præfentes in urbe erant, duobus agrariorum Lewio & Gockinga peregrè profectis, & Deputatorum provinciæ hujus Collegio, ritu solenni, hoc ordine ac modo est introducta. Primum concio sacra in templo Martiniano conveniens huic rei habita à Dn. Arnoldo Martini Vthusio, Professoribus sex, quos diximus, conspicuo loco confidentibus, finitaque concione cum precibus ad DEUM fufis, ordine ex templo exeuntibus, circumfusa innumerâ hominum multitudine, vix ut Professores progredi possent, necessumque haberent cum progressi essent aliquousque, à via recta deflectere. Dein post horæ dimidium viii-viri qui aderant, cum Ordinum Deputatis ad locum ACADEMIÆ designatum venientes, ibique in atrio propinquo collecti Professores eosdem apud Collegam D. Mulerium in proxima vicinia congregatos, evocatosque, ipsi præcedentes, bini & bini, submotâ per ministros concurrentium hominum turbâ, per longam pergulam eodem ordine sequentes in auditorium Theologicum, quia id cæteris amplius, introduxerunt. Tum sedere jussis in subselliis editionibus altero in latere ædificij erectis (alterum enim latus similibus in subselliis ipsi Ordinum Deputati cum viii-viris occupabant) magnâ parte Senatus oppidani, & multitudine

& multitudine virorum honoratorum, non solum hujus provinciæ, sed & exterorum præsentē & confidentē, auditorio toto hominum turbâ omnis generis referto, cæteris, qui ingredi non poterant, foris densim stipatis, totius provinciæ nomine Amplissimus & Clarissimus Consultissimusque Vir, D. Pancratius Castricomius civitatis Groninganae Syndicus assurgens, & in cathedram se levans verba coepit facere, & facundè laudato Academiæ instituto, ac Dominorum consilio commemorato & commendato, cum gratia peroravit. Qui cum descendisset, intercinente interea varij generis dulcissimâ Musicâ, animosque audientium demulcente, mox in eandem illam cathedram conscendit Reverendus & Clarissimus S. Theologiæ Doctor & Professor Hermannus Ravenspergerus, orationem similiter habuit loco, tempori, rei que quæ agebatur, quam maximè aptam, & verbis sententiisque insigniter ornatam, ex qua ut ingenij & doctrinæ singularis, sic etiam eloquentiæ laudem non vulgarem reportavit. Eâ cum appositis ad DEUM precibus pro felice nascentis Academiæ successu finitâ, succinente rursus, suaviterque modulante aliquandiu Musicorum choro, finem quoque actio ista habuit; cœtusque frequentissimus est solutus. Ingruente verò vespere, ab Ordinum provinciæ Deputatis coena cum lautitia data est VIII-viris & Professoribus novis, & multis viris aliis honoratis, qui aut studium, aut auctoritatem, aut qualemcunque operam suam contulerunt ad nobile hoc institutum literarium promovendum, aut alioqui Musarum cultores erant: conviviumque hoc non jucundis minus sermonibus & felicibus comprecationibus, quam cæteris quæ mensis & convivationibus solita sunt, in multam usque noctem, cum voluptate ac hilaritate extractum traductumque fuit. Postridie, qui dies erat XXIII Augusti, cum circiter horam IX antemeridianam VIII-viri sex, & cum his honoratissimi ac ornatissimi quique in idem auditorium redissent, adessentque etiam Professores omnes, & maxima non solum Studioforum sed aliorum quoque hominum multitudo, quanta capi loco poterat, è Professorum numero Nobiliss. & Eruditissimus Vir, D. Joannes Huninga, in eadem consistens cathedra orationem exorsus est de Frisiorum omnium, imprimis verò de civitatis hujus & agri vicini laudibus, eamque inoffenso cursu cum voluptate auditorum, ad finem perduxit. Nec quidquam eo die publice factum amplius. Sequenti die XXV. Augusti, circiter eandem horam conflente rursus eodem ingenti hominum doctorum multitudine, audiendi studio excitata, totoque auditorio completo, Dn. Guilhelmus Macdowellus Scotus Philosophiæ Professor, in eundem illum locum cum conscendisset, copiosè & ornatè de Philosophia disseruit, ejusque præstantiam ac utilitatem summam velut evolutam posuit ob oculos, simulque Philosophorum Coryphaeam facundâ oratione celebravit. Qui cum perorasset, cæteris digressis

digressis VIII-viri iisdem sex, qui praesentes aderant, cum Professoribus pauca primum locuti, dein ab his digressi, ac paulo post ad eosdem ex conducto reversi, Ubbonem Emmium, alia omnia expectantem, inopinataque re attonitum, onusque cum honore nequicquam deprecantem, RECTOREM ACADEMIAE primum ediderunt: eundemque tum ipsi, tum collegae Professores omnes polliciti benevolentiam ac opem suam, in administrando munere, bono esse animo iusserunt. Hæc Academia hujus *révérité*, hæc *vérité* *blâ* fuere. Postridie, qui erat xxvi Augusti, Clarissimus D. Pynackerus & Doctiss. Guilhelmus Macdowellus, ad constituendas domi res, & apparandam migrationem, hic Scotiam, ille Hollandiam repetivere. Rev. & Cl. D. Ravenspergerus post eos paulisper hic moratus eodem die, quo isti discesserunt, Christo auspice initium faciens prælectionum suarum, hæc Christi apud Joannem cap. xiiii. verba, EGO SUM VIA & VERITAS & VITA eruditè enarravit, velut Christianæ fidei compendium: Et huic enarrationi adjecit explicationem regulæ Apostolicæ, ad Titum cap. ii. ut TEMPERANTER & JUSTE & PIE vivamus in hoc seculo, tanquam brevis summæ Christianorum morum. Simul verò disputandi causâ Theses de Religione generatim & de Religione Christiana speciatim typis excusas publicavit, Disputationique de ijs in auditorio Theologico præfedit die xxvii Augusti, feriâ vii. Et paulo post ipse quoque eundem in finem ad suos Steinfurtum rediit. Cæteri tres Professores, qui sedes hic habebant, post illorum abitum, suos etiam labores, cum bono Deo sunt auspicati. Et hi dum demandatas sibi partes obeunt, interea & illi, qui ad suos recurrerant, expeditis rebus domesticis, huc alij post alios se retulerunt, similiterque laboribus muneris sui, sine mora se dederunt. Denique initia hæc talia fuere, ut de successu ulteriore, cum tempore optima ex his spes conciperetur. Sed Academia informis adhuc sine Legibus erat, propterea quod sine Comitibus Ordinum totius Provinciæ, quæ sine magnis causis non coeunt, illæ quamquam ab VIII-viris jam conceptæ, tamen sanciri ac ferri non possent. Comitibus verò tandem, poscentibus Provinciæ rebus, vergente mense Februario, anni MDCXV convocatis, aliisque quæ agenda erant, aut agitatæ aut expeditæ, non pauca etiam ad Academiam pertinentia, pridie Kalend. Martij fuere decreta. Acta scilicet VIII-virum confirmata: ex VIII-viris quatuor delecti, bini & bini ex urbe agroque, qui, finito jam, VIII-virum munere, velut *E'φοροι* Academiae essent, quibus Curatorum nomen datum: designati in hanc rem ex oppidanis Dn. Fridericus Coenders Consul, Goswinus Schaffer Senator, ex agrarijs, Dn. Joannes Rengers Postanus, Scato Gockinga D. Syndicus, quorum munus duraret per annum, iisdemque muneris leges præscriptæ. Statutum quoque de mensâ publicâ instituendâ bono

bono Studioforum, quam Bursam vocant, in qua XL Juvenes (qui numerus post in favorem exulum Germaniæ ad LX auctus) studiis hic incumbentes alerentur honestè ac mundè, cibo potuque abundè sufficiente, precij plus mediâ parte, ad sublevandos Studioforum, eâ Dn. munificentia uti frui volentium, sumptus Republicâ præstante. Et huic quoque instituto sanè laudatissimo, quod Liberalitati singulari Ordinum & Beneficentiæ in bonas literas acceptum ferendum, Ordo Legesque datæ & Oeconomus constitutus, domusque perampla in hunc usum conductâ. Ad hæc Peculium annuum ex Censibus monasticis decretum Academiæ, unde tum Rectori Magnifico pro molestiis & laboribus muneris ipsius, ut & Secretario Bibliothecarioque salarium, tum Bibliothecæ Academicæ (cui ut & Anatomico theatro, in parte fani Franciscani, quod Academicæ sedi cohæret, locus designatus, & de utroque loco adornando rebus idoneis mandatum Curatoribus datum) augendæ, aliisque necessariis expensis, sumptus suppeterent. Constitutus & Pedellus Academiæ Rectoris Professorumque minister, illique assignatum stipendium. Typographo quoque Academicæ ordinario non annuum tantum honorarium, sed in singulas præterea Disputationes pro Thesibus excudendis, ad minuendas studiosis expensas præmium ex publico statutum; hæc additâ lege, ut ipse vicissim omnium librorum & thesaurorum, quos excudet, exemplaria bina Bibliothecæ Academicæ inferat: de Sceptro quoque Academico adornando & in solennibus actionibus Rectori Magnifico à Pedello præferendo, unaque de Sigillo, signandis actis, testimoniis, literis, decretum. Imprimis verò Academiæ Leges, jam ante ab VIII-Viris conceptæ, ac in Ordinum confessu recitatæ, sanctione solenni probatæ. Comitibus finitis Curatores Quatuorviri, Professores omnes, die VI Martij, ad horam VIII matutinam, in Curiâ Academicâ sibi adesse jusserunt. Illic expositâ breviter à Consule Frederico Coenders conventus causâ & paucis aliis in colloquio reciproco præmissis, à Syndico Scatone Gockinga Doctore, Leges in Comitibus sancitæ clarâ voce ex scripto recitatæ sunt, quarum aliæ ad ipsos Professores pertinebant, aliæ ad Studiosos ipsorum Discipulos aut Auditores, aliæ ad utrosque, & cum ad calcem perductâ recitatione modestè quererentur Professores, inconsultis se Leges eas esse conceptas, ac ostenderent pari modestiâ, esse nonnulla quæ in iis requirerent, eorumq; aut interpretationem commodam, aut emendationem rogarent, atq; exempli causâ, unum atq; alterum statim protulissent in medium, Curatores, cum non sine ratione ea dici intelligerent, quanquâ testarentur, sibi in iis quæ publicâ auctoritate & potestate Ordinum sancita essent, mutare nihil licere, tamen examinandi diligentius omnia, & quæ correctione opus habere putarent in chartam conferendi, tempus in crastinum tribuerunt. Simul verò ex voluntate Ordinum

verba faciente Consule, D. Johannem Epinum Huningam hæc-
 nus extraordinarium juris professorem, aucto honore, ordinarium de-
 clararunt. Craftino, horâ eâdem, eodem loco, cum omnes rursus
 adessent præter Consulem, de omnibus quæ notata à Professori-
 bus erant, colloquio placido instituto, & rationibus hinc inde benè
 expensis, cum animadverterent denuo Curatores, ab æquo & vero non
 abhorre pleraque, de mutatione testati idem quod pridie, hoc quod
 possent promittere, se de cunctis ad Ordines proximis Comitij
 mox à Paschatos esse relaturos, & benevolentiam suam æquo & bono
 non defuturos: quibusdam etiam inolecentibus vitijs remedia, per
 edictum, maturè adhibitueros: denique de omnibus benè sperare
 Professores jussunt. A Rectore verò postularunt, ut edicto pu-
 blicè proposito, Studiosos omnes in diem perendinum ad horam ix, in
 auditorio Theologico, audiendis Academiæ legibus, ab ipsis Ordi-
 num nomine promulgandis, adesse juberet. Quo postridie à Re-
 ctore facto, convenire Studiosi frequentes ad tempus dictum,
 quod fuit die ix Martij, feria V. adfuereque simul cum Professori-
 bus Quatuorviri Curatores, & pariter magnus honestissimorum
 & ornatissimorum hominum numerus, vix ut omnibus capiendis
 auditorium sufficeret. Cumque confedissent omnes, qui sedere
 poterant, è Curatorum collegio, Goswinus Schaffer Senator, ca-
 thedrâ occupatâ, silentioque facto, affatus universos de Legum
 dignitate, utilitate, necessitate in societate humanâ quædam dis-
 seruit in genere: tum ad rem præsentem accedens, expositis, quæ
 in mandatis habebat, de Ordinum optimâ voluntate ac beneficentia
 in rem literariam, atque imprimis in studia sinceræ Pietatis,
 ipsas Leges clarâ & distinctâ voce, è chartâ coepit recitare, nec
 ante desuit, quàm ad calcem pervenisset. Recitatione absolutâ
 observationem & obsequium earundem Legum brevissimè commen-
 davit iis ad quos pertinebant. Cum his actio hæc finita, cœ-
 tusque solutus. Die proximo feriâ vi Professores in Curia sua con-
 gregati per suffragia secreta, duos è medio sui designarunt, qui
 Reçtori assiderent in judicio & rebus aliis agendis, usque in proxi-
 mum Academiæ natalem diem scil. xxiii Augusti anni hujus flu-
 entis, D. Hermannum Ravenspergerum & D. Cornelium Pynac-
 kerum: similiter Secretarium Academiæ crearunt ad idem tempus
 eo munere functurum, D. Johannem Huningam. Et rursus postri-
 die feriâ vii ex decreto Senatus Academici, à Rectore per publicum
 πρόγραμμα moniti ac jussi sunt Studiosi omnes, qui accenferi Aca-
 demiæ huic cuperent, ut die xiii & xiv Martij, tempore pome-
 ridiano ab hora ii in iv alij post alios in Curia Academiæ se siste-
 rent Reçtori, & nomina sua apud eum profiterentur. Eique pro-
 grammati mos gestus, atque ita die primo huic rei constituto Stu-
 diosi xxvii, porroque sequentibus diebus subinde alij alique plu-
 res, nomina sua Academiæ novæ dedere.

Tempus

Tempus natale hujus Academiæ in varijs Epochis notatum.

Academia solenni ritu introducta est, quod tempus ejus natale censemus, Anno æræ Christianæ vulgaris, millesimo sexcentesimo decimo quarto, die x. Kal. Septemb. prid. Bartholomæi, feriâ tertiâ.

Anno Periodi Julianæ sexies millesimo trecentesimo vigesimo septimo, cyclo solis xxvii, Lunæ xix, indictione xii.

Anno Epochæ Constantinopolitanæ septies millesimo centesimo vigesimo secundo.

Anno Judaico quinquies millesimo trecentesimo septuagesimo quarto, mensis Elul die xxviii.

Anno secundo Olympiadis quingentesimæ nonagesimæ octavæ.

Anno Nabonassari bis millesimo trecentesimo sexagesimo tertio, mensis Paophi die ix.

Anno à morte Alexandri Magni millesimo nongentesimo trigésimo nono, mensis ejusdem Paophi die ix.

Anno Armeniorum millesimo sexagesimo tertio, mensis Nawasari die xi.

Anno HEGIRÆ Mahumedicæ millesimo vicesimo tertio, mensis Regiatu die xxix.

Anno Persarum nongentesimo octuagesimo tertio, mensis Behemen die xiv.

Sole versante in signo Virginis, Luna in Leone, Saturno in Ariete, Jove in Libra cum Mercurio, Marte in Geminis, Venere in Cancro.

Eo tempore Professores ordinarij designati introducebantur sex, bini & bini euntes hoc ordine.

Ubbo Emmius Historiarum & Græcæ Linguae Professor.

Hermannus Ravenspergerus S. Theologiæ Doctor & Professor.

Cornelius Pynacker J. U. Doctor & Professor.

Nicolaus Mulerus Medicinæ Doctor, ejusdemque Facultatis & Mathematicæ Professor.

Joannes Huninga J. U. Doctor, Philosophiæ Ethicæ Professor ordinarius, & Institutionum Juris Professor extraordinarius.

Guilhelmus Macdowellus Scotus Philosophiæ Logicæ, Physicæ, Metaphysicæ Professor ordinarius.

Horum igitur, cæterorumque qui in locum demortuorum successerunt, historiam vitæ hic exhibebimus, præmissis tamen, ut polliciti sumus III-viris literariæ gloriæ Groningensium. Ex ijs primus repræsentatur, utpote antiquior, WESSELUS GRONINGENSIS.

WESSELUS GRONINGENSIS;

EO enim & suo & Patriæ nomine frequentissimè doctis ore scriptoque usurpatur, diversis aliàs & nominibus insignitus, & elogijs celebratus. In Chronici Urspergenfis Paralipomenis *Magister Joannes Wesselus Groningensis* nominatur. In libro memoriali templi Groningani quo sepultus *Wesselus Hermanni*, Pelantino (qui ad annos plures fuit Archiater Davidis Burgundi Episcopi Ultrajectini) *Wesselus Gosvoert*, Alberto Hardenbergio *Goesvoert*, Geldenhaurio *Gansfortius* vocatur. Rodolphus Agricola in epistolis ad Reuchlinum, alijque, *Basilium* vel *Basilium Phrisium* cum indignant. Quarum appellationum diversitas, Friscorum nominum non ignaro, facile agnoscetur, quo fonte promanarit. Nempe Joannis nomen ei proprium ex sacro Baptismate videtur, Hermanni à patris, Wesseli ab avi nominibus adscitum, quod postremum in Græcia, (ut vulgo creditur) aut potius supra seculum Græcorum linguâ imbutus, ad ejus sonum vel ipse inflexit, vel detortum ab alijs admisit, ut *Basilus* diceretur. Hardenbergius pro Wesselo *Basilium* dictum ait, quod elegantiorum hominum auribus Wesseli nomen nimis durum & veluti barbarum videretur: vel quod alterum quodammodo *Basilium* magnum judicarent, vel quod Bessarion Cardinalis Græcus, quo ibi amicissimo usus, suum B per nostrum B quam V exprimere maluerit, atque pro Wesselo *Basselum* ac mox *Basilium* coeperit vocare. Quamvis vix videatur verisimile aut in Græcia unquam fuisse Wesselum, aut in ea familiariter usum fuisse Bessarione: cum enim hic teste Jovio jam anno 1434. in Italia vixerit, atque anno 1439. ab Eugenio Papa creatus sit Cardinalis, debuerit Wesselus ante annum xv. ætatis in Græciam ad Bessarionem abiisse: quod à vero abhorret. *Gosvoerti* autem seu *Goesforti* aut *Gansforti* cognomen, dialecto illud Westphalicâ, hoc Germanicâ anserum vadum sonans (Westphalis enim Goos vel Goes est, quæ Germanis olim teste Plinio 10. 22. hodieque Gansa) suspicari liceat inde ei obvenisse, quod majores tortè ex vicina Westphalia (ut multæ aliæ honestæ hujus Urbis familie) huc commigrassent, quum illud nomen villæ non procul Harena, hodieque maneat. Cæteræ appellationes Patriam testentur. Non minus autem, quam nomine vel cognomine proprio, inter doctos inclaruit reportatis ex eruditione ingenioque elogijs, quibus ab amicis quidem *LUX MUNDI*, quod tenebras seculi barbari eruditionis lumine discuteret, à malevolis aut invidis *MAGISTER CONTRADICTIONUM*, quod erroribus superstitionibusque Papalibus, quæ doctrinam ceremoniasque Ecclesiæ inundarent, masculè contradiceret, eaque rationibus contra famosissimos doctores oppugnaret, indigitabatur. Natus fuit Groningæ in platea regia, è regione viæ Carolinæ, circa annum Domini 1400. ut Hardenbergius, vel



Quis nunc WESSELI frontem: quis lumina sculpat?
 Talia sed tanti finge fuisse viri.
 Mors habet atra fuit quicquid mortale credum;
 Sola sed æternum mens pia vivit ovans.
 Mentem sancta Viri vivam monumenta figurant:
 Mentem, non mentum, respice si quis amas.

GERH. GANSEVOORT.



gius, vel potius accuratiore temporis supputatione, circa annum 1419. siquidem anno 1489. septuagenarius obiit, ut post videbimus. Patrem habuit honestum civem, artopæum: mater aliqua cognatione attingebat familiam Clantorum, quo factum est ut mortuis parentibus, eo admodum puero, cum duabus sororibus, relicto, mox in tutelam acceptaretur ab honestissima matrona Oda Clantes, cui unicus erat filius, cui Wesselum adjunxit, ut unâ rudimentis Grammaticis imbuerentur, ac unâ eâdemque opera pietatem imbiberent. Wesselus, quanquam oculis esset nonnihil luscitiosis & altero pedis talo non nihil distorto, ingenio tamen acerrimo erat, cui indefatigabile studium, supra omnes coætaneos suos adjunxit: ita ut bonis & studiosis pueris honori, improbis oneri esset. Itaque factum est ut Oda vel Odilia Clantes illum Swollas cum filio suo amandaret: nam Schola illic videbatur tunc aliquanto cultior quàm Groningæ; maximè in ædibus Fratrum. Statuerat quidem Wesselus in proximo Cœnobio, quod montem S. Agnetis vocabant, vitam monasticam amplecti: sed quia videbatur sibi quædam nimium superstitiosa inibi animadvertere, cunctabundus omnia egit, Deo haut dubiè aliò illum dirigente. Sic cucullum Monasticum sive Franciscanorum sive alius ordinis nunquam induit, etsi scholasticum non averfabatur, ut tunc moris erat omnibus, qui in ædibus fratrum habitabant: neque quisquam recipiebatur, qui non tonderet verticem, & cucillum cum toga ferret. Quænam horum Fratrum fuerint incunabula haud abs re fuerit hic obiter exponere. Sic vero se res habet. Quum Gerardus de Groot, vulgo Magnus dictus, Canonicus Ultrajectinus & Aquisgranensis, vir supra seculum doctus, jacentes literas, in Belgio maximè excitare laboraret, instituit Collegia Fratrum, sive Clericorum S. Hieronymi in communi viventium, in quæ quicumque recipiebantur, bonis literis tum imbuebantur, tum habitum Clericalem, ut vocant, tamdiu quam ibi morabantur, gestare debebant, immunes ab eo onere, simulac Collegio excessissent. Accidit hoc circa annum 1384. A quo tempore sequentia Collegia, hodie partim salva, partim vestigia adhuc exhibentia, in Belgio excitata fuerunt. *Swollenſe*, *Ultrajectenſe*, *Groningenſe*, & *Goudanum*, apud Batavos, *Trajectinòs*, & *Frisiòs*: *Bruxellenſe*, *Silvæducenſe*, & *Machlinienſe*, apud Brabantos: *Gandenſe*, *Gerardimontenſe*, & *Winoxbergenſe*, apud Flandros: *Noviomagenſe* in Geldria: *Embricenſe* & *Vesaliènſe* in Clivia. Cum autem diutius ibi Wesselus hereret, cepit publicè adolescentiam instituere & sese exercere eâdem operâ. Eumque tum audisse potuit Hermannus Torrentius Swollenſis, cui postea Groningæ summa cum Wesselo familiaritas fuit, cui etiam Senex Wesselus hortator fuit, ut Carmina Alexandri emendaret & Commentariis illustraret: quod fecit. Interim multos hac ratione commovit, & in se concitavit, adeo ut coactus fuerit Apologiam pro se scribere. Relictâ Swollâ

rectâ progressus est Coloniam, ut studia sua absolveret, receptusque est in Collegium quod Bursam Laurentij vocant, eo quod à Magistro nostro, Doctore Theologo, Laurentio Groningensi fundatum sit. In illo vero Collegio Wesselus gnaviter studuit, & tacitus omnia considerans & perpendens brevi tempore totum hoc genus doctrinæ, quod ibi tradebatur percepit, & addidit indefessa sua studia, non contentus triviali illa traditione, sed quæsit fontes, quantum omnino potuit pro tempore illo. Tandem cœpit liberius agere, multa quærere, multa investigare, opponere plurima ex Aristotele, Platone, Themistio & aliis, ita ut omnibus admirationi esset, multis etiam suspectus. Semper ad Theologiam propendebat. Itaque posteaquam in Artibus Magisterij gradum consecutus esset, mox ad Theologiam Scholasticam se transtulit, quam facillè adsecutus est, ut ibi quidem tradebatur: nam solebat conqueri, nihil se illic audivisse præter Thomam Aquinatem & Albertum Magnum, quos si quis mediocriter discat, facillè inquit fit Magister noster Colonienfis. Geldenhaurius refert magno & assiduo & vix credibili labore hoc eum adsecutum esse, ut non solum Theologicæ Majestatis lauream mereretur, sed etiam Iureconsultis & Medicis Doctoribus annumeraretur: adeoque summis in omnibus Facultatibus titulis fuit ornatus, ut vulgò quidem perhibetur. Mihi tamen vix verisimile videtur. Si enim jam tum triplici laurea insignitus fuisset Wesselus, quæ ratio fuerit, quod postea admissus non fuerit ab Heidelbergensibus, nullam aliam ob causam, quam quod titulo Doctoris destitueretur. Pro exaggeranda ergo Wesseli viri incomparabilis eruditione hanc de tribus titulis fabulam, & plura alia, jactatam jam olim fuisse credo. Ut sit tamen, Wesselus ipse his non contentus, omnem vetustatem diligentissimè scrutabatur, omnes quoque artes liberales & quidquid est alioquin artium liberali ingenio dignum, excolebat. Dedit se in societatem illorum monachorum, apud quos veteres Bibliothecas videbat, & aliquos fratres studiosos: saltem ut liber esset aditus ad libros bonos, tum Theologicos, tum aliarum Disciplinarum. Itaque factum est ut vehementem in modum omnes Professores, maximè Theologos, exerceret & vexaret, semper aliquid novi in Scholam adferens, quod barbaris in Artibus & Theologia inauditum esset. Cumque Platonica doctrinæ ut Divinioris & Christianismo proximioris, summus admirator esset, acerbius interdum in Aristotelem inductus est, quàm teneræ Scholasticorum Doctorum aures ferre possent. In disputationibus Theologicis magnos titulos Doctorum contemnebat, solis Divinis literis firmiter adhærens. Quare si quis fortè inter disputandum, ut fieri solet, ei objiceret, hoc dicit Doctor Sanctus, hoc Seraphicus etc. ipse respondere solebat, Thomas fuit Doctor, quid tum postea? Et ego Doctor sum. Thomas vix latinè intellexit, & unilinguis fuit. Ego trium principa-
lium lin-

lium linguarum mediocrem peritiam affecutus sum. Thomas vix umbram Aristotelicam vidit: Ego Aristotelem Græcum in ipsa Græcia didici. Ferebantur ea tunc, sed multi interim ringebantur & minabantur. Ast Deus Ecclesię suę, cui voluit aliquam lucem restituere, illum conservabat. In Bibliothecis Benedictinorum (namque antiquiores illi habebant) reperit multa & exscripsit indefatigabili studio. Rhenum sæpè trajiciebat in Cœnobium Tuitiense, ibique legebat Ruperti Abbatis opera, quę valdè exosculabatur. Dictitans subinde dolere se, quod ille vir, in quo Spiritus Christi fuerit, propter infelix seculum & superstitiosam professionem tam multa necessaria ignoraverit. Excerpserat multa ex libris illius quibus alia etiam tum addidit ex aliorum libris, postea & sua non pauca addiderat: postremò omnes suas cogitationes eruditas & sacras in illas rhapsodias congefferat, quę Commentarij iusti facti sunt demum, quos solebat ipse vocare *Mare magnum*. Ex qua, vir pius & nobilis D. Gerhardus à Cloester Cœnobiarches in monte Agnetis, qui fuerat ex intimis discipulis & amicis Wesseli, suā ætate multa in suo Cœnobio Agnetano fuisse testatus erat Hardenbergio, sed ea missa ad doctos quosdam in Brabantiam aut Zelandiam, & sic periisse. Quoniam vero Wesselus falsus fuit, se plurimum debuisse scriptis Ruperti Abbatis Tuitiensis, notetur hunc Rupertum fuisse Monachum Benedictinum, ac primo vixisse in cœnobio Benedictinorum Oosbroeckano propè Ultrajectum, ac postea translatum Tuitium (municipium est situm è regione Colonix Agrippinæ, ac vulgo *Duytz* dicitur) creatum non solum fuisse Abbatem, sed multa quoque exarasse volumina, in quibus plurima melioris sensus contineri observatum est à Flacio in Catalogo Testium Veritatis à pag. 469. ad pag. 474. Certè ipse Bellarminus lib. 3. de Sacr. Euchar. cap. 11. eum illis accenset, qui Transsubstantiationi infesti fuerunt. Redeundo ad Wesselum, is jam dictis exercitiis Colonix adungebat omnium scibilibum rerum indagationem. Veniebant enim tunc paulatim ex Byzantio omnes Græcè periti, maximè Monachi Prædicatores, à quibus aliquam cognitionem ejus linguę discebat, quod tunc nostris hominibus inauditum ferè erat. Dicebat tamen, se nihil eximij ex illis potuisse percipere, sed tantum, inquit, ejus linguę didici, quod scioli quidam non potuerant me decipere in his quę ad Græca Biblia attinebant. Postea in Græciam abiisse creditur, at si quis cogitet eo tempore non solum literas in Græcia jacuisse, sed totam quoque regionem bello arsisse, & hoc confictum fuisse cognoscet. Ita de Petro de Aliaco quoque relatum est, quod Græcè exactè sciret, per decennium in Græcia vixisse, quamvis certum sit nunquam Italiā excessisse. Increbuerat jam Wesseli fama, & varia de ipso judicia erant, & laborabat invidiā apud quosdam. Interea discebat etiam rudimenta Hebræę Linguę à Monachis

chis qui vixerant in transmarinis regionibus; ut solet hoc genus Mendicantium totum perrepere orbem, quod tamen Wesselo profuit. Nam & Chaldaeam & Arabicam didicit ab ipsis quantum licuit, & quantum ipsimet harum intelligebant: quæ omnia postea & Romæ, & Rhagusi, & aliis celeberrimis locis expolivit. Sic quidem vulgò refertur, quamvis ego crediderim potius, Wesselum ab ipsis Judeis, patrii idiomatis cultoribus diligentibus, Ebream linguam didicisse: Monachos ipsos enim linguæ huic quam infestos jam olim fuisse Reuchlini fatum ostendit. Accidit interea ut Palatinus Philippus quæreret in suam Academiam Heidelbergam celebres Professores, quales Schola illa ut plurimum habuit; tunc etiam sollicitatus est Wesselus, ut illic profiteretur Theologiam. Sed hoc illi à Proceribus Scholæ non est permissum, eò quod titulum Theologi non haberet: quem cum ille peteret, responsum illi est, non esse licitum per Canones, ut aliquis in Theologia promoveatur, nisi prius initiatus sit sacris Pontificiis. Eam initiationem ipse renuit. Rogatus, quare non saltem primam tonsuram adsumeret? dixit, se non metuere patibulum, quanto quidem tempore mentis maneret compos. Profectus tamen Heidelbergam in Artibus & Philosophia cepit aliquid profiteri: non tamen pactus est de certo stipendio, sed voluit facere experimentum & Scholæ, & sui ipsius. Sub hoc tempus cepit Parisius oriri contentio inter Theologos Reales, Nominales, & Formales. Et videbantur Nominales & Formales plus aliquantum judicij & eruditionis adferre in publicum; atque Reales, quos plerosque audiverat. Sectæ hæc Scolastica potissimum Dialecticos distinguebant. Realium Ductore existente Johanne Duns Scoto, Nominalium Gulielmo Occamo, Formalium vero authore incerto, hi siquidem ex Realibus oriundi, visi fuerunt in quibusdam ad Nominales accedere. Compositis itaque rebus suis reversus est Coloniam, ubi acceptis literis testimonialibus de tempore & profectu studiorum suorum profectus est Lovanium, ubi aliquamdiu audivit Theologos; & testabatur se ibi paulò plus eruditionis offendisse quàm Coloniæ; & contulit sæpè cum Professoribus; & de qualibet materia discriminatim pertinaciter disputabat. Tandem Lutetiam pervenit, & audivit ibi singulos Professores. Sed admirabatur cum alios doctissimos viros, tum maximè Doctorem Henricum Zommerum, & Nicolaum Trajectensem, qui præcipui tunc regnabant in secta Formalium. Et quidem Henricus à Zomeren natione Brabantus, itemque Decanus Antverpiensis, admodum familiaris erat Cardinali Bessarioni. Cum his intrepidè contendebat Wesselus, ut eos ad Reales, si posset, traduceret. Fatebatur enim, se tunc pleraque pro carnali jactantia tentasse: tam acris sedebat animo vincendi cupiditas, etiamsi semper Veritatis fuerit imprimis studiosus, tamen scintillæ illæ divini Spiritus, veluti multis cineribus obrutæ, nondum

nondum satis emicabant. Adjunxit ergo se Formalibus illis Professoribus, donec tandem intelligeret, non minus in illa Secta opinionum & errorum esse, quàm inter Reales reliquerat. Itaq; utroque pede concessit in sententiam Nominalium, quos reperit aliquantò puriores, aut saltem subtiliores. Ut ut erat, cum viam tutiorem non inveniret, & quo magis ad simplicitatem Scripturæ & veterum Patrum accederet, permansit in illa Nominalium Secta, & consummatissimè absolvit quidquid Scholæ in Sacris habebant eximii. Erant hæc sub id tempus, quo Concilium Basileense celebrabatur. Ipse autem jam pervenerat propter celeberrimam famam & incredibilem eruditionem in omni genere disciplinarum & artium in familiam Nicolai V. Pontificis Maximi, operâ Francisci à Ruvere, Generalis ministri Fratrum Minorum, qui postea Papa creatus Sixtus IV. vocatus est, primusque fundamenta jecit celebratissimæ illius Bibliothecæ, quæ à loco vulgo Vaticana vocatur. Nam is cum esset eruditus & eruditorum fautor, ad se attraxit Wesselum, tum ut in disputationibus, quarum avidissimus erat, & quotidiano exercitio ejus opera uteretur; tum verò ut sui ordinis monachum eum postea faceret: à quo tamen Wesselus abhorrebat. Sed usus præsentis fortunæ in familiam se ipsius dedit, in qua multa digna & indigna, quædam etiam pia, sed pleraque impia vidit & expertus est. Obduru it tamen, ut per illum in notitiam omnium doctorum Virorum magis magisque perveniret, & liberius sine periculo disputare posset, simulq; nancisci liberam occasionem admonendi hominis de vitandis idololatricis superstitionibus & apertis obscœnitatibus monasticis: maximè verò, ut via aperiretur, quâ pervenire posset in Synodum Basiliensem, in quam sciebat Franciscum, utpote totius Ordinis Supremum, vocatum iri, quod & contigit. Nam paulò post eò profectus est, & operâ Domini sui in Doctissimi cujusq; notitiam pervenit, & ad multa consilia adhibitus est, & publicè aliquoties auditus disputare cum summa omnium admiratione, cum ut quisque doctissimus erat, ita maximè faceret Wesselum Phrisium. Narrasse Capnionem Melanchthon in Oratione de vita Rodolphi Agricolæ refert, eum tempore eodem Theologiam, Græcas & Hebræicas literas tradidisse studiosis, si qui illum adire cupierant. Cum Domino suo Francisco, Generali ministro, reversus est Lutetiam, ubi multa expertus est, multa etiam passus, ita ut quidam scribant, illum Scholâ aut Urbe pulsum esse propter reprehensas superstitiones: quod tamen Hardenbergius à nemine unquam sibi auditum eorum ait, qui cum illo domesticè versati sunt. Et certum est, illum plus minùs sedecim annos Parisiis versatum esse, & cum Domino suo, jam in Papam electo, unâ Romam profectum. Unde non videtur verisimile, Papam & eundem Monachum & quidem Minoritanum monachum, passurum eum fuisse, si à Schola Theologica Parisiensi proscriptus fuisset antea. Fieri potuit, quod postea illuc reversus pulsus sit: de qua re postea di-

cam. Quod verò tum temporis adhuc maximi illum fecerit Franciscus jam Papa, & Sixtus IV. vocatus, inde liquet, quod ipsemet consuevit narrare, Papam, ubi jam Romæ inauguratus fuisset, amicè adloquutum ipsum ac dixisse; Fili, jam à nobis pete quod vis, nihil tibi negabimus quod & nostram æstimationem & tuam conditionem decebit. Ad quod liberè Wesselus respondit, Sanctissime Pater, Patrone clementissime ac meritissime, non est quod ego Sanctitatem tuam multum gravem. Res magnas nunquam quæsi, ut scitis, sed quoniam vos nunc summi in terris Pontificis & Pastoris personam sustinetis, rogo, ut secundum nomen sit etiam laus vestra, & ita administretis istam tantam vestram functionem, ut cum venerit Magnus ille Pastor ovium, cujus hic summus estis minister, dicat, Euge, serve bone & fidelis, intra in gaudium Domini tui. Et vos intrepidè possitis dicere, Domine quinque talenta tradidisti mihi, ecce alia quinque superlucratus sum. Respondit Sixtus, Hæc nobis curæ erunt, tu pro te aliquid pete. Rogo ergo, inquit Wesselus, ut mihi detis ex Bibliotheca Vaticana Græca & Hebræa Biblia. Ea, inquit Sixtus, tibi dabuntur: Sed tu stulte, quare non petis Episcopatum aliquem, aut simile quidpiam? Respondit Wesselus, quia iis non indigeo. Hæc ipsa Ebræa Biblia diu hæserunt Groningæ, apud virgines Spirituales, eorumque adhuc hodie quedam fragmina supersunt. Postea Wesselus Romæ relicta rediit in Phrisiam. Huc ad eum jam senem salutandum cum M. Joannes Oestendorpius Canonicus templi D. Lebwinii Daventriensis, vir multo studio multaque experienciâ doctissimus adolescens admodum venisset, deque studiorum ordine consuleret, inter cætera ab eo audivit, quasi jam quod futurum erat previdente, *Studiose adolescens, ad eum vives diem, quo doctrina Thomæ & Bonaventuræ & aliorum ejusdem farinae recentiorum & contentiosorum Theologorum ab omnibus verè Christianis Theologis explodetur*: hortabatur igitur eum ut veteres Scriptores, tam sacros, quam profanos, neotéricis Scholasticis, Theologis præsertim præferret: *futurum enim brevi, ut Doctores illi irrefragabiles, cucullati, atrati & albat, in ordinem se dignum redigerentur*. Hæc Geldenhaurius ab Oestendorpio præceptore suo jam canescente in templo D. Lebwinii se audisse testatur anno 1528. x. Kal. Martias. Narrat Hardenbergius testibus laudatis fide dignis Henr. Rodio, Goswino Halensi, Philippo Melanchthone & Thoma Blaurero, Consule Constantiense, originem Controversiæ Sacramentariæ de Cœna Domini inter Lutherum & Carolostadium exstitisse occasione libri à Dn. Cornelio Hovio Senatore Cæs. Caroli Hagæ Comitibus reperti inter chartas D. Jacobi Hoeckij Decani Naldwicensis avunculi M. Martini Dorpii Theologi Lovaniensis, quem nonnulli Wesseli nostri, alii vetustiore jam aducentis annis per manus piorum circumlatum & postèris traditū affirmabant. Eum enim librum quod videretur damnare crassam illam

illam Capernaiticam corporis Christi manducationem, & statuere spirituales, veram quidem illam & essentialem, sed fidei tantummodò perceptibilem & convenientem, pii illi viri nacti, ut summum thesaurum amplexi, utpote quo se Papæ artolatricam semel totam extinguere posse intelligerent, per Henricum Rodium Patrem domus fratrum Ultrajecti Witebergam ad Lutherum unà cum aliis Wesseli libris misere, rogantes etiam aliorum nomine ut illum reciperet & approbaret. Quod cum Lutherus hortante Caroloostadio recusasset, ille amplexus est, & receptam tunc opinionem scriptis cepit oppugnare, unde res postea in nervum erupit. Erasmus de Pseudo-evangelicis ad fratres Germaniæ inferioris & Orientalis Frisiæ, Wesseli his verbis meminit; D. Wesselus multa habet cum Luthero communia, sed quantò Christianiùs ac modestiùs ille proponit sua dogmata, quàm istorum plerique faciunt? Lutherus ipse in epistola præfixa epistolis Wesseli: *Prodiit Wesselus, quem Basilium dicunt, Phrisus Groningensis, vir admirabilis ingenij, rari & magni spiritus, quem & ipsum apparet esse verè theodidactum; quales prophetavit fore Christianos Esaias. Neque enim eum ex hominibus accepisse judicari potest; sicut nec ego. Hic si mihi antea fuisset lectus, poterat hostibus meis videri Lutherus omnia ex Wesselo hausisse, adeoque spiritus utriusque conspirat in unum. Mihi verò & gaudium & robur augefcit, jamque nihil dubito me recta docuisse, quando tam constanti consensu, peneque eisdem verbis, tam diverso tempore, aliis Cælo & terra, alioque casu, sic ille mihi per omnia consentit. Miror autem, quæ infelicitas obstiterit, quo minus in publico Christianissimus hic autor versetur: nisi in causa fuerit, quod sine bello & sanguine vixerit, quâ unâ re mihi dissimilis est; aut metus Judæorum nostrorum eum oppresserit, qui suis impiis inquisitionibus in hoc nati videntur, ut optimos quosque libros faciant hæreticos, quo suos Aristotelicos & plus quàm hæreticos nobis statuant Christianos, quorum finis Deo vindice jam desinit in confusionem. Legat itaque pius lector, legatque cum judicio, quo maxime hic præstat, quod & egregiè format: & quos in me offendit nimia asperitas, in aliis nimia dictionis elegantia, hic non habent quod querantur. Stylus est trivialis ac pro seculo suo; res ipsa tractatur modestè & fideliter. Et si in stercoribus Ennii legit aurum Virgilius, poterit & ex Wesselo nostro legere, quod opibus eloquentiæ suæ ornet Theologus. Dominus Jesus addat ad hunc multos alios Basilios. Goswinus Halensis pater monachorum in domo Fratrum Groningæ, olim Wesseli famulus, senex pietate & gravitate excellens, (referente ex epistola ejus Ph. Melanchthone) se interfuisse adolescentem narrabat sermonibus Rodolphi Agricolæ & Wesseli, in quibus deplorarint Ecclesiæ tenebras, & reprehenderint profanationem in Missis, & Cælibatum. Item disputaverint de justitiâ*

fidei, quid sit quod Paulus toties inculcat homines fide justos esse, non operibus? Scribebat Goswinus apertè, eos rejecisse opinionem monachorum, quæ fingit, homines operibus esse justos. Item, sensisse eos de humanis traditionibus, eos errare, qui affingunt eis opinionem cultus, & non posse violari judicant. Idem ad Hardenbergium scribens refert perpetuò Wesselum ingeminare solitum *Qui legens divinas literas non sibi ipsi quotidie magis ac magis vilescit, & sibi ipsi displicet ac humiliatur, non frustra solum legit divinas Scripturas, verum etiam cum periculo.* In hac quidem Vrbe & Provincia, ut primam ipse Evangelij lucem in media illorum temporum barbarie extulit, sic divinitus eum excitatum fuisse ad discutiendas errorum & superstitionis tenebras, quæ orbem Christianum latè tunc occupabant, cum alià multa, tum duo imprimis facilè persuadent, Odium falsi cultus, ubique recepti, & indagandæ veritatis amor atque studium. Quippe inde à puero sic animo affectus fuit à Dei spiritu, ut Ceremonias humanitatis institutas & larvam Religionis toto pectore averfaretur, contra non fucata pietatem spiritali cordis obedientiâ æstimaret & exerceret. Hinc, cum adolescentem in Cœnobio Agnetis prope Swollam hortaretur Monachus senex & devotus, ut se Virgini Dei paræ peculiari cultu addiceret, animosè respondit: *Pater, quare non potius me ad Christum adducis, qui omnes oneratos ad se tam benigne invitat.* Horaria quoque rosaria, totumque horarum Canonicarum officium insuper habuit. Orationes non numero, aut strepero vocis murmure, sed religioso animi affectu metiebatur. Iejunia ducebat abstinentiam non à cibis, quos Deus sanctificavit in hominis usum, sed à vitiis, flagitiis ac sceleribus. Professionem Theologicam Heidelbergæ & alibi delatam ideo non accepit, quod Ordinibus sacris more evulgato initiari nollet. Nec alio consilio summos honores in aulâ Pontificis repudiavit. Denique totius vitæ habitu & consuetudine ostendit, se sinceræ, non fictæ aut larvate religionis cultorem esse, qualem aliis non modò voce, sed exemplo quoque commendatum esse cuperet. Jam veritatis indagandæ, & in lucem proferendæ quantum in ipso studium, qui ardor contentionis, quæ laboris constantia fuerit, dici vix potest. Non contentus triviali eruditione sui sæculi jam à prima ætate ad sublimiorem ac solidiorem rerum divinarum ac humanarum scientiam aspiravit. Hic Groningæ, & Swollæ linguam Latinam, Coloniae initia Linguae Græcæ Magistris Monachis, qui ex Græcia venerant, itemque Hebrææ præceptoribus Judæis didicit. Sed Parisiis & Romæ amplius excoluit, & ad perfectionem perduxit. In Philosophia Aristotelem non ex lacunis versionum barbararum, sed ex fontibus Græcis delibavit, & interpretatus est: ita tamen ut passim ei Platonem anteponeret, velut pietatis Christianæ *ωφειλόμενον* ac ducem meliorem. Scholasticæ verò Theologiæ dogmata

gmata (prout ex Thoma Aquinate, & Alberto Magno tradebantur) Colonie brevi tempore & facili labore affecutus, aliam certiore divinioremque sectatus fuit in Scripturis sacris V. & N. T. in monumentis Patrum Orthodoxorum Latinis & Græcis. Quorum ei copiam faciebant Bibliothecæ publicæ, Colonia, Lovanii, Parisiis & Romæ: Ex his excerpfit & in Adversaria sua (quæ Mare magnum vocabat) congeslit, quæ totum genus doctrinæ Theologicæ plenius, planius, certiusque definiebant. De omnibus autem contulit cum Theologis Academicis istius temporis, & qui in aula Nicolai V. & Sixti IV. PP. degebant: liberè taxans novitatem erroris, & ad primævæ veritatis normam universa revocans. Capita doctrinæ in quibus à sensu & consensu communi discedebat, hæc ferè sunt, ex scriptis ipsius & aliorum de iis testimoniis bonâ fide deprompta: Canonem sive regulam fidei & Religionis unicum esse verbum Dei, Scripturis Prophetis & Apostolicis comprehensum: non autem Traditiones Ecclesiæ, Canones Synodorum, aut Scripta Patrum. Autoritatem Verbi ex dignitate Evangelij sive ipsius Verbi, non ab autoritate Ecclesiæ pendere; licet illa ministra & magistra sit ad fidem. Dogmata Ecclesiæ ea tantum recipienda, quæ cum Verbo hoc consentiunt. Christum solum esse Mediatorem nostrum apud Deum; non Angelos Sanctosve defunctos. Christi justitiam imputari & donari nobis per fidem, absque operibus: nec posse quenquam suis operibus aut meritis justificari. Doctrinam de satisfactionibus propriis esse falsam, blasphemam & desperationis magistram. Multiplicem eamque horrendam profanationem S. Eucharistiæ esse, quæ in Missâ quotidie pariat. Indulgentias esse Simoniacas nundinationes: Purgatorium vasrum commentum fisco Curia Romanæ locupletando: Orationes pro defunctis inanes: Conjugium etiam ordini Sacro concessum esse jure divino: nec voto pæpetui Cælibatus teneri, qui donum continentia non habent. Papam & Prælatos esse ipsissimos Antichristos quoties verbo & pietati contraria fanciunt. Nullum esse Primatum Papæ, nec unum aliquem inspectorem totius Catholicæ Ecclesiæ: Papæ nec in hominum conscientias, neque in regna mundi quicquam juris competere. Nihil nocentius esse rebus Ecclesiæ quàm nimias ejus opes: & nihil corruptius moribus ipsorum Ecclesiasticorum.

Mitto alia ejusdem commatis, quæ per omnes sanæ Theologiæ locos deduci possent, si temporis ratio pateretur. Horum quædam Romæ, Parisiis, Colonia, & alibi apud externos, universa domi inter suos professus est & asseruit: non sine gravium mulorum, maximè Prædicatorij Ordinis Fratrum, qui hæreticæ pravitatis inquisitores, contradictione & sæva persecutione: quibus non minus, quam coævus & amicus Joannes Wesaliensis jam anno 1479. succubisset, nisi Episcopi Ultrajectini Davidis de Burgundia (cui non quidem Medicus erat Wesselus, ut multi perperam tradiderunt,

runt, sed dilectus Cuius) autoritas eum protexisset. Hardenbergius de Guilhelmo Sagarō, Consiliario Caroli V. in aulā Brabanticā, viro undiquaque doctissimo refert, quod ad se Adwerdiam venerit, unā cum patre suo viro multā gravique canitie venerabili, tum ut celebre Cœnobium videret, tum multō maximē, ut certi aliquid de D. Wesselo investigaret. Tulisse eum in sinu librum *Wesseli de Causis incarnationis & magnitudine passionis* planē detritum, sanctēque affirmasse, se ex illo didicisse Christum, rogasseque obnixē, ut si quam de Wesselo certam memoriam & cognitionem tenerent, eam illi indicarent: ostensa iis quę haberent partim impressa, partim Mss. Profectum se cum eo Groningam in Collegium Spiritualium Virginum, ubi Joannes Halensis Cœnobiarches ipsis Calvariam Wesseli obtulerit, quam Sagarus amplexus osculabundus veneratus sit & obtulerit decem libras Flandricas, si permittere vellent ut secum ferret. Sed sororculas quasdam superstitiosulas reluctatas, adfirmantes se vidisse quod libri ipsius & chartę manuscriptę ustulatę essent, ut de hēresi suspectę: fortassē hunc esse aliquem Lutheranum, qui ex cranio idolum facturus sit, & abusus ad incantamenta. Ea cum esset ibi sororcularum illarum cantio, piē tamen alioquin de Wesselo testatas, ostendisse in libellis suis precatoriis quasdam à Wesselo sibi relictas, quarum ipse aliquas Sagarō exscripserit. Refert idem Hardenbergius profectum se aliquando in Montē Agnetis (in quo Collegio & Thomas à Kempis, autor libelli de imitatione Christi, Canonicus fuit) ubi aliquam anni partem Wesselus solebat versari. Colebat enim reverenter illud Collegium, nulloque loco libentiùs quàm illic erat, ut admanum esset vocanti se Episcopo, qui in Vollenhovæ arce sæpē morabatur integros menses, ut Wesselo uti frui posset: inde Adwerdiam redibat, ubi plurimos habebat discipulos, quorum minimum 15. se novisse, & ex illis multa præclara de Wesselo audivisse testatur Hardenbergius. Ibi igitur idem Hardenbergius refert, se contulisse cum venerabili & docto eodemque nobili patre Gerhar-do Cloester, qui fuerat studiosissimus auditor Wesseli. Eum ita sibi & pietatem & gravitatem & summam eruditionem ejus exposuisse, ut vix à lachrymis temperaret. In Ægyptum quoque profectus creditur Wesselus noster, persuasus omnes libros Salomonis, & totam illam gloriosam Bibliothecam Judæorum ibi adhuc servari: sed reversus solebat dicere; *frustra profectionem absolvi. Judæi enim totam bibliothecam suam perdere maluerunt, quam legere quod confiteri noluerunt.* Quamvis ego ratione habitā belli, quo eo tempore totus Oriens flagrabat, existimarim Wesselum nunquam profectionem in Ægyptum instituisse, sed intellexisse Ægyptum mysticam, sive Romanam, juxta stylum Sp. Sancti, atque Cantero significare voluisse, se nunquam Romam rediturum esse. Joannes Canterus, quem ipse instituerat, & præter alia artem Raimundi

Lullij

Lullij eum docuerat, aliquando curiosiorem quæstionem ei proposuit: ad quem Wesselus: *Exspecta donec secundo ex Ægypto rediero: tunc respondebo tibi.* deridens curiositatem Canteri. Venit Adwerdiam famatissimus quidam Doctor Parisiensis, nomen non certo tenco, puto tamen Martinum fuisse adpellatum: Cepit in mensa Abbatis Henrici Rees, multa mox interrogare, dum omnes cibum fumerent. Wesselus nihil respondebat: fiebat magna expectatio omnium; putabatur nihil esse illi quod responderet. Facto prandio dixit Wesselus, nunc, si quid placet, oppone. Opposuit ille multa; sed talia à Wesselo accepit responsa, ut Doctor ille de mensa defiliret, & abjecto bireto suo; inque illud genibus procumbens, admirabundus dixit; Aut tu alter es Alanus; aut Angelus de Cælo, aut aliud quod dicere nolo. Benedictus Deus; non sum fraudatus à desiderio meo: non frustra te quæsi: non frustra Magistrum contradictionis & admirati sunt & oderunt Sorbonistæ. Mansit ille ad tempus cum eo; ferè ad exemplum Regine Austriæ, retulit iusta ad quæstiones suas responsa. Hæc Hardenbergius sibi narrasse tradit Andreæ Munterum Philosophum Stoicum Adwerdiæ qui viderit & audiverit. Quum verò Philosophi Stoici mentionem faciat Hardenbergius; observetur ex more ejus seculi Stoicos Philosophos vocatos fuisse, qui sibi philosophabantur, nec publicè profitebantur. Ideò postremum decennium ætatis in hac Urbe & Provincia, in æde Virginum Spiritualium, & Coenobio vicino Adwerdico, præcipuè egit: atque id dedit operam ut doctrinam religionis exemplo Wicleffi & Hussi discipulis rectè institutis propagandam committeret. Quanquam varijs scriptis, partim editis, partim ineditis, tam rotundè & perspicuè eam explicavit, ut inde resplendescens veritas etiam posteris affulgere posset. Commendatus erat Virginibus Spiritualibus à Davide Burgundo, Episcopo Ultrajectino, cujus ad ipsum Wesselum datæ literæ in Conventu eo conservantur, sicut & aliorum quoque Magnatum & Doctorum virorum. Incertum autem est, utrum ne ipse, an verò ejus nomine Episcopus Virginibus expensas mensè solverit, an denique gratis ab illis alitus fuerit. Inter familiares & amicos, quos multos Groningæ habuit, maximi fecit Rodolphum Agricolam, (quem ut ipse literis suis ad Capnionem refert, ad Hebrææ lingue studium acriter incitavit) M. Joannem Oestendorpium, postea Canonicum Daventriæ ad S. Lebwinum, Joannem Gocchium Mechliniensem, (de quo consulenda Gesneri Bibliotheca, & Illyrici Catalogus Testium veritatis) Alexandrum Hegium Gymnasiarcham Daventriensem, & magni Erasmi præceptorem, Jacobum Angularium sive Hoeckium Decanum Naeldvicensem, Thomam Bazinum virum summum & Episcopo Davidi Wesseli patrono singulari à consilijs: præ omnibus vero alijs Ludolfum à Venne, sive Venonem, Decanum Ecclesiæ Cathedralis Ultrajectinæ, quem dictus Episcopus

atus Episcopus anno 1474. Præsidem constituit tribunali Ecclesiastico-Seculari, quod dicebatur *Discus*, sive *de Schyve*, cuius arbitrato & iudicio cum Episcopus laboraret vulgo dictorum Clericorum avaritiam atque ambitionem coercere, magnum sibi concitavit odium, ijs, quibus censura insolens erat, tum in Episcopum, tum in Ludolfum conspirantibus, motusque periculosos excitantibus. Vixit Groningæ diu charus omnibus supremamque ibi ætatem exegit. Geldenhaurius nonagesimum eum annum superasse narrat, integro visu & auditu, ita ut nunquam specillis usus sit, minutissimasque literas & commodè legeret, & pulchrè ipse pingeret. At quod ad visum, Hardenbergius luscitosum eum fuisse, & senio quoque caligare oculos coepisse tradit, ut cum semper die Cœnæ Dominicæ in Coetu Fratrum vesperi pro collatione, ut illi vocant, legeret sermonem Domini in Cœnâ habitum à cap. Joh. 13. usque ad 18. frequenter à textu aberrans à Monachis rideretur. Quod verò ad ætatem, Suffridus Petri & Regnerus Prædinius, quibus ut Frisij & in Urbe hac versatis rectius constare potuit, unde septuaginta annos vixisse affirmant, natum 1419. mortuum 1489. Illapsum in morbum, qui etiam vitæ ipsi finem attulit, cum amicus quidam inviseret, utque valeret interrogaret: Respondit, *se pro sua ætate & morbi molestia utcunque valere, sed unum admodum molestum sibi esse, quod varijs cogitationibus & argumentationibus circumactus de veritate Christianæ religionis subdubitare inciperet.* Obstupefcebat ille, ac hortari ægrum cepit, ut omnes cogitationes suos in Christum Servatorem unicum rejiceret. Sed cum huiusmodi admonitionem ei molestiorem esse sensisset, tristis tum abiit. Atque post unam vel alteram horam reversum ad se cum Wesselus vidisset, alacri animo, & quantum valetudo sinebat exultans dixit, *Gratias ago Deo, omnes illæ vanæ disputationes abierunt: & nihil scio, nisi Jesum & hunc crucifixum.* Et in hac confessione animam DEO reddidit. Decessit ex hac luce anno 1489. in die S. Francisci, qui est 4. Octobr. Sepultus Groningæ, in Monasterio, quod Spiritualium Virginum dicitur, in ipso templi choro, non longè à summo altari. In libro memoriali templi illius hæc leguntur: *Anno Domini 1489. obiit Venerabilis Magister Wesselus Hermannii, egregius Doctor Sacræ Theologiæ, & in Latinâ, & Græcâ, & Hebræâ linguis multum eruditus, & in tota Philosophia quasi universalis.*

Epitaphium ei à D. Paulo Palantino
tale Scriptum.

Pallida Wesseli saxum hoc tegit ossa Magistri,
Philosophos inter qui leo fortis erat.

Ilam

*Illum lingua triplex, Hebræa, Pelasga, Latina,
 Inclyta Doctorum scandere pulpita dedit.
 Agrippina, & Parrisum, duo regna Minervæ,
 Sensere ingenij vimque decusque sui.
 At laus una viro, quia totum scibile scivit,
 Et vitio infectis malleus ipse fuit.
 Arx Phrisiæ cineres, Germania tollit honores.
 Dic, ferat Omnipotens, lector amande, animam.*

EJUSDEM EPICEDIUM.


WESSELUS GOSVOERT, ævi lux splendida nostri,
 Exemplarque unum quod turba togata stupebat,
 Cujus fama ingens totum secura per orbem
 Non mediocris erat, jam vitâ functus & aurâ
 Tendit iter sursum. Si multa scientia rerum,
 Ingeniumque amplum, præcoxque industria posset
 Excussisse virum de mortis faucibus atræ,
 Nestoreos longè superâisset callidus annos.
 Sed cuncti properant, & inevitabile fatum
 Volvitur, & nullo cunctos discrimine versat.
 Frisia tota gemat, vittis quoque barbara tristis
 Indoluisse suo amisso testetur alumno,
 Quo gentes sese ante alias efferre superba
 Non abs re potuit, & sola excellere cunctis.
 Nam jacet exanimis, cui non contendere tota
 Italia audebat; cui cessit laurea victrix
 Altercanti, & semper palma scholastica summo
 Ingenio quæsitâ fuit; per milleque ludos
 Partus honos. Hinc jam tibi, diva Colonia, flendum.
 Nutritius jacet ille tuus, cui insignia quondam
 Ingenuos edocto artes, de more, dedisti.
 Dumque suis meritis primùm adscendisse Cathedram
 Jussus erat, jam tunc rationes ille paratus
 Solvere nodosas, & inextricabile pulcro
 Ore resolvebat, quantum foret argumentum.
 Nec mirum. quoniam toto resonabat in ore
 Summus Aristoteles & divi verba Platonis.
 Dum rudis, & nondum rasâ Gymnasia barbâ
 Occupat, in Swollis puerorum exercitor unus;
 Tunc ibat simplex nimium, tectusque cucullo,
 Et circum corpus pendebat lutea vestis
 Horrens, & totos texit velamine vultus.
 Post ubi mente fuit magnâ, majora secutus
 Liberior passim, pauloque licentior acta est
 Vita illi, nimiumque animo laxabat habenas.

Ignotis errare locis, ignota virorum
 Ingenia ardebat scire: & jam pectore anhelò
 Italiam lustrans, magnum bibit ore Timavum.
 Et nisi fors claudum, pedibusque tulisset iniquis,
 Ægyptum duram superasset, & ostia Nili,
 Herculeos postes, Nabathæaque regna, etiam Arcton.
 Tantus amor sedit rerum cognoscere causas.
 Nulli divinis studijs, sacroque secundus
 Eloquio fuit: in cunctis haud doctior alter.
 Et jam post funus forsàn non nomen haberet
 Augustino inferius, si non tam dirus & acer
 Altercatus erat, & opinio sæpè fuisset
 Articulis suspecta novis, defensaque forti
 Pectore per longas ambages, verbaque longa.
 Illum non potuit sentimine tota movere
 Docta cohors: adeò usque fuit non flexile pectus.
 In dubio est, Rhetor ne fuit, majorve Poeta.
 Musarum plenus: sed nemo potentior illo
 Nostra ætate fuit verbis orare solutis.
 Hei, quoties avidas magnis sermonibus aures
 Continuit! nunquam mihi talia longa putabam
 Tempora: tota dies vix horula parva videri.
 Impiger alternas audire & reddere voces,
 Et miscere jocos, & seria dicere vaser.
 Jam gravitas in fronte videri, & risus in ore.
 Arte illum Medicâ magnus donavit Apollo,
 Spem vitæ ingentem, dulcemque referre salutem.
 Tanta illum tenuit artis fiducia magnæ.
 Hisce etiam rebus novitas non defuit ulla,
 Quâ semper gavisus erat, miracula longè
 Fecit inaudita, & tentavit millia rerum
 Experimenta vigil. Referam de millibus unum.
 Ut fama est, Patrem languor morbusque vetustus
 Corripuit quendam: multi varijque vocantur
 Ad curam Medici, frustra qui pharmaca præbent.
 WESSELUS tandem veniens, ceu Pythius alter,
 Per medium sæcto, Patrem, si credere dignum est,
 Includens tauro, spirantia merisit in exta
 Oretenus, tepido refovens tremebunda cruore
 Membra Patris, vires & robur reddidit illi
 Priscum. non alijs est virtus reddita causis.
 Mox flevit taurum morientem rustica turba,
 Ossaque cum gemitu flava condebat arena.
 Ille novas etiam docuit transferre metalla
 In species, vultusque novos, formasque vicissim

Alternas



*Si tibi maturis tantum licuisset ab annis
Quod medium statuis perficere AGRICOLA.
Auctores alii poterant tacuisse disertii.
Quicquid enim ratio portulat, ipse dabat.*



*Alternas, rerum causas tentare latentes,
De venis duri silicis, de marmore sicco
Sacrum oleum elicere, cui nomen balsamus extat,
Sanandi morbos insit quoscunque potestas.
Jam tumulatur humo naturæ diva potentis
Majestas: magni cecidit Lux unica Mundi.
Vos Monachi & Fratres mæstos prætendite vultus,
Morteque non dignâ præreptum flete patronum.
Supplicibus votis vigiles superate Tonantem,
Ut numero faciat magnorum adstare Deorum.
Basilium nostrum, placidâque quiescere pace.*

S C R I P T A.

QUæ in Scrinijs Wesseli reperta, ejus manuscripta omnia, eo mortuo, operâ Mendicantium monachorum & quorundam aliorum furore exusta sunt, ut Hardenbergius bonâ fide sibi dictum refert ab illis, qui suis ipsi oculis hoc viderant.

Quæ eum casum evaserunt conjunctim edita Groningæ an. 1614. nimirum,

TRactatus de Oratione, cum luculentissimâ Dominicæ Orationis interpretatione.

Tractatus de cohibendis cogitationibus, & de modo constituendarum meditationum, qui *Scala Meditationis* vocatur, cum subjectis exemplaribus, Fratribus in monte D. Agnetis propè Swollam dedicatus.

De causis incarnationis. & De magnitudine Dominicæ passionis, libri duo.

De Sacramento Eucharistiæ, & audiendâ Missâ.

Farrago rerum Theologicarum.

Epistolæ in quibus de Purgatorio & Indulgentiis.

Sequentes desiderantur.

Gesnerus in Bibliothecâ universali meminit Wesseli Tractatus de moribus veterum hæreticorum, qui Lipsiæ impressus sit, quem tamen nuspiam contigit videre.

Opus sanè pulcherrimum de Indulgentiis, Sacramentis, Purgatorio & Auctoritate Ecclesiæ, in quatuor partes divisum.

Notularum liber de Scripturis, de Angelis, de Dæmonibus, ac de Animâ: in quo variorum locorum ac sententiarum Scripturæ Sanctæ exquisitæ explicationes continentur.

Notularum pro Nominalibus adversus Realium Formaliumque defensores, ac ex parte contra *Redolphum Agricolam* Liber. Valdè tamen obscurus, ut vix intelligi possit quid Autor velit.

Præter hos, à quopiam *Wesseli* Studio, mentio injicitur Libri de Futuro Seculo.

RODOLPHUS AGRICOLA.

EX Agricolarum familiâ, apud Frisios inter honoratiores semper habitâ, vir hic incomparabilis oriundus, Wesselo annis viginti quatuor minor, circa annum 1442. in pago cui nomen est Bassloa, (vel *Basslen*, in antiquis Diplommatibus *Bassel*, alijs *Basslo*, quod *Lo* ingrediens varia locorum nomina Belgica ferè indicio esse solet ea loco elatiori posita esse) duobus miliaribus Groningâ distante natus, ibidemque educatus fuit.

In ipsa infantia haud obscura ingenij ac memoriæ specimina edidit, cum libellis & chartis unicè videretur delectari, & nutricularum quoque blandimenta balbutiens lingua felici conatu exprimeret. Puer admodum in ludum literarium missus, non solum coætaneos, verum etiam multos natu majores discendo præcurrit: ita ut Ludimagister, si quis ignaviæ tarditatisque arguendus esset, Rodolphi alacritatem, studium, diligentiam illi ob oculos poneret.

Brevi itaque in Grammaticis tantum profecit, ut Præceptoris judicio aptus haberetur, qui ad Academiam aliquam celebriorem mitteretur. Eo tempore Lovanij, quæ est Brabantiae primaria Civitas, bonæ artes, vocatis ad hoc amplis stipendijs doctissimis quibusque Philosophiæ Professoribus, miro studio docebantur. Præterea adolescentum mores ingenti curâ formabantur, eâ ratione ut propius ad severitatem, quam ad indulgentiam accederetur. Quare factum est, ut tota ferè secunda Germania, una cum bona Galliae Belgicae parte, cum adolescentes Lutetiae Parisiorum, & Coloniae Agrippinae licentiùs lasciviùsque vivere didicissent, inde advocatos Lovanium tanquam ad quoddam bonorum morum solidæque eruditionis Emporium mittendos censeret.

Venit ergo & Agricola Lovanium, nomenque dedit inter eos, qui in pædagogio, ut loquebantur tunc Cacabi, deinde Falconis instituebantur. Hic vix Dialectices elementa degustarat, & mox commilitones, stupentibus Præceptoribus, prævertere coepit. Quæ à magistris audiebat non tantum memoriæ, sed literis etiam commendabat. Puer enim didicerat illud Ciceronis, Stylum esse optimum dicendi Magistrum. Erant tunc Lovanij nonnulli, qui Latinae dictionis puritatem amare coeperant. His se Rodolphus fato quodam familiariùs adjungebat, suffurabaturque nonnihil tempusculi, quo ab Aristotelicis laboribus vacans, Ciceronem Quintilianumque legendo percurreret.

In Scholasticis disputationibus sedato animo, ore verecundo, adversariorum argumenta semel atque iterum repetebat, singulasque partes accuratè introspectiens, summâ arte, si quid refellendum esset, refellebat. Sua verò nervosè, acriter, magnâ certæ victoriæ spe & propo-

& proponebat & defendebat. Præceptores quoque quæstionibus quibusdam contra receptum Aristotelicum docendi ordinem interdum exercere solebat. Meditabatur enim adolescens, ex observatione Ciceronis & Quintiliani, ea quæ hodieque magna eruditorum approbatione leguntur.

Post hæc in examine & censura eruditionis publica inter multos competitores modestiâ ac liberalium artium cognitione antecelluit, primasque Magisterij artium, quod summi honoris est Lovanii, obtinuit. Mox cepit Rodolphi Frisij nomen per totam Academiam finitimasque civitates divulgari. Ac potuisset docendi condiciones adipisci honestissimas, si non divinus egregij adolescentis animus ad altiora anhelasset.

Cum in pædagogio illo inter Belgas, qui Gallicâ linguâ utebantur, & ad Musicen naturâ propensiores erant, habitaret, Gallicam linguam ita didicit, ut Hannoniorum simplicem rusticitatem devitaret; aulicamque ejus linguæ elegantiam feliciter imitaretur.

Musices verò ea fundamenta ijsdem annis jecit quibus absolutam ejus artis peritiam postea superstruxit. Canebat enim voce, flatu, pulsu. Literas pingebat elegantissimè, à quarum pictura ad ipsam pictoriam artem, non sine maxima laude, aditum sibi paravit.

Lovanij vixit honestissimè ab omni computatione ac commestatione, contra gentis suæ morem, alienissimus. Tantus erat in eo literarum bonarum amor, tam indefessum studium, ut turpis venenis fornices & lustra ne noverit quidem.

Cum autem nihil esset antiquius ei, quam ut ad veram politæ doctrinæ gloriam perveniret, relicto Lovanio Gallias adiit, ut vel ibi disceret, quod sibi deesse sentiebat. Hinc in Italiam, ubi, capto Anno 1453. die 29. Maji Byzantio, à Græcis exulibus Philosophiam & Eloquentiam audierat renovari, profectus, Græcè Latineque discendo pariter atque docendo tantum nominis est adeptus, ut Italorum nonnulli inviderent, alij dolerent deslerentque Latij gloriam in Germaniam penitioiem jam mox demigraturam. Ferrariæ uno atque altero anno, nimirum millesimo quadringentesimo septuagesimo sexto & sequente, loci amœnitate, studiosorum ac nobilium quorundam Musicorum frequentia, ipsius quoque Principis, Herculis Estensis, Ferrariensis Ducis liberalitate detentus est.

Ibi Theodorum Gazam, Aristotelis scripta enarrantem, diligenter audivit: magna cum laude ingenij acuminis & dexteritatis disputavit: enarravit utriusque linguæ authores; habuit publicè orationes magna cum auditorum approbatione. Et verò tunc non fuit exigua laus homini Germano, non solum eruditione & genere sermonis, sed etiam venustate actionis satisfacere Italiæ, morosè ac fastidiosè judicanti. Erasmus accepimus, sæpè in Italiâ rogatum fuisse ut specimen suæ eruditionis ac facundiæ prælectione

ne publicâ præberet: sed ut hâc in re amicis morem gereret adduci nunquam potuisse; veritum ne ab Italis pronuntiatio hominis Germani derideretur. Sed Musicæ naturæ ad actionem & pronuntiationem aptiores sunt cæteris. Redijt tandem in patriam: ibique honestissimo officio Rodolphum suum honorare ac detinere prudentissimus Senatus annitus est; verum cui omnia præter literas fordebant persuaderi nullâ ratione poterat, ut à semel adamatâ Sapientiâ vel pilum latum discederet. Versatus est aliquamdiu Noviomagi, Batavorum Civitate; in qua præter summos honores, amplissimum quoque stipendium faciliè consecutus fuisset si Reipublicæ sese addicere unquam voluisset. Groningana tamen Reipublicæ vel Syndicus, vel Consiliarius fuit: cujus nomine Aulam Maximiliani I. dimidio anno secutum se scribit: & causam quidem patriæ feliciter egisse, gratiam autem à civibus speratam minimè retulisse. Pervenit in Aulâ Augustâ in arctissimam familiaritatem Cancellariorum duum Burgundiæ & Brabantia: qui summo perè conati sunt cum inferere familiæ Maximiliani, præmiis amplissimis propositis: sed ipse pro judicio eorum de se honorifico gratias egit, & obligatione priori excusavit. Maluit nempe retinere quietem & in libertate permanere. Fuit ei etiam oblata Antverpiæ conditio, Scholæ ibidem gubernatio, cum stipendio trecentorum Rhenensium annuorum: verum & hanc recusavit, ut rem studijs suis multum impedimenti allaturam. Crebrò loca mutabat; quod tamen non levitatis nec inconstantia, sed judicij erat. Altè enim illud Flacci infixerat animo:

*Dic mihi Musa virum, captæ post tempora Trojæ,
Qui mores hominum multorum vidit & Urbes.*

In itineribus unum saltem famulum comitem habebat. Plinij autem naturalem historiam è sinu nunquam deponebat: Junioris Plinij Epistolas, Quintiliani de Oratoriâ institutione libros, suâ manu descripserat; quibus Platonis quædam & Ciceronis selectiora addiderat. Hanc Bibliothecam semper circumferre secum solebat: Cæteros libros apud amicos relinquere: amicorum libris bona fide uti; gratus omnibus, gravis nemini. Ne perpetuò peregrinaretur, Doctissimus Princeps Joannes Camerarius Dalburgius, Vangionum antistes, quem in Græcis discipulum habuerat, sua liberali humanitate tandem effecit. Cum hoc enim ab anno 1482. partim Haidelbergæ, partim Wormatiæ, ad ultimum vitæ actum vixit conjunctissimè. Scribit quidem Rodolphus ad fratrem Joannem, se prorsus contra animum suum principio ibi fuisse: sed vicit tandem constantia, & id quod mutare citra levitatis notam non poterat, assuetudine jucundum reddidit. Haidelbergæ quidem vixit in ædibus Viri equestri loco nati, Principi suo tum & aulicis omnibus grati, Theodorici Pleningeri, quem Plinium ipse nominat: quo & ante Ferrariæ familiariter erat usus. Placuit ipsi multum Aula Haidelber-

Haidelbergensis cum summa Principis Electoris magnitudine, & ingenij suavitatem, tum amicorum omnium modestia concordiaque vitæ. Cumque ibi, ut fit, incideret mentio veterum Imperiorum, & Rodolphus commemoraret vel Græcas vel Romanas historias: Princeps Philippus Elector Palatinus, & verti sibi multa, non solum ex historiâ, sed etiam ex Poëtis jussit: & petivit sibi contexi integram seriem quatuor Monarchiarum. Contexit igitur eruditissimam Epitomen, ex Biblijs & Herodoto de Assyriorum & Persarum imperio; de Civilibus discordijs Græcarum Civitatum, ex Thucydide & Xenophonte: de Philippo & Alexandro & successoribus, ex Diodoro & Polybio: deinde lectissima quæque excerpserat ex Historijs Romanis: postremò & Germanici Imperij res præcipuas collegit. Ac eo in scripto non solum res summas perspicuè narrat: sed etiam Principem de plerisque monet, unde apparet non solum literis, sed etiam civili prudentiâ eum excelluisse. Wormatiæ autem etiam publicè docuit. Fuitque ei auditorium, ut eo loco, satis frequens: sed ejusmodi ferè auditores, qui propensius cuperent, quàm commodius possent illas literas discere. Maxima enim pars erant Magistri aut Scholastici, uti appellabant, artium, quibus necesse fuit omne ferè tempus cavillationibus suis impendere: minimum & velut subsecivum in studia humaniora, quæ urgebat Rodolphus, concedebatur. Multas præclaras Orationes, & in Academijs frequentibus, & coram maximis Christiani Orbis Monarchis, non minore prudentiâ, quàm facundiâ habuit. Et cum Haidelbergæ consuetudo esset plena humanitatis, ut in Publicis disputationibus Professores, si quando hereret disputator, interfarentur: ipse sæpè difficiles nodos perspicuè explicavit. Consulebatur sæpè ab eruditioribus tum in Philosophia, tum in alijs artibus. Multa ex Aristotele vertebat & interpretabatur ijs qui ejus sententiam sciscitabantur. Et quia nemo tunc viderat libros Aristotelis de Animalibus, pergratum accidebat ejus officium doctioribus, si quando insignem aliquem locum inde proferebat: ut cum de immortalitate animæ hominis disputaretur quid sensisset Aristoteles, magnâ cum admiratione excepta est illa sententia prolata ex cap. 3. libri 2. de generatione animalium: λέγειται γὰρ τὸν νῦν μόνον δύραθεν ἐπειστέναι, καὶ θεῖον εἶναι μόνον. Mens extrinsecus accedit, & est divinum quid, nec nascitur ex materia corporum. Interdum aliquid ex Arato, de siderum posito, ortu & occasu, studiis impertiebat. Nec deerat ejus officium Professoribus aliarum disciplinarum. Fortè inciderat Disputatio inter Theologos & Jurisconsultos de hoc dicto, Frustra servat Evangelium, qui non servat canones Synodorum. Hoc cum alij ad confirmandam superstitionem in Ceremonijs detorquerent, alij τὸ ῥητὸν esse durius quererentur, & mitigandum aliquâ interpretatione dicerent: Rodolphus admonuit, Canones à veteribus vocatos Synodis tantum articulos

ticulos doctrinæ dijudicatos in Synodis, non traditiones de Ceremonijs. Verum est, inquit, Evangelium non servari ab ijs qui adspernantur decreta contra Samosatenum, aut Arium, aut Macedonium facta: Nam Veteres Synodi propter controversias dogmatum convocabantur, non de Ceremonijs cumulandis. Quam indigna vox esset dicere, Christi fidem inutilem & inanem esse, si ne observatione omnium rituum humanorum, Lucem & vitam æternam in mentibus inchoatam exstingui, si aliqua ridicula Ceremonia negligeretur! Addebat tales ritus sæpè sine ullo peccato omitti posse. Hæc tam dextrâ interpretatione facile satisfecit omnibus. Sæpè & in jure Civili ea quæ ab historijs petenda sunt, explicabat interrogantibus; ut locum de usuris centesimis, item quid sit ἐγγύμνη δίκη; qui fuissent gradus veterum Romanorum judiciorum, & talia permulta. In Theologia quid desideraverit, testatus est Iosguinus Groningensis, qui scripsit se adolescentem interfuisse sermonibus Rodolphi & Wesseli, in quibus deplorarint Ecclesiæ tenebras & reprehenderint profanationem Coenæ in Missis, ac Cœlibatum: item disputaverint de justitia fidei, quid sit quod Paulus toties inculcat, Homines fide justos esse, non operibus: atque apertè rejecisse Monachorum opinionem, quæ fingit homines operibus justos esse. Cætera erat vir prudens, liberæ & veracissimæ linguæ, moribus gravis; à livore, malevolentia ac petulantia alienus. Nec solebat irritare morosos & φιλονείκας, intempestivis reprehensionibus, ne quid certaminum fereret in Scholâ; sæpè recitans Græcum versum,

Ἐόνον δὲ σιγᾶν κρείττον ἢ κεκραγένα.

Jocis eruditus gaudebat plurimum: scurrantem nemo audivit unquam: non vestiebatur splendide, sed honestè & jucundè. Naturâ negligentior, ut solet ferè hoc genus hominum, ac paulo inciviliior, in convivijs præcipuè, citra tamen cujusdam offensam, habitus est. Cogitabundus enim mensē innitens ungues demordebat. Puellas amare se nonnunquam simulabat: verum nunquam deperibat. In earum gratiam vernaculâ linguâ quædam carmina scripsit elegantissimè: quæ virginibus primariisque amicis præsentibus voce & testudine modulatissimè canebat. Hujusmodi cantionibus animum intentiore studio gravatum interdum remittebat. Cùm jam in iplo vigore ætatis, nec procul à quadragesimo anno abesset, & eruditionis ac eloquentiæ gloriâ per Germanias, Gallias & Italiam ab optimis quibusque celebraretur, non ignorans vir verè pius verèque Christianus illud Platonis: Omnem scientiam magis obesse quàm prodesse, si desit scientia optimi, magno animi ardore sese sacris literis addixit. Has nocturnâ, has diurnâ versare manu, delicias suas ducebat: in solis his venam scientiæ & intellectus, imò fontem aquæ vivæ, salientis in vitam æternam, se reperisse gloriabatur. Verum ut erat judicij exactissimi, ad sa-

cras

cras literas penitiùs intelligendas, sanctæ Hebrææ Linguæ cognitionem necessariam esse facile intellexit. Studia itaque Hebræa aggressus est; quæ primùm ei plurimum negotij, ut scribit ipse, exhibuerunt; ut sibi videretur cum Antæo luctari. Sed postea natus Judæum, ejus linguæ utcunque peritum, paucis mensibus tantum profecit, ut aliquot Psalmos Davidicos in Latinam Linguam citra culpam transtulerit. Extant inter Epistolas Illustrium Virorum ad Joannem Reuchlinum, & binæ Agricolæ epistolæ Heidelbergâ scriptæ: Altera prima parte Græca, altera Latina, quâ inter alia gratulari se scribit, animi natureque ipsius felicitati, tum imprimis fortunis Germaniæ, quam si unquam, nunc aliquando ex-pergefieri oporteat, & ab ea barbarie, quâ tot jam seculis velut stupido sopore vel potius *ληθάργω τινί* oppressa teneatur excitari: studiumque suum in literas Hebraicas singulare professus, statuisse se scribit, senectutis requiem, si modò ea ipsum maneat, in sacrarum literarum perquisitione collocare; quumque ita necesse habitu-rus sit, libros eos Legis intentè pensiculatèque lectitare, videri se si-bi eadem operâ & literas Hebraicas discendo eos legere, & legen-dis eis Hebraicè discere posse, simulque *τὴν ἰδιόγηλα ἐκείνου τῶ λόγῳ μυστή-οις πολλοῖς γέμισαν* pernoscere: atque ad hoc se acriter incitasse Basilium (id est Wesselum Groningensem) quem nostrum vocat, & tunc in pa-tria esse, fuisseque sibi arctissimam cum eo familiaritatem testatur. Jam totus videbatur alius factus. Immutaverat enim cor ejus verbum Dei vi-vum & efficax. Jam Christum Jesum spirabat animus: loquebatur lin-gua: manus scribebat. Et ecce adest ipse Christus: qui consecratum sibi pectus, ex hoc errorum pelago in veræ sapientiæ portum transvecturus erat. Correptus itaque febris, etiam prius quàm Medicorum auxilia advocarentur; totum se Christo Servatori commendarat: superanteq; vi morbi animam suam Christianâ alacritate vitæ datori Christo reddi-dit; annum quadragesimum secundum egressus, anno Domini 1485. d. 28. Octobris ingenti studiosorum ac Doctorum omnium mœrore, Haidelbergæ apud Minoritas, in habitu Franciscano sepultus. Fratres habuit duos uterinos Joannem & Henricum: Quorum ille Secretarius, ut videtur, fuit Domine Auricensis: hunc adolescentem studiis in-formandum Hegio commendavit. Uxorem nunquam duxit: quan-quam in priore ætate ducturum destinârat, ut testatur ipse episto-lâ ad Reuchlinum quâ matrimonium initum ei gratulatur, senten-tiam ejus laudare & vehementer probare scribit. Sed posteaquam, verba sunt epistolæ illius, inceperit diligentius se ipse introspicere, aversum esse ab eo consilio, non incommodis rei uxoriæ, quod multi *κακόλεχοι* etiam multis verbis profecuti sint, sed deterruisse se ge-nus vitæ suæ & animum levissimis etiam curis imparem, *καὶ φιλοσόφον-τῃ τῆς φύσεως ἔχει μᾶλλον ἀπραγμοσύνην, καὶ ραθυμίαν ἢ ναυαγὸς τῆ βίῃ*. Amicos habuit præter Joannem Dalburgium, hominem apprimè nobilem & egregiè eruditum, primum illustrissimi Principis Palatini Electoris

Cancellarium, postea Vangionum Præfulem, & Theodoricum Plenningerum: item Adolphum Occonem Frisium, Augustanæ Civitatis Medicum, quem & Bibliothecæ suæ hæredem scripserat: Wesselum Gansfortium, popularem suum; Rodolphum Langium, nobilem illum canonicum Monasteriensem: Jacobum Barbiranum, Musicum nobilissimum: Alexandrum Hegium, quem Græcas literas docuerat. Hic sæpè cum natu grandiores ad literarum studia hortaretur, & ne desperarent, admoneret, ejus meminit: Ego, inquit, liberalium artium Magister, & quadragenarius, tum quoque barbarus, perveni ad Agricola adolescentem, præceptorem meum, à quo quicquid in Latinis & Græcis literis scio, aut alij me scire credunt, didici. Tam ingenuus & ab omni fastu alienus fuit hic Hægius; ut non probro sibi duxerit, ex Agricola multa quærere & discere. Eoque (testes sunt Agricolæ Epistolæ in Fasciculo Experendorum Ortuini Gratij occurrentes) explicuit ipsi Agricola, quid inter *mimum* & *histrionem* intersit: quid *persona* significet, & unde dicta: tum quid *scurra*, *parasitus*, *nebullo*, *nepos*, *ἀνδραγαθός* dicatur: quid *aurora*, quid *vespera*, quid *tignum*, *asser*, *diæcesis*, etc. Scripsit Agricola tum prosa, tum carmine multa: quæ omnia Alardus Amstelrodamus in duos Tomos redegit: & excusa sunt Coloniae apud Joannem Gymnicum, anno 1539. Videatur Gesneri Bibliotheca, & alij. Labet hic addere elogium, quod Rodolpho posuit Erasmus in adagio, *Quid canicum balneo*: quodque hodiè in editione Manutiana ex decreto Synodi Tridentinæ perpurgata, nuspiam apparet. Ita igitur Erasmus: Hoc equidem adagium eo libentiùs refero, quod mihi reparat renovatque memoriam pariter ac desiderium Rodolphi Agricolæ: quem ego virum totius tum Germaniæ, tum Italiæ publico summoque honore nomino: illius, quæ genuerit; hujus, quæ literis optimis instituerit. Nihil enim unquam hoc Cisalpinus orbis produxit omnibus literarijs dotibus absolutius, absit invidia dicto. Nulla erat honesta disciplina, in qua vir ille non poterat cum summis artificibus contendere: Inter Græcos Græcissimus: Inter Latinos Latinissimus: in Carmine Maronem alterum dixisses, in Oratione Politianum quendam lepore referebat, Majestate superabat. Oratio vel extemporalis adeo pura, adeo germana, ut non Frisium quempiam, sed urbis Romanæ vernaculum loqui contenderes. Eloquentiæ tam absolute parem adjunxerat eruditionem, Philosophiæ Mysteria omnia penetraverat. Nulla pars Musices, quam non exactissimè calleret. Extremo vitæ tempore ad literas Hebraicas ac Scripturam Divinam totum animum appulerat. Atque hæc conantem Fatorum invidia virum terris eripuit, nondum annos natum 40. vel ut alij 43. Extant paucula quædam illius monimenta; Epistolæ quædam, Carmina item varij generis, Axiochus Platonis Latinus factus; Hocrates ad Demonicum versus, tum una atque altera

altera oratio habita in publico Scholaſticorum Ferrarienſium coetū. Nam illic & didicit, & publicè docuit. Latitant apud nescio quos Commentarij (poſt editi) Dialectices. Verterat & Luciani Dialogos aliquot: ſed ut ipſe erat gloriæ negligens & plerique mortales alienam ſanè quam indiligenter curare ſolent, nondum in lucem emerſerunt. Quanquam hæc ipſa, quæ extant, etſi ne edita quidèni ab ipſo; planè divinitatem quandam hominis præ ſe ferunt. Verùm, ne videar homo Germanus immodico patriæ ſtudio coëſcitire, Hermolaj Barbari Veneti de eo Epitaphium ſubſcribam, elegantiffimum profeſſo; & de quo dubites, utro ſit dignius; ipſo-ne qui ſcripſit, an hoc, quem eo exornavit. Eſt autem hujusmodi:

Invida clauſerunt hoc marmore fata Rodolphum

AGRICOLAM, Friſij ſpemque decusque ſoli.

Scilicet hoc vivo meruit Germania, laudis

Quicquid habet Latium, Græcia quicquid habet.

Quæſo quid noſtro Rodolpho potuit amplius, aut omnino magnificentius contingere, quàm teſtimonium tam ſplendidum, tam plenum? idque redditum non vivo, ſed jam vitâ defuncto; ne quis ab amore magis, quàm à judicio profeſſum cauſari poſſit. Deinde ab eo viro, qui non ſolum Italiam ſuam, verùm etiam omne ſeculum hoc noſtrum illuſtravit: Cujus tanta eſt apud omnes eruditos authoritas, ut impudentiſſimum ſit, ab eo diſſentire: tam inſignis in reſtituendis literis utilitas, ut aut à literis omnibus alieniſſimus, aut certè ingratiffimus habeatur apud quem Hermolai memoria non ſit ſacroſancta. His itaque tam plenis, tam abſoluti viri, laudibus, equidem fateor, me peculiariùs etiam atque impenſiùs favere: Quod mihi admodum adhuc puero contigit, uti præceptore, hujus diſcipulo, Alexandro Hegio Weſtfalo, qui ludum aliquando celebrem oppidi Daventrienſis moderabatur, in quo nos olim admodum pueri utriusque linguæ prima didicimus elementa: Vir (ut paucis dicam) Præceptoris ſui ſimillimus, tam inculpatæ vitæ, quàm doctrinæ non trivialis; in quo unum illud vel Momus ipſe calumniari fortâſſe potuiſſet, quod famæ plus equo negligens, nullam poſteritatis haberet rationem. Proinde ſi quæ ſcripſit, ita ſcripſit, ut rem ludicram haud ſeriam egiffe videatur. Quanquam vel ſic ſcripta ſunt ejusmodi, ut eruditorum calculis immortalitatem promereantur. Itaque in hanc digreſſionem non temerè ſum exſpaciatus; non ut glorioſè Germaniæ laudes jaſtare, ſed ut grati diſcipuli vicibus fungerer, & utriusque memoriæ debitum officium utcunque perſolverem: propterea quod alteri veluti filij debeam pietatem, alteri tanquam nepotis charitatem. Haſtenus Erasmus. Cujus ſententiæ Petrus Montanus, Philoſophus Platoniciſ & Poëta Satyricus his verſibus ſubſcripſit: Agricola ſolum ex Germanis ſcriptoribus inſolenti Græciæ, aut procaci Italiæ obſistere poſſumus. In oratione enim pedestri mihi effuſiſſe vide-

videtur sonum Lactantij, lenitatem & rotunditatem Plinij, lumen Senecæ, Tullianam quoque redolet ubertatem, & acumen ostendit Quintiliani, vehementiamque & obliquitatem Cypriani referre videtur. Ex Geldenhaurio & Orat. de Agric. tom. 2. Philippi, & alijs. Denique nec prætereunda ea, quæ de Agricola habet Chytræus Orat. de Westphalis: Erasmus, *inquit*, XIV. annorum adolescens, sub Hegio præceptore, studia literarum Daventriæ colebat. Cum autem Rodolphus Agricola in Hegij Scholam venisset, & Hegius ei aliquot adolescentum scripta monstrasset: his consideratis, cum Erasmicum cæteris anteferret, videre adolescentem voluit. Accersitus è sua classe Erasmus adolescens ad Hegium accedit. Ibi Rodolphus arreptum capillo in vertice tacitus intuetur, & quasi consideratâ indole ex lineamentis, adjecit hanc vocem, Tu eris magnus. Hanc veram historiam recito, ut junioribus quasi notiores fiant hi viri ex familiaribus sermonibus, ex quibus, in magnis ingenijs, vim fatidicam inesse animadverti potest. Nam de Io. Murellio, qui Hegio postea in schola successit, adhuc puero idem Rodolphus dixerat, Magna in te ingenij vis est. & de Herm. Busschio, velut vaticinatus fuerat, celebrem Poëtam fore. *Hactenus Chytræus.* Ut ab Agricola tandem recedam, ei sequens Epitaphium Viglius Zuichemus, vir celeberrimus, posuit Haidelbergæ, exhibitum à Melchiore Adamo inter monumenta Haidelbergenia p. 22.

EPITAPHIUM HERMOLAI BARBARI VENETI,
PATRIARCHÆ AQUILEGIENSIS IN OBITUM
RODOLPHI AGRICOLÆ FRISIJ.

*Invida clauferunt hoc marmore fata RODOLPHUM
AGRICOLAM, Frisij spemque decusque soli.
Scilicet hoc vivo meruit Germania, laudis
Quicquid habet Latium, Gracia quicquid habes.*

RODOLPHI AGRICOLÆ PHRYSII

MEMORIÆ POSUIT VIGLIUS

ZUICHEMUS

OBIIT ANNO M. CCCC. LXXXV.

DIE XXVIII. OCTOBR.


VIXIT ANNOS XLII. MENSES II.

Tollenti anathema.

Relinquenti beneficio.



Si doctrina, fides, pietas, fora fata morari
 Possent, Reinervus non moriturus erat.
 Sed gula debuerat diram depellere mortem,
 Hæc illi celeris causa fuere necesse.
 Dum nimis indulget studio, dum quosque iuvare
 Ardet: eheu vitam negligit ille suam.




R
n
ma
da
Co
tu
lo
ri
qu
tu
re
ex
qu
ve
m
ce
q
en
na
en
qu
re
de
d
e
d
e
f
e
th
br
ce
en
dis
reg
don
riste
nun
disce

REGNERUS PRÆDINIUS.

REGNERUS PRÆDINIUS natus est in pago Vinsemo, qui Groningâ non longè distat; Prædinius vocari voluit, quod ruri & in prædijs esset natus: Is cum peracri ingenio esset, à prima statim ætate perceptis utriusque linguæ artiumque dicendi fundamentis, Groningæ in ædibus fratrum, ubi secum à pueris, eodem Cubiculo habitasse, & eodem lecto multò tempore dormisse testatur D. Albertus Hardenbergius, Lovanium se contulit, & Philosophiæ primùm, deinde etiam majoribus (quas vocant facultatibus) operam strenuam impendit, Theologiæ imprimis deditus, quod cætera omnia studia, nisi ad sacrosanctam veritatem referantur, inania reputaret: proindeque omnem suam eruditionem, mores, totamque vitam, ad Lydium lapidem Verbi Divini prudentissimè examinans, nihil solidè bonum judicabat, quod hominem non aliquâ parte regeneraret, participemque æternæ veritatis faceret. Reversus in Patriam, cum ad diversa munia, in Rep. obeunda, magnis & precibus & præmiis invitaretur, ad nullum suscipiendum commoveri potuit, quàm ad administrationem Scholæ publicæ, tùm quod in hoc plurimum Reipub. adferre se arbitraretur, tùm etiam quod genium suum huc maximè propensum esse sentiret: Susceptam itaque Groningæ hanc Spartam sic ornavit, ut vicinas Scholas Triviales famâ suâ longè latèque obscuraverit. Erat enim in hoc viro recondita eruditio, & eloquentia singularis, & quod præcipuum est, gubernandæ juventutis mirabilis quædam dexteritas: Itaque non modò ex Groningia, Frisia Orientali & Occidentali, ex Westphalia, Transsylvania, Geldria, Brabantia, Flandria, sed etiam Germania, Gallia & Italia, Hispania & Polonia ejus audiendi gratiâ, Groningam non modò studiosi mittebantur, sed & eruditi quoque velut ad Academiam celebrem confluebant. Et procedebant ex ejus Schola adolescentes ita fideliter instituti, ac tam solidè docti, ut cum ad Academias se conferrent, omnibus essent admirationi: quorum non paucos sibi Lovanij & cognitos & amicitia conjunctos fuisse Suffridus Petri testatur. Summâ enim industriâ parique diligentia discipulos, quorum numerus erat permagnus, linguarum liberaliumque artium cognitione non solum Grammaticæ, Dialecticæ, Rhetoricæ & Mathematicæ; verum etiam Medicinæ & Juris imbuebat, animosque ipsorum frequenter, miris modis, ad summam veritatem instigabat. Cumque horas quatuor integras die quoque Scholasticæ institutioni impenderet, nihilominus domi varia insuper alia meditatus est ac scripsit in Platonem, Aristotelem, Demosthenem, & Galenum, Ciceronem, ac Quintilianum, quæ quod sacram veritatem minus redolere ipse arbitraretur, discerpit, Vulcanoque, non sine multorum lacrymis tradidit. At

Theologica, quæ divinam veritatem longè manifestiùs spectandam propontint, & homini viam æternæ vitæ commonstrant; quo plures Christo lucrifaceret, omnibus communicare voluit, ut opera ejus Basileæ anno 1563. ab Acronio edita demonstrant. Gustum purioris religionis percepit opera Goswini Halensis, domus Fratrum Præpositi Groningæ, quo anno 1530. defuncto, cum Radingo Coning, Johanne Eelst, aliisque paucis inter sexcenta pericula, colligendæ Christi Ecclesiæ incubuit. Vita ejus semper quoque doctrinæ sinceræ respondit. Nam sobriè sanctèque vixit, consilio & opibus inservivit multis: munera quæ homines valdè solent corrumpere, à nullo mortalium accipere voluit: Convivia publica vitavit, nec ullis interesse solebat præterquam in quibus pauci familiares atque pii adessent. Obiit anno ætatis 51. Christi 1559. die 18. Aprilis. *Vide Omissa sub finem lib.*




Nunc eos, qui inde à condita
 A C A D E M I A
 in ea docuere
 P R O F E S S O R E S,
 ordine in hoc
 Honoris Amphitheatro
 sistemus.





EMMIUS, Historice decus immortale disertæ,
Doctrinâ magnus, nec Pietate minor:
Ingens lux **FRISLÆ**, docto admirabilis orbi,
In cuius latides luxuriare solent
SCALIGER, HEINSLADES, GRUTERVS, DOVSA, THVANVS,
Hocce gravi cultu conspiciendus erat.



H
peun
orun
XLV
sic C
greg
dita
dum
na
ab
n
fem
thos
m
m
Pa
tas
tas
row
has
le
pro
are
de
ce
fe
p
r
no
ac
tu
ten
are
vun
tho
eus
bus
ann
Ma
No
min
(a

Primum in hoc ordine locum jure meritissimo suo Hic sibi vindicat, cujus non tantum consilio ac suasioni ortum suum bona ex parte, sed ingenio etiam ac scriptis cedro dignis famam præ cæteris, illustris hæc Academia fert acceptum. Extulit verò hoc eximium ut Patriæ suæ, sic sæculi ingeniorum ac literarum decus, anno æræ Christianæ Vulgaris cio 10 XLVII pridie Nicolaj, id est, ipsis Nonis Decembris, vicus Frisic Orientalis haud ignobilis, cui nomen GRETHA, ubi arx egregij operis Præfecturæ totius caput, sedes & antiquissima hæreditas Sircseniæ domus, quæ Comites edidit, tum portus commo-
dis-
simus, & huic subserviens rara soli felicitas. *Hoc mihi solum natale est* (inquit ὁ μακάριος) *in quo & lucem primum vidi & educatus sum: ubi & pater meus & avus paternus, & proavus, & avia quoque paterna, & avia pater, & patris mei avunculus eodem mecum nomine & cognomine dictus, nati fuere, omnes inter suos honorati, & possessiones soli ibidem tenentes.* Pater ei fuit EMMO Diken, Ecclesiæ Jesu Christi ibidem per annos complures fidus minister, vir & eruditione & vitâ Theologus, Martini Lutheri & Philippi Melanchthonis quondam discipulus, ob doctrinam, pietatem singularem, morumque modestiam, carus imprimis ac familiaris Joanni à Lasco Polono, viro maximo, omnium Ecclesiarum toto agro isto sparsarum, tum temporis Ephoro. Avum paternum habuit Diconem Mettium, Remeti F. agricolam fortunâ ut in illo ordine satis lautâ, curando aquarum clauastro apud Grethanos præfectum, annis & autoritate gravem, qui cum bello Geldrico arce istius loci, ad quam occupandam Geldri properabant, fraude infidi præfecti Alberti Batomorini excedere & clauastro providere, ne quid detrimenti caperet, jussus esset, re probè confectâ, cum jam pedem referre cœpisset, ad genua usque toto corpore armis fulgens, ab hostibus circumfusus, & nequicquam fortiter defendere se conatus, in manus eorum pervenit, à quibus non parvo auri pondere pro modo rerum suarum redimere se coactus fuit. Cui si in arce remanere licuisset, haud leve momentum, ut tum quidem vulgò credebatur, ob gratiam & auctoritatem, quam inter suos habebat, tardandis Alberti consilijs, qui arcem hostibus pessimâ fide tradidit, adferre potuisset. Patris avunculus U B B O E M M I U S J. U. D. huic nostro nominis author, juri dicundo in arce Orthana præfuit, cum ad eam Henricus senior Brunsvicensis casu planè memorabili, tam illustris opibus & gloriâ Princeps, in gloriâ & in belli manu adolescentis xv annorum occubuit. Nec minus honoratum ei genus maternum. Mater enim ELISA patrem habuit Egbertum Tiardam Civitatis Nordanæ per annos triginta continuos Consulem, qui mores hominum multorum nôrat & urbes. *Hinc mihi maternum genus* (ait EMMIUS de Norda locutus) *hic avus, proavi, abavique sedes*

In de-
script.
Cho-
rog.
Fris.
Orient.
pag.
48.

De O-
rig. &
antiq.
Fris.
Pag. 3.
& 4.

sedes habuere. Patriam & originem paulò accuratius in historia descriptam, aliaque sua posteris reliquit, ob sinistram quorundam affectum, quibus quasi fudes in oculis erat, ingenua viri in dicendo scribendoque libertas; præsertim quoties de jure libertateque Frisiorum mota esset controversia. Coëgit quoque hoc facere eum adversariorum iniquitas, qui cum fabulas suas ab eo temni ac refelli indignis ferrent animis, eum convitiis conspuere & boni nominis ejus famam lacerare voluerunt, eum *μισοφρίστω* esse, hostem patriæ, ignarum ignotumque sibi, & cujus conditionis sit, clamitantes. Quibus ille responsum hoc debuit; *Me quod attinet, sum origine & patriâ Frisus non minus quàm hi, qui me flagellant, si modo hujusmodi hi sunt, honestâ domo utrâq; natus, honesta quoq; in re, in literis voluntate ac sumptu meorum, sine onere aliorum, honestè domi forisque educatus, idque cum diminutione hereditatis meæ. Adversarius meis affectu in communem patriam & gentem nostram non concedo, sed affectum veritati in historia vim facere non patior, intraque terminos me contineo. Verum tradere tuerique ante omnia laboro: & hunc laborem difficilem Frisij meis impendo gratis, solo patriæ ac veritatis studio ductus, & hoc inter negotia assiduâ cum valetudinis jacturâ præsto.* In puero statim indolis & ingenij præstantia eluxit; ideoque piâ ac fidâ parentum curâ domiturè Dei timore, bonis moribus, literarum primis initijs imbutus, anno ætatis nono à patre Emdam ad Scholam literariam deductus fuit, hæsitque in ea annos ferè ix. Deposito illic primo studiorum tyrocinio, cum flueret annus MDLXV missus est Bremam, ob famam ac celebritatem magni illius Grammatici & Scholæ Rectoris Joannis Molani, è cujus exacta disciplina multi præclari & eximie docti viri prodire. Indè in patriam reversus, non mox properavit ad Academias, more juvenum nostri ævi, in quos quadrat vetus hoc dictum, Canis festinans cæcos parit catulos, sed aliquandiu in Schola Nordana renascente substitit, Præceptoribus usus Ioanne Floriano, & D. Nicolao Saschero, viris doctissimis. Ibi tum ille & exercendi stilum scribendique rationem suo exemplo suscitare, & studio industriæque singulari, cum sibi favorem caritatemque Superiorum conciliare, tum animos æqualium ad bonas literas majore assiduitate & diligentia colendas impellere, idque non sine emolumento studiorum suorum insigni. Ingressum annum vitæ xxiv. per annos xiv. in Scholis optimè exercitatum ac confirmatum, cum jam posset semet regere, contra insidiosas seducentium illecebras egregiè firmum, solidiorisque doctrinæ fundamentis præclare jactis, tum demum, nec ante, Pater ipsum, Vir longè prudentissimus, maturum judicavit, qui uberioris profectus gratia laudatissimas Academias cum fructu adiret. Anno igitur Christi MDLXX. è patria ad pleniorum ingenij cultum & quasi mercatum doctrinæ uberiores rectâ Rostochium perrexit. Erat

verò

verò tùm temporis præ cæteris Germaniæ Academiis Celebris Ro-
 stochiana, ob clarissimorum in ea docentium virorum copiam, inter
 quos eminebant duo viri magni David Chytræus & Henricus Bru-
 ccus, ille Theologus & Historicus celeberrimus, hic verò Medicus
 ac Mathematicus præstantissimus. Utrumque docentem assiduè audi-
 ebat, utrumque crebrò dein in ore habebat, priorem ab insigni in
 dicendo facundia, & multiplici historiarum cognitione, alterum à
 docendi dexteritate, jocis facetiisque conditâ, commendans. Heic dum
 se penitus sacris Musarum studiis dedit, in morbum incidit gravissi-
 mum ac propemodum lethalem, quo corpusculum fractis viribus con-
 tabescebat, medicis morbi speciem non dignoscentibus, qui intus
 diu latitans tandem se prodidit externis indiciis. Morbus erat Frisii
 & accolis maris Balthici *ταρχήσιος*, vulgo dictus Schorbutus, reddebat-
 que ejus curationem difficiliorem tempus brumale, in quod fortè in-
 ciderat, cùm nulla suppeteret recentium herbarum copia, & æger ad
 ver usque superesse non posset. Restituit tamen eum sanitati pristinæ,
 per Dei gratiam, potus lactis caprilli, in quo decoctum erat semen si-
 napios & raphanus major. Hoc morbo periculoso defunctus D E U M
 sospitatorem suum hymno eucharistico eruditè pièque celebravit.
 Indè, jactis sic satis fideliter Rostochij præcipuis studiorum funda-
 mentis, de adeunda Gallia cogitare cœpit, sed ecce tristissimus nunci-
 us de morte patris eum in Patriam ad matrem viduam revocavit, la-
 bente jam anno tertio, ex quo è Patria discesserat. Domum ad suos
 reversus fratres quatuor ac sororem mœrentes, ac imprimis mœstissi-
 mam matrem, cui unicè carus erat, post acerbum mariti funus, tri-
 stissimo mox casu alio, filia unicæ, navigio, quo Nordâ domum re-
 ditura erat, per navicularij incuriam everso, aquis suffocatae affli-
 ctissimam, multis pietatis officiis non parum refocillavit. Mœrore
 matris, multâ filij consolatione (quod pietatis studium in tertium us-
 que annum domi ipsum lari paterno & velut lateri matris affixum te-
 nuerat) temporisque longinquitate nonnihil mitigato, noster denuò
 è Patria migravit, Genevam Allobrogum petens, cùm jam etatis an-
 num ageret XXV I I I, quæ atas comparandæ per peregrinationes pru-
 dentia, præterito juventutis lubrico, omnium aptissima est. Vidit
 in itinere non solum ea, quæ sponte suâ se oculis ingerunt, Acade-
 mias & urbes celeberrimas Coloniam Agrippinam, Moguntiam,
 Wormaciam, Spiram Nemetum, Heidelbergam, Tubingam, Ar-
 gentoratum, Basileam, Tigurum, Bernam, Lausannam, sed & viros in
 iis doctrinâ & virtute claros salutavit, hominum ingenia, mores, in-
 stituta, summa cum cura observavit didicitque, eaque ratione pènum
 scientiæ sibi fecit instructiorem. Genevam verò attraxit eum, non so-
 lum studium addiscendæ linguæ Gallicæ, sed imprimis studium Veri
 in religione, & inclytum nomen Theodori Bezæ, à cujus ore totum bi-
 ennium pependit auditor assiduus. Audivit quoque L. Danæum, Fr.
 Portum aliosque, & Simoni Goulartio viro optimo & clarissimo gratus

fuit, qui etiam ad extremos vitæ annos ei fuit amicus, & singularis benevolentia plenâ literas frequenter misit. Habuit ibidem compares & studiorum socios ac sibi familiares, Hermannum Vultejum, Sibrandum Lubbertum, Joannem Witten, Eberhardum Altingium, Oniam Geldorpium, Henrici F. quibus literæ & virtus postea clarum nomen dedere. Viso etiam Lugduno, Romanorum quondam Colonia à Plancio deductâ, cum in reditu Basileæ aliquamdiu substitisset, ubi tum clarissimi Viri docebant, in Patriam denuò reversus, propinquorum & amicorum gratulationibus exceptus, matrem amplexu sui tantoperè commovit, ut præ gaudio prorumpentibus lachrymis, sinum ipsa suum perfuderit. Nec diu nomen viri hujus latere in Patria potuit, nec diu quoque eidem otari libuit, quod multi facere solent; sed mox Deo vocanti obsecutus, bono publico inservire, qui studiorum finis esse debet, voluit. Proponebantur id temporis ei duæ potissimum conditiones perhonestæ, Ecclesiastica una, altera Scholastica. A priore, ad quam animus ferebat, retraxit eum verecunda modestia, quæ hæreditaria adeò naturæ ejus insita fuit, ut nimis penè modestè de se sentiens, in hominum cœtu fari vix auderet. Et hæc ad extremum vitæ terminum ferè ipsi adhæsit, fuitque hoc ei commune cum viris quibusdam verè eximiis, de quibus idem dici potest, quod B. Hieronymus de suo Nepotiano scribit, *Eruditionis gloriam famamque declinando, eruditissimus habebatur*. Scilicet ut recta ingenia debilitat verecundia, ita prava confirmat audacia. Elegit igitur vitæ genus Scholasticum, molestum ac laboriosum, oblatamque Scholæ apud Nordanos Recturam anno MDLXXIX sub festum Paschatos iniens, juventutem bonas artes & pietatem docere, seminariumque Ecclesiæ & Reipublicæ fideliter exercere occœpit. Biennio in hoc studio propè exacto, cum jam difficilia ea, quæ in initius omnium ferè bonarum rerum occurrere solent, superasset, de matrimonio cogitans, non fuit in amoribus nimium festinus aut fervens, sed actiones suas omnes ratione regebat. Erat apud Nordanos puella bono genere nata, THEDA Tjabberij Filia; cum hac conjugij sponsonem inuit pridè natalis Christi anni MDLXXX, nuptiasque celebravit mense Aprili anni sequentis. Verum ut moderatior fuit amor ante nuptias, ita ferventiùs exarsit in matrimonio; Nam Theda ista verè ræda in pectore mariti adeò luculentas tenacesque flammæ accendit, quæ (ipsa mox post fratris matrisque Emmij continua funera heu nimis citò, ipsique præmaturè, pestilitate populariter grassante, in labore partûs, unâ cum foetu extinctâ) dum viveret ipse nunquam fuere extinctæ. Superstes ei ex hac conjugue fuit Emmo primogenitus filius, qui anno ætatis XIX obiit Groningæ, Patrique ob placidos mores, & optimam fructus ingenij spem magnum sui desiderium cum dolore reliquit. Mansit verò in hoc thoro viduo verè subtristis viduus in annum usque tertium. Tum hortatu & amicorum & propinquorum frequenti impulsus, ad alterum conjugium transit

transijt, ductâ in uxorem MARGARETHA à BERGEN CIVIS Emdani, viri optimi filiâ, virgine annos natâ XIX. Nuptijs finitis cum novâ nuptâ ad intermissâ studia & labores solitos, quos non perire sibi, sed per DEI benedictionem fructus ferre valdè uberes cum voluptate videbat, Nordam latus redijt. Sed tantam Nordanæ Scholæ felicitatem livor & violentia heterodoxorum tandem turbavit. Cum enim Scholam istam frequentia discipulorum augeri cernerent Zelotæ quidam Lutherano nomine se jactantes, nec ullâ ratione adduci posset Emmius, ut sententiam de religione mutaret, metuentes ne clarissima lux hæc ipsorum officeret luminibus, id effectum dedere, ut ipsi denunciarentur, deinceps ut à munere suo abstineret, ob confessionem doctrinæ. Accidit hoc anno MDLXXXVII. mense Septembri. Mansit tamen per hyemem Nordæ, in ædibus solitis, sed sine functione, sine stipendio; fortique animo hoc suum damnum tulit. Inde LERAM in eadem Patria à populo istius loci, volente id Comite Joanne, ad eandem functionem vocatus, id brevi singulari in docendo industriâ & dexteritate cum Collegis, assistente divinâ gratiâ, affecutus est, ut Schola literariâ illic non infrequens nec incelebris esset, cæteras certè omnes istius regionis inter Amasum & Visurgim superans. Nordanæ verò, postquam in ea Confessione veritatis in doctrina sacra locus amplius non fuit, & Ecclesia Lutherano nomine gaudentibus cessit, fortuna paulatim decrevit, nec reduci postea potuit, quamvis omnia in eum finem tentata sint, & luci restituendæ faculæ accense. Apud Leranos dum vivit, & quam nactus erat Spartam exornat egregiè, faciliè amorem ac favorem multorum, quibus innotuit, cum in Patria, tum extra eam, in se vertit. Sed non sine Numine coelesti præter cæteras animi dotes insignes, imprimis studium veri, ob quod loco priore cedere coactus fuerat, familiaritatem ei ac amicitiam non vulgarem multis cum civibus Groninganis, qui ob similem veritatis professionem, è Patria extorres, Leræ sedes suas fixerant, conciliavit. Inter hos primi erant tres Viri generis nobilitate, virtute & eruditione eximij, Regnerus Alberda Consularis, in exilio vitâ functus, & duo naturâ & amore verè fratres Fredericus & Abel Coenderi. Hac quippe ratione ei via ad hanc Urbem nostram quasi strata fuit, ut postea eventus docuit. Reductâ namque ad societatem Ordinum fœderatorum Belgij GRONINGA, cum passim exules in Patriam rediturarent, Amplissimus Senatus inclytæ hujus Urbis, ad Scholæ suæ clarissimæ, sed per belli tumultus collapsæ, instaurationem ac gubernationem statim consentiente omnium voluntate UBBONEM EMMIUM vocavit, ac Rectorem toti literariæ Republicæ, docentiumque Ephorum præsidere voluit, factâ ei potestate unâ cum Scholarchis Collegas pro arbitrio suo arrogandi

& abrogandi. Eò igitur, tanquam ad majorem boni publici proventum, concedens, anno Christi MDXCIV natus annos XLVII, Collegis sibi adscitis viris piis & eruditis, quantum cujusque locus ac conditio requirebat, Scholę resurgenti ordinem convenientem dedit, ejusdemque Synopsin legesque typis excusas publicavit. In hoc munere, cum undequaque discipulorum ad hanc Scholam concursus fieret magnus, Collegarum quoque numerus auctus & par studium ei responderet, magno cum honore & fructu per annos xx ferè, hoc est, ad Academię nostrę initia, heic perstitit, verique ostendit quis quantusque vir esset, ingenio & eruditione multiplici excellens, labore etiam inter occupationes & varias & assiduas indefessus, orthodoxę religionis & adstrictioris disciplinę amantissimus, Pietate in DEUM nulli secundus, & quę ab ea non deflectit. Prudentiā multum pollens. Ingenium ei sincerum & candidum, atque ideo subdolos & aliud præ se ferentes dicentesque, aliud pectore clausum habentes detestabatur. Candore verò sic utebatur, ut non minus cautum quàm candidum se esse, reipsa ostenderet, fideus quidem, sed cui videns. Secreta ac momentosa non faciliè cuiquam revelabat. Judicium, quibuscunque de rebus consuleretur, tam purum & exactum, ut rarissimè aberrarit qui consilium ipsius esset sequutus. Collegarum suorum amans, & concordię cum iis servandę perquam studiosus, uti in omnes ferè, sic in eos præcipuè æquus. Gerardo Buningio, Scholę Conrectori, ob ejusce Pietatem, Doctrinam & singularem industriam, plurimùm tribuebat. Disciplinę suę alumnos, si officium, si diligentiam, si solertiam probarent, amore & favore singulari complectebatur, eorumque commoda quacunque poterat ratione promovebat. Vitā erat gravi, astricti rectique moris, frugi, sobriā, castā, ab omni levitate & lasciviā abhorrente. Nec tamen natura eum fecerat aut tristem aut horridum, quamvis paucissimi esset somni, laboris verò multiplicis, sed erat in eo comitas & affabilitas prorsus suavis. Patriam non minus, quàm fortunas suas privadas, caram habebat, ideoque ut rebus ejus adversis vehementer dolebat, sic secundis ex animo lætabatur. Laborantem & afflictam consilio atque operā suā, præsertim ab Ordinibus ejusdem ad hoc rogatus, & amicissimè invitatus, juvare ac sublevare studebat quàm maximè. Rem literariam quæstui habere turpe ducebat, suā forte contentus, procul omni studio pecunię, ambitione, vanitate, invidiā, vitam agebat. Sibilos & clamores calumniatorum contemnens & adversus quorundam minas imperterritus, ab optimo proposito se abduci, aut in recto cursu turbari, non sinebat, optimā se optime voluntatis conscientiā cum bonorum approbatione conjunctā sustentans. In communi periculo, cum ferè trepidarent alij, etiam post acceptam aliquam cladem, animo erat nequaquam abjecto, & parum Reipublicę ab hoste externo metuebat.

bat, ad interna verò ejus mala quoties oculos vertebat ex imo pectore ingemiscebat. Nihil temerè agere, cogitandi & omnia diligentissimè expendendi, in eo cura erat summa. Itaque in sua inquirere ipse semper, & retexendo meliora efficere, multum laborabat. Temporis, rei scilicet preciosissimæ, accuratissimam rationem semper habebat, ne minimam quidem ejus particulam sine ductâ lineâ transmittibat. Inter dicendum utebatur voce articulatâ, clarâ, canorâ. Has animi dotes, hos mores, hæc studia viri eximij, postquam & exteris innotuere, mirum quàm multorum quoque benevolentia fuerit subsecuta. Certè præter alios, Dordrechtani, Leovardienses, his excitati, ad similem apud se functionem, Emdani verò ad aliud vitæ genus capeffendum, amplissimis propofitis præmiis eum invitarunt. Sed ille, gratiis quibus debebat actis, non suum lucellum, sed Reipublicæ literariæ commodum semper quærens, Groningæ, quoad Deo visum, manere, quàm aliò transferri maluit, & quod alius in simili casu occinere solebat, ipse ad usum quoque suum revocavit dictum hoc vulgare,

Si quâ sede sedes, quæ sit tibi commoda sedes,

Illâ sede sede, nec ab illâ sede recede.

Videbat quippe Groningam, cujus Curia totius Frisiæ commune velut tablinum videri potest, & Studiis suis historicis & Musis sedem esse longè commodissimam: videbat quoque labores suos ibidem nec ingratos, nec infrugiferos esse. Ubi rerum testimonia adsunt, non opus esse verbis, sapientes dixere. Qui Frisiæ hujus nostræ res novit, ignorare non potest, quàm plurimos viros Pietate, Virtute ac Doctrinâ excellentes, ex Schola Ubbonis Emdanij prodiiisse, Theologos, Jurisconsultos, Politicos. Vixere jam multi, vivunt plures hodiè, qui sub Disciplina hujus adoleverunt, & non in hac solum, sed & in vicinis Frisiæ partibus, & extra eas alibi, Ecclesiæ, Reipublicæ, Scholisque vel dudum præstitere, vel adhuc præstant operam & utilissimam & felicissimam. Consequitur igitur in hac palæstra, atque adeò annos xxxv (qui fuit flos ætatis) in pulvere isto & alibi & hîc trivit, vir, si rectè censuit magnus ille Thuanus, meliore otio dignus. Dignum quoque eodem censuere Illustres hujus Provinciæ Ordines, cum, egregijs ejusce virtutibus abundè compertis, eum non solum in Illustris Academiæ initiis ad Historiarum & Græcæ linguæ professionem, sed etiam ad primam illius Recturam capeffendam provexere. Quid verò in utraque hac provincia ille? Maxima sane cum laude utramque administravit. Latinitate namque donatis Academiæ hujus legibus & præclaris & æquissimis, ut literatam juventutem justitiâ, æquitate ac prudentiâ suâ singulari in officio continuit, sic aures etiam animosque eorum eruditissimis suis lectionibus, magnâque diligentia imbuivit atque instruxit, donec grandior ætas per invale tudinem laterumque imbecillitatem eum à publico revocavit. Hanc

tamen jacturam alio modo cumulatissimè refarcivit. Nam & lectionum intermissarum dispendium privatis suis & indefessis operibus, de quibus mox dicemus, ita amplè redemit, ut gratam æternamque nominis sui memoriam compararit: & suam à Senatu Academico absentiam prudentissimis ac saluberrimis consiliis in rebus gravioribus benignè rependit, suosque Collegas aliosque invidentes sanis mellitisque suis sermonibus ita detinuit, ut doctiores lætioresque sæpenumerò dimiserit. Et quia cum senio ut prudentia, sic & autoritas ejus crescebat, quàm in consiliis dandis plurimum polleteret, in maximis tam publicis quam privatorum negotiis frequentissimè confulebatur, consultoresque consilio juvabat prudenti, rebus ipsorum convenienti. Undè factum, ut maximam apud suos sibi pararit auctoritatem, cum inter eos haberetur quasi commune in rebus dubiis oraculum. Ad amicos literas scribebat familiares frequentissimè, vix ullus ut dies ei abiret, quo non hoc officij genere defungeretur, & sæpè complures eodem die exarabat ad diversos, perinde ac si hoc ageret tantum, & à negotiis ceteris feriretur. Amicitias verò colebat constantissimè domi forisque. Ex iis, quos Groningæ arctius complectebatur, neminem extra domum suam amabat magis & observantià colebat, quàm Fredericum & Abelem Coenderos fratres, viros genere nobilissimos, & virtute ac dignitate in hac Republica maximos; Eggericum Eggeum Phebens Hovetmannum & Scholarcham rarà pietate, candore & integritate vitæ insignem, & clarissimos viros rerumque Belgicarum peritissimos, Eberhardum Reidanum, Ill. Comiti Guilhelmo Ludovico à consiliis, & Pancratium Castricomium civitatis Syndicum. Cum his omnia communia habere, summâ familiaritate conjungi, unum ferè & idem velle. Emdæ intimè amabat Mensonem Altingium, Theologum summum, atque omnium optimè de Ecclesia Emdana meritum. Quocum Genevâ domum reversus statim initia contraxit amicitie, quæ brevi tempore, cum genij inter se congruerent, in tantum adolevit, ut nihil illis toto reliquo tempore esset conjunctius, adeo quidem ut nulla, vel minima nubecula intervenerit unquam, quæ faciem amoris mutui inter eos vel ad brevissimum horæ momentum redderet obscuriorem. Cùm hoc & in Patria degens, & Groningæ commorans habuit eosdem affectus, eadem desideria & consilia. In hujus finem, si quid ægrimonie aliunde hausisset, effundere solebat. Eaque inter ipsos erant mutua. Atque hinc literarum inter eos missitationes propè quotidiane, quibus sensus suos alter alteri assiduò communicabat. Ab hoc, intima & incorrupta, nec usquam nutans amicitia ei constabat cum clarissimo viro, doctrina, virtute & fide singulari D. Joanne Althusio Syndico, & cum Samuele Wingenio Senatore integerrimo, & cum affine Herone Boijen, ad quos sæpius literas dabat, & ab iisdem accipiebat. Perarcta quoque

que & vetus necessitudo ei intercessit cum magni nominis Theologo Doct. Sibrando Lubberto, quæ Genevæ primum inita, deinde per annos XLVIII circiter sine vitio continuata, ad ultimum Lubberti vitæ diem perduravit. Huic jure merito accenseo amplissimos viros, Gellium Hillama & Joannem Saeckema, binos supremi Senatûs Frisici ocellos. Sola certè locorum distantia obstitit, non affectus amorque, quominus Emmius eos & hi Emmium totum *χρῆσαι καὶ χρῆσαι* possederint. Quanti se mutuò semper fecerint, testantur id amicissimæ frequenter missæ literæ. Quin etiam ab eo tempore quo sedes suas Groningæ habuit, per annos XXVI, affectum Illustrissimi Principis GUILHELMI LUDOVICI Comitis Nassoviæ, Gubernatoris nostri quondam laudatissimæ memoriæ, tam benevolum & benignum semper sensit Emmius, ut humilioris suæ conditionis sibi conscius, in ruborem sæpè daretur. Nam viri hujus cordatum ingenium Nestoreamque in consiliis dandis prudentiam sæpè expertus Heros inclytus, cum ad se accersere, benignè habere, per fidos domesticos, per literas in maximis negotiis consulere, & à mente ejus haud temerè recedere, in more positum habebat. Inter disciplinæ suæ alumnos ob sincera & aperta ingenia, doctrinam, pietatem, mores incorruptos, præcipuè diligebat plurimique faciebat, Bernardum Theodorum Agnæum, Ecclesiæ hujus nostræ pastorem p. m. Everhardum Everdes Republicæ Emdanæ Consulem, Rembertum Husmannum, Henricum Eppium Jurisconsultos, Henricum Altingium, Mensonis Filium, Theologiæ Doctorem & Professore eximium; nec non viros & natalium splendore & publicis honoribus claros, Goswinum Schafferum, in confessu Illustrium Ordinum Generalium Assessorem, post etiam Consulem civitatis hujus prudentissimum, Bartholdum Wicheringium, Joannem Huninga, Henricum Schonenborch, Republicæ hujus Consules: quibus Comes addatur Joachimus Borgefius Scholæ Groningane moderator. Hosce inquam, suos olim discipulos, uti præ cæteris amavit, ita ab iisdem reciproca ratione ut communis quidam parens & diligebatur & summo in honore cultuque perpetuò habebatur. Cum Collegis Professoribus integra atque illibata ipsi intercessit concordia atque amor mutuus. Præcipuè verò amare visus est magnique facere, celeberrimi nominis Theologum D. Franciscum Gomarum, & virum è Scotia nobilem Guilielmum Mackdowellum J. U. D. & præstantissimi ingenij Philosophum. Extra Frisiam cum viris summis animorum conjunctio ipsi fuit, imprimis cum Joanne Wettio Transilvanicæ Quæstore & vetus & perarcta, tum cum magno Thuano, E. Doula, cum Illustri Abrahamo L. B. à Dhonâ, cum Davide Ohytro, Hermannò Valtejo, Christophoro Pezelio, Urbano Perio, Jer. Bastingio, Jano Grutero, Petro Scrivefio, Antonib. Thyfio, atque aliis non paucis: quibus omnibus

omnibus ut charus erat ob singulares dotes animi & eruditionem, ita ipse eos vicissim amore sincero & cultu prosequabatur. Cum igitur nihil sit appetentius similitudinem sui, nihil rapacius quam natura, & hinc bonis inter bonos quasi necessaria benevolentia sit, quid mirum, si & multos & magni nominis viros, in sui amorem & benevolentiam excitaverint, tam illustris in Emmio virtus & eruditio, quæ Sole clarius in scriptis ejusdem elucet? Ut nihil dicam de iis quæ adversus disputationes Danielis Hofmanni in re Theologica edidit; nihil quoque de illis, quibus & vitam & sacra Eleusinia Davidis Georgij, qui monstra pudendorum errorum aut furorum veterum à se recocta mundo denuò propinavit, ex libris ejus mysticis eruta in lucem protraxit apertam, quæ scripta sine dubio viri pietatem & asserendæ veritatis ac gloriæ Dei ardens studium commendant; dotes ingenij clarissimi & vis ignea in historia scribenda maximè effulserunt. In eo enim scriptionis genere ingenium habuit planè subactum. Nam in omni omnium populorum ac gentium historiâ versatissimus, de cujusque gentis ac cujuslibet temporis historiâ rogatus ex tempore differebat, recitatis omnium locorum, temporis, & personarum circumstantiis, haud secus ac si præmeditatus & paratus accederet ad historias istas exponendas; ut satis appareat non fuisse eam superficiariam ipsi cognitionem, quæ multis contigit, sed quæ paucis exactam, solidam, ad interiora penetrantem atque descendantem. Notissimas habebat in veteri & nova historia, non solum res gestas, earumque causas & eventus, cujusque populi πολιται, sed & urbes arcesque à forma, situ, magnitudine, simulque vias publicas, fluvios, montium tractus, geniumque loci, principum ingenia, mores, cupiditates, ambitus artesque quibus ad honores grassati, quibus propinquitatibus subnixi, quo sanguine creti. Cum igitur tot tantisque instructus esset, subsidiis ingeniique dotibus, quæ in optimo historiarum scriptore requiruntur, coepit de rebus quoque Patriæ suæ, hoc est, gentis Frisorum cogitare, quæ orbi hætenus incognita, partim in archivis, partim in monumentis variis Patriâ linguâ scriptis latitabant. Quod ut faceret, quanquam res facilis non esset, & ad id tempus usque quo eam occœpit nulli tentata, minimeq; in otio vivere fortuna ei largiretur, tamen Patriæ charitas, & rei ipsius honestas ipsum impulerunt. Indignum enim putabat latere ea, quæ memoriâ essent dignissima, & quæ rectè & verè cognita non possent non toti genti Frisicæ haud parvo honori esse. Semel verò stadium hoc ingressus, quanquam multa essent, quæ abstertere potuissent, tamen obfirmatâ mente perrexit, nec ante à coepto desistendum sibi putavit, quam ad metam pervenisset. Pervenit verò tantâ dexteritate fideque, ut lectorem sano judicio præditum verè in admirationem sui rapiat. In rerum narrationibus & orationum texturâ crederes esse Livium redivivum: in gnomis politicis

Politicis arcanisque Principum consiliis rimandis esse alterum Tacitum. Denique ita scripsit, ut in ipsius historiam probè quadret præconium hoc apud Rud. Agricola, *Rerum, ait, ad actiones moresque nostros pertinentium, ratio ab hujus historiâ petenda est. Quoniam is & benè facta laudando, & quæ contra sint vituperando, non docet solum, sed, quod efficacissimum est, exemplis propositis, quæ rectè secus-ve fiant, velut in speculo ostendit.* Absolutâ, historiæ Frisicæ antè per partes editæ, jam verò in unum corpus collectæ, iteratâ editone, mox ad alterius operis operosam editionem idem se accinxit. Jampridem enim moliebatur divinum illud opus Chronologicum, novâ formâ, nec ulli hactenus usurpatâ conceptum, in quo illustriores omnium historiarum eventus in sua tempora digesti inter se comparantur, haud minore labore quàm industriâ. Ad hoc opus elaborandum non sufficit sola historiarum omnium gentium exacta cognitio, sed una requiritur rei Astronomicæ haud levis peritia, ad temporum epochas, annorumque formas dissimillimas connectendas, controversias & difficultates Chronologicas decidendas, amovendasque. A quibus subsidiis quanquam esset instructissimus, ut & labori & tempori parceret, libuit ei haud rarò uti operâ subsidiariâ, V. Cl. summiq; Mathematici ac Collegæ conjunctissimi, Dn. Nicolai Mulerij, in eclipsium aliorumque cælestium motuum calculo; ipsique unâ cum Scaligero autor fuit ad Tabulas Frisicas, quas affectas habebat, perficiundas, ac in publicum edendas. Quarum ope tollitur omnis in calculo syzygiarum Solis & Lunæ eclipsiumque, labor & operosa molestia. Beneficio igitur fili hujus Ariadnes, hoc est, Astronomiæ, cum se ex temporum labyrinthis explicuisset, superatis etiam aliis magnis molestiis, quæ inter excudendum occurrebant, opus Chronologicum emisit omnibus suis numeris absolutum, singulari dexteritate passim connectens historias sacras cum profanis, ecclesiasticas cum politicis, adjectâ etiam Imperiorum serie ac Genealogiis succinctis præcipuorum Regum ac Principum, maximo certè rei literariæ & imprimis cognitionis historicæ commodo atque emolumento. Non longo post tempore opusculum aliud edidit, in quo complexus est summatim Illustrissimi Herois GUILHELMI LUDOVICI Comitis Nassovij pridem Gubernatoris nostri genus, vitam & res præcipuas domi militiæque præclarè gestas, non hujus solum, sed sequentis etiam ævi cognitione & memoriâ dignissimas: & hæc duo simul affecutus est; Effigiem scilicet optimi, sapientissimi, prudentissimi, fortissimi Principis exhibet; & maximas plurimasque res in Belgio pro libertate Fœderatorum contra Hispanos feliciter gestas perspicuâ brevitate constrinxit, ut compendium hoc pro breviario quodam aut συνοψει eorum, quæ in his regionibus ab anno MDLXXVII ad annum MDCXIII acciderunt, lectoribus esse possit. Jamq; equissimum amicis videbatur, virum gravem annis, qui jam tres vitæ aureos,

ut Martialis verbo utar, compleverat, curis & laboribus assiduus fractum, à scriptione multa porro abstinere, quiescere, respirare, laborumque anteaكتورum memoriâ fuit. Sed ille laboribus castrensibus Musarum induratus quieti se tradere nequaquam voluit, ostenditque placere sibi id, quod à forti Principe usurpatum legitur, *Imperatorem etiam stantem mori oportere*. Itaque quamvis annos quatuor pluresve corporis valetudo non permetteret ipsum uti publico, ut ante quoque diximus, mens tamen sana ac vegeta ad extremum vitæ terminum sibi constans, otium detrectans, tertium meditata fuit opus, rei literarię utilissimum, præsertim viris ad Reipub. clavum sedentibus, aut Principum consilia regentibus gratissimum. In hoc & accuratam descriptionem Chorographicam regionum & insularum à Græcis quondam habitatarum, & medullam historiæ Græcæ ex Herodoto, Thucydide, Xenophonte, Diodoro Siculo, alijs, contextam, & diversos rerumpub. status, quibus diversi populi ac civitates in eâ gente usæ sunt, repræsentat. Interea dum hi fructus suavissimi mellitissimique ex longâ, multiplici, studiosâ historiæ veterum lectione decerpti Lugduni Batavorum typis excuduntur, aliquamdiu contra certum typographi promissum hærent, rursus sub prælo sudant, rursusque hærent, author parensque eorum paulò octogenario minor, à corpore languidus, ab animo pro ætate validus, vulnus accepit gravissimum ex obitu Egberti filij sui junioris, juvenis optimi, magnæque expectationis, quam mors immatura in Galliâ apud Aurelianos abripuit anno MDCXXV. Huic plagæ postremæ animus ejus, qui suorum ex hac vitâ excessus, & alia fortunæ adversæ incommoda hætenus fortissimè tulerat, par ægrè esse potuit, ejusque dolori levando inter alia epitaphium ipsi scripsit, illudque typis excudi ac vulgari curavit. Superatâ tamen utcunque doloris *æm*, ad consuetos legendi scribendique labores redijt, & cum res gestas Philippi Macedonis, Alexandri Magni patris, quomodo scilicet per artes versutissimi hujus Principis libertas Græcorum oppugnata conciderit, in commodum reipublicę, Belgicæ præsertim, exponere studet, & ad annum xv. regni Philippi pervenisset, sensit clementissimam DEI manum ex hujus vitę statione se placidè evocantis. Morbus enim ipsumprehendit doloris expers, interiores pulmonis recessus occupans, corpusculiq; virium residuum ita sensim atterens, ut in Musæum suum per gradus ascendere non valuerit. Dies igitur plus minus xl. cum libris juxta focum sessitans, amicorum invisentium colloquiis & alloquiis vacavit, multaq; de Rep. de patriâ afflictâ, de mundi hujus vanitate, de desiderio suo abeundi ad Servatorem Christum, differuit animo mirificè patienti, sereno, confirmato, absque ulla doloris metusue significatione, certus tamen de morbi eventu. Ingravescenti morbo accessere vigilæ ferè perpetuæ, ei quidem sanitatis tempore

tempore minimè insolentes, sed hoc tempore non parum infeste. Nam quamvis cerebrum roridâ somniferâque exhalatione satis superque irrigaretur, somnum tamen inire vetabat pectoris angustia, respirandique difficultas; quo nihil in morbo gravius dari potest. Quamobrem viribus corporis destitutus in lectulo sese continere coactus fuit, circiter diem xxxv i à morbi principio. Quod vitæ superfuit biduum precibus piisque meditationibus impendit; animique pietatem ac constantiam admirandâ suavitate ac prudentiâ professus, astantes amicos, & imprimis moestissimam conjugem liberosque binos præsentibus hæc fermè verbis, sermone interciso affatur: *DEUS longum mihi in terris diem est largitus: vespera jam ingruit. Diem autem illum mediocriter laboribus impendi, quos omninò pro virili Ecclesiæ Christi & charissimæ Patriæ bono sustinui. Hujus rei mihi probè sum conscius, ac testis mihi DEUS. Satur sum vitæ hujus. In Dei voluntate penitus acquiesco. Cupio migrare & esse cum CHRISTO unico Servatore meo. Hæc vitæ mera molestia est; etiam quod in ea præstantissimum. Hoc autem præstantissimum duxi, si quid laboris perferrem, unde aliquid fructus & boni ad alios proveniret. Vita viatoris quasi cursus; at ille paratam in Cælo requiem, qui benè currit, habet. Jam iter ingredior. Nunc dimitte servum tuum Domine in pace, quia oculi mei viderunt salutem tuam. Salutem tuam expecto o Jehova!* Non potest, inquit Augustinus, malè mori, qui benè vixit. Laudabili igitur vitæ laudabilis finis ac coronis accessit. Nocte ferè mediâ, quæ præcessit nonam Decembris, mortis imminentis certamen, postremamque naturæ ductam sentiens, convocatam ad se familiam omnem jubet genua flectere, secumque præeunte verbis filio, à Deo exorare corporis sui dissolutionem & lenem & brevem. Quo facto, cum ipse capite totoque corpore superiore inter precandum levato, sursum oculis manibusque sublatis, altâ voce & quasi animo ovans & ipse plenus fufas preces ingeminando illud *Amen, Amen*, obsignasset, gratiasque pro officio præstito egisset, & illud Simeonis, *Nunc dimitte servum tuum, Domine, in pace* iterasset; paulo post suavissimè obdormiscere cœpit, qualem somnum inire solent ægri, cum nullam ampliùs morbi sentiunt molestiam, ac in isto somno quieteque corporis pia illa sanctaque anima, ad DOMINUM suum æternamque quietem migravit placidissimè, adeo ut exitus illius non nisi cessante respiratione ab astantibus animadverti potuerit. Accidit hoc circiter horam secundam à mediâ nocte. Hoc curriculum vitæ in his terris, hic finis viri præstantissimi fuit. Superstites reliquit conjugem *Margaretham à Bergen* matronam lectissimam; ex eaque natos liberos binos, *Wesselum Emmium* Ecclesiæ hujus Groninganz Pastorem, pietatis, probitatis, modestiæ, aliarumque paternarum virtutum ac eruditionis

vivum exemplar; & *Elisabetham Emmiam* Virginem indole moribusq; Emmianæ familiæ convenientibus præditam. Vixit in hoc mundo annos LXXVIII & dies quasi quatuor. Vixit inquam, imò vivit, vivetque æternum, in victuris genio suo illustrissimis ingenij monumentis. Fuit staturâ corporis planè justâ, inter proceram brevemque mediâ. Artus illi satis compacti firmique, *ευαργοι* verius quàm graciles aut macilenti. Caput decorum supernè crines densi ferèque tonsi tegebant. Facies postremis annis suppallescens grato rubore suffusa; in qua frons lata atque exporrecta, oculi, animi indices, cælij, vividi & acutum cernentes, prout res poscebat torvi blandi-ve. Totus denique vultus gravitatem præ se ferebat multâ humanitate temperatam. In Scholis cum versaretur vel solâ vultus hujus gravitate disciplinæ suæ commissos in officio continere ut plurimum valebat. Idem tamen inter amicos honoratiores verecundè modestus, inter æquales verò aut inferiores blandissimâ comitate aspersus videbatur. Idem quoque corpori mortuo tam pulcher ac sibi constans mansit, ut viventem videre te putares. Funus ei factum die XIII. Decemb. honorificum, deducente hoc, præter Academiæ Cives, magnâ frequentiâ Civium & Procerum civitatis: cui & interessè voluit ad testandum dolorem suum Illustrissimus & Fortissimus Heros ERNESTUS CASSIMIRUS, Comes Nassoviæ, &c. Frisiæ, Groningæ, Omlandiæ Drentiæque Gubernator. Conditæ sunt corporis exuviæ in interiore parte templi Academici juxta charissimos liberos, expectantes resurrectionem ad vitam æternam. Conditorio saxum instratum, cui hoc epitaphium memoriæ causâ incisum;

IMMORTALI MEMORIÆ
CLARISS. & PIENTISS. SENIS,
U B B O N I S E M M I J
FRISIJ GRETHANI:
PRIMI ACAD. GRONING. RECTORIS:
THEOLOGISINCERI,
PHILOLOGI EXIMIJ,
HISTORICI ABSOLUTI,
VIRI PRUDENTIÆ SINGULARIS
(QUI PER OMNEM VITAM
SUA SORTE CONTENTUS,
LABORE INDEFESSO
DE ECCLESIA AC REPUBL. PATRIA
QUAM OPTIME MERITUS:
VERE PIA DEMUM AC PLACIDISS.
MORTE DEFUNCTUS
HEIC CORPORE QUIESCIT)
M A R G A.

U B B O E M M I U S .

53

M A R G A R E T H A A B E R G E N
V I D U A E T L I B E R I S U P E R S T I T E S
M O E R E N T E S

H. M. P.

V I X I T I N T E R R I S A N . L X X V I I I . D I E S I I I I .
A B I I T I N C O E L O S A N . C H R I S T I A N O
M D C X X V , D I E I X . D E C E M B . J U L .

H. Alting.

Effigiem verò ejusdem ad vivum in tabula depictam, ampliffimus inclytæ hujus urbis Senatus, honoris ergò, in Curia, decreto publico ponendam curavit.

E L O G I A E T J U D I C I A

Magnorum, Virorum,

De

E M M I O

ex multis pauca.

J O S : S C A L I G E R I .

Q Uam jucundæ mihi fuerint priores literæ tuæ, testari possunt ij qui unà aderant, quum eæ mihi redderentur. Nam quanti & probitatem tuam, & doctrinam semper fecerim, non solum ego mihi conscius sum, sed & illi, qui me de te ea narrantem sepius audiverunt, quæ virtus tua & meritum à me expressit. Certè, si nihil aliud, saltem divina historia tua Frisica hoc à me exigebat, quam ego judico non solum iis, qui similem scribere volent, conatum, sed & iis, qui jam scripserunt laudem præripuisse. &c.

Anno M D C V I I I . x i i i Kal. Septemb.

J A C . A U G . T H U A N I .

Q Uod ad binas quas à te, Vir Doctissime, cum elegantissimo Frisicæ Orientalis typo accepi, hactenus non responderim, nolim superbix aut negligentix tribuas. Ab altero quippe qui me norunt, summè alienum sciunt, ab altero me occupationes continuæ facile excusabunt, præsertim apud te, quem & summâ animi æquitate esse perspexi, & tanto candore, qui in scriptis tuis elucet, ut minimè dubitem, quin quod alius fortasse requireret, in me non sis desideraturus. Cum his mitto exemplar

G 3

primæ

primæ historiæ nostrarum partis ; cujus publicatione vix dici potest, quantam in aulâ nostra invidiam sustinuit. Adeo difficile est, scisso jam à multo tempore factionibus regno, ita modum in scribendo tenere, ut non laudando ab his adulatoris, reprehendendo ab illis obrectatoris suspicionem incutras. Et tamen testari possum Deum & homines, me nihil in toto hoc opere gratiæ aut odio dedisse, easque duas veritatis pestes summo opere semper vitavisse. Eandem tibi pugnam fuisse video cum Originum Frisicarum ineptis assertoribus, mihi æquè ridiculis, ac ij, qui Antenores, Helenos, Francos, Marcomiros, Clodomiros, & hujusmodi vanitatis novitiæ monstrosa nomina Francis antiquitatibus affingunt, quos à te semel explosos ut generosè deinceps contemnas, si me audis, tibi autor sum, potiusque in pertexendâ illâ Frisicâ telâ ad hanc usque ætatem, ut polliceris, atque adeo ad Groningam receptam allabores. Quod si facies omnem Belgicam historiæ nostræ ævi maximè omnium memorabilem complecteris. Ad eum annum, hoc est MDXCIIII. nostra perduximus, optavimusque sæpius, ut quod moliris jam editum esset, antequam quæ de Belgicis scripsimus, te longè secuti, & vestigia semper adorantes scripsissemus. Nam citra assentationem dicam, quare enim apud te? nihil simile tuis scriptis post BUCHANANUM in eo genere me legere memini, seu fides, prudentia, ac ingenua libertas, five orationis elegans simplicitas, ac perspicua brevitatis spectetur; ut me temeritatis meæ pudeat, poeniteatque, qui ab his omnibus imparatus tantum opus supra vires aggressus sim, & infestiores longè, nec scriptis disceptandas animorum contentiones, non sine vitæ discrimine contra me excitaverim. Quippe illi, quibuscum mihi res est, quidquid verè & liberè dicitur, in suam contumeliam dictum interpretantur, præsertim à me, quem Reip. ratione muneris addictum, tempori servire, hoc est illorum flagitia dissimulare, & in scribendâ historiâ idem quod in Rep. administrandâ temperamentum afferre debuisse, sibi persuadent, homines præposterâ prudentiâ, & iniquissimâ mente, qui quo longius à privato absun, tanto acerbius in me feruntur, quasi dignitas, & purpura, & non veritas potius historiæ fidem conciliaret. Tandem meo periculo sensi, magnatum odium Veritatis assertæ mercedem esse. Sed quid pluribus te detineo? Tu vide, & cense. Vicem meam scio misereberis, & te exemplo meo solaberis. Vale Doctissime UBBO, & me virtutis ingenijque tui præcipuum admiratorem & Cultorem redamare perge, & cum otium erit diligenter rescribe. Lutetiæ Parisiorum Kal. Septemb.

MDXCIIII.

Idem in Epist. alia inter alia sic ait.

ITAQUE

ITAQUE postremis illis tuis, quanquam omnia tua mihi summè grata sunt, non tam lætatus sum, quàm jacturâ priorum dolui, gratissimamque longè rem mihi feceris, si earum exemplum, si quod habes, ad me quamprimum mittas. Nam non is sum, qui mea ita cœcus amore mei probem, ut non plura amicis, quàm mihi in iis corrigendis permittenda censeam; præsertim tibi, cujus & singularem in me humanitatem expertus sum, & facilem in scribendo elegantiam cum acerrimo judicio, & veri amore conjunctam, non desino tua quotidie legendo admirari. Itaque te iterum rogo, hanc amico suppliciter flagitanti gratiam ne negaveris, tibi que sic persuadeas, nullas occupationes, quanquam gravissimis undique indies premor, impedimento fore, quo minus sedulò ad tuas rescribam &c. Novi candorem tuum, & fidem, quam ubique si me admonitione tuâ non indignum judicaveris sequi certus sum. Frisica tua, an sis persequuturus, & quousque sis persequuturus scire aveo. His nihil simile secundum Scotica BUCHANANT nostra ætas, meo quidem judicio, vidit. &c. *Adde his ejusdem THUANI aliud elogium, & quidem publicum, Lib. hist. CXIX. pag. 771. sub finem.*

Huic, dicit, comes addetur SUFFRIDUS PETREJUS Leoardiæ in Frisia natus, qui cum Lovanij in pueritia literis Græcis naviter operam dedisset, veterum Græcorum scriptis in Latinum vertendis animum applicuit, & postea à Frisicæ Ordinibus invitatus, origines, colonias, nobilitatem, libertatem, jura gentis suæ illustranda suscepit: in quibus altius repetendis dum admistis fabularum figmentis nimium stilo indulget, multorum reprehensiones incurrit, ut UBBONI EMMIO, qui eam provinciam summâ fide ac admirandâ simplicitate postea executus est, potius lampada tradidisse, quam ei in scribendâ patriâ historiâ præluxisse videatur.

J A N I D O U S Æ Patris.

Literæ tuæ cum re ipsa, tum vero amoris erga nos ac benevolentia notis insignes, gratissimæ mihi fuere: quas quidem binas diversis temporibus accepi, multo ut banitatis asperfas sale: in quibus admirabilem illam in historiæ veritate propugnandâ EMMIANI studij constantiam evidentissime perspexi, &c. *Sic verò terminat;* Vale mi EMMI, historicorum seculi nostri (nolit velit Invidia) unico magis unice citra controversiam Phoenix, graculosque istos ac spinturnices (quod facis) fortiter fac contemnas, in quo omine mi ocellæ desino. Iterum vale, & nos amare perge mutuum facturos. Ego te in oculis fero ingenij ac doctrinæ tuæ admirator, & cultor præcipuus perpetuusque:

Idem judicium suum de Emmij scriptis publicè sic professus est lib. I. Annal. Holl. pag. 75.

Ideoque

Ideoque, *inquit*, nec in Frisiorum gestis recensendis lectoris otio abutemur, supervacaneum existimantes ea iterare, quæ ab UBONE EMMIO legitimo Frisiæ suæ historico fidelissimè perscripta sunt. Cujus ea in Patriæ suæ antiquitatibus investigandis curiositas, ea religio fuit, ut (meo quidem animo) parum seu potius nihil aliorum industriæ reliquum fecisse videatur.

I D E M.

Sermo frequens de te, & DOUSAE0 multus in ore
 EMMIUS: *Historiæ hoc visa merere Fides;*
Incorrupta Fides. quæ quo per tempora nostra
Rarior, hoc pluris est faciunda mihi
 CATTIGENIS *que meis: res quorum ex ordine gestas*
Te sparsim FRISIIS inseruisse tuis,
Et video, & letor. quo nullum hoc scilicet ævo
In genere hoc BELGIS clariùs extat opus.
Vera, nec intestata loquor. scit GROTIUS istud
Doctrinâ verè magnus & ingenio,
Et norunt alij plures, quid maxima gentis
Gloria Gallorum sentiat EMMERIUS;
 EMMERIUS, *de te solitus qui plurima amice*
Quærere, & in laudes luxuriare tuas:
Ante alia Annales meritò admirarier unos,
Expensos FRISIIS quos tulit UBBO suis.
Ter quater ô felix antiqui temporis ætas,
Cui facundo adeo contigit ore cani!
Vos quoque felices tanto scriptore libelli,
Ingenij rari, nec minus artis opus:
Vos ego sæpè meo vos elogio ornaturus,
Testabor veterum laudibus esse pares.
 HIRCINOS *alij folles plaususque morentur;*
Præter monstra, nihil qui didicere loqui.
Sit, qui caulitidis cingat sua pulpita thyrsis;
Nil præter SCAURUM spectet OTACILIUS;
 EUNUS APRO *tantum studeat sua scripta probari;*
Ipse uno hoc visus iudice VARRO sibi.
 Contenti AUGUSTO *vos miratore THUANO*
Vivite; majus enim quid dare Fata queant?

J A N I G R U T E R I.

MI Domine (*inquit ad Ubbonem scribens*) habes secundam partem historiæ optimæ, quam transmisit Autor Præses THUANUS, qui priores tuas ad se non recepit. Fac quæso nunc saltem

saltem intelligat ipse gratam fuisse & voluntatem ejus & æstimum de te, cuies inter Historicos Princeps. Ego jure merito diligo & æstimo virtutes tuas & doctrinas supra seculum suum rectas, & erectas. Pergere te in Historico illo campo feliciter votum meum est, & petitio unica. &c. *Et*: Vir & amice eximie, non sine gaudio vidi manum tuam semper alioquin mihi optatissimam, & tanto magis adpressi ori ac pectori, quàm magis ibi agnosceremus vivam Gratiarum, vivam Humanitatis, tantum non Apellæis expressam imaginem. Ego te quidem dudum, uti fecerat quoque THUANUS, habui pro historico seculi hujus sine controversia Principe; sed nunc præterea habere cogor amicorum item primarium. *Idem alibi*: Interim firmiter amo, observo, quos judicio certo mihi applicui, inter quos te earum Minervæ, & Conso caput, jure merito habeo agnoscoque Principem. Juvenes, qui senibus substituantur, vanitate seculi sui instantur, nihilque resipiunt solidi. Eaque propter te inter probos doctosque æstimo vero precio, hoc est singularem, cuique in historia nihil est hodie prius, nihil secundum. Si licet, velim & nomen meum comparere juxta DOUSSAM nostrum, ac breviculo epigrammate testabor, animis nos fuisse cognatos.

Epigramma id tale est.

Quisque hodie historiæ numeros impleſſe putatur,
 Qui de re quavis dicere plura potest.
 Quive adeo fumos aut somnia vendere doctus,
 Stemmata cujusvis continuare queat,
 Fabellasque gravi jacerè ac miracula pompâ,
 Quâ pueri expaveant, sæmineumque genus.
 Paucis culta Fides, paucis reverentiâ Veri est,
 Nemo at Mnemosynem demeruisse ſiſit,
 Mnemosynem, monumenta ſuis quæ ſola receptat
 Illa tholis, Vanum inde exulat inde Nothum.
 Non tulit id Phæbus, prolesque novena Moneta,
 Corque tibi thyſſo terque quaterque ferit,
 V B B O E M M I. hinc Friſicæ ſurgunt geſta omnia gentis,
 Picta Minerva ſuo quæ velit eſſe peplo.
 Quæque Cupidineæ aurato mucrone ſagittæ
 In tabulis ſcribat Gratia terna cedri:
 Moxque Honor ac Virtus templo deponat avito,
 Heic aras ubi habet Anna Perenna ſuas.
 Quotidie quibus Hora roſas, quibus Hebe amaranthos
 Sufficit, at nectâr ambroſiamque Venus.
 Maſte E M M I hac curâ, maſte hoc opere V B B O! perennis
 Hiſtoriæ tu Dux, tu coryphæus eris.

H

Quamque

*Quamque tibi magis invidia atque inscitia dentes
Ostendunt, annos hoc magis ipse feres.
Perque omnem Europam vectus famæ allice pennâ,
Excipiêre hominum dulce Deûmque decus.*

P E T R I S C R I V E R I J.

E Sse quid hoc dicam? tibi debita fama negatur,
U B B O ? tibi, patriæ quem voco jure patrem.
Nam sine te (verum testor) vir magne fuisset,
De Frisiis vanum jam legeretur opus
Jam Suffridæis premerentur nostra Chymæris
Pulpita: jam monstris omnia plena forent.

Ita verò, explosis fabulatoribus, carmen claudit.

*Sed quis judicium, quis est mens sana, pudorque,
Lectores libris det Deus U B B O tuis.
Qui pretium faciant, cedroque & murice donent:
Abstineat scabras cætera turba manus.
Ante focum pueris veterum deliria nutrix
Narret, & Occonem garrula laudat anus.
Te gravis æternâ commendet voce THUANUS,
Noster & ingenti GROTIUS ore legat.
Me quoque mirantem generosi fulmina Veri
Devinctum sancto pignore pectus habe.*

D. H E I N S I J.

CUm in tam eximio volumine & æterno opere, quo Patriam
& universum Frisiorum nomen, candore admirabili, summâ
industriâ, singulari facundiâ, quamdiu ullum in terris eruditioni
erit præmium, tibi obligasti &c.

D A V I D I S C H Y T R Æ I.

CLarissime & optime vir, amice colende, accepi tandem diu
desideratam rerum Frisicarum historiam tuam, singulari &
exquisito judicio, & prudenti rerum delectu, & illustri orationis
disertæ ac perspicuæ copiâ elaboratam, & chorographiâ totius Frisicę
accuratâ eruditissimè ornatam. Pro munere quod dedisti, reveren-
ter tibi gratiam habeo, & posteris, qui hæc recentiora legent gratu-
lor: Anno MDXCVI. *Idem alibi.* Ego quidem publico literarum &
Reip. nomine gratias tibi officiosè ago, quod hunc laborem, non
Patriæ solum tuæ, & toti vicinię, ac tibi ipsi honorificum
ac salutarem, sed omnibus etiam bonis & doctis gratissi-
mum

num suscepisti, & constanter urges: & Deum, ut vires animi, & corporis ad ea, quæ instituisti, perficienda tibi tribuat, ardentibus votis precor. Pro historia tua Frisica omnibus elegantiae numeris perfecta, remitto rudem ac nudam rerum proximo sexennio in hoc Arctoo orbe actarum annotationem.

HECTORIS BOURICIJ in suprema Frisiorum
Curia Senatoris ad GRONINGAM.

*I*nvicta sedes fœderati Belgij,
Alumna belli, Martis & Musæ domus,
Victrix Marani Bæticique fulminis,
Asserta postquam jura, libertas, fides
Te vendicarunt; scilicet parum fuit
Quod Martem præstas, quodque limes Belgij
Cluis GRONINGA; sede quæ Musas novâ
Nuper beasti, quæque tot claros viros
Iubes vacivos Martias inter minas
Labore docto demereri posteros;
Beata sedes, quam hospitator EMMIUS,
Fax literarum, temporis prisce pater,
Vindexque veri, sæculi nostri decus,
Ocellus orbis, patriam sumpsit sibi.
Quo cive solo gloriari plus pates,
Quam cive gaudet Patavinus LIVIO
At hæc prius fuere; nunc jacet, jacet
Ætate, curis fractus & laboribus,
Fato peremptus, omnium instar EMMIUS.
Et tu GRONINGA cive quæ magna cares,
Orbata tanto literarum vindice,
Scriptore tanto destituta patriæ,
Quæ condis ossa maximi hoc ævo senis,
Unum memento, post hac esse neminem,
Qui gesta condat, unum præter EMMIUM.

P. W I N S H E M I J
Frisiorum historiographi.

QUOD ad EMMIUM attinet, is etsi divina sua scripta ad quorundam in gente nostra palatum non temperavit, accedendum tamen in hoc est omnium literatorum judiciis, ne privatis affectibus metiamur gloriam tam sublimium monumentorum. Ut turpe sit illi Viro, cui quasi totus orbis in scenam prodeunti adsurgit, nos solos iniquiores esse, ac illud nomen

temerare, quod & sanctum cunctis gentibus est, & consecravit se æternitati. Pauci enim dies quibus à Cl. Heinsio accepi magni AUG. THUANI de EMMIO testimonium, quod tale erat, ut vel hujus videndi causâ Belgium salutaret, accorâm, quemadmodum appellat, intueretur hoc naturæ miraculum. Mitto quid uterque D O U S A fecerit. Tantum abest posse Virum tam Illustrem trahere in despectum, & illius odium tutò nobis concitare, qui in animis hominum ære perennius monumentum reliquit. Ejus enim ut magna admiratio, ita censura difficilis &c.

H. V U L T E I J.

AGo verò tibi ingentes gratias pro insigni munere Commentarij rerum Chronologicarum, quo me superiore panegyri Francofurtensi donatum voluisti. Appendicem, de qua me nunc, & nuper monuisti, avidissimè expecto, ut hoc gaudium mihi sit perfectum. Legi nonnulla, ex quibus operis totius præstantiam colligere mihi non fuit difficile, lecturus totum ubi appendix accesserit. Sed fateor ingenuè mi U B B O, hæc supra captum meum sunt, ita accuratè & exactè constituisti omnia, ut etiam istarum rerum peritis arbitrer aquam hædere posse, &c. 1620. Aprilis 5.

I. K I R C H M A N N I

CUm verò in historiarum lectione parum feliciter quis versetur absque Chronologiæ face, non possum quin tibi commendem, Chronologiam U B B O N I S E M M I J ante annum primùm editam, qui mihi omnium industriam videtur superare in assignandis temporibus omnium regnorum, quæ ab orbe condito floruerunt, & adhuc florent, & quidem in libro peculiari, quem Chronologiæ præmisit.

I I M M A N U E L

HERMANNUS



*Ravensbergerides, quo Teutonis ora superbit,
Fingere quem cupiat Lysippus, pingere Apelles,
Sic oculos, sic ora ferens, pro tempore in arc
Conspicitur cuius laus ære perennior omni est.*

ELACOB HENNINGIVS.

62 HERMANNVS RAVENSBERGERVS.


nullis ornavit. Recturam ejus ter cum gloria gessit, quar-
tamque gerere aggressum mors occupavit. Namque morbo
lento qui annum plus minus ei adhæserat, confectus, il-
lustribus seriaz resipiscentiaz fideique Christianæ documentis
exhibitis, Coelestem vitam anhelans, inter preces Rev. fidi-
que verbi Divini Ministri, Dn. Cornelij Hillenij, placidè
expiravit xx die Decembris Anno Christi MDCXXV.



CORNELI



Cuius ad obtupuit divina oracula vocis,
 Motaq; de solita est Africa barbarie:
 Qui tenuis docuit Leges et iura Cathedris;
 Hei mihi: quod tantum supprimat Umbra caput.
 H. NEVEWSTIJ. Adv. Prif.



rius
agr
mut
&
ber
ope
haz
alig
diti
fost
Par
am
roo
can
roa
vir
am
ora
eva
con
os
to
d
vi
ar
io
be
ca
qu
des
at
fer
pr
pre
utu
ris
nor
am

CORNELIVS PYNACKERVS,

Natus est anno supra millesimum, quingentesimo septuagesimo, die sextâ Julij, Patre *Adamo van Kerckhoffe*, Concilij Chomatarchici Delphici quæstore: Matre *Johanna van Polanin*, utrisque honestâ & veteri familiâ oriundis. Locus natalis est pagus, ei cognominis, *Pynacker*, in agro Delphenfi, modico milliari ab urbe abjunctus. Septennis mittitur Delphos in ludum literarium, ibique Linguas, Græcam & Latinam, atque artes organicas exactiùs edocetur. Indè ut uberio rem ingenij cultum caperet, abiit Leydam, ubi Theologiæ operam dare cœpit, & disputatione de Pontifice Romano publicè habitâ, hoc studium continuavit Heidelbergæ anno 1590. Hic aliquantisper commoratus, cum Genevam iter institueret, Vir illustris & generosus Elbertus à Pallant, Dominus in Selm & Dirsfort, ipsum studiorum & itineris comitem per Italiam, Siciliam, Pannoniam, Moraviam, Bohemiam, Germaniam, ad Arcem suam Selmensem, quæ est in Cliviâ, reduxit. Leydam reversus se totum, mutatis studiis, Romanæ Jurisprudentiæ tradens, eam decumanâ industriâ juris scientiam acquisivit, paucorum annorum spatio, ut, præviâ disputatione inaugurali de jurejurando, ab Everardo Bronchorstio, Juris Utriusque Doctor renunciaretur, anno 1597. die 16 Maji. Duobus post mensibus foro & causis orandis in suprema Hollandiæ Curia se dedit. Sed vix Praxin exercere cœpit, cum Leydam revocatus in numerum Professorum cooptatur, postquam Iulius Beima, Juris Professor, indè ad suos, ad Curiam & Ordinem Senatorium in Frisia, allectus, Cathedram juridicam vacantem reliquisset. Hoc munere Professorio dum fungitur, primo conjugio sibi jungit *Susannam de Treslong*, viduam, filiam Guilhelmi Blæsenfis, dicti Treslong, Maris apud Zelandos præfecti, qui, nec non comes Lumæus & Bartholomæus Entesius, Albanis temporibus, tempestate ita ferente, Brielam in potestatem redegerunt, quod annales Belgici loquuntur. Cæterum Professionem Leydensensem sustinet, adusque annum 1614 quo ab Illustribus ac Præpotentibus Groningæ & Omlandiæ Ordinibus ad novam Academiam vocatus est Groningam, ubi in vastum, at indigestum Controversiarum Corpus Andreæ Fachinæ, juxta seriem Digestorum & Codicis concinnat indicem, qui seorsim primò Groningæ est editus, dein Colonia Agrippinæ ipsi operi præfixus. Habebat præterea Commentarios in varios Digestorum titulos conscriptos: Consilia item innumera, sed ut ea publici juris faceret adduci non potuit, dictitans, Nihil jam scribi quod non sit scriptum priùs. Historiam equidem Drentiæ postremis annis orsus erat: quam, opinor, typis divulgasset, si fata fanda

non

non abruptissimè. Dum autem Groningę magno cum Auditorum applausu docet, præter expectationem, amplissimum Legationis (postea repetitæ) munus ei imponitur. Nam captis à Turca Hollandorum navibus onerariis centum quinquaginta, in mari Lusitanico, Gaditano, Balearico, Ligustico, ab Illustrissimis & Potentissimis Foederati Belgij Ordinibus, adnitente Celsissimo Aulico Principe Mauritio, ad Bassas, five vice-reges Regnorum Juliae Cæsarię & Tuneti, ad ipsorum Senatum, five Diwana apud Barbaricos in Africa, ablegatur anno 1622. pro redintegrandâ pace cum Turcarum Imperatore, pro repetendis navibus, pro redimendo numero captivorum grege. Tribus fermè lustris in exotica & barbarica negotia impensis, redit in Patriam. Hagâ Comitatenſi ubi aliquantulum subſtiterat, relicta, secessit in Drenthiam, hinc ab Illustribus & Præpotentibus Frisij Ordinibus ad primariam Iuris Professionem Academiae Franekeranę vocatus est anno 1636. Mortua priori uxore transiit ad secundas nuptias anno 1641. ductâ Sybilla Boterpot, Antonij Boterpot Secretarij quondam & Graphiarij urbis Vianę, filia, Domini Iacobi Sas, in Curia Ultrajectina Senatoris sorore. Denatus est anno 1645. die 12. Ianuarij horâ duodecimâ.

ad
fr. Julian. Casaream
(Belgicæ) Appulſa
d. 13 Sept. 1622.
vid. Post. Rind. 1755.
Apr. R. 444.




NICOLA



S. a. L. J. sculpsit.

*Uos quicunque vides vultus mirare peritam,
Artificis dextram, sed ei luotrarier intus
Ingenium caeleste pugat, quod sidera novit,
Caelumque, et rapidos solis, lunaeque meatus,
Germinaque et quicquid medica pater abdidit arte,
Haeserit hac totus defixus imagine mundus.*

H. SCHONENBERG.



NICOLAUS MULERIUS.

ORtus est Familiâ antiquâ pariter & opulentâ, *des Mu-
liers*, Gallicæ, ut creditur, originis; quæ jam ante duo
& quod excurrit secula sedem fixit in cognomine colo-
nia; Insulis Flandrorum non longe distante, ac Vindo-
cinenſis Ducis regimini obnoxia. Pater ipſi fuit *Petrus Mu-
lerius* Theologus, Vir ſpectatę pietatis, qui communis illa ætate
ſuperſtitionis ac idololatriæ abominatione agnitâ, ad ſanioris Re-
ligionis lucem oculos atque animum convertit: & mox veritatem
publicè amplexus, ejuſdem Præconem inter cives ſuos egit. Fa-
ctum id Brugis urbe Flandriæ notiſſimâ, & præclarorum ingeni-
orum ſœcundâ matre, ubi habitabat. Conjugem tunc habebat
ſœminam religioſiſſimam *Claudiam le Vetre*, quæ & ipſa deſer-
to Papatu Evangelicis cœtibus ſe junxerat, ex quâ cum alios
tum *Nicolaum*, hunc de quo ſermo nobis eſt, ſuſcepit, Anno
1564. Decembris 25. die Natalitijs Chriſti ſacro. Sæviebat ea
tempeſtate feralis Belgio Inquiſitio, nefaria perſequutione exter-
minaturâ quicumque Pontificiam idolomaniam averſarentur, atque
inprimis ſacrorum aliorum antiſtites. Incubuit illa & Brugenſi-
um oppido: ac parum abſuit quin *Petrum* quoque unâ cum fa-
milia univerſa oppreſſiſſet, niſi præmonitus de periculo ab urbis
Senatore, domo & ſuppelleſtilibus omnibus relictis, ſe ſuosque tem-
peſtivâ ſeceſſione ſubduxiſſet Meninam: quæ Flandriæ & ipſa ci-
vitas, ad Legiam fluvium ſita, tertio lapide Insulis diſtat. Sed
nec licuit hic tuto eſſe, inſequentem ipſum Titelmanno Decano
Ronſenſi, hæreticæ pravitatis (hoc ſtigmate ſincerioris fidei pro-
feſſio notabatur,) Inquiſitore. Quod cum denuò ipſi innotuiſ-
ſet, amici cujuſdam indicio, captivitatem atque necem, quæ pa-
rabantur, etiam tunc feliciter declinavit, & urbe elapſus, in pro-
ximam ſylvam ſe abdedit; tres ſecum trahens liberos, & hos in-
ter *Nicolaum*, annum agentem tertium. Subſecutura autem ma-
ritum Uxor *Claudia*, & calamitatis futura ſocia, ab armatâ per-
ſecutorum manu intercepta eſt, prodita à vicino cum jam in viâ
eſſet, minimam natu prolem ulnis ſuis geſtans. Hæc itaque car-
ceri mancipata, & ſqualore ejus per annum integrum macerata,
cùm neque ſtropharum argutijs à veræ fidei profeſſione abducere-
tur, neque hujus conſtantia infantis ablatione labefactaretur, tan-
dem Albani Ducis ſanguinario decreto morti adjudicata fuit: quam
Religionis ergo adiit Ipris Anno 1568. lætiſſimo conſtantiſſimo-
que animo, ſermone vernaculo concinens Pfalmum 27. *Le Sei-
gneur eſt la clarté qui m'adreſſe, etc.* Quod vero ſanctitate
vitę, morumque commoditate exemplum præbuiſſet omnibus, dum
vixit, gratiſſimum, eam conſecuta eſt ultionem, ut plebs in ne-
farium

farium indicem odium conciperet vehementissimum, nec tantum Judam proditorem infami nomine appellaret, sed etiam officinam ipsius subrueret, gravius quid in hominem proculdubio statutura, nisi voluntario exilio urbe excessisset. Ast *Claudia* maritus *Petrus*, dici non potest quantum ex obitu lectissimæ Conjugis moerorem conceperit; qui postilla Brugæ repetijt, ibique *Nicolaum* filium primis literarum rudimentis initiandum dedit. Inde Caletum secessit, non ante annum 1577. & Gandavensem Pacificationem Brugæ regressus: quo tempore modò dictum filium in disciplinam tradidit Clarissimo Cruquio, à Commentarijs in Horatium scriptis inter eruditos nomen sortito. Sed non diuturna isthæc quies vel Patriæ fuit, vel ipsi. Recruduerunt enim civilia bella, idem secum calamitatum agmen trahentia, & ipse novum exilium subire necessum habuit. Cujus sedem Lugduni Batavorum maluit ponere, ceu loco studijs Filij jam maturescentibus magis opportuno. Hic igitur *Nicolaus* inter Academicos nomen professus, Philologiæ primum ac Philosophiæ, dein etiam Theologiæ mentem manumque applicuit. Quo minus tamen hanc sibi spatiam univè ornandam sumeret, cum alijs de causis, tum secreto quodam genij ingenijque ductu factum est, quibus ad Medicinam ac Mathematicas disciplinas excolendas fuit avocatus. Non neglexit tamen planè Theologiam, sed assiduum sese præbuit auditorem Lamberto Danæo, Isagogen suam publicè tradenti. Adjunxit præterea linguarum Orientalium Hebrææ Arabiceque, nec non Chronologiæ ac Historiarum cognitionem. Quam uberrimam & accuratissimam consecutus est sub institutione Virorum Celeberrimorum Justi Lipsij, Bonaventuræ Vulcanij, Johannis Heurnij, Gerardi Bontij, Rudolphi Snellij, Francisci Raphelengij, & aliorum: Ac tandem summis in Medicina Doctoratæ honoribus auctus fuit d. 24. Martij Anno 1589. Promotore Johanne Heurnio; quo eodem die atque actu eadem cum ipso insignia suscepit Nicolaus Forterius, vitæ ac studiorum socius *Mulerio* individuus. Matrimonium mox inijt Kal. Novemb. anni ejusdem Amstelodami cum Virgine moratissima *Christina Six*, Senatoris Audomaropolitani filia; idque sub oculis Parentis adhuc superstitis, quem biennio post anno 1591. Leydæ defunctum luxit. Ipse quando familiam habere, praxin quoque Medicam exercere coepit, quæ adeo felix obtigit, ut fama illius moti Harlingenses, Ordinarij Medici titulo primum *Mulerium* evocarint anno 1590. In qua statione totos tredecim annos exegit, tanto omnium favore & amore subnixus, ut cum ob rationes domi natas Amstelodamum abire cogitaret, anno 1601. cives dignitate primi, numero quinquaginta & amplius, repetitis supplicibus libellis apud Magistratum institerint, sibi ut suus *Æsculapius* retineretur, aucto etiam honorarij vice stipendio. At enim non nisi

non nisi biennij ulteriorem moram Harlingæ traxit, anno 1603. Amstelodamum profectus, ubi larem fixit. Neque diu post ab Illust. ac Potentibus Groningæ ac Omlandia Ordinibus Ipsi delatum Medici Provincialis munus, quod admisit, & cum familia Groningam commigravit. Anno 1608. cum Gymnasio Leovardienſi Moderator quæreretur, & qui huic functioni destinabantur Clemens Timplerus, & Otto Casmannus, posterior morte, prior à Generosissimo Comite Benthemensi, in dimissionem non consentiente, præpediti, obtineri non possent: tuas Johannis Bogermanni & Goswini Geldorpij Ecclesiæ Leovardienſis Ministrorum, *Nicolaus Mulerius* electus Gymnasioque præfectus fuit. Quod magna cum laude suâ, & discipulorum commodo haud minore, moderatus est, usquedum ad Professionem Medicam Groningam revocaretur; prælectionibus Philosophicis ac Philologicis Juventutem sibi commendatam magis magisque parans Academijs & publicæ illarum institutioni. Et licet post obitum Johannis Drusij Linguae Hebrææ in Academia Franekerana Professoris celeberrimi, suffragijs Illust. Frisicæ Ordinum, Successor ei destinaretur; aliam etiam conditionem Senatus Embdanus anno 1612. offerret; non tamen se passus est exorari. Fixum enim animo habebat, cujus olim ipsi spes facta fuerat, Academiæ Groningæ & Omlandia se suosque labores consecrare: de qua erigenda jam per complures annos consilia agitabantur. Ea autem demum anno hujus seculi decimo quarto optatum diu eventum sortita sunt, Academia Provinciali Groningæ apertâ: Ad quam Ipse ex primis expectitus & accersitus fuit; delataque Medicinæ Professio, nec non Linguae Græcæ Matheseosve: alterutrius eligendæ factâ potestate; quarum hanc, Mathematicam nimirum, Medicæ conjungere maluit, & utramque ad finem usque vitæ, ex usu publico sustinuit. nullis aliorum sollicitationibus, ne quidem Academiæ Lugdunensis Batavæ Curatorum aures præbens, aut assensum. Quemadmodum autem studijs Mathematicis inde à prima adolescentia impensè delectatus erat, ita quoque cum ante, tum post adeptam illius Disciplinæ Professionem, magna cum voluptate incubuit. Hinc nata varia scripta, quæ accuratatione magna concinnavit, quædam etiam publicæ utilitati consecrata in lucem dedit. Primum eorum vulgavit Harlingæ anno 1595. Astrolabium nempe, seu Sphæram planiformem, addita succincta ejus explicatione, tribus libellis Belgicè adornata, quorum postremum in repetita sub vitæ finem editione sustulit. Successere Ephemerides ab anno 1609. ad usque 1626. (quando Filio suo *Petro Mulerio*, Med. Doctori, postmodum etiam Botanices Professore, lampada hanc tradidit:) summo cum judicio scriptæ, parique applausu exceptæ. Majoris autem momenti atque etiam laboris fuit, quod instigantibus Illustri

Josepho Scaligero & Celeberrimo Ubbone Emmio suscepit, & anno 1611. edidit Opus Tabularum Friscarum Lunæ-Solarium. Hæsit autem tunc non exiguo tempore, ubi istud excudebatur, Alcmariæ, quo prælo adesset corrector: eaque occasione Novatorum turbis aliquatenus fuit implicitus. Cum enim Adolphus Venator, ibidem Ecclesiastes, homo non factionis Remonstrantiæ modo, sed etiam Socinianismi veneno infectus, *Mulerium* ad crebriores de Religione collationes provocaret, Ipse Zelo veritatis ductus sæpius in certamen cum Venatore descendit. Atque hinc perspecto novorum dogmatum periculo, postquam Conradum Vorstium ad Professionem Theologicam in Arminij locum Leydam vocatum accepit, non semel apud Academiæ illius Curatores per literas intercessit, omni conatu id agens, ne vocatio succederet. Arbitrabatur enim Sacramenti religione, quæ cum Doctorum honores consequeretur adstrictus fuerat, se teneri, ut quod ad præsentissimam Academiæ istius perniciem facere persuasum habebat, id bonâ fide significaret. Impacta tamen ipsi eo nomine Sycophantiæ calumnia, à Vorstio, in Apologia pleniori: à qua se scripto opposito purgavit, attamen typis describi noluit, suæ se innocentie involvens, quæ tacentem rectius defendebat, quàm Adversarium loquaces chartæ tuebantur. Utilioribus igitur scriptis partam jam gloriam extendere maluit; qualia fuere quæ ab ipsius manu deinceps prodierunt in lucem, Institutiones Astronomicæ duobus libris comprehensæ anno 1616, & anno sequente Nicolai Copernici Revolutionum libri, integritati suæ restituti, ac notis illustrati, alteroque rursus, occasione feralis Cometæ, quem universa Europa fulgentem exhorruit, tractatus de eodem vernaculo idiomate editus, denique liber de Anno Iudaico ac Turcico anno 1630. luci datus. Cæterum dum Groningæ professione functus fuit, non tantum Academiæ utilem operam præstitit, Anatomicis sectionibus aliquoties institutis, Bibliothecæ curâ ad vitæ finem usque, Rectoratu autem Academico altera vice gestis: sed & extra eam Medicam Praxin felicissimè exercuit, & cum Anno 1621. Societas Indiæ Occidentalis institueretur, ob singularem rerum illarum peritiam, in Collegium Directorum hujus Provinciæ, inter primos allectus, & ejus nomine ad conventum Societatis supremum, quem XIX-virum vocant, non semel delegatus fuit. Intercessit præterea Ipsi cum primarijs Reip. Proceribus, doctissimisque per Europam Mathematicis familiarior amicitia, cujus conservandæ augendæque semper fuit studiosissimus. Habebat autem eas dotes, quæ plurimum ad necessitudines conciliandas faciunt, bonam mentem, pectus candidum, vultum gravem suavitatem temperatum, sermonem gratum, mores compositos, similesque, illecebras tam visu facilem quam dictu affabilem omnibus præstantes. Quibus artibus quosvis sibi amicos parare, paratos servare proclive fuit. Nec

fuit. Nec defuit favor ipsorum hujus ac vicinæ Provinciæ Gubernatorum, Illustrissimorum Guilielmi Ludovici, ac Ernesti Casimiri Nassoviorum, qui Ejus tum in Medicinâ faciendâ, tum in Republica administranda consilium, non rarò postularunt, secutique sunt. Hoc modo cum ætatem ageret, non potuit ejus extremum grave esse. Quod absolvit ipso die Dominico Nonis Septembribus anni 1630. brevissimo quidem, at non infelici compendio. Postquam enim eopse die Sacris Cœnæ Dominicæ interfuisset, supremum funeris honorem Collegæ in Societatis Indicę cura præstitisset, domique tum nepotum Catechizatione, tum pijs de mortuorum resurrectione meditationibus sese oblectasset, colicis tentari cœpit doloribus, cumque in culina confedisset apoplexia quoque correptus fuit. Unde prolapsus inter suorum lachrymas, & præces à Collega vicino Henrico Alting Theologo conceptas, piâ animam exhalavit: in choro Templi Academici tumultus, exsequias euntibus, mortuumque lugentibus omnium Ordinum hominibus frequentissimo agmine. Vixit in universum annos 65. menses 8. dies 12. exactis in Professione annis 16. & 13. diebus. in matrimonio autem annis ferè 41. Reliquit superstites Uxorem primam, & quos ipsi pepererat liberos utriusque sexus sex, ex undecim reliquos. Quorum natu maximos, filium quidem *Petrum Mulerium* Medicinæ Doctorem, Botanices Professioni in hac ipsa Academia inauguratum vidit, filiam vero *Menelao Winsémio*, Medicinæ Doctori & Professori Franckerano elocavit. Nupsere & reliquæ filiæ duę Fisci Urbani Patrono altera, altera Pharmacopœo honestissimo: filij autem totidem coelibes vitam transgère. At mentis & ingenij foetus, tam qui lucem adspexerunt, quam quos relictæ Schedæ continent, subjectus index exhibet.

Ipsomet. AUTORE

N I C O L A O M U L E R I O

curante prodierunt.

A Strolabium cum Isagoge, sive *Kort Onderwijs van't gebruik des Astrolabiums.*

Tabula Frisica Luna-Solares. Kalendarium Romanum vetus, cum Isagoge.

Korte Tafelen van Sinus Tangentes, Secantes, &c.

Institutionum Astronomicarum libri duo.

Nicolai Copernici Astronomia instaurata, cum Notis.

Hemelsche Compert van de Comeet des Jaers 1618.

Judeorum Annus Luna Solaris, & Turc-Arabum merè Lunarís.

Reliquit inedita ab hæredibus expectanda.

Tabulas Frisicas reliquorum quinque Planetarum.

Tractatum de Fortificatione.

Tabulas Astronomicas compendiosas ac usu faciles.

Claudij Ptolomei Quadripartitum, in Latinam linguam translatus & notis illustratus.

Quod opus à multis expetitur, in alienas manus & potestatem venit, atque sic hæredibus, forte etiam ipsi Autori perijt.

70 JOHANNES EPINVS HVNINGA J. V. D.

JOHANNES EPINVS HVNINGA J. V. D.

Natus hic in agro *περιχωρη*, mox in ipsa primâ Academiæ institutione, inter primos ejus sex Professores introdu-ctus, Philosophiæ moralis ordinariam, & Institutionum Juris professionem extraordinariam; nec non Secretaria-tum nactus, & Rector Academiæ Anno *ciōiōc* xix mense Augu-sto electus fuit. At proximi anni *ciōiōc* xx mense Februario creatus urbis Senator, Academiæque Curator, abdicavit se Recturâ & Professione: & reliquam vitam in Republica exegit, ad Consu-larem dignitatem evectus. De quo quia, uberiolem vitæ histo-riam non suppeditarunt propinqui, non habemus quod addamus ultra: præter hos versiculos in honorem ejus ab amico scriptos.

E L O G I U M

Nobilissimi Amplissimique VIRI

DN. J O H: H U N I N G A
Prof. & Consulis Groningani.

Protulit hunc, prisca quæ Nobilitate refulsit,
Ex magni HUNONIS nomine nata domus.
Cui nemus Eoum sedes, validissima quondam
Delitissque suis arx animosa, fuit.
Quando tumens Amasus Dullarti peperit undas
Terrasque infusa sorpsit avarus aqua.
Verba cito Ubbonis magni, non somnia vatum,
Cui famam Frisus debet uterque suam.
Sed longe ingenio genus hoc superavit avitum,
Doctorem ut fuerit doctus HUNINGA stupor.
Qui vester, vobis merito debetur Athenæ,
Rector, & illustri Consul in urbe fuit.

A. C. F. ex tempore.


G V I L I E L M V S



Protulit hunc, priocā quā nobilitate refulsit,
 Ex magni HYNONIS nomine dicta domus;
 Quando timens Amasius Düllarti peperit undas,
 Terraeq; infusa sorpsit avarius aqua.
 Sed longè ingenio genio hoc superavit auitum,
 Doctorum ut fuerit doctus HUNINGA stupor.
 Qui pester vobis, meritò debetur Athenae
 Rector et illustri Consul in urbe fuit.

ARNOL. CRAL.





*Gente Caleconiis, Sophia, Themidosq; sacerdos,
 MARKDOWELLORVM gloria prima domui;
 Sic oculos, excessu animo, sic ora ferebat,
 Qlm premeret fontes protegeretq; bonos.*

FRANCISCVS IVVIVS. F. N.

GULIELMVS MAKDOWEL.

71

GVLIELMVS MAKDOWEL.

Scotiæ provincia est Teviotia, ab interfluente atque Teviotia vulgo *Teviot'sdeel* dicta, Angliæ regno finitima. Hinc origine duoit GULIELMVS MAKDOWEL, mortalis vitæ telam exorsus Anno dno MDXC. circiter Idus Octobres, in Parochia de Makarston, vetusta familiæ sede, quam Tueda fluvius alluit, Scotiam ab Anglia determinans, qui sensim inde decurrens, ac Bervicum præterlabens, in Britannicum se mare exonerat. Prosapia ipsi obtigit inter populares suos Antiqua & Illustris, sive paternum genus spectes, sive maternum. Annalium enim Scotticorum constans memoria nobile nomen *Makdowel-lorum, Douglassiorum, Edmistonorum, & Carorum*, (quos omnes inter majores suos numerat,) æternitati consignavit & consecravat. Patrem habuit *Thomam Makdowell* Dominum & Toparcham in Steidrig & Makarston, cujus mater *Beatrix Douglassia* filia erat *Guilelmi Douglassij*, ejusdem Provinciæ Præfecti ac Satrapæ hæreditarij. Matrem vero *Johannam Caram, Andreæ Caride Greynkeade* Equitis aurati, & *Johannæ ab Edmiston* filiam. (Fuerunt autem *Edmistonij* ante tempora regis Milcolumbi, qui primus Comitum & Baronum titulos in Scotiâ constituit, *Athani* dicti, id est Buchananis interprete, Superpræfecti; quâ nulla major apud præfatos Scottos dignitas.) Vix septennis à parentibus ablegatus est Mulselburgum, (oppidum est ad fluvium Escam situm, quatuor mille passibus Edimburgo regni metropoli distans,) ob Scholæ trivialis quæ ibi erat celebritatem: ut vernaculæ & Latinæ linguæ elementa addisceret sub auspicijs & manu ductione Magistri Georgij Nisbeti, non infelicis tunc apud suos juventutis informatoris. Exegit hic sexennium eo fructu, ut cum dimitteretur, simul etiam judicaretur dignus, qui ad Academiam mitteretur. Distulit tamen istud facere Pater ejus, mage consultum putans filij studijs, siquidem Grammaticæ præcepta uberiore Historiarum & Poëtarum lectione firmaret. Quare ipsum Calsomum misit, in oppidum mille passibus ferè à suis ædibus distitum, ac Magistro Johanne Balfourio insigni historico commendavit; sub cujus disciplina & sub ipsis quasi Patris oculis, annum sequentem absolvit. Ita tandem Andreapolin venit, urbem tam extra quam intra regnum propter Academiæ famam longè celeberrimam: ubi deturso ex lege & more quadriennij curriculo, conspirantibus & consentientibus examinatorum omnium punctis, titulo laureæque Magistrali inter primos primus est ornatus, Promotore magni nominis Philosopho Magistro Johanne Strangæo, quem post Academia Glasguana Præfectum habuit, & Theologiæ Professore clarissimum. Priusquam tamen gradum Magisterij susciperet, factum est ut

est ut Philosophica in Collegio Leonardino apud Santandreas Professio ipsi offerretur, ex communi sententia Examinatorum, & inprimis Petri Brussij, viri Nobilissimi, ac illius Collegij Præfecti; cui Celsissimus Dux Levinus, Collegij Leonardini fundator, ex jure à majoribus sibi relicto, vocandorum Professorum potestatem fecerat. Hæsitavit autem aliquamdiu, animi anceps ob immaturam adhuc ætatem, donec tandem Brussio suadente, jubente, urgente, eam functionem adiit, & per triennium atque amplius magna cum laude sustinuit. Nam & laribus Leonardinis adjumento, & Collegis solatio, & toti Academiæ singulari admodum fuit ornamento: unde quam gratum Ipsius contubernium, tam ingratum accidit omnibus, quod inde avelleretur. Nunquam consensuris in Ipsius abitum, nisi privatas suas rationes publicè juvandæ Reipublicæ literariæ studio posthabuissent: quod totius Academiæ nomine professus est ejus Rector, Petrus Brussius, in testimonio discedenti concessio. Causam vero migrationi Ipsius dedit Vocatio Illustrium ac Præpotentum Groningæ & Omlandia Ordinum: qui per Octoviros erigendæ Academiæ Curatores, parario Nobili Viro Johanne Casimiro Junio Fr. F. olim Academiæ Andrapolitanæ, dum Philosophiæ studiis operam dabat alumno, ad novellam Academiam & Philosophiam in eâ docendam, *Gulielmum Makdowellum* sollicitarunt, & exorarunt. Huic igitur muneri inauguratus est unâ cum primis Academiæ Professoribus, anno MDCCXIV. & post reditum ex Scotiâ, quo componendarum rerum suarum gratiâ profectus erat, ipsummet auspicatus. Quâ porro fide, constantiâ, ac juventutis commodo in eo versatus sit, in recenti multorum est memoria. Neque *φιλοῦς ἐννοεῖται* inherere, neque vanis ac inutilibus *παρέργοις* luxuriari placitum habuit; sed artem, uti decet, ab ipsis fontibus derivatam, per præcepta commoda, variarum facultatum exemplis illustrata exhibuit; omniaque ad usum ac praxin accommodavit. Cujus rei documenta exstant, omni exceptione majora, Collegia nimirum Ipsius, per omnes ferè Philosophiæ partes habita: quæ hodieque non sine fructu multorum manibus teruntur. Academiæ etiam fascès, brevi intervallo bis sibi delatos, cum laude & applausu publico gessit. Dum autem ita publicè Cathedræ Philosophicæ decus tuetur & auget, privatim Jurisprudentiæ sedulam navavit operam. Cujus adeptæ luculenta edidit specimina: quando non modo in vicino agro, jurisdictioni Ipsius per matrimonium subjecto, ipsemet tribunal exercuit, & inter vicanos jus dixit; verum etiam in Conventibus juridicis majoribus, qui bis quotannis in Urbe habentur, non semel in Judicem à toto conventu electus fuit, & cum alijs, qui jure dicundo præsumt, causas appellationum graves & arduas cognovit, definivitque. Publicum verò consecutus est eruditionis suæ in Juris & æqui scientia testi-

monium,

monium, non tam suâ voluntate, quam amicorum suâsu petatum, a. d. vi. Kal. Junij, cio 10cxxv. quo Jurium Doctor renunciatus fuit à Jureconsultorum Coryphæo, Antonio Matthæo, Antecessore primario, recens tunc ex Marpurgenfi Academia ad nostram vocatione Ordinum traducto: congratulantibus, & præconia dicentibus viris celeberrimis Ubbone Emmio, Nicolao Mulerio, & Henrico Schonenburgio, post Consulatum Urbis adeptus: quæ adhuc supersunt, & augurium habent, fore ut Magnatum Regumque consilijs suo merito tandem adhiberetur. Biennio post anno cio 10cxxvii. cum ex vivis excessisset Magnificus & Amplissimus vir Petrus Pappus à Tratzberg, Prætor ac Præses Senatus Militaris in hac Provincia meritissimus, Ipse sine ambitu ac anxia, quæ hodiè viget, prensatione, annitente & suadente Illustrissimo & Generosissimo Comite Ernesto Casimiro Nassovio, Provinciæ Gubernatore, concurrentibusque Procerum suffragijs ac votis, defuncto suffectus fuit. Sic igitur Academiæ, cui jam tertium decimum annum inservierat, valedicere, & ad aliam Spartam ornandam sese accingere necessum habuit. Quin præstitit etiam magno Reipublicæ ac disciplinæ militaris bono, in annum usque cio 10ccl. quo ad aliam eamque majorem dignitatem vocatus est. Cæterum dum Præturâ militari fungitur, gemina Ipsi demandata, atque obita fuit Legatio, ad Sereniss. Magnæ Britanniæ Regem Carolum. Altera quidem anno cio 10c xxix. cum Provinciæ huic & vicinæ Frisiæ ob non soluta stipendia graves esse inciperent duæ Equitum turmæ, Regijs auspicijs ac sumtibus hic conscriptæ, quarum Gulielmus Balfour & Johannes Dulbis ductores erant. In qua ita se gessit, ut diligentia ac fidei singularis testimonia eum ab Ipso Rege, tum ab Illustri viro Alberto Joachimi, Foederatorum Ordinum in Aula Britannica Legato ordinario, literis quas uterque dedit ad Illustriss. Comitem Ernestum, retulerit luculentissima. Alterâ vero ob negotia longè gravioris momenti, functus est annis xxxv. & xxxvi. Nitebatur tunc Britannus, pravorum consilijs impulsus, & classico quasi canente Seldeno, Mare clausum evulgante, liberum mare sibi proprium vindicare, jus omne piscandi suæ potestatis facere, alijs omnibus & Belgis imprimis, halecum piscaturam exercentibus exclusis, ni sibi ob concessam licentiam vectigales fierent, graviaque tributa penderent: atque ut hæc obtineret, validam classem instruxerat, quæ jam in anchoris hærebat, regia mandata vi eaque armatâ exsecutura. Hanc calamitatem ut à Belgis averteret, solidis Ipse argumentis, & quanta subditum decebat *παρηγορία* expositis, apud Regem institit, atque ut à cœpto desisteret persuasit: sic ut nulla ab eo tempore vis piscatoribus illata, nullum damnum datum fuerit. Qua de causa ipsemet Celsissimus Princeps

Princeps Auriacus Fredericus Henricus reduci gratias egit, & ob utilem Belgio navatam operam collaudavit. At Rex Carolus ab eo tempore maximo in pretio habuit, deque Ipso suis ministerijs vendicando cogitare coepit. Nam non multo post, absenti licet, & stationem pristinam Groningæ tuenti, locum in supremâ Scotiæ Curiâ assignavit: quod tamen Consilium ob civile bellum, quo universæ Britanniae fundamenta concussa quodammodo ac convulsa videntur, non successit. Anno MDCLXIX, agitata Hagæ Comitum fuit causa, quâ nulla unquam in Belgio mota, forsan nec movenda gravior, super Marchionatu Bergenfi, cujus redditus annui à partibus æstimabantur plus quam centum & triginta florenorum millibus, litigantibus de eo magnâ animorum contentione, atque in supremâ revisione Consobrinis Ducissâ Lotharingæ, & Principe Hogensolrea. In eâ inter aliarum Confoederati Belgij Provinciarum Delegatos, nomine Groningæ & Omlandie sedit etiam *Makdowellus*, atque unâ cum reliquis Judicibus sententiam dixit. Interea à Carolo secundo, Magnæ Britanniae & Hyberniae rege cum Legatis Scotiæ de rebus componendis agente, ex commendatione Celsissimi Principis Auriaci, inter Consiliarios adhibitus, post etiam ab Eodem, Scotiæ regno jam potito, Ordinarij ad Foederatos Belgas Legati titulo, quo in hodiernum usque diem gaudet, ductus fuit. Matrimonium inijt geminum. Prius anno MDCLXVII. cum virgine nobilissima *Bernardinâ à Fritema* Menonis in Fritema, Toparchæ, & *Emilie Clantie*, cujus pater Johannes Clant Consulatum Groningæ gessit, filia: ex qua filios duos præmaturè mortuos, filiamque unam suscepit, *Emiliam* ab avia materna denominatam: quæ adhuc superstes felicibus nuptijs elocata est Nobilissimo Viro *Ulrico ab Ewssum ten Post*, pluribus jam in Provincia honoribus muneribusque functo. Alterum cum nobilissima item matrona *Elisabethâ Alberdâ*, Regneri Alberda van Zandt & *Helene Ripperda* filia, viduâ autem atque etiam ex asse hærede, Sixti à Botnia, in Feerwert & Nieuwe-lant Toparchæ: quod sterile fuit, & hujus morte hoc anno MDCLXX. alteram viduitatem *Makdowello peperit*.



Sculpsit

et sculp

Flandria me genuit; varij tenuere; repostum
 Servat ad extremum Clara Groninga diem.
 Quis fuerim, quantusq; rogas? non amulus edat,
 Non favior: vero livor et obstat amor.
 Utrumq; expeto pro me mea scripta loquantur.
 Hec veri studium est, hec pietatis amor.
 MARTINVS VBBENIVS. Eccltes Enckhusanus.



H
lis
not
da.
qua
ex
re
es
ac
tis
ca
int
pie
ban
ren
qui
sub
den
alq
oni
um
&
m
La
Cr
nim
Hie
ad
scri
inf
cup
Pri
LX
pro
Sac
Te
coq

FRANCISCUS GOMARUS.

Extulerunt hoc tantum Sacrarum literarum lumen, celebrata Meursio Belgarum Athenæ Brugæ, Flandrorum post Gandavum urbs primaria, inter foederis Anseatici *ἑσπερίων* jam olim relata, Anno à salute parta *MDLXIII.* mensis Januarij die xxx. Patri *Francisco*, matri *Johannæ Mærmans* nomen fuit, ambobus loco honesto natis, & in re non contemnenda. Sectabantur illi non sine Numine in conversione Sacrorum, quæ superiori seculo etiam Belgio obtigit, partes Reformatorum, & sincere fidei ac pietatis semina cum ipso lacte in filium derivare studebant: quem etiam animadversa indole ad literas meliores facta, harum studijs inde à teneris consecrarunt. Prima in hac militia stipendia in urbe patria fecit, quæ præclaros juventutis doctores, & magnam discipulorum frequentiam tunc alebat, eâ felicitate, ut quæ in trivialibus istiusmodi Scholis tradi solent, intra xv. ætatis annum cum laude absolveret. Cæterum cum pietatis veræ luce imbutus esset, eam vero, ut tum tempora ferebant conscientia iniqua, haudquaquam tutum esset profiteri, Parentes quidem in Palatinatum, commune piorum exulum perfugium, concesserunt, Filium autem Argentinam ablegarunt, ubi sub disciplina magni illius Johannis Sturmij septuagenarij quidem, at vegeti & ad labores Scholasticos impigri, in tertium usque annum artibus dicendi, humaniorumque literarum cognitioni, summo studio parique fructu incubuit. Hinc Neostadium Palatinorum profectus anno *MDLXXX.* studia linguarum & artium persecutus est, Doctoribus & præceptoribus eruditissimis, in Hebraicis Francisco Junio, Simone Stenio in Græcis, Lamberto Pithopæo in Latinis, at in Philosophia Fortunato Crellio & Johanne Jugnitio. Tandem etiam ad Theologiam animum applicuit, quam celeberrimi Doctores Zacharias Ursinus, Hieronymus Zanchius, & Daniel Tossanus profitebantur, cui addiscendæ magnam temporis partem publicè privatimque transcripsit. Ejus verò scientiam haud vulgarem adeptum, literis insuper Hebræis ac Philosophicis haud perfunctoriè tinctum, cupido invasit, inita peregrinatione Academias Angliæ visendi. Primum autem Oxonium se contulit, declinante jam anno *LXXXII.* & Iohannem Reinoldum, mox inde Cantabrigiam progressus, Guilelmum Withakerum, Theologos celeberrimos Sacra docentes audivit. Hic quoque impellente Gulielmo Tempello, Philosopho Ramæo, Philosophica studia sibi re-eoquenda sumsit, & placitis Aristotelis præceptiones Ramæ conjunxit,

conjunxit, peractoque ut loquuntur cūrsu Baccalaurei & Magisterij Philosophici, gradum meritissimè impetravit, a d. xi. Kal. Julij cō 10 xxxiv. Restitutā sub Johanne Casimiro Electoralis Palatinatus Administratore Heidelbergā, ad illam Academiam se contulit anno insequente, & Sacrosanctæ Theologiæ studium gnaviter continuavit, atque intra biennium absolvit, disciplinā & institutione usus summorum Theologorum, Johannis Jacobi Grynei, (qui altero anno Basileam regressus est) Danielis Tossani, Georgij Sohnij, & Francisci Junij. Opportunè tunc temporis vocatio oblata ab Ecclesiā Belgarum, quæ Francofurti ad Mœnum erat & Ministrum desiderabat. Eam, cū Patriā carendum sibi videret, libenter admisit, & anno cō 10 lxxxvii. functionem orsus, in illa statione integros septem annos perseveravit: non exiguis colluctatus difficultatibus & certaminibus, quæ tandem adversariorum demagogorum opera, odio Religionis nihil non machinantium, eousque invaluerē, ut Orthodoxa Ecclesia Urbe eliminatā fuerit. Factum illud anno cō 10 xciii. quo tempore Leydenſes de Professore Theologo Belga in suam Academiam adſciſcendo, & Lucæ Treleatio ſeniori ac Francisco Junio huic Gallo, illi Gallo-Belgæ adjungendo, conſilia agitabant. Ea vero præ cæteris in Gomarum ferebantur, jam famā notum, cui per literas d. xxvi. Januarij anni xciv. ſignatas à Curatoribus Athenei Batavi, Profeſſio deſtinata delataque fuit: & ab Ipſo, conſentiente in diſmiſſionem Francofurtenſis Eccleſiæ Presbyterio, admiſſa. Priuſquam tamen novo muneri ſe ſiſteret, Heidelbergam recurrit, ibique teſtimonium doctrine Theologicę petijt, & conſecutus eſt, poſt prævia examina privatum publicumque, Diſputationis de S. Coenā Præſide Petro Calamino habitæ, Licentiam ipſi Daniele Toſſano, Decano, Docturam verò Jacobo Kimedonio, Promotore, conferentibus. Sic igitur Lugdunum Batavorum profeſſus Profeſſionem adiit, eaque tum ex uſu Eccleſiæ, tum quietē etiam & ex animi ſententiā functus eſt, ad annum uſque cō 10 cii. Novi Teſtamenti interpretationi potiſſimum incumbens: Poſt illa verò magna cum difficultate ac moleſtia, ex quo gravis illa Eccleſiæ, Academia, Ipſi, tempeſtas Remonſtrantica incubuit. Quippe Lucā Treleatio Patre, & Francisco Junio paucorum dierum intercapedine peſte ſublatis, illi quidem Filius cognominis, huic vero Jacobus Arminius (infauſtum Belgio nomen) ſuſſectus fuit, anno ſequentē cō 10 ciii. Eſſi enim initio proſiſteretur ἐπεὶ οὐδὲν, ſenſim tamen nudavit animum, & dogmata Pelagiana clam palam, voce ſcripto ſpargere cœpit, ac familiam in Academia ducero. Unde gravia certamina de præcipuis doctrine capitibus nata, in quibus Gomarus προμαχων ſe geſſit, ac fortiter conſtanterque cauſam veritatis egit: non tantum intra Academiae Lugdunenſis ſepta, ſed & coram ſummo Hollandiæ Ordinum conſeſſu,

confessu, ubi bis cum Antagonistâ Arminio congressus est, solus cum solo, anno CIO IOE VIII. insequente autem anno sociatis hinc inde quaternis Pastoribus: successu quidem non eo quem Ecclesiæ optabant, ut profligatis erroribus ac schismate Orthodoxa veritas & concordia in arce collocaretur: non tamen nullo, cum, detractâ larvâ, Adversarij Pelagianismus palam evictus fuerit. Quod ipsemet Arminius fatis sensit, qui excusatione usus valetudinis (quam affectam habebat) postremum colloquium abruptit, domumque reversus aliquamdiu post vivere desiit. At non simul mortuæ, quas in Ecclesiam & Academiam intulerat, controversiæ, quin novus eis quæsitus ὑπερασπιστής idemque defuncti in Professione successor, Doctor etiam impurius Conradus Vorstius, impietatis Socinianæ famosus & confessus assertor, insuper habitis omnibus Ecclesiæ & piorum monitis, precibus, protestationibus, quibus hujus hominis vocationi intercedebant. Gomarus igitur cernens vix locum sanæ doctrinæ Lugduni relictum, melioribus Ecclesiæ temporibus se servaturus, missionem ab Academiæ Curatoribus petijt & impetravit, anno CIO IOEXI. concessitque Medioburgum, Zelandiæ metropolin, ubi paratum Ipsi erat hospitium, atque etiam munus publicum in Ecclesiâ & Scholâ obeundum. Quod utrumque adiit, & utrobique docens, ac cum Theologicis Hebræa conjungens, substitit ad annum usque CIO IOE XIV. quo in Gallias transijt Salmurium, Theologiam veteri more professurus. Sed mox altero anno, ab Ordinibus Groningæ & Omlandiæ sollicitari cœpit, qui delatâ ipsi Professione primariâ Theologiæ, nec non linguæ Hebrææ, in hanc Academiam traducere nitebantur. Non tamen successit consilium ante annum CIO IOCXIIX. quo demum hoc Theologo potiri potuerunt; semel autem nacti constanter retinuerunt, totos XXII annos, summâ fide, industria, dexteritate, etiam declinante ætate, Cathedræ suę decus tuentem. Quo toto tempore bis tantum Academia vivam ejus vocem desideravit. Semel cum ad Synodum Nationalem Dordracenam componendis Arminianis controversijs ablegatus fuit, anno CIO IOCXIIX. iterum cum anno CIO IOE XXXIII. recognoscendæ novæ Bibliorum Veteris Test. versioni Lugdunum Batavorum esset evocatus. Alias constans sonuit semper, commentarijs analyticis & exegeticis, plurimos N. T. libros illustrans, quos actō semel labore in orbem redeunte, ceu ursus catulos suos lambendo magis magisque expolivit & accuravit. Recturam Academiæ annuam legitimè delatam quater gessit, cum honore suo & commodo publico. Sic ætatem exegit ad extremam usque senectam, quæ vegeta ipsi, succi & spirituum plena obtigit. Donec tandem anno CIO IOE XXXIX. catarrhis infestari crebrius ac gravius, ijsque in coxam defluentibus ischiaticis passionibus vexari cœpit. Auctus cum ætate & hiberna tempestate morbus primò in-


cessus, inde etiam sessionis usum ipsi ademit, totumque lecto affixit. Accessere symptomata alia, obstructions in primis, & exinde febris, quod reliquum fuit vigoris & virium paulatim depascens. Ex quibus velut præcursoribus cum imminere sibi fatalem diem præsentisceret, ad Dei evocantis voluntatem, per seriam respirationem, sinceram fidem, & ardentem gratiæ ipsius implorationem, sese composuit: nec minus Ecclesiæ totius quam suam salutem intimis suspirijs eidem cœlesti Patri commendavit, cui tandem piam animam vitæ hujus saturam, alterius cupidam & securam, reddidit, mensis Januarij die xi. circa decimam vespertinam, anno ætatis suæ LXXVIII. exeunte, Christi cō. ioc xli. incunte. Primum & tertium matrimonium, illud cum *Anna Emerentia Musenhol* Francofurti, hoc cum *Anna Maria La Noye* Middelburgi inita, sterilia ei fuere: at secundum cum *Maria L' Eremite* utroque parente nobili, itidem Francofurti contractum, verè secundum ac fecundum, ex quo filiam natu minorem Rev. viro, *Davidi de la Haye*, Ecclesiæ Gallicanæ Pastori nuptam, nepotesque ex ipsâ, filiâ alterâ, ac filio Patri cognomini, annos aliquot ejus fata prægresso, complures superstites reliquit. Vir fuit excellenti ingenio, memoriâ stupendâ, diffusâ in Philosophicis ac Philologicis doctrinâ, linguarum plurium, sed in primis Orientalium (quibus accuratius perdiscendis nec Iudæos magistros dedignatus erat) peritissimus, Theologus summus, cujus memoriam scripta ipso vivo ac mortuo edita, in omnem posteritatem conservabunt.

Opera ejus conjunctim edita Amstelodami, typis Jo. Janssonij, Anno 1645.

Seorsim quoque edita Poetica Hebraica, sive commentarius de Lyrâ Davidis, postremum senectutis ipsius opus.



NICOLAUS



Quem terrois rapiſſee cluſit Mors invida totum,
 Parte homines ſatagunt reddere, parte Dea.
 Muſa viri genium ſcriptis æterna refingit,
 Humanum humanâ pingitur arte caput.
 Sicq; redit totus ſubjecto LANGIVS orbi
 Sive homines dicas, ſeu poſuiſſee Deas.

I.B.I.F.



L
unda
defi
nati
his
dis
pare
ms
nam
bero
am p
Sav
men
exer
viri
u
mun
gaw
cun
ut d
te v
bier
ris
ac
rac
m
U
re
m
t
que
qua
cui
tem
fiur
dare
Con
lic t

Lucis hujus usum fortitus est Crempæ urbe Holsatiæ inter præcipuas, Anno à nato Redemptore 1586. pridie Kal. Februarias. Patre ei Vir Reverendus *Hartichius Langen*, ex honesta ac vetusta inter Dithmarsos familia oriundus, Patri & avo suis, in ministerio verbi Divini successor, Ecclesiæ Meldorpenfis prope Crempam pastor primarius. Mater ornatissima matrona *Catharina Lefen*, Senatoriâ familiâ nata. Ab his mox à teneris unguiculis pietatis, literarum, ac virtutis studiis innutritus, partim disciplinâ domesticâ, vocè & exemplo parentum ipsorum manu ductus, partim à Ludimagistris oppidanis, quibus formandum ingenium ejus commissum, rudimentis artium, linguarumque eruditum imbutus. Quumque in ista herba messis non contemnendæ spem ostendere visus esset, ad eam promovendam, à piis parentibus Hammoburgum amandatus, Scholæque illius illustris Præceptoribus, Amicisque alijs commendatus fuit, sub quorum partim institutione partim inspectione, per biennium ad eam maturitatem studia sua promovit, ut Academicæ institutioni fufiori ac solidiori habilem, Parentibus consentiens judicium Præceptorum, transcribendum eum existimarent. Missus igitur in Academiam celeberrimam Rostochiensensem, per triennium primum Philosophicis studiis ac humanioribus præludendum duxit graviori ac vastè Legum Juriumque prudentiæ, ad quam genio inclinante ferebatur. Tum hujus quoque sacris utcumque initiatus, ut sub novis Præceptoribus novo ardore, longius in hac facultate procederet, Wittenbergensem Academiam petiit, in eaque biennio ferè Clarissimis Doctissimisque Viris, quibus tum temporis cathedra Juridica ibi florebat, publicè privatimque audiendis ac frequentandis unicè vacavit. Ex eorum numero ordinariuserat Bartholomæus Reusnerus Canonum Professor, Leorino Silesius, Lucas Beckmannus, Wolfgangus Hirsbachius, Erasmus Unru, Socer Polycarpi Leiseri, Valentinus Guilielmus Försterus, magni Icti Valentini qui de successionibus ab intestato scripsit, magnus filius. Tum temporis etiam Helfricus Ulricus Hunnius, Ægidij Theologi F. Giesæ U. J. D. promotus, multam utilemque Academiæ istius operam præstitit, Collegijs suis quâ Lectorijs quâ Disputatorijs, imò etiam publicis disputationibus, quæ unicuique Doctori promoti habendæ conceduntur. Quomodo autem sub Clarissimis peritissimisque istis Doctoribus locarit tempus suum, ac profecerit, testis est exasciata Disputatio, quam sub laudato Domino Helfrico Hunnio An. cto 1591. mense Maio, de Connubiorum jure, publicè defendit. Ibi in juris Civilis studio sic satis confirmatus, ulterius perrexit, viditque & audivit Lipsiæ Romanum

Romanum & Sitzmannum, Jenæ Fomannum, Arumazum, Pinzingerum; Heidelbergæ Clarissima illa Legalis scientiæ lumina Gothofredum, Hofmannum, Nebelium, & adhuc, ut computo, Calvinum: Bachovium quoque incomparabilem, tum quidem Ethices adhuc Professore, sed de jurisprudentia nihilominus jam tum præclarissimè meritum. Tempore igitur satis longo adeundis ac frequentandis Germaniæ superioris Academiis impenso, tandem An. 1612. Belgicam petiit, ejusque florentissimam Academiam Lugduno-Batavam, quàm eruditione famaqué sua tum nobilitabant viri summi, Eberhardus Bronckhorst, Cornelius Grotius, Gerardus Tuningius, Cornelius Pynacker, cui præ cæteris maximè familiaris exstitit, ejusque præsidio munitus mense Julio de Jure dotium publicam disputationem instituit. Collegia quoque, hoc & sequenti anno, de gravissimis in jure materijs variarum nationum eruditæ Nobilibusque Studiosis aperuit, ut disputationes eruditæ in eis ventilatæ publico datæ luculentissimè attestantur. Quâ industriâ cùm laudem sibi famamque non exiguum comparasset, nixus ad ulteriora, quo & experientiæ & eruditionis coronidem imponeret, plures & Academias & terras obeundi consilium cepit. Primumque Lovaniensem adiit Academiam, in eaque per menses sex moratus, Flandriam inde reliquam peragravit. Tum in Britanniam transfretavit, eaque perlustrata Gallias adiit, cui obeundæ biennium integrum impendit, tum Reip. ac moribus institutisque gentis, tum linguæ cognoscendæ deditus. Tandem tædio vitæ hujus Academicæ, & ut ita dicam vagabundæ, obrepente desiderio Patrios lares revisendi, patre quoque revocante, Daniam petiit, per eamque ad suos reversus, unde quaque literis moribusque ornatissimus, magno omnium suorum applausu & congratulatione est exceptus. At cum publico interveniendi studium in ocio illo paternæ domus animum ejus quiescere diutius non pateretur, paucis mensibus ibi exactis, Vitebergam quasi postliminio repetijt, simulque cum Hunnio contractam veterem illam ante amicitiam & familiaritatem renovavit. Inde fama recens apertarum in hac urbe ab Illust. Præp. Gron. & Oml. Ordinibus Athenarum excitus, huc advolavit, ingenij eruditionisque suæ specimen exhibiturus, seque ipsum ad Spartam publicam magis magisque præparaturus. Venit igitur in hanc urbem bonâ avi, anno 1618. mensis Decembris die XIV. Rectore Magnifico Cl. Dn. Francisco Gomaro, brevique non æqualium tantum & juniorum, sed & Procerum Reip. Academicæque Patrum animos, quasi honesto philtro, ingenij, eruditionis, diligentie, ita sibi devinxit, ut Facultas Juridica inclyta facultatem ei Collegia privata aperiendi, ultrò libenterque concederet, magno Academicæ discipulorumque bono, certatim ejus institutionem & disputationum hebdomadariarum præsidium expetentibus Juris Studiosis.

Neque

Neque sufficiebat gratis Studioforum animis frui quotidiana ejus conversatione & institutione, sed Professore cum publicum, saltem extraordinarium expetebant, quod etiam non magno negotio ab Ampl. Dn. Curatoribus Academiae, qui Athenas suas celebres & insignes esse vellent atque optarent, dotes Viri praeclaras agnoscentibus & aestimantibus, fuit impetratum. Itaque anno 1619. d. 16. Decemb. Professionem extraordinariam ad preces Studioforum nactus, ut eam tantò majori autoritate decoraret, testimonio publico cruditionis suae in Juris studio ornari expetivit, quod post solennia examina, exploratis profectibus ejus eximijs, luculentum meritissimo est tributum, actuque solenni, brabeute Ampl. Cl. Dn. Joh: Huninga, tum temporis Rect. Mag. in ordinem Jurisconsultorum adscitus An. 1620. Mensis Feb. die 4. Singulariter etiam & extraordinem, affectus testandi causâ, in convivio doctorali ex filco Academico honorarium vinum Rhenanum, ei dono fuit oblatum. Spartam Academicam auspicatus die 17. Feb. Anno 1620. oratione inaugurali, quæ cruditionem simul facundiamque viri egregiè ostenderet. Cumque huic Urbi & Academiae Divina eum Providentia consecrassè videretur, larem perpetuum hic fixurus, Deo Duce tori sociam sibi delegit atque junxit, ex nobilissima atavita stirpe gemina oriundam Matronam viduam Margaretham Elisabetham Brochusen, cum qua ævum suum humanitate & patientiâ singulari in omni fortuna exegit, septem ex ea liberorum parens, ex quibus quatuor ipsi superstites, filius unus, filiae tres, quarum natu maxima nupsit Nobili. & Consult. Viro Dn. Johanni Christophoro Schombach Holsato, Nobilissimi & Ampl. Viri Dn. Joannis Schombachij, Regis Daniae per viginti septem annos Consiliarij & Illustrissimi Principis Holsatiae per triennium Vice-Cancellarij filio. Novo marito ad novam Professionem mox novum adjunctum munus Secretarij Academiae, quod quoad vixit industriâ singulari sustinuit & ornavit. Quum verò per annos ipsos tredecim à 1620. ad 1633. eâ fide & industriâ, Collega primum Cl. Pynakero, post Celeber. Antonio Matthæo seniore, omnes partes juris persequutus esset, ut laudem brevitatis & perspicuitatis, quæ rarissima & paucis contingere solent, omnium rectè sentientium calculo reportaret; anno eodem 1633. in Ordinariorum Professorum Juris numerum est cooptatus. In qua Provincia ad ultimos usque vitæ dies strenuè gnaviterque exornanda, constanti discipulorum suorum testimonio, sinceroque prudentiorum judicio, per annos 10. post illos 13. extraordinem docendo in eadem cathedra exactos, perseveravit, recitationibus Cathedrarijs, disputationibus publicis, privatisque, alijsque lucubrationibus in lucem editis, cum Academiae famam, tum sibi nominis memoriam æternam ad feram posteritatem

concilians. Recturam Academiæ bono publico semel gessit an. 1642. Interim senio arrepende, dum alius laborat ac lucet, ipse paulatim consumitur: cui cum tormenta Calculi, aliæque accessissent infirmitates, Anno 1643. mensis Jul. 23. hora intra 5. & 6. pomeridianâ, placidissimè sine motu aut metu exspiravit, præsentibus Cl. Dn. D. Henrico Altingio, Professore Theologo, Cl. Dn. Johanne Steinbergio Antecessore juris, ac Reverendo Domino Pastore, quem preces præeuntem modico ante supremum halitum intervallo, animo oreque secutus, voce validâ plenam in Servatore unico Jesu Christo fiduciam testante, Amen supremum expresserat. Erat ο μακροχρῆς dum viveret, si quis alius mortalium, humanus erga quemvis, comis erga cives, & inferioris sublellij homines, officiosus in magistratum, tum ordinis sui & honoris Academiæ studiosus, cum Collegis pacis colendæ studiosissimus, vocem Aristidis ad Themistoclem æmulum adversariumque cordi habens, certari inter Collegas omni tempore oportere, non privatis similitatibus & odiis, sed uter melius de publico mereri, & plura in Patriam Academiam -ve beneficia conferre possit. Pietate erga Deum, studiis & officiis erga homines, nemini erat secundus; in omni conversatione commodus, sic lenis, ut non desineret esse gravis, sic gravis, ne abiret in morosum, unde carus omnibus acceptusque existit, de quo sibi quoque non immeritò gloriari solitus fuit, se, si non relinqueret liberis suis divitias amplas, relinquere tamen favorem bonorum famamque integram.

L I B R I


ab ipso editi.

EXercitationes Juridicæ ad textum Institutionum Justinianearum accommodatæ.

Jus controversum ex Pandectarum & Codicis Præcipuis legibus compilatum, & communi operâ hujus nostri & Pynakeri in lucem productum.

Compendium Institutionum majus & minus tyronibus ob descriptiones & accuratas divisiones maximè commodum.

FRANCISCUS



Sa. L. delin.

et sculp.

MEYVERTI vultum, doctumq̃, piumq̃, probumq̃
 Floriaq̃ ingenij conspicienda micat.
 Ille Groningani quondam pars magna Lycei,
 Philosophaq̃ fuit fundus Apollo rei.
 Exequias cuius quæ mentem pingere nescit,
 Effigians nobis picta tabella refert.

IOAN. STEINBERGIUS. fecit.

FRANCISCUS MAYVARTIUS.

HUic patria Gandavum Flandrorum oppidum, natalibus multorum magnorum virorum, & super ceteros Invi-ctissimi Imperatoris Caroli v. nec non pacificatione illâ Gandavenſi inde dictâ, cum provincijs Germaniæ inferi-oris initâ, celeberrima. Parentes ei honeſtiſſimi ANDRÆAS MAYVARTIUS & CATHARINA de WAELE indigeni, quibus ipſe natus fuit an. 1585. menſis Junij die 4. cum urbs iſta trimenſtri ante à Duce Parmenſi ad ſervitutem Regis Hiſpaniarum technis & armis eſſet reducta. Hauſtis in patria bonarum literarum rudimentis, à parentibus Duacum, nobile tum Sapientiæ emporium, valdè adhuc adoleſcens ablegatus, tanto ardore ſtudijs incubuit, ut an. cio 106 iv. Kal. viiibrib. ætatis anno xx. nondum exacto, *legitimè decurſo Philoſophicorum ſtudiorum ſpacio.* (verba ipſa teſtimonij publici pono) *præmiſſis examinationibus, actibus ſolemnibusque omnibus huc requiſitis, gradu laureæque Li-centiæ in liberalibus & Philoſophiæ ſtudijs publicè cum laude do-natus atque exornatus fuerit.* Hinc factus in patriam redux, cum amici ac fautores in Italiam majoris diſciplinæ capeſſendæ cauſa ablegandum eum cenſuiſſent, cæque gratiâ publicis Senatus oppidani Commendatiſſis inſtruxiſſent, ipſe partim ſuggeſtionibus parentum, partim librorum orthodoxorum lectione aliquo jam guſtu veritatis cœleſtis imbutus, Angliam prætulit, ubi in Religionis Re-formatæ notiſſima eos fecit progreſſus, ut Romano-Pontificiæ ſuperſtitioni, in qua natus & educatus erat, penitus renunciaret, lu-cemque Evangelii agnitam toto pectore amplecteretur. Inde an-no cio. 106. vii. in Belgicam hanc tranſfrætavit, atque in illuſtri Friſiorum Franequerana vicina Academia per annos quatuor, tum publicè diſcendo, tum privatim docendo, eam diligentia, honeſtatis, pietatis, modeſtiæ, eruditionis laudem eſt adeptus, ut diſcedentem, tum publico Rector & Senatus Academicus, tum ſeorſim ſuo nomine Cl. D. Sibrandus Lubbertus, tanquam ornamentum non mediocri Scholæ ſuæ, teſtimonijs votisque ho-neſtiſſimis proſequerentur. Erat jam ita & ætas ejus & eruditio matura, ut inde fructum non vulgarem publica res poſſet perci-pere. Quare cum propter contentiones in Hollandia ortas & afflic-tum Academiae Leidenſis ſtatum, Ampliſſimus Magiſtratus Mid-delburgenſis juventuti Zeelandicæ extra periculum ſeductionis, in ve-ra pietate & orthodoxa doctrina erudiendæ, in urbe ſua illuſtrè Scho-lam aperire conſtituiſſet, vocato ad profeſſionem S. Theologiæ, cla-riſſimo viro Dn. D. Francisco Gomaro, Theologo celeberrimo, Philo-ſophiæ Profeſſorem poſi adjungendum, non abs re fore ratus, noſtrum hunc *ad eam Spartam ornandam vocavit, quam etiam, quoad*

Locus fuit, cum laude ornavit. Sed cum mutatis temporibus & spe novæ restitutionis Academiae Leidensis obortâ, inceptum illud novæ Scholæ Zelandicæ fuisset omisum, avvocato in Galliam Cl. Gomaro, Dn. MAYVARTIUS operam suam in erudienda adolescentia Scholæ trivialis, Magistratui roganti addixit, & per annos aliquot cum fide & applausu præstitit, donec commendatione Cl. Dn. D. Gomari, veteris Collegæ, innotuit Ill. ac Pot. hujus Provinciæ Ordinibus, ab eisdemq; ad Professionem Philosophiæ conditionibus honestis in hanc Academiam evocatus, Anno ciro 1620 xx. huc commigravit. Atque ab eo tempore egregiam Academiae, (cujus etiam fasces An. 1629. cum laude & favore gessit) egregiam studiosæ juventuti, operam navavit. Venerat huc Coelebs, atque in eodem statu perseveravit; ad annum usque rena-
tæ salutis 1622. Cujus mense Junio die 5: qui ipse dies illi auspicalis erat an. æt. 38. Amstelodami optatis nuptijs sibi junxit honestissimam virginem JUDITHAM BOURSSE, quam an. 1640. Mense Aprilis d. 2. rebus humanis exemptus, mœstam Viduam, cum filijs filiabusque aliquot orphanis destituit, cum exegisset vitæ mortalis annos LV. minus mensibus duobus, diebus duobus, horis vi.



ANTONIUS



Sa. L. delin.

et sculp.

Oratulum Themidos, Frisius quod pectat et Hasius,
 Quo per lystra novem stante Lyceâ sonant:
 MATTHÆVS tati quondam ius dixerat ore;
 Immoti vultus instar in ore manet.
 Hoc monstrante ius capit Ius noscere naves,
 Et Lex addidit iustius ipsa loqui.
 Addictos alibi Doctores ius pice Legum
 Caesaribus; potior vox sonat huicce Dei.
 MENS. ALTING.

C
 a ma
 purgi
 aabun
 cafter
 rem
 Ur
 tres
 Paren
 deñan
 lins S
 fraku
 f. t
 horu
 gaba
 gaba
 iñfo
 Seno
 bam
 trien
 dice
 pho
 Rom
 ne o
 puta
 He
 Vale
 berri
 Acad
 dum
 fens
 gam
 vate
 dox
 tor
 bile
 con
 purg
 Pan

ANTONIUS MATTHÆVS.

O Btigit huic alteri Papiniano natale solum, Francoberga Hassorum, quò grassante Marpurgi pestilentia, sedes suas ac fortunas universa transtulerat Academia, Anno ere Christ. MDLXIV. die XXVII. Decembris; ijs parentibus ac maioribus, qui Alsfeldiæ, quò originem familiæ referunt, Marpurgi, ac passim per Hassiam, ultra seculum clari fuerunt. Patrem habuit Doctorem *Conradum Matthæum*, supremi Hassorum Dicastrij Adsessorem, nec non Marpurgensis Academiæ Professorem atque Syndicum, antiquâ virtute ac fide virum: Matrem *Ursulam Wernerin* honestissimâ Wernerorum familiâ editam: fratres tres, literarum gloriâ celebres, *Philippum Matthæum* J. U. D. Parentis in Professione Marpurgensi successorem: *Henricum* Ecclesiastem Palatinum: & *Joannem* Archiatrum Nassovicum, Illustris Scholæ Herbornensis Professorem; denique & Sororios præstantissimos *Dn. Georgium Sohnium* Theologum, *Valentinum Forsterum* IC. trium Academiarum Doctorem. Johannem Fischerum IC. Cancellarium Ducatus Brunsvicensis Ipse cum & ingenio valeret, & domesticis exemplis duceretur ad studia literarum, in disciplinam traditus fuit Pædagogiarchæ Marpurgensi D. Justo Vultejo, industrio ac felici juventutis formatori, ex cujus Schola, solida doctrinæ fundamenta ad Academiam attulit, in album studiosorum relatus, Anno seculi superioris LXXXI. Primum triennium Cursus Academici discendæ Philosophiæ impendit, publicè privatimque sedulam operam navans excellentissimo Philosopho M. Rudolpho Goclenio. Reliquum tempus Jurisprudentiæ Romanæ, non leviter nec per transennam, sed penitiorè indagine cognoscendæ, attribuit. Quumque Institutionum libros Marpurgi audivisset à Cl. IC. D. Hermanno Vultejo, Justo filio, inde Heidelbergam se contulit, Anno LXXXV. præceptoribus usus D. Valentino Forstero Sororio, & D. Julio Pacio à Beriga, ICtis celeberrimis. Sed oborto anno sequente studiosorum tumultu, qui Academiæ florentissimæ dissipationem acceleravit, ipse Helmstadium primo, mox Wittenbergam secessit, excitus famâ Petri Wessenbecij, ibi magno cum applausu docentis. Unde Heidelbergam ab altero sororio D. Sohnio revocatus, præfuit studijs privatis Illustris Juvenis Dn. Alexandri Somborij, Baronis orthodoxi ex Transsylvania. Quâ ^{et postea} intra biennium defunctus, Altorfium Noricorum excurrit, studio videndi atque audiendi nobile par ICtorum, Hugonem Donellum & Hubertum Giphanium. Sic confirmator annis pariter & judicijs D. D. quamprimum Marpurgum & Helmstadium rediit: Collegia privata Institutionum & Pandectarum studiosis petentibus aperuit, & cum laude habuit.

Nee multò post Anno xciv. non modò Marpurgi J. U. D. creatus & renunciatus est, à D. Vultejo, sed etiam Herbornam ad Professionem Juridicam ab Illustri Nassoviæ Comite Dn. Joanne Seniore vocatus fuit. Successit conjugium cum lectissimâ virgine *Elisabethâ*, viri Spectati *Eckardi Schuleri*, qui Hassiæ Principibus ab Archivis erat, filia, sub initium anni xcvi. felicibus auspicijs contractum, & memorabili concordia ad finem usque cultum: ex quo numerosa sed egregiè sobolescens proles progerminavit, marium ix. fœmellarum iii. Cæterum Herbornæ Spartam quam nactus erat ita exornavit, fide, industriâ, & docendi disputandique dexteritate, ut exeunte anno mdcv. à literatissimo Principe Landgravio Mauritio Marpurgum accerferetur, ad Juris Civilis Professionem, una cum tribus Collegis, Viris Summis, D. Vultejo, D. Goddæo, & D. Deichmanno, divisis operis subeundam. Qua in statione totos penè xx. annos, & quidem difficillimis Germaniæ temporibus, perseveravit: donec anno supra mdc. xxv. in hanc Academiam, autoritate Illustrium DD. Ordinum traducere-tur. Invenit hic non modò portum securitatis, sed etiam commodum senectutis domicilium, ubi quod vitæ & professionis reliquum erat, ex animi sententia pertexeret. Etsi verò de pristina assiduitate, contentione, ac de publico benè merendi studio nihil remitteret, sensit tamen naturam exhaustam curis atque laboribus sensim declinare, ac fatalia senectæ detrimenta pati. Imprimis postremo quinquennio magna articulorum, pedum, ac brachiorum imbecillitate laboravit, subinde quoque acutissimis doloribus & convulsionibus infestatus, insuperque familiari sibi capitis vertiginè vexatus fuit. Contra quæ ita firmavit animum Christianâ patientiâ, ut in paterna Dei voluntate absque murmure acquiesceret: tum etiam sensum malorum suorum indefessâ laborum tolerantia discuteret.

Die Sabbathi 27. Maji. an. 1637. sub vesperam, catarrho in scapulam sinistram incumbente, pectus solito habere cœpit, atque eam noctem penè insomnem & sine quiete egit. Sequenti, qui Dominicus & festo Pentecostes sacer erat, summo mane è lecto prorepens, aliquoties tentavit vires, possetne in publicum ad concionem procedere. Verum debiliores expertus, domi se continuit, & piarum Meditationum atque precum exercitijs vacavit. Secutum est levamen aliquod dolorum, ut etiam prandio cum familia pro more interessè posset. At mox recruduit latens malum, coegitque ipsum lectum repetere. Ubi initio cubans, inde sedens, cum se jam meliusculè habere arbitraretur, quasi hemiplexia tactus, subito reclinata cervice, animam Christo Servatori, inter gemitus precesque adstantium, reddidit: paulò post horam duodecimam die xxviii. Maji, Anni 1637. cum vixisset in terris annos LXXII. menses v. diem i. Fuit vir candidus, antiquæ

antiquæ simplicitatis amans, alienus ab avaritiâ, sorte suâ per omnem vitam contentus, imprimis autem cultor officij religiosissimus. Ad cuius gloriam etiam illud facit, quod quatuor filios habuit Professores in quatuor Academijs, Cassellis D. JOHANNEM, qui fata patris biennio antevertit; Ultrajecti D. ANTONIUM Patri cognominem: cuius etiamnum illustris gloria claret. hic Groningæ D. CONRADUM; D. CHRISTOPHORUM in inclyto Harde-roviceno, illos iurium, hos Medicinæ Doctores Clarissimos.

OPERA EDITA.

Notæ & Animadversiones in Libros IV. Institutionum Imp. Justiniani: quæ brevi (Deo favente) emendati-ores & auctiores in lucem prodibunt.

Collegia Juris sex, unum fundamentorum Juris; alterum tertium & quartum Institutionum; quintum Pandectarum; sextum Codicis, quibus adjectæ sunt Disputatio-nes quædam extraordinariæ.

Scripsit etiam Commentaria in varios Digest. & Cod. titu-los: quæ apud Filios hæredes adservantur.



HENRICUS ALTING.

Almam hanc lucem Vir ille Dei primum adspexit Embdæ Frisiorum, emporio nobili, sed hospitio, religionis causâ è Belgica vicina exulantium, per ea tempora longè nobiliori. Natalis ei dies xvii. Febr. Juliani, anni cio 10 LXXXIII. qui dies erat Dominicus, ut & emortualis xxv. August. cio 10c XLIV. quasi studio id agente naturâ matre, ne vir sanctissimus Domino dicatus alio quam Dominico die vel nasceretur, vel denasceretur, vitam in Domino ordiens simul & claudens. Familia ALTINGIA perantiqua & nominis in hac Provincia celeberrimi ac notissimi annalibus, ex qua MENSONES ALTINGII duo, quorum hic An. cio 10c XIII. obses traditus Carolo duci Geldriæ, nomine Ordinum Drentiæ: iste ejus proavus Reynoldi III. cognomento Pinguis, Geldriæ quoque ducis An. cio cccclx. Consiliarius fuit. Ex eadem *Egbertus Alting* Secretarius, & hujus filius *Joachimus Alting* Civitatis Groninganae, Hispanis creptæ & Societati Ordd. Gen. redditæ cio 10c xciv. inter primos designatus Consul, quo alijsque ex Reip. ordine gestis muneribus ad finem usque vitæ cio 10c xxxv. functus, multa pro ejus commodis & egit & passus est, quibus ad omnem posteritatem desideratam sui memoriam reliquit. Pater huic nostro Theologo fuit MENSIO ALTING *Mensonis*, quem diximus obsidem pro Drentiæ ordinibus datum, ex filio primogenito *Rudolfo* prætore Eeldano, nepos, Ecclesiæ Embdane per annos xxxviii Pastor fidelis & Zelotes, ac contra Anabaptisticos furores ac Ubiquitisticas machinas Propugnator fortissimus: qui & in agro Groningano ad Helpenam, sub ipsa Albani ducis grassante tyrannide primus (una cum *Wichero Milesio* & *Feifone Ruardi*) bonum semen verbi divini spargere cœpit, circa annum cio 10 Lxvi. & urbe Hispano creptâ, ac fœderi Ordd. Belgij redditâ, primus Reformatorem in templo ejus majori, quod Martini nomen fert, Concionem Sacram habuit xvii. Julij cio 10 xciv. Mater MARIA BISCHOFF ex familia similiter antiqua & honoratâ in agro Juliacensi, filia *Henrici Bischoff à Vucht*, Scabini oppidi Gangelt, cujus in nostro nomen renovare parentibus placuit. Literarum studijs, & Ecclesiæ per illa ædificationi, quasi ab utero devotus, anno vitæ vii. Christi cio 10xc. in Scholapatriæ urbis, earum rudimentis imbui cœptus, cujus classes omnes intra septennium feliciter & cum laude emensus, Groningam à parentibus ablegatus est. Ibi uno anno Conrectoris Buningij, tum tribus insuper annis integris Cl. Ubbonis Emmij dexterrimâ institutione in stylo Latino Græcoque informatus, necessarijsque Philologiæ ac Philosophiæ principijs, ad altiora studia ritè preparatus est. Quibus capes-



S. a. Lammert

delm. d. sculp.

Quem tulit Emda parens, quo se Heidelbergae docente
 Extulit, & merito civis Groningae cluit,
 Cernitur hoc vultu ALTINUS, mens conscia veri
 Perstat, et est prisca simplicitatis amans.
 Commendat doctrinam usus, prudentia vitam;
 Temperat eloquium cum gravitate, lepos.
 Sic et Principibus potuit placuisse Scholisque:
 Et desiderium liquit utrisque sui.



bus
raru
an
qua
Ac
faco
debe
hast
viru
& C
ma
oru
im
re
en
C
hu
ta
ru
an
ca
te
tri
Sa
qu
co
ru
n
r
y
m
H
C
re
lu
lu
qu
in
An
fu
ep
m
gr
con
de

bus capeffendis in Germaniam, tanquam ad mercatum solennem literarum, in alta tunc illius pace passim florentium, jussu patris profectus an. ciro 1611. salutato Marpurgo Herbörnâ se contulit, Scholam quidem illustrem, Theologorum tamen doctissimorum præ multis Academijs fecundissimam matrem. Clarebat ea tunc Johanne Piscatore Theologo celeberrimo, cujus eximijs laboribus plurimum debet Ecclesia. Habebat eadem & Matthiam Martinium, post Ecclesiasten Embdanum, tandem Bremanæ Scholæ Rectorem perpetuum, virum linguarum cognitione non minus quàm Sacrorum eximijs: ut & Guilelmum Zepperum verbi divini ibidem ministrum, Theologum magnum & scriptis clarum. His, maximè verò Piscatore, (qui duorum illorum, quos ex omnibus discipulis *magnos* prædicabat, *Altingium* Theologum optimum, *Conradum Vorstium* pessimum dicere solitus fuit) magistris, non ita longo tempore, mirâ ingenij felicitate eos fecit progressus, ut facultas ipsi à Professoribus concessa Collegium Philosophicum & Theologicum instituendi, atque ita velut præludendi gravioribus operis, quibus per reliquam omnem vitam cœlestem Sapientiam studiosæ juventuti instillavit. Sic triennio ibi exacto, cum jam de Ecclesiæ ministerio, tanquam metâ studiorum suorum cogitaret, eumque in finem iter meditaretur in Helvetiam & Gallias, ordinis ecclesiastici rectius percipiendi gratiâ, aliò vocantibus fatis, à Johanne deniore Comite Nassovio, commendantibus eum Piscatore, Zeppero, Martinio, destinatus fuit Ephorus trium juniorum Comitum, Guilelmi Nassovij, Conradi Ludovici Solmensis, & Philippi Ernesti Isenburgici, qui tunc Sedani literis, linguæ, moribus, operam dabant, unâ cum Serenissimo Principe Friderico, Friderici IV Electoris Palatini filio, post Bohemiæ rege. Erat enim tunc temporis Sedanum sub Duce Bullionæo, Equitum Tribuno primario sive Mareschallo Franciæ, (ut vocant) heroë antiquis comparando, quasi Illustrior quædam Principum & Magnatum, ad omnium virtutum officia & exercitationes Palæstra. Eo igitur ad præmissam jam Generosam sibi credendam juventutem commigraturus, primum Heidelbergam profectus, Johanni Alberto Comiti Solmensi patri Conradi Ludovici, magno aule Electoralis Palatinæ Magistro se stitit. Inde Fridelshemium ad ipsum Principem Electorem contendit, à quo & humanissimè exceptus, & clementissimè instructus literis ac commendatitijs necessarijs, Sedanum se contulit, quo appulit, suamq; Ephoriam adiit sub initium Septemb. Ann. ciro 1617. Sed quod ab Henrico IV Galliarum rege urbi illi obsidionis periculum imminere videretur (licet ea nubecula mox evanuerit) non diu post Anno ciro 1618 cum toto comitatu suo, in quo cum Comitibus fidei sue commissis & noster inde digressus, Heidelbergam se recepit Princeps Juventutis Palatinæ. Inde in aula Electorali demandata ei institutio continuata, trige illi Comitum adjecto de voluntate Electoris quarto Johanne Conrado Rheingravio. Imo eadem ætate ipse Serenissimus Princeps Fridericus ejus curæ cepit commendari, quem per Historica & Geographica deduceret: ac tandem cum Amplissimo prudentissimoque viro Dn. Zacharia Colbio Ann.

1658. ejus studiis absolute præfectus, ac cum ipso Sedanum iterum fuit ablegatus. Hic diurnas horas muneri demandato sic in solidum consecrabat, ut nocturnas quieti suæ suffuratus Theologiae impenderet: quâ in facultate Academia Sedanensis magnos tunc viros habebat, Danielem Tilenum Silesium, tunc adhuc orthodoxum, & Jacobum Capellum, (cui post Cl. Samuel Maresius in Professione Theologica & Ecclesiæ ministerio ibidem successit), quorum ut amicitia & familiaritate frui, sic conversatione liberiore plurimum ipsi dabatur proficere. Sed Principe Electore demortuo An. 1659. Heidelbergam redeundum fuit, continuante etiam tunc magna fide munus suum nostro. Cujus testimonium retulit illustre, quando Illustrissimus Princeps ab ipso fuit examinatus in omnibus Religionis capitibus, presentibus Serenissimo Administratore Johanne Bipontino, Magnifico D. Petro Brederodio, Legato Belgico nomine Principis Auriaci, Magno Prefecto, Cancellario, aliisque Curie Augustæ consiliarijs, nonnullis item ex Senatu Ecclesiastico, Academia, Ministerio Heidelbergensi & Senatu urbenico delegatis: & respondit ad omnia valde expedito & commodo sermone, eoque Latino. Ut & Princeps magnis encomijs affectus, & Ephoro ejus *Altingio* publicæ gratiæ actæ fuerint. Imò hujus magisterij ejus ne unquam apud posteros interstata queat esse industria, vel Roma, quod miremur, faciet: quæ in Bibliotheca Vaticana inter Heidelbergensia cimelia, (dicam an spolia, ostentat themata & exercitia styli Regis Bohemiæ, *Altingij* manu emendata, eruditis peregrinatoribus minimeque superstitiosis visenda, atque non minus credo, quàm pleræque ipsorum reliquiæ *Altingij*, digna spectatu. Decreta vero an. 1662 Principis protectione in Angliam, eum quoque, etsi jam ex ephebis egressum, noster inter alios viros delectos comitatus est, quo in itinere presentissimum vitæ periculum, unâ cum Cl. Abrahamo Sculteto alijsq; in lacu Harlemensi, post primogenito Principis sui funesto ac fatali, adiit, quum subita ac procellosa coorta tempestate, naufragio ac submersioni proximi, ægrè tandem toto corpore madentes, salvi tamen divina clementia in proximam ripam evaserunt, vi 1. Octobris inter secundam & tertiam pomeridianam, qua ipsa venerandus senex *Menso Alting* parens ejus Embdæ fatis concessit, procelloso hujus vitæ mari superato, in felicitatis æternæ portum subductus. In Angliam secundior ipsi exstitit navigatio, & commoratio jucunda, ob viros magnos quibus ibi familiariter innotuit. E quorum numero Georgius Abbot, Archiepiscopus Cantuariensis, Vir doctiss. & sanctissimus, Johannes King Episcopus Londinensis, Doctor Georgius Hacquellus Principis Walliæ tum Ephorus, aliique. Quin & ipsius Regis doctorum, Jacobi VI. alloquio dignatus, clementerque ab ipso exceptus fuit atque dimissus. Nuptijs Electoralibus inter Fridericum & Elisabetham ibi concelebratis, an. 1663. mense Februario, à Celsitudine sua in patriam

in patriam, cum Generosis discipulis suis ipsis, Kal. Martijs præmiffus est. Quibuscum Zelandia, Flandria, Brabantia, Limburgensi, Juliacensi, Coloniensi ditionibus peragratis, Heidelbergam rediit, ipsis Kal. Aprilibus, Principe suo cum nova nupta brevi post eodem subsecuto. Vix quarto inde mense elapso, Theologica Locorum Communium Professio, in antiquissima & tunc florentissima Heidelbergensi Academia legitime ei, licet ex improvise, demandatur, quam adiit xv. Augusti, ipso Principis sui natali die, ipso sic volente Principe, qui cum tota aula inaugurationis actum illustrissima præsentia sua cohonestavit. Sed quod per leges Academicas præsidere publicè disputationibus non liceret, nisi Doctoribus ritu solenni creatis, præmissa disputatione inaugurali à maximo Paræo, tunc Decano, Theologie Licentiatus, à Cl. verò Bartholomæo Coppenio Doctor ejusdem facultatis solenniter ac more majorum renunciatus est, xlix. Novemb. ejusdem anni. Hanc Spartam arduam sanè, si vel sola incumbat, quum magna laude sua, per annos aliquot ornasset, novi superimpositi ei labores, quos tamen studio de publico benè merendi, cujus hæc nova & præclara ei occasio, minimè detrectavit. Erat conjunctum Academiae illi egregium & luculentum seminarium Ecclesiarum, optimis legibus institutum & amplissimis dotatum redditibus, quod COLLEGIUM SAPIENTIAE dicebatur. Hujus cura & inspectio, Principe ipso eum diligente, ei insuper commissæ fuit an. cio 1696. d. xv. Octob. ut cum Collegis duobus juventutem sacris devotam, privata institutione & disciplina ad Ministerium præpararet. Quo in munere quanta ac quam fructuosa ejus fuerit industria, vel sexcenti, per Palatinatum & post toto orbe dispersi Ecclesiarum Reformatarum Ministri, grata memoria recolentes, quos ex cura culturaque ejus fructus retulerint, abundè testabuntur. Dum duplici hoc labore, Inspectionis in Collegio, in Academia verò Professionis, constanter fungitur, moritur Cl. Coppenius An. cio 1698. ejusque Professio, quæ Facultatis secunda erat, illi defertur: quam ille, sua quam nactus erat Spartâ acquiescens, magno & raro modestiæ exemplo recusavit, & qua pollebat in Aula gratia & authoritate, ut in Cl. Abrahamum Scultetum transferretur, effecit. Eodem tempore cum sopientis controversijs in Fœderata Belgica ab Arminij sequacibus excitatis Synodus Nationalis, indiceretur, & ex toto orbe reformato, viri graves, pii & docti, excirentur, qui tam augusto Confessui interessent, Dordraci an. cio 1699. & cio 1699. habito, Doct. *Altingius*, cum duobus Collegis, ex Academia Heidelbergensi quidem Doct. Sculteto, ex Senatu autem Ecclesiastico Doct. Paulo Tossano, atque suam in rebus sacris eruditionem eximiam, ac summam in negocijs difficilioribus explicandis, cunctis luculenter approbavit. Quo ipso tempore cum Collega suo D. Sculteto, ipsemet Theologicæ Facultatis in alma

constanter
interfuit,

Heidelbergensi Decanus, ordinem Doctoratus in Academia Leidenſi collapſum feliciter reſtituit, ſolenni renunciatione Licentia-
to, & mox per Celeberrimum Collegam Doct. Scultetum Docto-
re Theologiae creato, Cl. Dn. Johanne Polyandro Profefſore, ac
tunc Rectore iſtarum Athenarum, qui ſuis deinceps Collegiſ eun-
dem gradum contulit. Quo nomine incluta Batavorum Acade-
mia magis etiam ipſi debet, quam olim R. Jehudæ ben Baba
ob manuum impoſitionis actum legitimum, ſibi illius operâ reſti-
tutum, Scholæ Judaicæ: de quo Scaliger in Elencho Trihæreſij
cap. 10. Vix peractâ Synodo, damnatis turbonibus, orthodoxyâ
in arce repositâ, *Altingius* cum ſuis Collegiſ Heidelbergam ad
ſua redierat, cùm incipiunt tumultus Bohemici. An. cio 15cxix. E-
lector Rex Bohemiæ eligitur, coronatur: Anno ſequentē xx. Spi-
nola in Palatinatum irrumpit, Prælium Pragense committitur, &
cujus in eo alea vertebatur Regnum Bohemiæ amittitur. Rex
tristi ac difficili fugâ in Belgium elabitur. Sic anno cio 15cxxi.
Academia Heidelbergensis collabi, dilapſis præ metu Studioſiſ,
& Profefſoribus ipſiſ facultate factâ, in tutiora quò vellent ſe re-
cipiendi. Noſter tamen, familia tantum providè in locum ſecu-
rum Heilbronnâ dimiſſâ, in ſtatione ſua perſiſtit, Collegiūq;
Sapientiæ membra veteri more in officio continet, ſcientiæque ac
moribus convenientibus in uſum Eccleſiæ preparat, imperterritus
contra imminentia pericula, zelo inſerviendi Eccleſiæ Dei, ſtu-
dioque ſatisfaciendi conſcientiæ, ſuumque approbandi Regi ſuo
obſequium, qui id ab ipſo enixè per literas Hagâ ſcriptas petie-
rat. Anno cio 15cxxii. menſe Auguſto, Urbs, quam hoſtis an-
tea fruſtra tentaverat, obſidione cinctâ à Tiliio, & vi. Sept. impe-
ta & vi capta, omniaque dira exempla paſſa, direptioniſ, lanie-
ræ, libidiniſ, quæ militariſ licentia, victoriſ insolentia, odium
religioniſ, barbarorum Croatarum feritas, commiſci potuère aut
patrare. Erat tum noſter in Muſeo ſuo, perceptoque tristi hoc
nuncio de hoſte jam urbeſ potito, ac in medijs ejus viſceribus graſ-
ſante, peſſulo januæ obdito, ad unicam pijs ſolitâ anchoram
contugit, Invocationem Numinis preceſque devotas, in momen-
ta ſicarios exſpectans, quorum cruentiſ manibus innocens victi-
ma Deo ſuo accepta immolaretur. Sed ſummus ille vitæ & neciſ
arbiter illiſ curam habuit, ut ſubmonitus & excitus ab amico M.
Geheuiſio, Scholæ Rectore, duobus militibus eum in finem ſtipa-
to, ſeſe per poſticum ſubduceret ac reciperet in ædeſ Cancellarij,
quaſ Tiliuſ direptioniſ exemptaſ voluerat, ob publica ibidem re-
poſita Reip. monumenta, Illiſ aſſervandiſ deſtinatuſ fuerat Pro-
tribunuſ, ſive vicariuſ legionis Comitiſ de Hohenzollern, homo
prædæ aviduſ, & qui ne hæc ſtatio ſibi damno eſſet, ſuoſ quaſi
venatuſ interea emiſerat, ut quos deprehendiſſent civeſ melioriſ
notæ, ſub ſpecie aſyli captivoſ ſibi ſiſterent, grandi lytro emun-
gendos.

gendos. Ad hunc bipennem, adhuc sanguinolentam, vibrantem, adducto hoc quoque nostro, *Hodie* (jactabat Thraſo ille) *hâc manu decem homines confeci, ad quos Doct. Altingius brevi adjiceretur, si scirem ubi lateret. Tu verò quis es?* Sanè ille vultus, ille habitus, ille sermo, is rerum articulus, quemvis alium percellere poterat: at noster imperterritus, solerti tamen usus responſo, nec apertè se negavit Altingium, nec tamen intempestivè se prodidit, eadem ferè quâ olim in casu simili S. Athanasius dextertate usus, *Ego*, inquit, *Ludimagister fui in Collegio Sapientie*. Sic in Ludimagistro, Altingio fidem dedit ille Cyclops, quem illicò si Altingium esse nosset, obtruncaturus erat. Eâ nocte infomni & mœstâ inter lamenta & ejulatus, quibus omnia undique perstrepebant, aut sequioris sexus vim patientis, aut virorum equuleis subditorum, ac per varia tormenta ac vulnera lentâ citave morte affectorum, quod ad ædes eas, velut unicum aſylum confugere plerosque cerneret, veritus ne imprudentia vel malitia etiam alicujus proderetur, se in supremum ejus recepit tabularum. Ibi dum latet, truculentus ille Legatus, imperio Tillij derepentè excedere ædibus illis, easque Jesuitis, quibus assignatæ erant, cedere cogitur, ne quidem tempore concessò ad suum unâ Ludimagistrum conquiendum & abducendum. Cum his novis inquilinis minus tuta nostro fuisset mansio, absque peculiari Dei cura, quæ evidentissimè se hîc ostendit. Nempe cum Tillio ipsi ibi quoque instrueretur culina, eiquè unus ex coquis aulæ Palatinæ præficeretur, ab eo non solum noster clanculum necessaria vitæ sustentandæ subsidia contectus est, sed etiam conductis opera ejus tribus militibus Bavaris, quorum præsidio in plateis contra vim & licentiam ferri grassantis tutus esset, dum Jesuitæ toti sunt in templis ad Missas adornandis, facultatem nactus est ædes suas revivendi. Istâc omnia reperit afflicta, comminuta, lacerata, expilata, & in Musæo suo dominantem Centurionem nescio quem, qui *Hæc omnia nunc sua esse* gloriaretur, facultatem tamen ei faceret, serio-nè & civiliter an sarcasticè incertum, unicum quem vellet de omnibus deligendi & secum auferendi libellum. Cui, adspersus oblata, generosè noster, *Si hæc, ait, tua sunt, tibi diuturniorem eorum Deus largiatur possessionem, quam priori Domino*, & cum dicto, ultimo vale dicto veteribus possessionibus, pedem inde retulit, velut cum Biantè ipſo factò professus, Omnia se sua secum portare, aut Jobi animo ac verbo suo factò, Dominus dedit, Dominus abstulit, sit nomen Domini benedictum. Reverſus inde ad latebras suas, nec sine grandi periculo invadentibus per viam, dum occurſu Jesuitarum sistitur & ad Colloquium vocatur, Croatis aliquot strictis acinacibus, quorum vim militum, quos secum ducebat ope, ac fuga ad ædes quibus proximus erat januaque objecta ægrè evasit, tandem tertio diè à Tillio, per so-

cerum suum
cujus ædes post
amplas ille be-
cuparat, conse-
secutus est li-
teras salvi con-
ductus et faul-

tatem Heilbronnæ excurrendi, ut familiam inde suam deduce-
ret. Ita elapsus casu Trojano Heidelbergæ, per varias lethima-
gines Heilbronnæ, inde Schorndorffium, ubi suam offendit fa-
miliam, pervenit. Ibi ad Februarium usque hæsit, facultate hac
per Serenissimam Electricem impetrata à Duce Wirtembergico,
cujus aliàs ministri Lutherani, quasi Ponti Axeni accolæ, aut a-
ves Diomedæ, quæ solos socios gratanter excipiunt, id ferebant
ægerimè, non alia de causa, quam quòd *Altingius* Professor
esset Heidelbergensis. Hinc à Rege in Belgium evocatus An. c. 1700
1701. longo, difficili, sinuato, ac sumptuoso itinere, partim
terrestri partim navali, in Patriam suam Embdam venit, cum fa-
milia universa, qua ibi tantisper relicta in Batavos excurrit, ac suo
se Regi stitit, qui extra ordinem et Fridericum Henricum pri-
mogenitum suum (post anno c. 1701. 1702. Jan. VII. in lacu
Harlemensi, navi, seu negligentia naucleri, seu culpa nebulosi cœ-
li prospectum præpedientis, in cymbam occurrentem impacta &
soluta, lacrymabili fato sub oculis Patris, vix servati ex communi
periculo, extinctum) curæ atque institutioni ejus commendavit:
nec Embdanis ad Ministerium Ecclesiæ eum iterato vocantibus, quò
& animus ejus pronus ferebatur, si Rex annueret, ut concede-
ret induci potuit. Hoc quoque anno, c. 1701. grave adjit
vitæ periculum prope Purmerendam, traha vectus per glaciem, eâ
subsidente submersioni proximus: qua Dei propitij favore evitata,
in morbum incidit gravem, ex quo deinceps perpetuum in bra-
chio dextro languorem sensit. Evocata post Embda ad se familia sua
universa Leidam commigravit, à Rege filiorum suorum studiis
tantisper præfectus: quibuscum maximam partem anni c. 1702.
propter grassantem Leidæ luem epidemiam Hontslardijcki exegit.
Ibi dum est, ab Ill. Dn. Ordinibus Frisiæ, ad Academiam Frane-
queranam, in locum Cl. Sibrandi Lubberti evocatus, & quidem iteratò,
missò vice alterâ qui rem urgeret D. Sixtino Amama: sed Rege ita vo-
lente, honestè sese excusavit. Anno verò c. 1703. ad hanc Aca-
demiâ in locum Cl. Ravenlpergeri, primi in ea Professoris The-
ologi honorificè vocatus, etsi primò Rex difficiliorem se præbuerit,
viro Ampl. Dn. Bernardo Julsingio, tunc urbis hujus Senatori (post
Consuli) & Academiæ Curatori, qui S. Majestatem super ea pe-
titione, cum Nob. Dn. Gooswino Schaffero, Civitatis hujus nomi-
ne ad Confessum Ordd. Gen. Deputato Ordinario, compellabat:
tandem tamen sub conditione ac provisionaliter, ut loquuntur, con-
cessus est. Sic com meatu à Rege impetrato huc ipse venit & o-
peram suam circa Pascha anni sequentis c. 1704. Academiæ
addixit, ac mensis Junij die XVI. munus suum feliciter est auspi-
catus, indeque ad summum usque halitum singulari studio & fide
illud ornavit. Nec minus sub initium, dum Rex & filiorum ipsius
educatio id posceret, quotannis in Hollandiam ad Ipsum, cui sem-
per gratio-

pergratiosus & charus atque intimæ admissionis erat, excurrerebat, Regiæque sobolis studia inspiciebat, ordinabat, censebat. Quæ porro fide, diligentia, industria, in hac Professione, per annos ferè Octodecim versatus sit, præter vivos testes, quibus purioris doctrinæ facem prætulit, quosque publicis ac privatis laboribus ad ministerium formavit, testabuntur præclara opera, inde enata, quæ ab eximijs paternæque gloriæ æmulis filijs, partim luci publicæ dari coepta, partim porro danda, spes facta est. Sceptrum Academicum, ter ipsi legitimè commissum, annis CIO IO CXXXIX. XXXVI. & XL. I. maximo semper cum Academiæ emolumento gessit. In primo Rectoratu ab Ill. Ordd. Provinciæ, beneficij mensæ publicæ augmentum impetravit, ut cum ante XL. solum Studiosi in Contubernio seu Bursa, quam vocant, victum caperent, LX. ab eo tempore locus fuerit: in altero Bibliothecæ Academicæ luculentam procuravit accessionem: in tertio item id effecit ut Academiæ Bibliothecarius publicis sumptibus Leidam amandaretur, qui ex Cl. Gomari Bibliotheca, publica auctione ibi distrahenda, non paucos melioris notæ libros nostræ eoëmeret. Ecclesiæ Groninganae per septennium Presbyter sive Senior fuit. Comitatum Steinfurtensem, Comitum Bentheimij pia sollicitudine & autoritate ad id accitus, perlustravit, & à Socinianismi metu, rebus Ecclesiæ constitutis, liberavit. Recensionem quoque Novæ Versionis N.T. & librorum Apocryphorum, cum alijs aliquot viris doctis, autoritate publica præfuit, maxima assiduitate & in medio pestilitatis periculo, quæ tum Leidam depopulabatur. Ecclesiarum Germaniæ ac speciatim Palatinatus, singularem semper curam gessit, operamque dedit, ut impetratis liberalibus in orbe Reformato pro illis subsidiis, utcumque hoc beneficio sustentarentur, nec planè perirent. Collectæ Anglicanæ dispensatio ipsi, cum duobus alijs adjunctis, ab Electore Carolo Ludovico commissâ fuit. Præfuit item sacris largitionibus, viri Nobilis & verè Munifici Dn. Ludovici de Geer, earum etiam parte, in spem futuram Ecclesiarum Palatarum, hoc est, in Juvenes Germanos, S. Theologiæ Studiosos, pari prudentia & fide speciatim derivata. Ab Ultrajectinis nequicquam tentatus fuit indirectè; frustra quoque à Leiden-sibus palam, directè & solenniter vocatus. Etsi enim vocationem eam, sibi per Ampl. Syndicum Leidensem, Curatorum nomine delatam, an. CIO IO CXXXI II. sub ea conditione admisisset, si Ill. hujus Provinciæ Ordinum consensus, ad se dimittendum queat impetrari: charior tamen fuit Proceribus illis, quàm ut cum Hollandiæ, licet iteratò ac tertio petitionem urgenti, concedere vel-
lent. Fuit etiam revocatus Heidelbergam bis à Serenissimo Palatinatus Administratore, Principe Ludovico Philippo: semel anno CIO IO CXXXI II. ad Professionem Theologicam & Senatum Ecclesiasticum; iterum anno sequente ad Academiæ & Ecclesiarum resti-
tutionem

tutionem per Palatinatum. Verum postquam per varia pericula, quasi per saxa, per ignes, Francofurtum usque processisset, infau-
sta ista pugna & clades Nordlingana interveniens, totam illam
ipem præclaram in ipsa herba interceptit. Ipse vero longe adhuc
difficiliori itinere per extremas Gallie oras Principatum Sedanen-
sem, & Provincias Belgicas Hispano parentes, ad suos, quarto post
abitu mentis decurrente, reversus est. Uxorem Heidelbergæ,
paulo post quam ad Professionem Academicam inauguratus esset,
duxerat an. cisd. 1694. virginem pietate ac virtute ornatissimam,
Susannam Belieriam, filiam Ampliss. *Caroli Belierij*, Cos. Hei-
delbergenfis & Provinciæ Commissarij, ac *Franciscæ Sautrean*,
origine Tornacensium, sed qui religionis causa relictâ Flandriâ,
sedes suas Heidelbergam transtulerant. Cum ea per annos prope
xxx. sine rixa, sine querela conjunctissime vixit, VII. ex ea
liberorum Pater, quorum ipsi superstites adhuc tres, filia una, filij
duo: quorum major natus *Mensō U. J. D.* rationibus Americanæ
Societatis per annos complures præfectus, nunc in illustri Scholâ
Academicâ Daventriæ Juris Professor laudatissimus: alter *Jacobus*,
suscepit in Anglia sacris ministerij ordinibus, per annum preconio
Verbi linguâ ipsorum ibi cum laude functus, nunc in hac alma
Academia linguarum Orientalium Professor Ordinarius & Ecclesi-
astes. Si habitum quoque corporis requiras, erat statura satis
procera sed quadrata, oculis omnibusque sensibus vegetis & acer-
rimis: voce grata & sonora, temperamento satis commodo, sed
ex varijs vitæ accidentibus ad melancholiam paululum inclinato,
unde in eos frequenter incidit morbos, in quibus hic humor præ-
dominatur. At mentem animique dotes si spectes, Pietatis <sup>ἀνδρα-
γωγία</sup> omnigenæque eruditionis ac virtutis erat penus. In do-
cendo cum majestate quadam facundus, perspicuus, solidus: in
conversatione quotidiana blandus ac comis: in consortijs amico-
rum urbanus etiam & festivus: in aula semper gratosus & inno-
cens: in Cathedra diligens & assiduus, alienus ab omni ^{πλεονεξία}
^{γμοσύνη}: Judicij quoad vixit firmissimi & felicissimæ memoriæ: Hi-
storiæ utriusque Ecclesiasticæ & exoticæ ^{βιβλιοθήκη ἐμφυχός}: Theo-
logus consummatus, alienus à Jurgiis & vitilitigijs cuminifecto-
rum, ab ijs distinctiunculis & ineptijs Sophistarum, quibus my-
steria salutis potius implicantur quam explicantur: à scrupulosa-
tibus præcisistarum, qui nodum quærunt in scirpo, colant culi-
cem camelum deglutientes: ab omni denique ^{καινονομία} & nova-
tione in Theologicis, quasi illud semper Terrulliani tenens, *Præ-
mium quodque verissimum*. Theologiam probabat ac tuebatur so-
lidam ac masculam, non ex lacunis Scholasticorum, etsi il-
larum inexpertus non esset, sed ex fontibus Siloë & Scriptura-
rarum derivatam, ut gloriæ sibi duceret, se ab imperitis nonnul-
lis ac nasutis Palæmonibus traduci tanquam *Theologum Scriptura-*
rum &

rium & Biblicum. Pacis tum in omni vita tum Ecclesiasticæ studium in illo constans, sed citra dispendium veritatis, cui primas semper deferebat partes, Orthodoxiæ retinentissimus & zelotes. Animus ipsi verè cubicus & sibi undique similis, fortis in adversis, in prosperis moderatus, & qui benè didicerat ἀνέχειν καὶ ἀπείχειν. In reprehendendo erat patheticus sine acerbitate, ut in censurâ vitiorum gravitate, sic in adhortationibus ad officium lenitate pariter venerandus: in consolando dexteritatis singularis, in consulendo prudentiæ sine morositate exquisitæ: iudicii in amicitijs eligendis acerrimi, constantissimi in retinendis. Quoties vel in Senatu Academico, vel Ecclesiæ Synedrio diceret sententiam, sic alijs præibat sapientissimis consilijs, ut & ipsos audiret, nec ferret ægrè à se dissentientes: nec facile ullus difficilis & Deo vindice dignus nodus incidebat, quem non sagacissimo ingenio mox dissolveret, omniaque expediret dexterrimè. Privatim etiam si quis sive sacris, sive profanis, politicis, Academicis, ac æconomicis de rebus eum contuleret, ea semper referebat responsa, quibus saniora nec ipsum Themidis, ut sic dicam, oraculum edere posset. Hinc in familia ejus omnia semper pacata, omnia ordinata, de qua hoc solum sciretur, quod à nemine sciretur quid in illa fieret, nisi quod piè, compositè, decenter omnia fieri neminem lateret. Vir profecto summus, immortalitate dignissimus, cujus possessionem occupaturus, cum in his terris nulli queat obtingere, in cælum hinc tandem commigravit, corporis exuvijs morte temporali, ad quam supremis annis lento passu paulatim procedere visus, piè depositis. Cum enim anno c10 10cxxxix. die 11. Octobr. filiam primogenitam *Mariam*, Virginem elegantissimam, & ad omnes virtutes natam, in florente ætate extulisset, ex illius desiderio in mœrorem, ex mœrore in febrim quartanam incidit, quæ ætate provectiori ferè letalis esse solet. Hæc ægrè expugnata pessimas sui reliquias in corpore debilitato reliquit, quæ anno c10 10cxli. se exseruere morbo longè gravissimo, lethargo nimirum qui apoplexiam minabatur, & quem Medici fatalem fore ominabantur. Sed & ex hoc eluctatus contra omnium expectationem, vires cœpit recolligere, etsi plenè ac integrè nunquam eas recuperavit. Tertius accessit impetus ex obitu lectissimæ uxoris, quam xv. Octobr. c10 10cxliii. amisit. Ab illo tempore sensim deficere visus est; tristi hac solitudine melancholiam augente, cui postea expugnandæ par non fuit. Imò ipse sæpius ominabatur se Uxoris fata brevi sequuturum. Occasione feriarum Paschaliū, anni sequentis c10 10cxliiv. mutandi aëris & recreandi animi causâ Embdam ad amicos exspatiatus, non levamentum illud, sed augmentum mali expertus est. Ex catarrho enim & febris ibi ultra viginti dies detentus valdè debilitatus redijt, obstinatis contra pharmaca obstructionibus multum

nibus multum vexatus: licet dilucida quædam intervenirent intervalla, quibus Professioni suæ, Academiæ, amicis vacabat. Sed tandem res erupit in nervum, inde à Nonis Sextilibus obstructionibus ijs non tantum invalescentibus, sed appetitu planè prostrato, & accedentibus ad illas ἀσροφία, ἀγρυπνία, μαλασμοῦ, quibus superadditi deinceps dorsi & laterum cruciatus magni, ex quibus multum debilitatus, frequentes sensit lipothymias. Vicesimo hujus mensis die, qui quintus ante supremum fuit, officij causa invisenti se Cl. Dn. D. Maresio Collegæ, firma adhuc voce & animo verè amico non solum ipsi decretos Recturæ honores fusè gratulatus est, sed etiam sibi, Academiæ, Ecclesiæ, quod cum, ad Dominum abiens, relinquat in Academia concordia studiosum, Orthodoxiæ retinentem, & à novaturientium ingenijs alienum: simulque eum obtestatus est, ut quam secum coluisset amicitiam, cum suis quoque post fata sua retineret. Pridiè obitus sui Psalmum cxxx. sacrumque aliud quoddam Canticum Germanicum velut Cygnæam cantionem, voce satis valida & zelo vehementi Domino decantavit, & quod diei supererat Deo & precibus impendit. Sub vesperam liberis suis benedixit, ac filio *Iarabo* præsentem (nam alter Amstelodamo accitus in tempore adesse non potuit) præcepit, ut conceptis precibus Academiam & Ecclesiam Deo commendaret, velut animo prælagiens jacturam quam hæc suo, illa Keuchenij Ecclesiæ, amici conjunctissimi, & hæc morte ab ipso, quâ triduo eum subsecutus, separandi, abitu, jam jam esset factura. Die xxv. ejusdem, qui Domino sacer, eique ut olim natalis sic nunc fatalis erat, videbatur sibi manè paulo melius habere, etsi derepentè postea in animi deliquium inciderit. Peractis sacris matutinis, Viri Illustres & Amplissimi veteres ac singulares amici ejus, D. Ludovicus Camerarius & Dn. Paulus Strasburgerus gener ejus, Coronæ Sueciæ uterque Exlegatus & Consiliarius prudentissimus, cum inviserunt, quo alloquio paululum excitatior morbum à natura devictum autumabat: at vix digressis eis sensit cessisse naturam morbo, suisque prædixit, ante Solis occasum se ad Dominum abiturum. Ita in ultimo mortis imminenti articulo fortis, fide morti ac merito Christi innixus, promissionibus Evangelicis suffultus, internâ Spiritus S. consolatione & operatione exhilaratus, supremam horam non intrepidus tantum, sed etiam lætabundus expectabat. Paulo post primam, præsentibus omnibus ore constanti valedixit, quasi mox in cælum cum Christo Servatore, ad quem unice anhelabat, migraturus. Ultima moribundi verba fuere Servatoris ex Matth. xi. v. 23. *Venite ad me omnes, qui laboratis & fatigati estis,*
ego resi-

ego reficiam vos. Inde cum jam vox eum destituisset, & omnia spectare finem viderentur, evocatus è templo Rev. Pastor Wefelus Ub. F. Emmius, verus & interioris admissionis amicus, qui preces iteratò concepit, & eum quamdiu audire ac intelligere visus est, Evangelicarum promissionum tubâ, ad alacritatem & fortitudinem in ultimo hoc agone animavit; atque sic circa tertiam pomeridianam lugentibus proximis & cognatis, Collegis plerisque omnibus, alijsque amicis honoratis præsentibus, placidissimè, nullo angoris, nullo luctû signis extrinsecus apparente, cursu suo consummato, in Domino obdormivit; cum vixisset in his terris annos LXI. menses VI. dies VIII. Professione Theologicâ functus annos XXXII. Sepultus fuit in templo Academico, quinto post obitum die, incisumque lapidi *Epitaphium*, quod ipsemet sub initium morbi lethalis filio dictaverat.

HENRICI ALTING

S. THEOL. PROFESS.

SEPULCHRUM FAMILIARE.

IN QUO

SUB SPE BEATÆ IN CHRISTO
RESURRECTIONIS

DEPOSUIT

UXOREM CHARISSIMAM

SUSANNAM BELIER.

AN. MDCCXLIII. D. XIX. OCTOB.

FILIAMQ. PRIMOGENITAM

MARIAM ALTING.

AN. MDCCXXXIX. D. VII. OCTOB.

ET CORPORIS SUI EXUVIAS

DEPONI VOLUIT.

FACTUM AN. MDCCXLIV.

D. XXX. AUGUSTI.

N 2

Scripta

Scripta reliquit satis multa, partim perfecta, partim imperfecta. Istius generis sunt potissimum Heidelbergensia: hujus vero pleraque Groningana, quibus supremam manum imponere, limamve adhibere non sivit tum interpellantium frequentia, tum occupationum moles. Quis dum yacat, consilijque viva voce aut per literas dandis distinetur, ut, quæ libero sermone in Lectionibus disseruerat, scripto consignaret otium non invenit. Nec secundis curis, quod primum neglexerat, potuit pensare, cui religio erat, post aliquot annorum intervallum, labore reducto in orbem, actum agere, & eadem (præter Locorum Communium explicationes cursorias in usum tyronum aut collegiorum) repetito Auditoribus proponere. Fuerunt autem utraque tam Groningana, quam Heidelbergensia ipsius Scripta sapientius à multis magnisque Viris expetita, ipsomet adhuc vivente; quemadmodum & nunc avidè, imprimis per Germaniam & finitimas provincias, expetuntur; sed ipsi ob rationes sibi notas defuit voluntas, postmodum etiam facultas ingravescente cum senio virium imbecillitate. Ea vero post mortem ipsius, operâ Filiorum, ex parte fuerunt edita, nonnulla sub prælo sunt, alia eidem parantur. Omnium autem iste est Catalogus.

SCRIPTA

HENRICI ALTING

O I E D I T A

Notæ in Decadem Problematum Iohannis Behm, de glorioso Dei & Beatorum Cælo. Heidelbergæ apud Iohannem Lancet 1618.

Scripta Theologica Heidelbergensia tribus tomis: quorum continet.

I. *Locos Communes cum Didacticos, tum Elencticos.*

II. *Problemata tam Theorica, quam Practica.*

III. *Explicationem Catecheseos Palatinæ, cum vindicijs ab Arminiani & Sociniani. Amstelodami apud Joannem Janssonium 1646.*

Exegesis Augustanæ Confessionis, una cum Sylabo controversiarum Lutheranarum. Amstelod. apud eundem 1647.

Methodus Theologiæ Didacticæ, & Methodus Theologiæ Catechetica. Amstelod. apud eundem. 1650.

NON EDITA

Loci Communes Theologici Groningæ propositi, & in quatuor partes distributi: quæ sunt.

Didactica.

Didactica.

Problematica.

Elenctica.

Historica loca priora quatuor.

His ad absolvendum Corpus Doctrinae Theologicae adjungenda *Practica*: sed ea affecta tantum est.

Tractatus Theologici varij.

Neoterismus Vorstij & Novatorum.

De Prædestinatione sententia Lutheranorum, collata cum sententiâ Novatorum, atque Orthodoxa analyticâ methodo proposita.

De Providentiâ Dei speciali circa hominem, cum appendice de Termino vitæ.

De Cerimonijs Typicis Legis Mosaicae.

De Peste.

De Vitâ Aeternâ.

Commentarius in Institutionum Iohannis Calvinii librum primum, & secundi partem.

Explicatio & Refutatio Manualis Controversiarum Martini Becani Jesuitæ. inchoata tantum.

Exegesis Analytica Confessionis Belgicæ.

Explicatio & Vindicatio Canonum Synodi Dordracenæ, usque ad secundum doctrinæ caput.

Notæ breves ad Catecheticas Explicationes Ursini.

Methodus Concionandi.

Isagoge Biblica.

Syllabus Controversiarum Pontificiarum.

Collegia Theologica varia.

Sylloge Disputationum Theologicarum Heidelbergæ & Groningæ habitarum.

Exegetica.

Commentarius Analyticus in librum Psalmorum.

Analyses in aliquot Veteris & plerosque N. T. libros.

Historica.

Compendium Historiæ Profanæ, à Daniele Pareo editum, titulo, Medullæ Historiæ Profanæ.

Compendium Historiæ Sacræ usque ad Constantinum Magnum.

Historia Ecclesiæ Palatinæ à prima Reformatione usque ad Johannem Casimirum Administratorem.

Orationes in Academijs Heidelbergensi & Groningo-Omlandica recitatæ.

JANUS GEBHARDUS.

Natus est in Palatinatu superiori Oppido Schwartzhoven, mille passus distante Neoburgo ad Sylvam Gabretam, Anno reparate salutis humanæ c10 10 xci11. a. d. viii. Febr. intra tertiam quartamque antelucanam horam. Pater fuit *Ioannes Gebhardus* in eo loco verbi divini Antistes, vir doctus & eloquens, moris & candoris antiqui retinentissimus, quondam D. Casparis Peuceri & D. Bugenhagij in Academia Wittebergenfi discipulus. Hic patrem habuit *Martinam* civem, avum *Andream* Syndicum Neoburgensem. Mater fuit *Barbara Argisfederala* filia civis Ratisbonensis è familiâ honestâ, & ibi haut obscurâ. Parentes ut filium natum, Deoque per S. Baptismum consecratum, quàm optimè educarent, teneroque cum lacte materno pietas instillaretur, omnem curam adhibuere. Elucebant mox in puero signa raræ indolis, felicisque ingenij, & spem faciebant mox proventuræ inde bonæ frugis, cum velut connato quo amore ad libros ferretur, illisque solis crepundijs se obletaret. Quare ut pietatis literarumque fundamentis, Patris ipsius & adhibitorum pueritiæ ejus Doctorum proborumque Pædagogorum auspicijs & operâ, domi feliciter jactis, solidum atque eximium quid inædificaretur, Pædagogo illustri Ambergenfi anno c10 10 cv. à patre est insertus, cui tum magnâ eruditionis ac in Juventute Scholastica regenda prudentiæ ac dexteritatis famâ præerat, Wigandus Spanhemius SS. Theol. Doctor. In hac minimè ociosa bonæ mentis ac ingeniorum palæstra per annos vii. continuos exercitatus, cum præter ordinaria ac communia condiscipulis pensâ, horas subsecivas magno ardore bonorum autorum lectioni impenderet, unde plus se proficere, quàm ex schedis illis, quas ad fastidium usque teneræ ætati nec captui respondentes obtrudere solent Orbilij, sentiebat, eos in artibus simul ac Græcis Latinisque literis fecit progressus, ut inde ad Academiam Heidelbergensem præ ceteris egregiam utriusque linguæ seu prosâ, seu versâ oratione, dicendi scribendique afferret facultatem, & aliquid haut vulgare de se polliceri videretur. Quaspe anno c10 10 cxii. Mense Octobr. in numerum alumnorum Collegij Sapientiæ Heidelbergensis Præsidi loci primum D. Quirino Reutero Theologo præstantissimo, mox hunc subsequente Dn. Cellario Senatore Ecclesiastico, receptus est, sub quibus & aliorum Clarissimorum virorum institutione per triennium ferè multijugâ eruditione ingenium excoluit. Quum verò animus non ita inclinaret ad Theologiæ studium, magisque arrideret Oratorum, Historicorum & Poëtarum lectio, favente & promovente benignissimè hos naturæ ductus Serenissimo Electore Friderico v. totum se hu-



Corporis hæc forma est GEBHARDI, candor amicis
 Notus et integritas, mensq; laboris amans.
 Eloquio vere purum, doctumq; Poetam
 Historicumq; gravem parva tabella refert.

M. PASOR.

tum
no
an
pud
com
coru
doct
ius p
fimi
cultu
fion
Ber
rum
ver
qua
derg
tu v
an
hoc

L
p
ft
u
S
v
ni
&
ne
&

tum se humanioribus studiis dedit, præeunteque Clarissimo Jano Grutero laudabiles in Philologia fecit progressus. Hinc mox ante primam juventæ lanuginem c1510cxv. publico dedit Crepundiorum seu juvenilium Curarum libros III. opus Criticum, corrigendis illustrandisque varijs Poëtarum, Oratorum, Historicorum Latinorum locis comparatum, quod quanti æstimatum viris doctis, testimonio sunt *εὐφημία*, quibus illos primos conatus ejus profecuti sunt Janus Gruterus, Joh. Ulricus, Michael Piccartus, summi viri, alique eruditi. Anno proximo c1510cxvi. in Catullum, Tibullum & Propertium amorum Triumviros Animadversiones dedit, quibus è libris Palat. & M. S. Commel: multa post Beroaldum, Muretum, Achillem Statium, Guilhelum Canterum, Josephum Scaligerum, Doufas, Passeratium eruit. Paraverat alia multa, imprimis in universam Livij Historiam Notas, quæ omnia cum libris & reliqua suppellectile in violenta Heidelbergæ expugnatione & direptione ipsi periëre. De illis ingenij sui vel conatibus vel monumentis audiamus ipsum epigrammate ad Dn. Rudolphum Goclenium, quod cum alijs publico dedit, libello quem Exilium inscripsit, sic memorantem:

*Nec DEUS ingenium negat asper: forsitan illud
Pimplei leviter contigit aura jugi:
Et mea Nasonis Manes benefacta fatentur,
Hancque manum Fabij pugna magistra probat:
Que dudum oceano nevorum absterfit utrumque,
Flamma daret primum cum juvenilis opus.
Fastidita legens sermonis fragmina Casci,
Per me jam melius Nonius ager agit.
Sancius interdum Leneo tempora; sed qui
Corda magis Veneris gestat inusta face,
Mi sua supposuit lacerata Propertius ora,
Nuncque iterum sano Cynthia vate tumet,
Euganei sensere Titi monumenta medellam
Quamque tuli charta virgine clausa latet.
Et sua cui nomen dat mellea lingua, reportat
Mox analecta meis lucidiora notis.*

Lamentabili Heidelbergæ excidio Biantis instar, solo ingenio opes suas secum efferens, elapsus, in Hassiam, quæ furorem hostilem fugientibus hospitium amicum tunc pandebat & confugium, se contulit. Delatus Marpurgum anno c1510cxxi. mense Septemb. confestim apud præcipua Literarum lumina facem favoris & amicitiae sibi accendit. Cum autem non ita facile ex animi sententia exilio afflictum sublevare possent amici, Cassellas & ad Illustriissimum Landgravium dimisere, spe promotionis quæ nec inanis fuit. Exuli namque, ut laudatissimo Principi ingenio & Doctorum favore erat commendatus, solenniter primaria in Collegio

Collegio Nobilitatis Adelphico Latine linguæ Professio oblata est, quam tamen clementiam ut grato submissoque animo agnoscebat, sic ob metum vicini & magis magisque adventantis illis quoque locis belli incendij non sustinuit. Quare tutiora petens Buckenburgum se contulit, ubi non ingratus per annum fuit Convictor præcipuo Consiliario Holsato-Schaumburgico Melchiori Goldasto Heimsfeldio. Buckenburgâ adulto Octob. anno MDCCCXXII. in Academiam Laciburgicam sive Rosarum (Rostochium vulgus vocat) secessit, operaturus ibi, si locus & tempus pateretur, ulterius Musis suis. Verum tempestas illa, & iniquius in nos bellifatum, ita duriter cum aliorum rebus afflixerat fortunam ipsius, ut nihil subsidij ex Patriâ vel aliunde suppeteret. Quapropter cum illi honesta in Aula Gustroviensi apud nobilissimum Virum Ottonem Preen Consiliarium & Aulicum primarium conditio vivendi offerretur, instituendæ tanti viri spei noluit deesse, sed fidei & bienni in egregiam adolescentum indolem collatâ informatione tantum est consecutus, ut dignâ gratitudine Præceptorem suum honoraverint. Diffuderat passim in Oras Balthicas eruditionis suæ famam, innotuerat bonis modestiâ, condolebant magni viri adversâ sorte colluctanti: omnes exilium, & quæ hoc mala onerant, aversum vel levatum cupiebant: nec ipse aliud magis in votis habebat, quàm ut gratâ aliquando statione donaretur, cui cymbam fractam subduceret. Et desideranti talia optatò in Suecia apparebat Pharus, maleque affecto bonam spei faculam accendebat Magnificus D. Johannes Skytte, literis vocando Vpsaliam ad Professionem publicam. Verum cum eo anno MDCCCXXV. transfretâisset, omnia, quæ animo conceperat, frustra fuerunt, & repulsam in ambienda Professione tulit, tanquam externus, & alienæ religionis. Protectione hac inaniter susceptâ iter in Belgium direxit, ut ibi, si fieri posset, res exilio prostratas in meliorem statum restauraret. At magnas etiam ibi difficultates emergendi offendit, & à multitudine exultantium cuncta invenit præoccupata; adeoque exantlato longè vię tédio, Rostochium, quo amicorum notitia & favor invitabat, redire coactus est. Poterat tam dura rerum facies exasperare animum minus constantem, sed ipsum adversa obdurabant, & ex illis sumebat robur & fortitudinem, nec, quod generosæ & infractæ animæ est, in ipsis malis desperabat. Rostochij dum alibi cuncta tumultibus bellicis involverentur, tolerabili vitæ sorte contentus ad triennium substitit, donec belli flamma inferiorem Saxoniam depopulata etiam vicinos Megapolitanos parietes contingeret, & paulatim Regia Rosarum Schola dissiparetur. Dum verò in ea Academia versaretur, quod perspecta satis omnibus & probata publicè ejus esset eruditio, à Senatu Academico indultum fuit, ut privatâ industriâ & lectionibus studiosam juventutem erudiret. Quod etiam felicibus

felicitibus successibus præstitit. Nam Romanam Historiam singulari dexteritate præstantissimis ingeniis explicuit: Cæsarem, Sallustium, & alios terfos autores prælegit. Plurimis exercitijs Orationis, Poëticis, Epistolaribus præfuit. In Cornelium Nepotem Notas Politicas, ad ultimum locos communes ex Justino & Floro contexuit: ita ut sedulitate hac Primores Academiae ducti mox unanimi consensu & voto mense quint. anno MDCCXXVII. Professionem Eloquentiæ publicam illi detulerint. Quam Professionem licet paulo post Illustrissimus Princeps Joannes Albertus ratam habuerit: potentior tamen quorundam rigor contra dissidentem in religione fuit, quò minus exul & Christianus admitteretur. Jam plurima Megapolitanæ Regionis loca à Cæsarianis erant occupata; Illustrissimi Duces suis terris erant exuti: avidas manus milites etiam Ostio Varni injecerant. Igitur urgente periculo appropinquante, desertâ illa statione ad Belgas remigrare instituit, invitante simul spe novâ obtinendæ melioris & certioris conditionis, quod in Confœderatis Academiae Cathedras quasdam Doctoribus suis orbatas inaudisset. Convasatis igitur reculis suis XII. Maji anno MDCCXXIX. Groningam devenit, publico instructus testimonio Academiae Rostochiensis vitæ ibi cum laude peractæ. Nec ea spes ipsum fefellit, Deo exulem respectante & portum quietis monstrante. Itaque accedente ad testimonia cætera & publica, commendatione Cl. Theologi D. Henrici Altin-gij, eò res deducta est, ut ab Illustr. & Potent. Groningæ & Omlandia Ordinibus Viro Cl. Dn. Ubboni Emmio Successor in Professione Historiarum & Linguae Græcæ surrogaretur, quam functionem grato pectore ac cupidè amplexus, omni reliqua vita sua, singulari cura cum laude ornavit. Geminæ ei Professioni cum per annum vacasset, & curam rei familiaris multas bonas horas melioribus studiis suis suffurari doleret, de vitæ socia, cum qua curas & gaudia partiretur, adsciscenda cogitavit: Et Deo monstrante viam res ex voto cessit, ambita & exambita egregia matrona, multisque virtutibus decorata, *Margarethâ Schuringiâ*, Nicolai Barlinchofij honorati Civis Groningensis relicta vidua, annis amittique florente, nata Spectabili viro Dn. Bartholdo Schuringio ex Rodolpha Altingia, cum qua nuptias celebravit x. Maj. an. MDCCXXIX. Faustum hæcenus hoc ei & fecundum fuit matrimonium, cujus pignus anno sequenti mente Novembri, ex ea filiolum sustulit *Rodolphum*, utrique parentum superstitem: at uxorem ipsam ex eo puerperio eodem mense, decendio à partu, amisit. Hanc cum quasi biennio eluxisset, jamque ad secunda vota transiturus esset, fide matrimonij data & accepta à lectissima virgine *Margarethâ Halbesiâ*, Amplissimi Viri Egberti Halbes Senatoris Groningensis filia, injecit tragulam morbus, eumque (licet primò nil gravius minari visus) à tergo subsequens mors inopina & præ-

matura ad meliores in cœlum nuptias eum traducens. Quamvis autem vis morbi cholerae viscidæ sursum deorsumque excretionē & intestinorum passionibus infesta, valde corpus ejus debilitasset, sanus tamen & salvus mentem præstantioresque sensus constantissimè in fide & invocatione DEI & Servatoris Jesu Christi perseveravit, usque dum iteratis aliquoties ex Apocalypsi verbis: *Veni Jesu, veni* etc. coram amicis & verbi divini Antistitibus placidissimè ceu molli somno circa ipsam meridiem III. Octobris anno MDCCXXXII. anima exsolveretur, non dum completo ætatis XL. anno. Exuviae ejus solemni pompâ ab Academia elatæ & in choro templi Academici in spem beatæ resurrectionis depositæ sunt.

ELOGIA

Quædam, à Magnis Viris scripta.

Qui sua audet ante primos vel genæ pilos palam
Dedicare gratiosa seculo CREPUNDIA:
Seculo huic, nimis nasuto, seculo tam Lynceo,
Ille item palam fatetur, provocare se omnium
Eruditorum, bonorumque omnium ludibria,
Mox nisi ipse etate factus grandiore adultior
Hæc adhuc & illa scribat, quæ fidem creent meram,
Ejus isthæc esse vixdum puberis CREPUNDIA:
Vadem habe ergo jam obsidem, lector, hunc librum, brevi
Quem GEBHARDUS ipse tollet, ejus ac vicem dabit
Alterum longo alterumque luculenter ordine,
Quem suâ manu Minerva, quem sua Clio manu
Lavit antea Hippocrenes in vado, quem laureis
Ramulis ter obligarunt Gratia ac Novensiles,
Censuereque esse dignum collocari in atrio
Ipsius sacro Monetæ; posteris ut innuat,
Quem puerum Camœnæ amarunt, deperire & hunc senem.

JANUS GRUTERUS.

ALIUD.

CREPUNDIORUM, quos GEBHARDUS exhibet,
Libri cacumen ingeni exuperant senum
Fastidientum. Nec senectutis, sed est
Maturitatis hæc Palæstra reddere

Defecta

*Defecta lumina è tenebris. Mi senex,
Frontem remitte; Factus hic citò est senex.*

JOANNES ULRICUS IC.
Consiliarius Archipal.

A L I U D.

Ingenij GEBHARDE potens, animoque superbe,
Dadaleo, cujus stabulatur pectore Phæbus,
Sais & Aonidum Cetus, Charitesque sorores:
Eccur aureolos cessas vulgare libellos,
Doctos Iuppiter! & tersos limâque politos
Deside nequaquam, quos carpat nemo, nisi ipso
Durior esse velit Momo, rigidove Catone.
Ede precor, nec te fors tempora iniqua morentur,
Aut hujus mores seculi, quo nemo probare
Plus aliena solet proprijs, laudique favere
Quisque putat Juvenum indignum gravitate senili.
Non ita GRUTERUS noster, virtutis imago
Una super prisca, Doctrinæque unicus Atlas:
Non alij procures pauci, quos annulo eidem
Quamvis angusto, seculo hoc inscribere possis.
Quæis tu, si sapias, potius morem gere paucis,
Quam multis illis, quos, verum dicere si fas,
Diversos vesana rotat Sapientia recto.

MICHAEL PICCARTUS
Fr. Professor Noricus.

A L I U D.

UT Taciti nostrum sapientia temperet Orbem,
Castraque Fuliades Cæsar & arma regat,
Cotidieque novos Scipiones Livius edat,
Fundat & Hannibales Asdrubalesque truces.
Inclita grandistrepo resonent Cicerone Lycea,
Ejus & ingenti fulmine rostra tonent,
Musæ Plautino passim sermone loquantur,
Et Maro non unus arma virosque canat,
Pelignus calidos juvenum moduletur amores,
Flaccus & arguta temperet ora Chelys,

*Auctor erat nostris non infelice Minervâ,
 Historia & numeris eloquioque, potens.
 Gloria Athenæi JANUS non ultima nostri,
 Cui fluxit largus ex Helicone latex,
 Totius & sacri nemoris patuere recessus,
 Musarum charitumque erudiere manus:
 Natus ab ingenio claros proferre labores,
 Quodque olim celebret fama, volumen, anus;
 Seraque posteritas miretur & ultima Thule,
 Et gelido in septem vasta Trione plaga:
 Et Tagus & Ganges legat, & glacialis Ierne,
 Ninguidaque ad Boream Balthis & Ursa colat.
 Verum hos fata illi rupere adamantina cursus,
 Virtutumque jacet omnium acerba cinis.*

JOHANNES FREITAGIUS Med.
 Doct. & Prof. Public. p. t. Acad. Rect.

ALIUD.


JANUS ut occubuit GEBHARDUS morte peremptus,
*Aonidum heic fontes exaruerè novi,
 Hunnesus obstupuit, quia mæstus flevit Apollo,
 Deslevit vatem turba novena suum,
 Luxit gnata patrem, venturum sponsa maritum,
 Luxit & affinem turba propinqua suum.
 Planxerunt fidi, misero solamen, amici,
 Ereptumque sibi gens studiosa ducem.
 At Deus hunc vatem meliore in sede locavit,
 Iussit & in superunt pangere metra Choro:
 Vivit ubi letus Domino sua Carmina fundens,
 Perpetuoque canit Sancte Deus Tzebaoth!
 Interea in terris, dum Musæ, ac Cantor Apollo,
 Eterna celebris laude feretur, erunt.*

J. BORGESIUS Gymnasiarcha.

SCRIPTA.

CRepundiorum Libr. 3.
 Animadversiones in Catullum, Tibullum, Propertium.
 Antiquæ Lectiones.
 Spicilegium in Cornelium Nepotem.
 Exilium, sive Carminum in Exilio scriptorum libri duo.

MATTHIAS



Tantum PASORIS fas est spectare: recondit
 Plus ipsum referens charta modesta virum.
 Tuto genus, genum Chalda, Hebraus et Hellen
 Et Latinus, Celtes, et Syrus, Anglus, Arabs,
 Et Pietas et prisca Fides, Sapientia sacra
 Atq; profana sub hac abdita fronte simul.
 T. ANDREA.



F
et Vi
Præ
bilis
Gra
Fra
viri
He
ran
pro
oc
re
qu
za
cu
bi
ru
re
ai
sp
e
I
c
A
P
P
t
a
E
c
v
q

MATTHIAS PASOR.

Hunc quoque Academiae nostrae edidit primisque literis innutritum ad sublimiora praeeparavit *Nassovia*, & quidem ipsa in ea illustris Scholae sedes *Herborna*, annò superioris seculi undecentesimò, Aprilis mensis die XII. Pater ei Vir Cl. *Georgius Pasor* Ellaranus, (patre *Johanne Pasore*, Praetore, & matre *Clara Steinbachia*, postrema gentis illius nobilis, genitus) S. S. Theol. & L. *Hebraeae* per annos XIX. *Herbornae*, *Græcarum* verò literarum per annos XI. in incluta Frisiorum *Franeckerana*, Professor meritissimus. Mater *Apollonia Hendschia*, viri prudentissimi & integerrimi *Petri Hendschij*, Senatoris olim *Herbornensis*, & *Catharinae Heuniae* filia. Parens uterque, quae erant religione & in commoda Ecclesiae studio, hunc suum filium primogenitum inde à nativitate studiis sacris destinârunt, votò peculiari, quod in ipsius infantia, cum ex lapsu moriturus videretur, Deo nuncupârunt, si evasisset totum ei sacrum fore. Itaque obvia occasione usi in *Gymnasio Herbornæo* (& partim *Sigenensi*, quò, ad tempus, contagium declinans juvenus Scholastica cum praeceptoribus commigrarat) industrijs pueritiae formatoribus capax ingenium inde à teneris unguiculis submittere, quorum institutione artium trivium brevicementus, trium simul *linguarum, Latinae, Graecae, Hebraicae* non contemnendam notitiam ac usum affecutus, ad audiendas *publicas lectiones* emissus est annum agens quartum decimum: Inde majoribus jam passibus sublimiorum studiorum stadium ingressus, in patria primum Philosophos audivit, *M. Henricum Dauberum*, *M. Henricum Gutberleth* & *D. Ioh. Henr. Alstedium*. Theologicis verò, Doctore præcipue ac ductore *D. Ioh. Piscatore*, doctrinâ vitæque verè Theologo & in exemplum nato, operatus est, ita tamen ut annò 1614. ad breve tempus in alma *Marpurgensi*, imprimis in *Hebraea* lingua, cui studio impensè addictus erat, *D. Ioh. Molthero* vacaverit. Postea, ex consilio patris, in celeberrimam Universitatem Electoralem *Haidelbergam* se contulit, ipso vere Anni 1616. ubi studiis primò Philosophicis x. mensium studio & contentione colophonem imposuit, ut octodecennis gradu *Magisterij* 20. Febr. ann. 1617. (Decano *D. Nicolao Matthiade Bacchendorfio*, & promotore *D. Iohanne Casimiro Iordano*) summa cum laude & applausu eruditorum, ab illa Academia insigniretur: tum studiis sacris continuandis totum se dedit, sub Cll. Theologis *D. Davide Pareo*, *D. Bartholomæo Coppenio*, *D. Abrahamo Sculteto* & *D. Henrico Altingio*. At, cum eruditionis ipsius in Philosophicis famâ non vanâ incitati studiosi complures operam ejus & institutionem frequentes flagitarent, deesse ijs noluit, Collegiis variis in eorum

gratiam institutis. Mox annò 1619. demandatam extra ordinem à facultate Philosophica Professionem *Philosophiæ naturalis* in eadem Academia suscepit, disputationibusque Philosophicis publicè cepit præsidere. Sed statim annò sequenti 1620. cum præludiis istis fatis se omnibus probasset, in ordinem adscitus fuit, *Mathematicum professione ordinariâ* ritè solenniterque ei demandatâ, mox post annum ætatis unum supra vicesimum, quam etiam ab 3. Maj. 1620. sustinuit omnique industriâ ornavit ad fatalem usque diem 6. Sept. an. 1622. quo urbs Haidelberga ab exercitu Cæsareano Bavarico per vim occupata & direpta fuit. Quia in calamitate publica licet omnium recularum suarum, librariæ suppellectilis & hypomnematum manu scriptorum fecerit jacturam, nec à præsentissimo mortis periculo aliquoties digitum latum abfuerit, tamen singulari Dei clementiâ ex barbari militis manibus elapsus, totique illi incendio belli Palatini mirabiliter ereptus, per mille pericula Herbornam in patriam suam 18. Octobr. ad parentem reversus est. Hic, ne ociosus desideret, collegia diversa privata, quâ Philosophica, quâ Theologica, studiosis petentibus aperuit & habuit per sesquiannum. Sed quod Germania etiamnum bello civili arderet, cujus incendium gliscens latius latiusque indies spargebatur, eâ relictâ anno 1624. ex nundinis vernalibus Francofurtensibus Rheno secundò in Belgium descendit. Lugduni Batavorum, cum per mensem Theologos celeberrimos D. Ioh. Polyandrum, D. Andream Rivetum, D. Antonium Waleum & D. Antonium Thysium audivisset, atque cum D. Thoma Erpenio de Arabicis & D. Willebrordo Snellio de Mathematicis contulisset, in Angliam trajecit & Oxonij privatim literas Hebræas & Mathesein docere cepit. Commodâ autem Gallias lustrandi occasione oblata (per D. Bartholdum Möller, nunc Reip. patriæ Hamburgensis Consulem, & D. Oswaldum à Seested nobilem Holsatum, nec non D. Petrum à Sprekelsen Hamburgensem, utriusque Ephorum, qui, quod Matheseos Magistro illo porro uti optarent, comitem adsciscebant) sub finem anni illius se Lutetiam Parisiorum cum illis contulit. Ibi literarum Arabicarum & Syriacarum solidiora fundamenta jecit, Magistro D. Gabriele Sionita, Maronita è monte Libano, illarum Linguarum Professore atque interprete Regio. Anno MDCXXV. vere adulto in Britanniam reversus Oxonij in Exoniensi collegio studia sua & institutionem aliorum continuavit. Remora autem ipsi injecta est gravissima per luem sævissimam tum temporis per regnum illud grassantem. Temporis tamen successu, cum Reverendissimus Hiberniæ Primas, Archiepiscopus Armacanus Jacobus Usserius illum tecum in Hiberniam traducere decrevisset, Professio publica Linguarum Orientalium (*Arabica, Chaldaica & Syriaca*) à Collegiorum Præfectis ipsi demandata fuit, quam adjit

25. Octobris

25. Octobris anni MDCXXVI. Eam igitur Professionem (quæ ab ipso ibi cœpta indeque continuata) cum per biennium & semestrem sustinuisset, & in Collegio novo B. Mariæ prælectionem Linguae Hebrææ conjunxisset, ab Illustribus Groningæ atque Omlandicæ Ordinibus ad professionem ord. *Moralis Philosophiæ*, in provinciali hac Academia obeundam evocatus fuit, anno MDCXXIX. Febr. die XVI. eamque cum novo anno Academico aggressus est. ^{24 Aug. 1629 p. 114 p. 115} Oblata ipsi fuit honestissimis conditionibus autumnò eodem ab Amplissimo Senatu *Daventriensi* professio in Gymnasio recens excitato, vetum Groningam, quam paulò ante ingressus fuerat, tam subito absque offensa deferere non potuit. Ad *Moralem* itaque Professionem, post obitum D. Nicolai Mulerij, Medicinæ & Marthescòs Professoris eximij, Professio accessit *Mathematica*, XVII. Febr. annò MDCXXV. quam unà cum Morali, conjunxit usque ad annum MDCXLV. Tunc verò temporis, cum *Harderovicum* ad capeffendam *S. Theol. & Hebr. Ling.* Professionem, ad quam sollemniter vocatus erat, proficisci constituisset, per Nobiliss. & Ampliss. DD. Curatores Academiæ, ejus retinendi studiò, eò res deducta, ut ab Ill. DD. Ord. hujus Provinciæ *Professio Theologica* locò *Mathematicæ* (cui alium dedere & peculiarem Professore) 31. Julij ei deferretur, quam ut ritè adire & sustinere posset, 24. Oct. ex Senatus Ampl. auctoritate *S. Theologiæ Doctor à Cl. Dn. Samuele Marefio* antè ritè creatus, triduò post adiit in hac Academia, eamque hætenus unà cum Morali sustinet. Scripta non pauca privatim adornavit in *Moralibus, Mathematicis & Theologicis*, verum hætenus, suo consilio ductus, in lucem publicam nullum emisit, eventus omnes secuturos commendans Deo, cujus consilio pro viribus porro sincerè inservire paratum se ostendit, quamdiu summo illi rerum humanarum arbitro visum fuerit.




Hic in mortalem hanc lucem editus Harlingę Frisiorum, anno c10 10 xcix. d. xi. Martij, Patre viro longę celebrissimo D. NICOLAO MULERIO, Medico & Mathematico excellentissimo, & utriusque artis primo in nostra Academia, ac laudatissimo Professore, tum temporis Reip. Harlingensis Archiatro dignissimo: Matre CHRISTINA SIX, Senatoris Audomaropolitani filiā. Quamprimum per ætatem institutionis capax fuit, ut egregia indoles, quę a primis annis insigniter emicuit, bonarum artium cognitione excoleretur, a parente ad praxin Medicam in hanc urbem evocato, An. c10 10 ciii in ludum literarium deductus fuit, quem laudatissimus ingeniorum formator Dn. Ubbo Emmius moderabatur. Priusquam tamen in propriam hujus Palestram veniret, ut supremam culturam ab ipsius manu acciperet, Leovardiam (quò parens ejus victus votis & precibus illius Civitatis, hunc unum Machaona sibi diligentis, concesserat) noster commigravit An. c10 10 cviii, atque illo sexennio quo istic hesit trivialium studiorum cursum strenuę continuavit, & absolvit, usus manuductione Cl. Viri Dn. Edonis Neuhusi Scholę ibidem Rectoris, ut & Dn. parentis Philologiam Gręcā ac Philosophiam docentis. Cum deinde anno MDCXIV. condita Illustrium & Præpot. DD. Ordinum Groningę & Omlandię auspicijs Academia, Parens inter primos ad Professionem Medicinę & Matheseos revocatus esset, (quam stationem ad finem usque vitę constanter tuitus est, non minore celebritate conciliatā Academicę, quam ab hac ipsemet est consequutus) hic quoque inter primos fuit, qui se cives literarię hujus Reip. professi sunt, non tempore modo, verum etiam ingenio, industriā, atque in literis humanioribus profectu, quamvis annum ætatis tantum quintum decimum agens. Operam imprimis dabat Medicinę ac Mathesi (quamvis enim Theologię primū destinatus esset, propter δυσπρόσιον tamen, quā juvenis valde vexatus, non videbatur aptus sacro ministerio futurus) studens se parenti suo similem effingere, a quo laudabili planē scopo in juvenili sua ætate non multum abstuit, ingenio, doctrinā, moribus verē τὸ πατρὸς παίδιον, spes ac decus familię, & in quo videretur Parens ipsius sicut Euphorbus in Pythagora revicturus: sed quod adversa sæpe fortuna, quę heroicis motus retardare solet, varia per vitam ipsi tuam sustinenda, satis ipsi aliquo prodire tenus, etsi non datum ultra. Hic cum se suaque studia aliquandiu probasset, & optimam bonorum omnium expectationem sibi parasset adversariam, secundis eorundem votis prosequentibus Leidam Anno c10 10 cxxi. abiit, bene positis fundamentis convenientem structuram



Quisquis MULIERII Comam, ora, frontem,
 Caelata artificis vides in ære,
 Mirari cupis ac favere? plura
 Celavit stylus iste quam cælavit.
 Nam cælo superisq. quod sacratum est
 Cælari haud potuit, quod est caducum
 Caduco satis est dedisse mundo.

P.F.



Pro
dic
len
trat
perie
quo
raro
part
nen
iale
cro
Ar
nb
On
ren
Ca
cro
M
co
m
la
h
D
m
m
Ge
re
p
u
m
m
ca
co
po
co
m
m
Un
Un
An
aff

structuram impositurus. Audivit autem isthic præ cæteris in Medicina ac Botanicis Cl. D. Everhardum Vorstium, in cujus intimam familiaritatem penetravit; In Historiis Celeb. Dn. Danielem Heinsium; neque enim ita quæ facultatis Medicæ erant, tractanda sibi putavit, ut non amœniora quoque literarum studia persequeretur, conjungeretque *μακροκόσμος*, & *μικροκόσμος* historiam, quo animum hujus suspirijs exaudiendis tristatam illius multifariâ varietate recrearet. Cæterum quod nosset Medicinam magnam partem artem conjecturalem esse, quam longa & multiplici experientia excultam dare oporteret, qui ægrorum saluti ritè vellet inservire, ejus acquirendæ ergò primum in Angliam trajecit An. c1610cxxii. ibique per trimestre fermè moratus, Leidam redijt. At Anno c1610cxxiii. adscitis ejusdem ætatis & studij comitibus Dn. Joh. Ritzio Embdano, & Dn. Theodoro Agnæo Omlando, Juvenibus eruditis, in Galliam transfretavit, & ad extremos illius regni fines penetravit. Hæsit autem potissimum in Celeberrima Academia Montispeffulana, Botanicenque studiosè excoluit, ac magnam rariorum plantarum copiam sibi collegit. Mox Valentiam Segalaunorum reversus lauream Doctoralem ibidem obtinuit unâ cum utroque suo Achate, anno hujus seculi xxiv. a. d. iv. Id. Junij, promotore Clar. Antonio de Galliot, Medico & Consiliario Regio, celeberrimo verò Icto Julio Pacio Rectore. Redux in patriam omnium benigno favore exceptus, ob politam eruditionem doctis etiam in precio fuit, qui non minus parenti optimo talem filium, quam filio talem parentem sunt gratulati. Anno c1610cxxvi. Ephemerides sive Calendaria, lampada eam tradente patre, cœpit scribere in usum patriæ, idque toto decennio ad annum usque c1610cxxxvi. continuavit. Ejusdem anni c1610cxxxvi. mense Junio nuptias conficiente patre, vitæ sociam sibi junxit lectissimam Virginem Machtildim Beth, viri gravissimi D. Gellij Johannis Beth Senatoris Amsterodamensis filiam, atque cum ea exegit annos fermè xix. Liberos quatuor pater factus, quorum supersunt filius unus avo paterno cognominis, præclaræ indolis Juvenis, Sacrosancti ministerij Candidatus; & filiæ duæ. Cum primis conjugii annis sedē Amstelodami fixâ Medicinam cum laude facititare cœpisset, non multo post vocatus fuit ad aulam Illust. Principis Arausionensis titulo Medici ordinarij, sed quod à parente ingravescente ejus senectâ avelli nollet, se ab adeundo eo munere excusavit: Quam ipsam quoque ob causam Recturam Scholæ Dammonensis, Dn. Jacobo Henningio inde ad Scholam Embdanam evocato, vacantem, sibi delatam non admisit. Adjijt autem ab Illust. hujus Provinciæ DD. Ordinibus ipsi & quidem primo in hac Academia, mense Octob. Anni c1610cxxxviii. decretam & delatam vocatione legitima Professionem Physico-Botanicam, cui solenni ritu inauguratus ix.

Kalend. Sept. MDCXXIX, eodem actu publico Cl. Dn. M. Mathia Pasore Professionem Philosophiæ practicæ solenniter capefente, habuitque testem suæ promotionis Cl. parentem, quem tamen anno sequente extinctum luxit, condolente universa Academia. Hanc functionem Academicam ut bono publico obire posset, hortum spatiosum domi sue vicinum suis sumptibus instruxit elegantissimè, atque omnis generis selectissimis plantis exornavit, in quo & aquilas duas aluit, quarum altera etiamnum vivacitatem celebratam istius avium reginæ non coarguit. Epistolice quoque consuetudinem cum Claris per Europam Botanicis coluit, familiariter præ cæteris usus Viro Experientissimo D. Ottoni Sperlingio, Seren. Daniæ Regis Medico & Botanico celeberrimo. Quemadmodum autem nemo mortalium vivit, qui non subinde mortalitatis domestica experiatur exempla, ita & hic an. XLV. geminum istiusmodi casum sensit, mense Majo conjuge, Novembri autem matre orbatus. Hæc solitudo ex duplici funere, ægritudinem peperit vehementiorem, quæ paulatim ipsum coepit depascere: donec tandem An. MDCLXVI. in lentam eamque continuam febrem incidit, cui superveniens hydrops per 4. menses lecto affixum detinuit, penitusque confecit. Hujus autem morbi tempore non vitam sed mortem meditatus est, atque ut hæc beatissima sibi obtingeret, omnes suas cogitationes ad optima convertit. Detestatus est vanas mundi illecebras, neque quicquam quod non sacrum esset legere desideravit. Fiduciâ Christum amplexus, extremum carmen suum hujus natalitiis consecravit. Atque ita in manus Dei Opt. Max. terram fastidientem, cælumque anhelantem Spiritum resignavit, placidâ morte extinctus XIV. Febr. inter X. & XI. nocturnam, anno MDCLXVII.





S. A. Lamswerde

delin. et sculp.

Hic gnati vultus: vultus fuit illo parentis.
 Hæra Groningano quos dedit aura solo.
 Alter erat Medicus, Nomicus fuit alter: utriq;
 Multus in ingenuo pectore candor orat.
 Amicos Grunus luget, sed Dispare fato:
 Concidit hic juvenis, concidit ille Senex.
 Nec tamen immutuit facundæ gloria lingua:
 Laudat annos doctos nunc quoq; fama viros.

P. F. Q. C. A. M.

P
cio
Jurid
bet
rati
Ma
cla
cro
da
mic
rum
pro
ci
te
ra
nu
la
po
cto
om
en
na
st
in
re
&
in
ba
be
co
de
re
fir
ex
me
na
Sep
Dn
die

CONRADUS MATTHÆUS.

CONRADUS MATTHÆUS.

Patriam hic quoque habuit Herbornam Nassoviorum, urbem liberalibus studiis affluentem, ac præterea non unâ laude nobilem: patrem autem incomparabilem virum *Dn. Antonium Mathæum* Ictum celeberrimum, sesquianni spacio ante ipsum mortuum, cuius ob Remp. literariam, imprimis Jurisprudentiam, memoria singularis ac sempiterna meritò esse debet; matrem verò Elisabetham Schôlerin. Annus autem natalitatis erat à Christo nato millesimus sexcentus tertius d. 26. Maij hora noctis prima. Nondum benè Patriam noverat, cum, clarissimo Parente ad Professionem Academicam vocato, Anno *MDVII.* Marpurgum irèt: ubi decurso cum laude studio pædagogico, Albo illius Academiæ, sub initium An. *MDXVIII.* insertus, integro triennio, in Linguarum & artium Organicarum studiis calidè & attentè desudando, tum alijs, tum verò præcipuè Excellentissimo Philosopho *Dn. Rudolpho Goclenio*, Magistro juventutis acutissimo, doctrina præeunte, ferè SS. Theologiam certâ animi destinatione adfectasset; nisi fanaticorum quorundam delirijs, novum doctrinæ cultusque genus parturientium turbatus, Hygææ operam suam addicere maluisset. Quo facto, ab An. *MDXXI.* Sectæ suæ Magistris experientissimis *D. Brunoni*, *D. Molthero*, alijsque sui temporis Doctoribus eximijs, ita sese applicuit, ut diligentia ejus & industria omnibus maximè probaretur. Cum ita adolevisset, ut jam non annis, quàm doctrina major esset; Greiffensteinij Illustrium Juniorum Comitum Solmensium vite studiorumque director præfectus, an. *MDXXXIV.* cum ijs Herbornam ad Illustre Gymnasium contendit: id quod ipsi non modò honorificum contigit, verum etiam studiis suis maximè proficuum: quippe peritissimo & felicissimo naclero, Doctissimo *D. Joh. Matthæo* Medicinæ Professore, Aulæque Nassovicæ Archiatro, patruo suo, plenioribus velis usus; ex interiori amicitia & familiari quasi contubernio, non leve studij sui Medici incrementum tulit: usque dum *Cl. Dn. Patre*, honorificâ vocatione in Illust. hanc Academiam ascito, paternam familiam secutus, mense Julio, anno 1626. hic loci, quod reliquum erat studij Medici sub accuratissimo ingeniorum informatore, *Dn. D. Mulerio* absolveret. Nec excidit tam laudabili conatu. Etenim sequenti anno, nempe *MDXXVII.* non solum post laudatissima experimenta, quâ solennia, quâ privata, toto applaudente Senatu Academico; Mense Sept. Docturam Medicam faciliè impetravit; promotore eodem *Dn. D. Mulerio*: verum etiam ab hujus obitu, unâ cum *Cl. Medico*, *Dn. D. Joanne Freitagio*, Comitiorum Provincialium decreto, magno

creto, magno ipsius merito, ordinaria Medicinæ Professio An.
 cio 1639. ei demandata fuit: ante è supernis assignatâ fidissi-
 ma utriusque fortunæ socia, virgine lectissima, Elisabetha, o-
 ptimis ac honoratis Civibus Jacobo Michaelis & Asselia Folckers
 nata. Illâ autem Spartâ Academicâ ornatus, singulari docendi
 dexteritate, quasi innoxio quodam amoris philtro, Studiosos pro-
 fessionis suæ plurimùm sibi addictos reddidit; adeò, ut incluta
 Academia ejus labores laudatissimos, totius vitæ ratione com-
 probando, dignum eum judicaret, cui quoque sui Recturam
 committeret: in quo Magistratu taliter virum se ostendit, ut,
 ipsum non sine honorifico laudis magmento, eum accepisse, ges-
 sisse, deposuisse verè affirmari queat. Paulò enim post, malignâ
 feбри, quæ populariter per Urbem hanc totamque viciniam gra-
 sabatur, correptus; & totos xvii. dies cum eâ luctatus, viri-
 bus deficiens, accedentibus insuper alijs Symptomatis, tandem
 (utendum illatabili verbo) vixit: hoc beatissimus, quod men-
 te benè præparatâ, cuncta & se Deo resignans, mundum ampli-
 us ad suas curas non pertinere, anima humili in agnitione sui,
 in merito autem Christi exultante, ob interceptum loquelæ u-
 sum, suspirijs, lachrimis, elatisque ad cælum manibus declararet.
 Decessit xii. Sept. circa auroram, hora iv. matutina, anno æ-
 tatis xxxvi. Professionis verò publicæ viii. ineunte; Supersti-
 tibus ex uxore duobus orphanis.

An 1639
 v. d. Jernem



JOHANNES



Nemo salutiferam coluit feliciter artem,
 Promptius ingenij nec monumenta dedit.
 Hac quoque, FREITAGI, tua laus, quod nemo furentem
 Invidiam melius duraque fata tulit.
 Aspice, compositi tam plena vigoris imago
 Hoc tibi, spectator, vel sine teste probat.

F. B. M.

L

graffia

len,

tagm

trem

subr

dire

fibi

trax

gan

tiona

ret e

cis

vac

ra d

red

flam

re

na e

na e

na e

na e

na e

na e

na e

na e

na e

na e

na e

na e

na e

na e

na e

na e

na e

na e

na e

na e

na e

na e

JOHANNES FREITAGIUS.

Dedit hunc terris Pæanem anno post reparatam humano generi salutem 1581. pridie Kal. Novembr. Celeberrima Clivorum Vefalia, belli famâ notissima, ad quam velut asylum, propter horrendum in modum in vicinia grassantem Bellonam, relictis laribus proprijs vici Recklinghusen, parentes ejus confugerant. Patrem habuit *Stephanum Freitagium* ex antiqua Freitagiorum familia ibidem oriundum. Matrem *Catharinam Donnerbergiam* Relensis oppidi patriciam. Sed subrutis igni ac ferro, quos ruri colebant penatibus hæreditarijs, direptisque per vim facultatibus, parentes hujus ut de honesto sibi prospicerent præsidio & sustentatione necessaria, in diversa traxerunt oculosque animumque. Venerunt tandem Osnabrugam, Episcopali sede illustrem Westphalię Civitatem, ubi statione fixâ, cum omnis in Ascanio unico hoc nostro, eorum staret cura, quamprimum per ætatem licuit, disciplinis Scholasticis tradiderunt informandum. Ad tempus Osnabrugę cum his vacasset puer, inde Coloniam Agrippinam missus fuit, immaturâ quidem ætate, attamen necessario quodam jure, quod ex hæreditate ipsi Canonicatus Resâ cessisset, quales Colonia sibi instituique non tantum in liberalibus studijs, sed potissimum Catholicę, ut vocant, Romanę religionis innutrirî principijs, moris legisque erat. Sed mox caducis illis posthabitis, potiorem animę ejus agentes curam, Colonia ob periculum superstitionis, Papalis tenero instillandę revocatum, Vefaliam remisere parentes, ac domesticę curę Scholasticisque institutionibus doctissimi Viri Dn. Joh. Brantij percelebris Vefalię Gymnasiarchę concrediderunt. Inter illius ille Commensales ac Discipulos receptus mox tantos ibidem in fundamentalibus studiorum initijs fecit progressus, artium dicendi linguarumque peritia, ut altioribus jam sufficeret capeendis tractandisque. Inde igitur ad Academiam Juliam, quę Helmstedti est Brunswigiorum cursum instituit. Hic locupletata, quam è trivialibus attulerat literaturę humanioris suppellectile, excussis Historiarum monumentis, evolutis purissimę Latinitatis authoribus, in succum & sanguinem verso Poëtarum omnis generis grege, tanta felicitate, ut & stylo esset doctissimus & carmine promptissimus, Philosophię ingressus est Circulum, præcuntibus Joanne Caselio & Cornelio Martini, penes quos tum temporis deposita quasi hærebat sanior omnis Philosophia, tantorumque ductu, illius plenarię decurrit stadium, donec tandem ad ipsam Medicinam propendenti singulariter animo ascenderit. Exinde Rostochium excurrit, ibidemque per sesquiannum commoratus preceptorem convictoremque habuit familiarissimum Henr.

Warenium; visitatis deinde nonnullis alijs Germaniæ Academiis Illustrioribus Helmſtedum redijt. Hic magnis ſub Magiſtris divinam medendi artem porro perdiscere, ipſiusque arcanos omnes reſeſſus penetrare datum, quod promptitudine ingenij, diligentia indefeſſa, morumque ſuavitate ſingulari, tum alijs magnis viris inſinuatus, tum familiariter admiſſus ab Excellent. Medicis, ejus Univerſitatis Profeſſoribus, Duncanſco Liddelio Scoto, in Theoricis ſi quis unquam accuratiſſimo, & Franc. Parcovio, in Practicis experientiſſimo, felicitiſſimo, per univerſam Germaniam celeberrimo. Inſuper Henrici Meibomij, magni illius Medici hoſpitio ac privata familiaritate fruebatur, quod filioli ipſius ſtudijs moribusque præſſet. Quorum cum alijs operâ, & improbo ipſius labore, quem in verſandis nocturnâ diurnâque manu ſummis artis Medicæ Antiſtitibus haud ſegniter impendebat, effectum eſt, ut diverſis editis ſpeciminibus, non tantum inter Commilitones emineret, quos tamen habuit doctiſſimos, nominatim D. Henningium Arnſeum, Duncanum Barnettum, Adamum Luchtenium, Matthiam Waltherum, omnes deinde Archiatros ſummos, verum etiam inſuper exercitia illi extra ordinem concederentur practica, imò ad Cathedram Academicam admitti dignus haberetur, primò quidem extra ordinem, non diu autem poſt ordinariorum Coronæ adſcriptus, anno ætatis 23. Spartam hanc naſtus omni conatu ornavit, Collegijs inſtituendis, lectionibus habendis, diſputationibus proponendis, ſtudia adoleſcentium promovens, regiâque planè viâ ad nominis ſui immortalitatem graſſans, quorum etiam nunc monumenta ſuperſunt. Verum Academicum diu verſare pulverem ipſi conſeſſum non fuit; ſed paucos intra annos à Reverendiſſimo ac Illuſtriſſimo Principe Philippo Sigismundo poſtulato Oſnabrugeniſum & Verdenſium Epifcopo, Duce Brunſwicenſi & Lunæburgenſi, in Aulam eſt vocatus. Sumptis igitur Doctoralibus inſignibus, quæ ipſi inter competitorès plures ſecundo loco, quod primum Duncanſco Barnetto ex Anglia illuc ad gradum conſequendum venienti ſponte ceſſiſſet, ab Acad. illa per Decanum ejus honorificè collata, munereque eo Aulico (licet ægrè ipſi eſſet à Cathedra Academica, cui natus & factus videbatur, avelli) ſuſcepto & in eo tum Principi ſuo, tum alijs omnibus dexteritate vigilantiaque ſua approbata, ſolitariæ vitæ perteſſus ſociam vitæ circumſpexit, ſibiſque elegit atque anno 1608. matrimonio junxit *Gertrudam Valckenburgiam*, Ampl. & Spect. Viri Rudolphi Valckenburgij, dicto Principi à conſilijs, ditioniſque & aulæ Epifcopalis, quæ eſt Iburgi, quæſtoris filiam. Ex ea novem liberorum pater, quorum ipſi ſuperſtites filij duo, major natu Toparcha Berumanus in Friſia Orientali; alter Toparcha Fredeborgenſis ibidem, filiæ tres honeſtè elocata, illa Dn. Danieli Overberg, Ephoro Comitum juniorum Friſiæ

Frissæ Orientalis, ista Licentiato Stauden Silesio, hæc Dn. Francisco Besenio aulæ Fris. Orient. Archiatro. Dum igitur Freitagius noster munere illo Medici aulici & cubicularii in aula Episcopali Osnabr. per totos 17. annos singulari curâ & successu fungitur, illustris ejus fama quaquaversus per vicina remotaque loca diffusa fuit. Unde factum ut à compluribus Principibus, Comitibus, Dynastis, Urbibus, Magnatibus, crebrò ejus opera expeteretur, indultuque Dn. sui præstita lautis premijs pensaretur. In primis Generoso Comiti Adolpho Tecleburgico cara ejus plurimique æstimata fuere officia, ut non aliter, satis dignè ea rependere posse putaret, quam feudo lautissimo, quod in eum magnificentissimè ac gratiosè contulit. Nec minus propinquis Generositatis ipsius totique illustri Aulæ Benthemice promptam fidamque quoties res posceret, operam navabat. Quin & ad Professionem in Acad. Rintelanâ, cui tum primum nascentis famæ clarissimi undiquaque viri conquiebantur, ab Ill. & Gener. Ernesto Holfatiæ duce, Comite ac Principe Schaumburgico, ad Professionem primariam Medicinæ, simulque Archiatri aulici munus amplissimis propositis conditionibus invitatus, sed Episcopo suo gratiosè retinente, vocationem eam admittere non potuit. Post ejus fata à Friderico-Ulrico Duce Brunsw: & Luneb. prioris Dni. sui fratris filio, ad veterem in Acad. Julia stationem, aut Archiatri aulici, quæ ipsi optio data, munus, lauto stipendio vocabatur: quæ licet satis animo ejus arrideret conditio, tamen adire eam ob exardescens per eas regiones, Duce Christiano Brunsw: novi belli incendiis, non sustinuit. Quare suffecto in defuncti Episcopi Osnab. locum Julio Cardinale Romano Sancti Xisti Presbytero, Comite in Hohenfelder, Sigmarien & Veringen, ab eodem, non obstante religionis discrepantiâ, idem quod apud decessorem gesserat, Medici aulici & cubicularii munus ei fuit commissum, quo cum per biennium pari fide functus esset, amisit hunc quoque Dominum pestilentiali febre extinctum. Ei successor postulatus dictusque Franciscus Wilhelmus è Bavaris Comes Wartenburgicus, à quo cum ad tempus sibi suisque privatus vixisset, ad idem munus revocatus est, quod per an. 4. strenuè obijt. Quibus cum varias ob religionem sustinisset tentationes, nec ullo modo ab agnitâ veritate se abduci pateretur, tandem emuli inimicique pretexto zelo religionis Catholico-Romanæ id effecerunt, ut nisi hæresin (ut vocabant) ejuraret & sacris ipsorum participaret, munere & loco moveretur. Ille cum conscientie major ipsi ratio, licet numerola & onerosa familia, tamen cum socru, uxore, liberis, reculis quas poterat convasatis, ad abitum se componit: nec fidentem sibi deseruit Deus, sed protututum portum & refugium aperuit, in hac urbe & Academiâ: Cum enim morte Cl. Nicolai Mulerij Cathedra Medica Doctorem desi-

rem desideraret, commendatione Ill. & Gen. Ernesti Casimiri Com. Nass. Prov. Guber. gloriosissimi, nec non Ill. Comitum Bentheimæ ab Ill. hujus Provinciæ Ordinibus an. 1631. mense Junio in locum Mulerij unâ cum Cl. D. Conr. Matthæo vocatus, eam Spartam cupidè arripuit, eique quod reliquum fuit vitæ ad supremum usque Spiritum impendit, magnâ cum sua & Academiæ, cujus etiam fasces bis gessit, gloriâ, & ex usu publico, honore ac emolumento. Hoc autem unum semper sedulò agebat, ut illos quorum studijs erat præfectus moderator, collocatis primum solidis ac necessarijs tantæ doctrinæ fundamentis, via brevissima & commoda ad sincerissimos ex antiquitate venerandâ promanantes manuduceret & instigaret fontes. Veterum, ipse veteribus non inferior, admirator summus, veterum cultor & sectator genuinus, sine quorum diligenti lectione, imposturam esse omnem Medicinæ professionem cum Gulielmo Copo arbitrabatur. Ad praxin exactam, simplicium primò, deinde compositorum medicamentorum, prærequirebat notitiam, accuratam malî tollendi cognitionem, tum verò maximè methodum, methodum ingeminabat. Empiricas toto animo ridebat ineptias, detestabatur imposturas. Ad hæc omnia, non tam hortari, quàm ipsemet præire paratissimus, quid & quando factò opus esset, tuo commonstrans exemplo. In quo illud etiam præterea observandum fuit, quod non tantum accuratissimis & selectissimis morbum aggredieretur medicamentis, sed jucundissima sermonis suavitate, laborantium vires quantum numerosa etiam præstare non potuisset corroborantia, refocillare & vigorare nosset, desperantibus animum erigere, austerioribus risum extorquere, omnes pro occasione verbis non minùs quam herbis sublevare. Nec minus latè interim per ipsam Urbem & Provinciam, imò & extra eam ad Ill. omnium Ord. Magnates, imprimis Ill. aulas Nassovicam, Oldenburgicam, Friscam, Stirumanam, honorificè sæpius excitus, veniâ superiorum suorum profectus, salutiferam artis suæ operam & opem extendit. Erat autem in medicando ut promptissimus gratissimusque ita & felicissimus, ut quorum vulgò desperata esse solet salus, Epilepticos, Hydropicos, Phtisicos, Cachecticos, Scorbuticos, similibusque gravissimis affectibus laborantes complures vel penitus illis malis liberavit, vel saltem præsidijs præclaris ita contra ea muniverit, ut minori incommodo suo eis resisterent & si non prorogarent fatalem horam saltem integriori valetudine ad eam procederent. Tandem hic quoque Æsculapius velut conjurato in vindictam multiplicium morborum, de quibus toties triumphasset, agmine impetitus ac prostratus, frustra omni Phæbæo præsidio obnixus, corpus morti ac terræ submittere coactus, animam fide in Jesu Christo munitam ac victricem ad Cœlos emisit. Morborum illorum causam agnoscebat

agnoscebat ipse & deplorabat, quod in Aulis non ex Medicorum sed Magnatum præscripto vivendum ac bibendum sibi fuerit scriptum, minimè ad normam sobrietatis veterum Sabinorum. Itaque continuis majorisque spiritus haustibus, plusculum de corporis viribus detractum nimiumque sibi (sic serìò jocabatur) in juventute præscriptum usum abluentium coactumque humectare largius, quam ex naturæ præscripto esset necessum aut commodum. Hinc varia morborum genera, quos inter velut agmen ducebant hydrops, quartana febris, podagra ac demum πολυπόικιλος scorbutus, hæreditarius ille quidem, sed qui tali affuso oleo summopere fovebatur ac crescebat, ut licet priorum aliquot hostium insultus satis feliciter frangeret ac repelleret, hujus nunquam tota vita sua penitus liberari potuerit tyrannide; sed eum ad extremum usque vitæ halitum habuerit & colluctatorem & contubernalem. Itaque anno 1640. mense Octobri, cum post continua aliquot familiæ vulnera ac funera, quibus animus ejus dejectus, corpus deteriusculè habere cœpisset, aperiente primum se pedum malo, cujus quotannis impetus aliquot ut experiri sic operiri sueverat, nihil gravius augurabatur, quod usitato coque expeditissimo lenimine ejus nosset mitigare tormenta, de cætero, molestias sequioris illius valetudinis joco, ut erat homo facetus, allevare solitus. At cum ea medicatio nunc minimè more solito ad nutum & votum ipsi succederet, insuperque hæreditarius ac inveteratus evigilaret scorbutus, labascere animus & diurnam gravemque prælagire afflictionem. Hisce comitem mox se adjunxit intermittens febris, quæ singulis hominem noctibus exercebat, manuum præcipuè intenso ardore sicco & cephalalgia, hemicrania maximè, vehementi infesta, quæ diffuente in malam dexteram acerrimo humore scorbutico, bilioso serosoque terminabatur, non sine acutissimis ex corrodenti materia doloribus. Nec diu hæc febris mansit solitaria, sed implicatam sibi excepit aliam continuam, ut ex junctis illa existeret species, quæ Hemitritæi aut semiteritiane Medicis venit nomine, de quo notissimum extat Quinti Sereni: Mortiferum magis est, quod Græcis Hemitritzum vulgatur verbis, consentiente Hippocrate pariter ac Galeno & confirmante experientia. Præterea sua sponte suppullulabant supra ingentem formidabilium Symptomatum seriem, faucium, gutturis, orisque affectus, gingivarum tumores, abscessus, denique exulceratio genarum putrida & foeda adeò, ut ipsemet prodeuntis satis largiter se non ferre saniei foetorem alijs non semel sit conquestus; plurima ex his & tantum non omnia de sinu suo promente Scorbuto. Atque hæc quidem semper aderant, subinde verò immensis Coli torminibus, dirisque nephriticis cruciatibus excarnificabatur, exeunte etiam numeroso lapide, tanta violentiâ, ut, ex acerbissimo in membranosis tenerrimi sensus

Q

partibus

partibus tantopere distensis dolore, jam dissolvendæ viderentur vires omnes; quod Fernelio evenisse ex ejus vitâ cognoscitur. Ille qui humani tabernaculi novisset fragilitatem, totiesque in Medica praxi (cui humanæ miseræ theoria est implicita) aliorum exemplis esset admonitus, & ex ipsa arte suâ corporis naturam, & fabricam haberet perspectissimam, non poterat ignorare quæ futura hujus fabula *καταστροφή*. Itaque animam ad Cœlos erigere usitato sibi Symbolo:

Glorior in solo Crucifixi sanguine Christi,

Illa meæ fidei summa sit illa, spei.

At nihilominus & boni Medici & obloquentis ægri fungi officio, nihil quod ad sanitatis collapsæ restorationem videbatur conducturum intermittere; omnis generis medicamina ac levamina præscribere, usurpare; potiones varias continuè haurire, pilulas devorare, carminativa, lithontriptica assumere; clysmata injici curare; gargarismos, facculos, cucuphas, oris collutiones, inunctiones, emplastra non negligere; confortantibus non rarò, semper antiscorbuticis uti, & nescio quæ non pro rei occasione, & exigentiâ adhibere; sed omnia (proh dolor) eventu infelici, successu nullo. Mala interim magis ac magis gliscere, indies in pejus ruere, corpus tandem ad extremam tabitudinem vergere, summumque virium pati deliquium. Quin etiam cum putrida hæctica conjungi, cujus illud solet esse prognosticon, quod curationem valentibus viribus vix admittat, collapsis verò nunquam, idque ob contrarias in tali casu indicationes, quibus simul satisfacere difficillimum, seorsim impossibile. Quam hæctica humectationem desiderat, eam respuit putrida, contraque quæ putrida exigit siccantia, tanquam putredinem inhibentia, illa hæcticæ magmentum addunt. Quare tot malorum incumbentium numero & contra virium corporis afflictarum ratione inita, facile collatis illis veris universæ prognoseôs Medicæ principijs, præfagiens eventum, totum sese quieti dabat, divinæ voluntati ac providentiæ se commendans, dissolvi & cum Christo esse intimis suspirijs anhelans. Postremò cum angustato ex humoribus viscidis pectore, distentoque ventriculo paucis supremis diebus ægrius verba proferre, ultima verò vitæ luce prorsus vocis usu destitui capit. Sic tandem 8. Febr. anno 1641. vespere ad mediæ noctis punctum, præsentibus Clarissimo ac Reverendo Dn. D. Henrico Altingio Theol. & Cl. & Consult. Dn. D.

JOHANNES FREITAGIUS. 123

Dn. D. Joh. Steinbergio Icto, Collegis dum viveret amicissimis, quasi oscitans doloribus corporis emaciati renunciavit, & placidissimè exspirans animam Creatori Redemptorique suo reddidit, eum vixisset in terris an. 59. mens. 3. dies 9. in matrimonio 32. & jam in quartum viduus. Exuvie corporis ejus XIV. mensis ejusd. funere indictivo ab Academia, magnoque tum Magnatum, tum omnis ordinis hominum confluxu ad frequentandas exequias ejus concurrentium, monumento ritu Christiano illatæ & conditæ in Choro templi Academici, biduoque post à viro Cl. Dn. Henr. Welmanno, Collega ejus in facultate, ipsi honorificè est parentatum. Sic corpus terræ; anima Cælo reddita, at fama nomenque viri mortis eludunt sævitiam, nesciunt rogum, Solisque coextensa tramiti, nisi qui totius est futurus machinæ, ignorant terminum. Quamdiu sacrum Æsculapij erit numen & in pretio Phœbi inventum, inter primos Machaonum ordines insignis micabit Freitagius. Monumenta mundo reliquit, in secula itura, de quibus nulla unquam ætas conticescet, divinissimis in arte Medicâ associanda tabulis.

SCRIPTA.

Notes Medicæ cum adi.
Aurora Medicorum in qua
De Opio Laudanisque Opiati tractatus, cum consilijs aliquot longè accuratissimis.
Detectio & Refutatio novæ sectæ Senerto-Paracelsicæ.

INEDITA.

Responso ad censuras Theologorum.
Consilia in periculosis affectibus Medicis præscripta
Pœmatum farrago.

IN hanc lucem editus est Braunsfelsij Solmensium, anno hujus seculi quarto, die decimonono mensis Augusti. Parens ipsi cognominis M. TOBIAS ANDREÆ, ecclesiæ eidem & Ill. Comiti à sacris concionibus aulicis, vicinarumque per totum comitatum Inspector, vir prisce pietatis singularisque in sacro munere zeli & exempli. Mater *Margaretha, Iohannis Piscatoris* Argentinenfis, Theologi Herbornensis celeberrimi, filia primogenita. Primis bonarum artium tyrocinij in scholâ Patria, sub Magisterio Dn. M. Iohannis Everardi Zaunschliffieri depositis, patre defuncto ad illustrem Herbornæam ablegatus est, anno MDCCXVII, ubi quinquennio curriculum classicum reliquum absolvit: indeque in alterum annum studijs Philosophicis sub institutione Cl. Alstedij & Piscatoris avunculi operatus Bremam se contulit. Hic in septimum annum eadem studia, contentione singulari publicè privatimque excoluit, tum cæterorum Illustris ejus Scholæ Professorum, tum imprimis Dn. Gerhardi de Neufville Medici ac Philosophi eximij longèque Celeberrimi assiduus auditor. Etiam sui magis confirmandi & ad cathedram Professoriam præparandi gratiâ, Collegia Philosophica, petentibus honestis Studiosis compluribus habere incepit. Anno MDCCXXVIII. resalutatâ Patriâ obiterque visitatis Academiâ Marpurgenfi & Colonienfi, Groningam venit, à Cl. Dn. D. Altingio amico avito & fautore hæreditario summâ humanitate exceptus & fatus, Collegia omnis generis Philosophica, ingenuis adolescentibus institutionem ipsius efflagitantibus aperuit & habuit. Post Cl. Altingius filiorum studijs eum præfecit. Quæ cum ad eam maturitatem promouisset ut Academiæ adscripti, sine cortice natæ possent, ejusdem commendatione studijs Ill. Principis Palatini, Ducis Lansbergici præfectus, ea in annum tertium partim Lugdunî Batavorum, partim Hagæ-Comitis in aulâ Cels. Principis Auriaci moderatus est. Inde anno MDCCXXXIV. ad illustrem hanc Academiam in locum Cl. Dn. Jani Gebhardi ad Professionem Histor. & L. Gr. evocatus: quam stationem mox adiit & hucusque sustinet: semel tantum ex quo eam capeſſivit, veniâ superiorum per semestre, ablens, cum nova nupta in Sueciam profectus ad salutandum Nob. & Ampl. Dn. Docerum Ludovicum de Geer, reliquo omni tempore Spartam quam nactus, pro viribus ornare, intentus.

*A. L. M. vocatur.
an. 1685 in dedi-
catione ejusdem
Dissertationis.*

uijus
ipſi
&
per
e in
mus
mi,
hola
ſſeri
eſt,
reli-
icis
re-
on-
um
ide
mi
ram
nti-
oc
gen-
mi-
fo-
oti-
oſt
am
na-
ala-
tim
in-
lu-
ad
nox
ſſi-
in
um
na-

A



Cui Sophie, sed jure pari dant nomina Mijse
 Et nihil ex opibus Pallas, avara negat,
 Tempora, facta, viros, tibi qui Groninga, priores
 Imputat, atque aulam posthabuisse tibi
 Nos prefert virtutis ANDREËVS. Ore decoro
 Neque animam, reddi qui nequit are, licet.
 I. FR. GRONOVIVS.

T O B I A S A N D R E Æ.

125

E D I T A.

Henricus Nassovius, sive Oratio in excessum Ill. &
Gen. Dn. Comitis Henrici Nassovij Gubernatoris
Frisiæ, Groningæ etc.

*Affertio Methodi Cartesiana, opposita Jacobi Revij
Considerationi Theologicæ, quam vocat.*

*Brevis Replicatio, Brevi Explicationi Mentis humanæ
Dn. Henrici Regij reposita.*




Q 3

JOHANNES

IOANNES STEINBERGIUS.

GOrlicij Lusatorum natus Anno à salutari partu c. 15 d. xci. die 13. Januarij; Patre *Melchiore Steinbergio*, Consule dum vixit in eadem inelytâ & florenti quondam *Gorlicio*: Matre *Anna Bergera*, ex patriciâ *Bergerorum* familia. Decursis pueritiæ annis, jactisque primis literarum fundamentis, ex Gymnasio patrio, ab Optimis Parentibus, qui cultu animi ejus nihil semper habuerunt antiquius, ad Germanica Lycæa mandatur. Primum Witebergæ per biennium cum dimidio sedem suam fixit; ubi parentis olim in studijs commilitonem, tunc præceptorem suum habuit Bartolomæum Reusnerum, cum alijs Celeberrimis Viris, Bæckmano, Hirschbachio, imprimis Guilielmo Forstero, Valentini filio. Deindè etiam aliquamdiu Jenæ substitit. Porro, ad Celebratissimam Heidelbergensem Universitatem migrans, per Annos 1611. & 1612. ibi hæsit; ubi commendatione *Cl. Taubmani*, intimè innotuit Grutero, amiceque eo usus fuit. Dornavij item affinis sui, Consiliarij Illustriss. & Celsissimi Principis Bregensis & Lignicensis in Silesiâ, commendaticijs insinuatus fuit favori Amplissimi *Lingelsheimij*, Consiliarii secretioris Consilij Palatini; quo eodem parario in notitiam primam Consummatissimi illius Icti Dionysij Gothofredi, cujus solius claritudine, (patre optionem filio relinquire, num Marpurgum, num Heidelbergam petere veller) primum eò loci pellectus fuerat, devenit. Paternis autem literis *Abrahamo Sculteto* interioris necessitudinis & admissionis fuit; qui cum patre contractam amicitiam in scholâ patriâ eandem in filium fusè derivavit. Lapsu interim temporis, dum sub Celebribus illis Jurium mystis, *Gothofredo*, *Hoffmano*, *Nebelio*, *Calvino*, juri operatur, insuper arctissimam præ cæteris, contraxit familiaritatem cum Celeberrimo *Bacchovio*, tunc Professore Ethices publico; attamen eo tempore nihilominus extraordinariè Jura docente & defendente. Sub quo etiam notissimas illas notas ad Treutleri disputationes (quas tùm temporis Clarissimus Vir Censuras ad Treutlerum nuncupabat) manu propriâ exceptas, & quas scriptas adhuc penes se asservat, cum alijs octo Collegis suis Commilitonibus annuo spatio disputando absolvit. Ad Patrios lares tunc repedantem, & à Parentibus & illic loci primarijs propinquis ac amicis plausu exceptum, variæ eum circumstabant lautissimæ conditiones, quæ eum & in patriâ, & in vicinâ Silesiâ morari invitabant. Parens tamen ejus, qui à longo jam tempore in intima notitia & flagranti favore apud inclutum Heroem in Moravia, Illustræm *Ladislæum Welenum* Baronem Zerotinum, Dynastam Treboviæ Moravorum, Luntenburgi, Hohenstadij, Eisenburgi




Grieff. de pas.

ad Primum delin.

Scula STEINBERGVM mundo si prisca tulissent,
 Cum Pudor et Nemesis Fasq, teneret humum:
 Scæuola, Julianusve, Modestinusve fuisset,
 Sidus Paule, tuum, Papiniane tuum.
 Nunc ille ingenio par istis omnibus, instar
 Claret Apelleæ forma verenda Deæ.

NICOLAUS RITTERSHVSIVS Antecessor et Consiliarius Noricus.



Eisenbergi &c. à Moravis tum felicis temporis *Divitis Zerotini* καὶ ἐξοχῆν cognomine insignitum oratur & exoratur, ab Illustri præfato Heroe, qui filium reducem cedere vellet in Præfectum Juventutis duobus Illustrib. & Generosissimis filijs suis natu majoribus, *Ioanni*, & *Bartolomæo Zerotinis*. Conditionem accipere, etsi primùm detrectans, partim tamen patrijs jussibus, partim opimâ spe & promissione facta, adducitur. Perlustraturus regionatim exterarum gentes, cum concreditis sibi Heroibus, primùm Vratislaviæ annuo, post Heidelbergę aliquantisper, Argentinæ triennali spacio moras fixit: inde Basileam contendens, ibidemque Laureâ ex Themide donatus, Genevam appulit: quâ etiam postea desertâ, Celticam omnem usque ad confinia ipsarum Hispaniarum peragravit. Post decennale peregrinationis curriculum iter promoturus erat in Italicam, & Belgicam; nisi feralis ille nuncius cladis Pragensis cursum sufflaminasset. In eo enim res agebatur suorum Heroum, quorum Illustris Pater inter supremas Sphæras infelicium illorum motuum extiterat. Ita Illustris suos concreditos quietis Penatibus restituere ei non licuit: sed in ipsum Martis campum sub auspicijs Augustissimi illius Regis Suecię eos deduxit; Ubi brevî ad dignitates Præfectorum Legioni, quos Colonellos vocamus, evecti; Generosissimi Heroes generosè dimicantes, pro patriâ Spiritum effuderunt. Ipse interim turbato etiam Patriæ suæ statu receptum suum Genevam statuit; quæ & tunc multorum Principum, & Illustrium Heroum asylum erat, ubi velut è speculâ catastrophę cruentę illius Tragædię spectans expectabat. Varia in Bello munia à varijs Principibus, quibus tempore pacis, & diuturnæ suæ peregrinationis innotuerat intimè, ei oblata fuerunt: speciatim ab ipso Serenissimo Duce Bernhardo Wimarienti, ei nec prestanti, nec volenti, officium, ut vocant, Generalis Auditoris, cum promissione ulterioris promotionis delatum fuit: sed spe semper meliorum, noluit se Bellonæ negocijs implicare. Anno m. dc. xxxiv. Palatinatu vindicato, & per victorias Suecicas recuperato, ad Consilia Aulica à Serenissimo Principe *Philippo Ludowico* Tutore & Administratore Electorali vocatur. Prælio autem Nordlingensi de novo intervertente statum Palatinum, vidit iterum, ut antea sæpè majori adhuc nomine expertus erat, fortunam suam vitream esse, quæ frangebatur dum pellucebat. Et cum ad vitę suę curriculum reflectit, sæpè se Fortunæ privignum vocitat. Dum Genevæ diutius hæret, Professionem ibi Juris publicam acceptavit: cui debitâ cum diligentia & dexteritate præfuit. Et quanquam ad eandem Juris professionem publicam in Illustri scholâ Daventriensi An. 1636. exornandam lauro & honorifico stipendio invitaretur; noluit tamen pedem Geneva, jam diu ibi fixum, movere. Donec tandem An. 1638. ab Illustrib. &

lustris. & Præpotentibus Dn. Dn. Ordinibus Groningæ & Omlandicæ, ut & Nobilissimis & Amplissimis Dnn. Curatoribus hujus Athenæi Provincialis; oblata ei primaria in Jure professione, Celeberrimo Jcto Anton. Matthæo surrogatus fuit. In qua provincia sustinenda, jam adhuc dum constans permanet: quamvis ante aliquot annos honos ei exhibitus fuerit, ut in nova Hardervicensi Academia ab Illustrib. Dn. Dn. Ordinib. Ducatus Gelriæ & Comitatus Zutphanicæ erecta, Sparta primariæ Juris professionis ei assignaretur: Exactis tribus lustris desideratissimam suam ad celsa gaudia præmisit CATHARINAM de Bary, ex nobili familia ortam, relictis duobus filiis, qui per Dei gratiam adhuc supersunt, altero Johanne Melchiorc, L. A. M. & Pastore ac Professore Genevensi, altero Carolo J. U. D.

CONSULTISS.

DN. FRANCISCUS JUNIUS F. N.

Jurium Doctor, hoc ipsum honoravit Epigrammate in effigiem.

Ecce Palatinæ quem cura vocaverat aula,
 Quemque Geneva Tibi, culta Groninga, dedit.
 Quem Themis, & summo doctrina equavit Olympo;
 Docte quid hunc solido sculptor in ære refert?
 Omnia dum docuit, STEINBERGIUS, omnia vidit,
 Omnibus æternum conspiciendus erat.

SCRIPTA

ejus hætenus edita.

Series fforum & Codicis, simulque de interpretatione & fictione Juris.

Ad l. contractus 23. ff. de R. J.

De Quartis Juridicis: & de præscriptis verbis.

Dissertationes Justinianæ ad Institut. Juris.

Disputationes triginta ad Quinquaginta novas Decisiones Justinianæ.

Ubergior explicatio, exegesis, & Examen ad paratitla Wesenbecij.

Nunc est in eo, ut absolvat Dissertationes aliquot imprimi ceptas, maxime de Quatuor Elementis Juridicè tractatis.

Edidit quoque in juventute suâ varia Epigrammata & Anagrammata Bethaniæ in Silesiâ excusa.

HENRICUS




S. A. Linschoten del.

delin. et sculp.

Suum Lyceo nostra quem intulit solum
Groninga; morum castitas, labor, vita
Deo sacra uni, litterisq, neglectum
Supra locavit vulgus, ordini adscripsit
Augustiori, munerisq, WELMANNVM:


At heu! iniqua invidit hunc sua Parca
Groninga, ab uno hoc cardine haud duos solos
Lucere passa. Nunc regita mens celo.
Cultum hic stupemus. Sic haberi magni,
Hanc qui tabellam, posthumum decus spectas.
JOH. BORGESIVS M. DOCTOR.




HENRICUS WELMANNUS.

Natus An. MDCCXI. a. d. XVII. Kal. xbr. in hac ipsa urbe Groninga, bono & glorię Patrię suę, longè etiam majori futurus ni præmaturè denatus. Patrem habuit Virum eruditum Henricum Henrici, Scholę patrię Collegam. à quo cum inde à teneris ingenium, quod ad literas ferebatur, excoli cœpisset, brevi per classes Gymnasij curriculum absolvit, ut anno ætatis XVII. præclaris jactis fundamentis, cum eximiam præcondiscipulis laude, Academię transcriberetur. Physicis primum studijs sub Dn. M. Mayvartio (etiam Collegijs privatis sub D. Tob. Andrę, tum Philos. Candid. indultu facultatis institutis) Mathesi item sub Cl. Dn. Patore, Linguęq; Arabicę & Gręcę non perfunctonè operatus, magno ardore ad studium medicum animum applicuit. Ejus artis prima fundamenta hausit è disciplina Viri Doctissimi Dn. D. Conradi Matthæi, at pleniorẽ explicationem, applicationemque ad praxin percepit tradente Cl. atque Experientissimo Viro Dn. Johanne Freitagio, veterano multorum stipendiorum in eis castris, cujus hospitio quoque & conversatione familiari privatá, in tertium annum, magno suo commodo usus fuit, datus ab ipso studijs filij director. Præclara jam eruditione instructus, ut supremam studijs Academicis manum, tanto majori cum gloriá imponeret, alias quoque Academijs & in eis viros Doctos famaue celebres prius adeundos sibi atque salutandos censuit. Lugdunum itaque Batavorum & post Ultrajectum se contulit, ibique in Anatomicis & Botanicis plura addidit, aliaque ad disciplinę Medicę perfectionem atque ornatum necessaria penitiùs imbibit. Constituerat etiam postea trajicere in Gallias, & summos regni illius florentissimi salutare artifices, sed cum paulò diutius Roterodami ventum secundum frustra expectasset, matris jussu, & Curatorum suasu Patriam repetivit. Mox summos in arte Medicá honores, post solennia omnia maximá cum laude præstita, suscepit, conferente Præceptore veteri Cl. Dn. Freitagio An. MDCCXXXIX. postridie Eid. Jan. animumque inde & operam ad faciendam medicinam convertit, successu felici & rumore secundo. Anno sequenti, in locum demortui Cl. Dn. Conradi Matthæi Medicinę Professor extra ordinem datus Academię, sed brevi post, cum prima specimina ostendissent, quam plenè ad ornandam eam Spartam factus esset, in numerum ordinariorum fuit adscitus. In qua statione si moram diuturniorem ipsi fata concessissent, nemini alij vel meritis in studiosam juventutem, vel culturá artis suę, vel gloriá concessurus videbatur. Et loquuntur hodieque solidam ejus rei Medicę atque Anatomicę peritiam,


ritiam, eruditissimæ complures ab ipso habitæ Disputationes. Sed cum solos annos xxxi. Menses vi. & dies circiter xvii. vixisset inculpatus & irreprehensibilis, gratus omnibus, gravis nemini, magno bono publico, spei maximæ, repente febris maligna extinctus est: non solum viduæ, Matronæ moratissimæ, Mariæ à Bonnema, luctum, filiolæ orbitatem, sed bonis omnibus desiderium sui relinquens. Parentationis supremum officium ex decreto Senatus, & voto ipsius illi præstitum, à Cl. Dn. D. Matthiâ Pasfore.



tionem
II. vi.
vis ne-
mali-
Ma-
nibus
um ex
On. D.



U S



*Patria quem stupuit, Darentia, nuncq; Groninga,
 Schoockius investi corpore conspicitur.
 Huius at ingenio prestitum pingere vultum,
 Solius est Sophiae maximus ille labor.*

IOAN. STEINBERGIUS. ICT. ET ANTECESS.

MARTINUS SCHOOCKIUS.

MARTINUS SCHOOCKIUS natus est Ultrajecti anno MDLXIV. Kal. Aprilis circa horam decimam nocturnam, patre Gilberto Schoock F. Arnoldi, Consulis Bommeliani per annos complures, & matre Johanna à Voorst. Schoockiorum gens ante annos trecentos in Fafis nota, incunabula sua debet Dordraci primæ Hollandiæ civitati, ac inter suos gentiles præter Petrum Schoock ante seculum Zuyt-Hollandiæ Prætorem & Dordracenum Scabinum, ejusque filium Tilemannum parentis in Scabinatu successorem, cernit quoque Gisbertum Schoock Juris Utriusque Doctorem, & in Lovanienfi Academia Professore atque Rectorem Magnificum, (notissimum ex diplomate, quod nomine Universitatis Lugduno 1571. d. 26. Martij, decantatis illis Biblijs Regijs præfixit) aliosque complures, qui potissimum Bommeliæ in Geldria (vulgo *Salt-Bommel*) honores gesserunt, honestisque affinitatibus (nominatim *Neidonum, Cellectorum, Baldewinorum, Meilardorum, Masiorum, Brittenorum, Lottemorum, Vorstermanorum, & utrorumque Raetiorum*) familiæ honoratæ majorem splendorem jam olim sænerari studuerunt, atque adhuc hodie in Geldria primarias dignitates inculpatè gerunt. Prænomen accepit à proavo materno *Martino Schipperio* Medico eximio, qui ut ultra triennium magno illi *Andræ Vesatio* domesticus fuit, ita ad annos ferme quinquaginta magna cum nominis celebritate Medicam praxin exercuit Delphis & Ultrajecti, familiarissimus viris in Apollinea arte excellentibus, *Petro Foresto, Remberto Dodonæo, Iodoco Lomnio, Verdœsio, Hæftenio, etc.* præ cæteris *Ioh. Heurnio* Professore Leidenfi Celeberrimo, & Chirurgo experientissimo *Egidio Gallio*. Dierum satur vivere desit Ultrajecti anno 1603. cum filium unicum *Ioh. Baptistam Schipperium* Med. D. Virumque summæ expectationis, composuisset ibidem anno 1593. cujus vidua *Gertrudis van Voorst* postea nupsit *Ælio Everardo Vorstio* Medicinæ Professore celebratissimo in Academia Lugduno-Batava. Prima literarum fundamenta domi posuit, sub avo materno Antonio à Voorst, viro docto & portentosæ memoriæ, cujus subsidio totum Novum Testamentum, & Psalterium, melioremque Virgilij partem, etiam cum luminibus captus esset, identidem repetere solet, tali quasi exercitio, nepotumque institutione, cæcitatis incommodum edulcando. Postea frequentavit Gymnasium Hieronymianum, atque, moderante illud præ alijs Viro Cl. D. Antonio Amylio, hoc tempore in Academia Ultrajectina Historiarum Professore Celeberrimo, eo usque profecit, ut anno XXIX. hujus seculi, ad capiendum

piendum uberiores ingenij cultum, ad Academiam Frisiorum, quæ Franequeræ est, ablegatus fuerit. In ea audivit Johannem Hachtingium Philosophum acutum, & Adrianum Metium Mathematicum longè celeberrimum: prima quoque Theologiæ fundamenta posuit sub Reverendis atque de Ecclesia Orthodoxa meritis viris, D. Gulielmo Amesio, D. Johanne Maccovio, & D. Meinardo Schotano, Theologiæ Doctoribus & Professoribus eximijs: cum vero æra illum valetudini suæ minus commodum esse crederet, ex consilio amicorum anno xxxii. Leidam abiit, adhæsitque Philosopho summo D. Franconi Burgerficio, delecto adhuc in Theologia manu ductore & Doctore D. Antonio Walæo Theologiæ Professore accurato. Oblata deinceps commoda in Patria occasione, varios nobiles ac egregios adolescentes in disciplinam accepit, qui dum in Consistorio quoque mense declamant, visus est præludere Illustri Gymnasio, quod anno xxxiv. ibi erectum est, & cujus membrum, extraordinaria Professione Latinæ & Græcæ linguæ admissa, coepit esse sub finem anni xxxv. Paucis mensibus post, Gymnasio Academia titulo insignito, ipse primus in Philosophia lauream accepit, quemadmodum antea in Gymnasio primam Disputationem proposuerat. Ultrajecti hæsit usque ad finem anni xxxviii. quo (cum paulo ante, in patria Academia titulo Professoris humaniorum literarum condecoratus esset) à Magistratu Daventriensi per Rever. & Celeberrimum Dominum Nicolaum Vedelium ibidem tum temporis Theologiæ & Ebrææ linguæ Professore, accitus est ad docendas Historias & Eloquentiam, in Illustri suo Gymnasio, quod ut illustrius redderet, ultro superaddidit lectionem Græcam & Geographicam. Anno xl. legitime vocatus ab Illustribus provinciæ Ordinibus, abiit ad Academiam Groningæ & Ommelandiæ, in qua adhuc hodie per Dei gratiam Logicam & Physicam docet. Anno præcedenti uxorem duxerat letissimam virginem Angelicam à Merck, Ultrajectini Mercatoris filiam, quæ ipsum septem filijs superstitibus, & unica filia beavit, exceptis tribus, quos communis mater Tellus sibi vindicat.

E D I T A.

ab eo antehac:

D*esperatissima causa Papatus cum Auctario adversus Libertum Fromondum.*
Dissertatio de natura Soni & Echus.

Admiranda

MARTINUS SCHOOCKIUS. 133

*Admiranda Methodus novæ Philosophiæ Cartesianæ, sed
ab alia manu deturpata, propediem ex mente auctoris
iterum edenda & vindicanda.*

*Dissertatio de Ovo & Pullo, tertiâ editione locupletan-
tanda non minus, quam vindicanda.*

Dissertatio de Turffis.

Dissertatio de Hængis, seu Hælecibus.

Volumen primum Orationum.

Tractatus de Inundationibus.

*Liber de bonis vulgo Ecclesiasticis dictis, in quo agitur de
Canonicis in genere, itemque speciatim de Canonicis Ul-
trajectinis, nec non de officio Ministrorum Ecclesiæ er-
ga Magistratum.*

Dissertatio de bonis vulgo Ecclesiasticis dictis.

Accurata reip. Belgicæ federatæ descriptio.

Partim sub prælo jam sunt, partim ad
prælum parata :

DE Scepticismo libri sex.

De Potentia Belgicæ reip. Commentarius liber.

Imperium Maritimum.

De Piscatione Tractatus.

De Religione libri xv.

*Historia Reformationis Ecclesiarum Belgicarum, in qua
de antiqua Belgarum fide.*

Historia Ultrajectina à Christo nato ad annum Dccc.

Etymologicum Belgicum.

Clapmarius Absolutus : sive altera pars arcanorum reip.

Clapmario pro supplemento addenda.

De cervisia Commentarius accuratus.

Historiæ naturalis vestibulum refferatum.

*Historia novorum & antiquorum Enthusiastarum, cum
præmunitione adversus eos.*


De Possibili & impossibili tractatus.

De zelo libri quatuor.

*Monstrum Præcisitatis pro vindicijs Christianæ liberta-
tis, & veræ praxios pietatis debellatum. Aliaque.*

SAMUEL MARESIUS.

SAMUEL MARESIUS, Gallicè *Des Marets*, Patriam habet Galliam ocellum Europæ, in Gallia Picardiam, Gallia Belgicæ partem nobilissimam; In Picardia Avimontium, vulgò *Oysemont*, Oppidulum haud ignobile, quod Metropolis & Caput sit Comitatus sive Præfecturæ Vimacensis; Coeli cœterum & Soli tam fœlicis, ut in tota fere Provincia nullus locus vel amœnior vel salubrior existat. Vimacenses fuerunt, ex eadem ditone Picardiæ, Vatablus, vernaculè *Vvatebled*, & Tagautius, quorum ille in Theologia & Lingua Hebraicæ studio, hic in Medica Facultate superiori sæculo claruerunt. Distat Avimontium ab Abbatifuilla, ad 4. lapidem, ad decimum à Samarobriga Ambianorum, trans Somonam. Ibi *Maresius* natus est anno 1599. nono Augusti stylo Gregoriano, in pervigilio festi quod *S. Laurentio* apud Pontificios sacrum est: Pater ei fuit Ampliss. & Consultissimus Vir DAVID des MARETS Dominus du Feret, Avimontij ejusque Commendæ Prætor sive Juridicus ordinarius; Baronatus item Chepiensis, Sancti Maxentij aliorumque pagorum Judex Civilis & Criminalis; in Regia Præfectura Vimacensi Jurisconsultus & Causarum Actor eximius, & Notarius Regius, Regisque Christianissimi, Rerum Maritimarum in Occiduo Mari Commisarius, eoque nomine gaudens eadem immunitate à Tributis ordinarijs quâ Nobiles; Mater adhuc superstes, MAGDALENA VAUCQVET, quæ valdè grandæva virum suum, quo cum vixerat conjunctissimè ab anno 1588. anno demum hujus sæculi 49. non tam amisit quam præmisit. Honoratæ & antiquæ ambo parentes fuere familiæ; Nam *Maresij* inter suos Majores, Depenses Præfectos, Gamachiensisque Castellanos, possunt numerare; nec ita pridem *Davidis* patruelis, Brestæ in Armorica, Sardinio Governatore, Propræfectum egit: *Vaucquetiorum* verò familia, totâ Picardiâ nota est; Verum in copotissimum solet *Maresius* gloriari, quod ex parentibus sit ortus pijs & probis, ac Religioni puriori *ἀπο βρεφους* addictissimis: Siquidem LAMBERTUS *Davidis* pater, Civis Blangiacensis honoratus & opulentus, Senior fuit in Ecclesia Domestica Principis Porciâni, sub auspicijs Reformationis; Et JOHANNES VAUCQVETIUS *Magdalena* pater, Prætor Sanmauvizij Fontiumq; & Juris patrij Consultissimus in Præfectura Vimacensi, atq; Regius Notarius, itidem columnen fuit inter suos Ecclesiæ Reformatæ; quem *Maresius* recordatur se admodum puerum vidisse, venerandâ canitie Senem, natum 93. vel 94. annos, integris mentis & corporis viribus sacra nostra frequentantem, suosque nepotes magno numero ad virtutis & pietatis cultum patheticè invitantem. Ipso verò ad meliores abeunte, Eccle-



*GALLIA quem novit, novit quem BELGICA tota,
Et quo nunc foelix Sole GRONINGA micat,
MARESIOS parva depingitur lacce tabella;
Ars etenim in parvis pandere magna solet.*

J. le Long.

II.D. Stomme pax.

Theod. Matham sculp.

te, Ecclesiæ Avimontanæ, quæ etiamnum durat, fovendæ & conservandæ curam omnem visus est in suum generum, nostri patrem, transcripsisse; qui etiam quoad vixit suâ autoritate in id sedulo incubuit. *Davidis & Magdalene* conjugium ut concors & diuturnum fuit, ferè ad miraculum, sic etiam fœcundum & fertile: Ex novem liberis quos tulerunt, septem superfuerunt diu, mares tres; *Carolus*, *Samuel* ordine nascendi quartus, *Isaacus*, & fœmelle quatuor, *Catharina*, *Gabrielis*, *Elizabetha*, *Magdalena*: Filias omnes honestissimè elocarunt; *Isaacum* filiorum minimum in Senectâ amiserunt; is post egregios profectus in literis, animum adjecerat ad militiam, in qua Signiferi, Optonis, Centurionis, Vicetribuni honores, satis celeri gradu adeptus, in Italia tandem obiit. *Carolus* primogenitum, decennio majorem *Samuele*, Juri addixerunt, eo successu ut etiamnum inter Celeberrimos & Disertissimos Parisiensis Curia Advocatos, summo jure suo à multis annis recenseatur: Et quamvis cœlebs remanserit, tamen eo usque creverunt cœterorum familiæ, ut *David* optimus senex paullo ante obitum suum posset ultra quadraginta homines videre qui se vel patrem, vel focerum, vel avum salutare deberent. *Samuelem* consequuti, post dissipatam *Henrici IV.* virtute Henoticam factionem, & factam Edicto Nannetensi Libertatem Reformatis ubique conveniendi, cum antea ex odio veritatis, quam semper iniquissimis temporibus in corde retinuerant, & ob Regias partes quibus erant addicti, grandia vitæ & fortunarum discrimina sæpius sustinuissent, eum Sacro Ministerio devoverunt, ejusque olim exercendi desiderium illi à teneris unguiculis instillarunt; adeo ut instar *Athanasij*, inter suos collactaneos & collutores, sæpè Pastoris partes sustineret. Infantiam habuit imbecilem & ita tenere constitutionis, ut ferè lacte & butyro fuerit educandus; Puer carne elixâ vesci non poterat, nec jure, nec ullis oleribus: & semper occulta quadam antipathia, poma, pyra, cerasa, fraga & id genus delicias puerorum, ita est aversatus, ut in hunc diem nihil ex illis queat degustare. Quamvis autem pueritiam haberet languidam & valetudinariam, ex qua eum non fore vitalem augurabantur plurimi, sæpius ex oculis, alijsque fluxionibus laborans, aliquando ex genuum debilitate per 15. dies affixus lecto; unde metuebant parentes, eum si vir fieret, futurum podagricum; licet huc usque nihil tale Dei beneficio sit expertus; non semel ex lapsu alijsque casibus puerilibus in præsens vitæ discrimen adductus; tamen animo erat erecto, tenacis memoriæ, & ad studia tam proclivis, ut ante septennium exactum, non modò legere posset & literas accuratè pingere, ac jam rudimentis Lingua Latinæ operam daret, sed etiam bis universâ Biblia à capite ad calcem evolvisset, ut difficilius ferè ab illis occupationibus abduceretur lusus ergo, quam alij solent

alij solent à lusu ad illa magis seria revocari. Et prout tenellus erat constitutione & corpore, ita suâ indole pronus ferebatur in subsidium pauperum & miserorum, ut nunquam pateretur mendicos inanes dimitti ab ædibus paternis, & aliorum miseriam vel dolore vehementer afficeretur. Homicida quidam à suo parente ex Judicis officio damnatus fuerat ad patibulum; Eò puer cum reliqua familia spectatum deductus, ut moris est, ubi vidit hominem de scala dejici, partim ex horrore partim ex misericordia, incidit in animi deliquium: Nec potuit vir factus illam teneritudinem deponere. Nihil enim ipsi ægrius unquam in exercitio sui Ministerij accidit, quam ubi debuit fontes ad pegma vel patibulum comitari, quod tamen sæpius eum facere oportuit.

Formatorem pueritiæ habuit Reverendum & Doctiss. Virum D. ESAJAM BLANCHARDUM, Ecclesiæ Reformatæ Avimontij Pastorem Vigilantissimum, & in literis Sacris & humanioribus benè versatum. Sub cujus cura cum Nobilium aliquot è vicinia filijs, eo usque brevi satis tempore profecit, in utriusque Linguae Latine & Græcæ cognitione, ut & hanc ex parte assequi, & illâ suos conceptus commodè satis exprimere posset. Sed tamen nec Musicam addiscere unquam potuit, licet ejus Parens non modò in illa excelleret, sed eâ quoque summo opere delectaretur, nec in Poësi quicquam proficere, & si quod ad hanc ^{argumentum} ~~exercitium~~ proponebatur, malebat illud amplificare & exornare oratione soluta, quam se ad pedum mensuram & numeros adstringere. Cum jam natus annos 13. inciperet Philosophica degustare, ejus Parens, qui suo hîc judicio utebatur, nam & ipse ineruditus non erat, eum Lutetiam abduxit cum fratre natu majore, qui post absoluta Juridica sua studia Heydelbergæ, sub ductu summi illius J^ci DIONYSIJ GOTHOFREDI, & Licentiæ gradum in utroque Jure adeptum Aurelijs, tum erat Advocatorum albo in Curia Parisiensi inscribendus. Totum triennium exegit Lutetiæ in studijs Philologicis. Aliquandiu *Dempstero* in Plessiaco, & *Grangerio* in Harcuriano Collegio docentibus literas Humaniores adhæsit, sed multo constantius *Guillonio* Linguae Græcæ & *Theodoro Marcilio* Eloquentiæ Romanæ Professoribus Regijs in aula Cameracensi. *Crassotium* quoque in Marchiana Schola, & *Ianum Cæcilium Frey* in Schola Crassiniorum, eximios tum Philosophos audivit. Inde cum per tractatum Julioducentem inter Regem & Principes transectum fuisset, ablegatur Salmurium, ut Theologiæ vacaret, ibique per biennium præceptorem nactus Rev. & Clariss. Virum, D. FRANCISCUM GOMARUM, cui postea in hac Academia successit, studijs Sacris sedulo incubuit, & sat maturè se ad praxin Propositionum, quas vocant, ad quam occulto impetu ferebatur, applicuit. Primum illi Collegium speciale fuit cum *Mose Amyraldo*, *Josia Placæo*, *Paulo Testardo*

Testardo, & Daniele Pelloquinio : quorum hic Juvenis ad meliores abiit, tres reliqui in Viros Celebres, etsi multis minùs gratos, ob gratiæ universalis, eique annexorum confectariorum præposterum præconium ex *Cameronis* disciplina, evaserunt; Nam duo priores, adhuc sunt Professores Theologiæ Salmurij Clarissimi, & tertius haud ita pridem obiit Ecclesiæ Blesensis Pastor eximius. In Hebræis ibidem Præceptorem habuit Rev. & Clariss. Virum LUDOVICUM CAPPELLUM tum L. S. Professore & Pastorem Ecclesiæ, cujus & ultimo anno fuit commensalis. Sed videns Celeberrimum GOMARUM, ad hoc Athenæum vocatum, Salmurio valedicere, & quendam LUD. COSTANUM ex Burgundiæ Ducatu Pastorem, ei in successorem designatum à Synodo Nationali, illi muneri parum aptum publicè haberi, prout & paullo post, sub onere fatiscens, illud ultro abdicavit, etiam ipse cum multis Studiosis alijs Salmurium reliquit, mense Martio anni 1618. & honestissimo ornatus Salmuriensis tum Ecclesiæ tum Scholæ testimonio, redijt domum, cum Patre deliberaturus de alia Academia invisenda, in qua studijs suis colophonem imponeret. In ea deliberatione dum est, & interea strenuè se domi exercet, tum in Theoreticis, tum in Practicis, aggressus etiam scripto collationem de Religione, cum Decano quodam Pontificio, adfertur nuntium de *Danielis Tileni* qui Sedani docebat, transitu ad Remonstrantium partes, quo audito à Patre citra moram Genevam ablegatur: Reperit ibi, cum aliquot Salmuriensibus commilitonibus suavissimis, tres Eximios & Celeberrimos Theologiæ Professores, D. JOH. DEODATUM, D. THEODORUM TRONCHINUM, & D. BENEDICTUM TURRETINUM: quorum lateri se incunctanter applicuit; Ille tunc Zachariam, alter epistolam ad Galatas, tertius Locos communes explicabat. Sed duobus prioribus paulo post amandatis in Belgium, ad Synodum Nationalem Dordracenam, cujus pars magna fuerunt, onus totius Academiæ relictum est tertio, qui etiam illi par erat: Sub hoc *Maresius* diligenter se exercuit in Disputationibus & Propositionibus publicis, Latino & Francico idiomate, ut ibi moris est. Sed & privatim quoque cum nonnullis alijs sedulo & sæpius proposuit, præside & directore Reverendo & Doctissimo Viro, D. DANIELE CHABRÆO, Pastore Genevensi Vigilantissimo, quem semper sibi faventissimum expertus est: Ibidem usus est amicitia & familiaritate Doctissimi, Amplissimi & Consultissimi Viri D. D. JACOBI GOTHOFREDI, Dionysij filij, cui jam ante Lutetiæ innotuerat per suum fratrem, illius olim commilitonem, in studio Juridico Heydelbergæ, & deinde in foro Parisiensi, quod aliquamdiu frequentaverat. Eousque autem *Maresium*, qua semper fuit humanitate, complexus est, ut eum suis nuptijs, quas tum Genève celebrabat, ceu amicum veterem interesse voluerit. Invitebat etiam quandoque venerandum tum senem, D. SIMONEM GOULAR-

rum, tunc quidem valde decrepitum, sed tamen pubis studiose
 amantissimum. Mense Augusto anni 1619. honestissimo mactatus
 testimonio Geneva valedixit, patrios lares revisurus: Domique
 substitit, integras fere noctes transigens in studijs, usque ad Fe-
 bruarium insequentem, quo Lutetiam denuò se contulit, sub Pa-
 storum Parisiensium ductu praxi magis magisque vacaturus. Florebat
 inter eos Reverendus & Doctissimus Vir SAMUEL DURANTIUS,
 tantæ Eloquentiæ, ut cum Pericle, non tam loqui quam fulgu-
 rare & fulminare videretur. *Maresius* qui cum sibi maximè imitan-
 dum delegerat, nonnullas in ipsius ædibus habuit Propositiones,
 quæ ipsi adeò placuere, ut huic author fuerit operam suam Ecclesijs of-
 ferendi, à quo aliàs consilio ut abhorneret duo efficiebant, nempe
 & quod ætate valde juvenis esset, & quod statura & vultu, majorem
 adhuc præ se ferret juventutem: Etsi enim nunc satis sit procerus,
 tamen ita parvus mansit usque ad annum 21. suæ ætatis, quo de-
 mum usq; ad 25. celerrimè crevit, ut vulgò parvi Proponentis nomi-
 ne designaretur. Sed pervicit *Duranti* authoritas. Igitur cum men-
 se Martio illius anni 1620. Carentonij celebraretur Synodus Provin-
 cialis, (in qua Præses fuit Rev. & Clariss. Vir D. PETRUS MOLINÆ-
 us, tum adhuc Parisiensis Ecclesiæ Pastor, sed paullo post tempe-
 state delatus Sedanum, ubi etiamnum vivit & docet;) ei cœtui se-
 stitit, unà cum quatuor alijs Ministerij candidatis. Examē
 tam temporis in Gallia valde rigidum erat. Nam primò textus sacer
 assignabatur intra 24. horas, concionatorio more, coram frequenti
 Synodo, Gallicè explicandus: deinde alter subiciebatur eodem spa-
 tio Latine exponendus: Tum tentabantur Candidati per universam
 Philosophiam, nec non in linguis originalibus Sacre Scripture, He-
 bræa & Græca; Exinde, aut ex sua quam exhibuissent Confessione fi-
 dei, aut juxta Confessionis publicæ ordinem, (cui postea ut & Disci-
 plinæ Canonibus, subscribendum erat) per singula Theologiæ ca-
 pita accuratè explorabantur. Duo ex illis quinque succubuere in Ex-
 amine; Tres admissi fuerunt, *Ezechiel Daunois*, Compendiensis,
 qui nunc vivit in Belgio, vir doctus & valde pius; quidam *Babine-
 tus* Parisiensis, qui olim Monachus Fulliensis fuerat, & postea redijt
 ad vomitum, & *Maresius*. Huic assignata fuit Ecclesia Laodunen-
 sis in Veromanduis (nam Synodi Gallicæ sibi plærumq; tribuunt jus
 prospiciendi Ecclesijs, præsertim quæ uno tantum Pastore gaudent, &
 Pastores pro exigentia casus mutandi) in qua deinceps Ministerio de-
 fungeretur, quod ei in speciem tanto commodius eveniebat quod La-
 oduni haberet duos Avunculos primariæ dignitatis; Alterum quidē
 Pontificia sacra externè sectantem, *Salomonem Vaucquetium*, Præsi-
 dem Judicij Electorum; alterum verò *Samuelem Vaucquetium*, Quæ-
 storem regium, parentem suum Lustricum, Religionis Reformatæ
 Zelotem acerrimum, & Ecclesiæ isthæ primarium columnen, cujus
 neptis, ex priori conjuge, nupsit Rev. & Doctiss. D. DAVI-
 DI BLONDELLO, qui etiamnum florere & vivere Amsterodami,
 & quem

& quem profunda sua & omnigena eruditio, maximè in Historia Sacra & Exotica, jamdiu orbi Literato celeberrimum fecit. Illa Ecclesia duobus locis solebat convocari, Laoduno distantibus per duo milliaria, nempe Crepiaci Veromanduorum ex Edicto Regio, & in arce Eppensi, ex Nobilium privilegio; sed biennio post tertium ei accessit membrum singulis mensibus lustrandum, in arce Chericensi, quæ distabat Laoduno, novem aut circiter milliariis. Crepiaci in frequenti Auditorum corona, cui & *Prestes Vaucquetius*, utut Pontificius interfuit, & *Maresij* Parentes, qui Avimontio, quod itinere ferè tridui distat, eo venerant, fuit solenniter ad Sacrum Ministerium ordinatus per manuum impositionem, xxvi. Aprilis ejusdem anni 1620. peractam à Reverendis & Doctissimis Viris, D. PETRO BRISBAR, Sanquintinensi, & D. NICOLA O de VAUX, (cujus filio primum Avimontano, nunc Compendiensi Ministro, *Maresij* neptis elocata est) Lefchelleni Pastoribus, ex Synodi delegatione ac decreto. Cum autem ab eo tempore coeperint res Reformatorum in Gallia retrò sublapsæ referri, per expeditionem Regis in Bearniam, & bella in Reformatos mota, tum in Oxitania, tum in Aquitania, non potuit non esse difficillimum, iniquis admodum temporibus, hoc ejus in Ministerio Sacro tyrocinium. Binæ illi erant habendæ, quandoque ternæ, hebdomadatim conciones; cum Missionarijs Pontificijs omnium ordinum, Capucinis, Dominicanis, Jesuitis, sæpius & vivâ voce & scripto confligendum; retinendi in professione veritatis, qui nutabant tentationis tempore; obfistendum Remonstrantismo, quem in nostras Ecclesias studebant nonnulli introducere; maximè in Picardia, Vir aliàs doctissimus STEPHANUS CURCELLÆUS, tunc Ambianensis Pastor, nunc Amsterodami Professor Remonstrantium, qui *Maresij* Parentes & affines per scripta artificiosè confuta, sed frustra, conatus est expugnare; habenda cura vicinarum Ecclesiarum, quibus per mortem aut absentiam suorum Pastorum, Feræ, Guisæ, Sanquintini, erat succurrendum; Synodi & Classes (Colloquia in Gallijs dicuntur) quibus omnes Pastores interesse debent, frequentandæ; His & similibus comprobatur in *Maresio*, vexationem dare intellectum; nam ad hanc difficultatem cõtem exacuebatur ejus diligentia, maximè in Polemica Theologia sedulo pertractanda, in qua excolenda, & expoliendis Concionibus, totus erat. Omnia referre magni momenti negotia, quibus tunc temporis interfuit; foret prolixius: Ut formulam juramenti à Synodo Nationali Aleziana præscriptam in Canones Dordracenos, quos ceu suos adoptaverat, noluerit Synodus Provincialis Franciæ admittere; Ut loco illius convenerit postea de articulo consignando cui omnes in consensus sui tesseram subscriberent; nonnullis qui clam Remonstrantismo favebant,

agrè id ferentibus; Ut solus ex illis cunctatus fuerit *Curcellæus*; causatus primum, quod sententia quæ supra lapsum ascendit in ob-
jecto prædestinationis assignando, illis Canonibus damnaretur, &
tandem apertè professus, se Remonstrantismi condemnationi subscri-
bere bonâ conscientia non posse: quapropter Ministerio suo motus
fuit, sed ei postea restitutus, quod per *Cameronem* edoctus Remon-
strantismo renunciasset; ad quem tamen multis post annis iterum
redui, Ut Rege per Edictum præcipiente omnibus Reformatis ut
intra præscriptum breve tempus, sub gravissima pœna, solenni sub-
scriptione renunciarent omni Rupellensium Societati, & profiteren-
tur nihil se velle habere commune cum Coetu illo Politico, qui
Rupellæ omnium Ecclesiarum nomine perseverabat, cujus decre-
ta & consilia omnia improbarent & detestarentur, promissâ sub-
scribentibus protectione Regia & solitæ libertatis conservatione;
alii Pastores maluerint Greges suos deferere, alij satius duxerint
obedientiam suam & pacis studium Regi approbare; quos inter
fuit *Maresius*. Satis esto dixisse, quod plurimis deficientibus
per tristia illa tempora ab orthodoxa veritate uxor etiam nobilis cu-
jusdam, cui *Hurtebizio* nomen erat, & qui ut sibi conservaret Fe-
ræ præfecturam, jam ante biennium defecerat, maritum suum
tandem sequuta fuerit, circa finem anni 1622. *Maresius*, ultimo
illius anni die, ad primum apostasiæ hujus rumorem, arrepto ca-
lamo, eam studuit ad officium revocare. Sed frustra fuit: Nam &
ipsa satis prolixè ei rescripsit, aut alijs Pontificijs ejus nomine, suam
defectionem defensura, & unâ cum ejus literis accepit Conver-
sionis, uti loquuntur, suæ historiam, typis descriptam arte Je-
suitarum, qui illius fuerant pararij, & mille mendacijs refertam;
Officij putavit *Maresius* esse sui ad ista non tacere; quare prolixâ
admodum Epistolâ, & illam narrationem liberiùs coarguit, & ra-
tiones allatas mulieris illius nomine, sedulò confutavit. Sed hoc,
stylique libertatem, ipsum impune non laturum, statim Adversa-
rij minati sunt. Nec annus abiit quin minis eventus responde-
ret; Nam anno 1623. 13. Decembris, cum exiret ex ædibus A-
vunculi sui, apud quem coenauerat, ad suas se recepturus in pro-
xima vicinia; famulo sibi laternam præterente, occurrit ei homo
ignotus, qui nē verbulo quidem prolato, pugionem minorem
ei adegit in pectus sub mamma dextra, & illicò fugam arripuit,
abjecto pugione, qui postridiè repertus est, & adhuc ab Avun-
culo *Maresij* Laoduni asservatur. Vulnus erat profundum, &
quod in thoracis capacitatem, illæso tamen pulmone penetraret.
Sicâ repertâ, Sicarius reperiri non potuit. Querela fuit ea de
re delata ad sacrum Regis Consistorium; simulavit Regius Pro-
curator Laoduni, se quæstionem diligentem de ea habiturum: Sed
ulteriùs processum non est; nec dubitatum, redemptum fuisse Sica-
rium, ob literas suprà commemoratas, à Monachis, præsertim ab
Albino.

Albinio Jesuita, illo eodem, qui duodecennio ante Ravaillaci parricidæ Henrici IV. Confessarius fuerat, & coram Amplissimo Senatu dixerat, se dono oblivionis pollere post auditas Confessiones, excusaturus quod Regij parricidæ Confessionis non amplius meminisset. Is enim & Hurtebizianæ defectioni fuerat obstetricatus, & tum Laoduni solemnes Aduentus habebat conciones. Nec aliud totâ urbe, maximè inter Reformatos, persuasum fuisse, universa Laodunensis Ecclesia comprobavit adhuc non ita pridem, solemnî suo Testimonio, conscripto à R. & Doct. Viro D. P. GEORGIO illius Pastore anno 1647. 18. Augusti, paullo priusquam ad Deum evocaretur. Quamvis autem vulnus periculosum valdè fuerit, & ex quo candelam ei objectam poterat *Maresius* extinguere, brevi tamen tempore ex eo convaluit. Vires verò resumpturus, & simul consilium cum proximis circa futurum initurus, profectus est Lutetiam ad suum fratrem, & inde Avimontium ad parentes, qui illi fuerunt authores, nec dissuadente *Durantio*, ut Laodunum non reverteretur, sed expectaret Lutetiæ convocationem Synodi, quæ ipsius securitati prospectura esset; Primam post acceptum vulnus, & ex illo adhuc valdè pallidus, Concionem habuit Carentonij, sub tentorijs sub quibus Ecclesia Parisiensis tum conveniebat, quod anno præcedenti Templum eversum & combustum fuisset Pontificiorum furore, Jesuitarum discipulis facem præferentibus. Synodus convenit mense Majo 1624. Vitriaci in Campania, & eum censuit Laodunensi Ecclesia liberandum, ac donec certus Grex illi assignaretur, (Parisienſis Ecclesia putabatur de illo evocando cogitare) commodatò ad annum Ecclesiæ Falesiensi, ijsque annexis, concedendum. Erant sitæ istæ Ecclesiolæ rurales in Campaniæ finibus prope Sedanum, & in varijs Nobilium ædibus alternis conveniebant. In ea conditione, satis incommoda, & ab ingenio suo valdè aliena vix tres aut quatuor menses continuaverat, cum ecce febris tertiana corripitur, per quam auctum est ei illius fastidium. Innotuerat antea Ecclesiæ Sedanensi, in qua semel per occasionem auditus, eo usque arriserat ejus concio ipsi DUCI BULLIONÆO HENRICO TURRÆO primo Franciæ Mareſcallo, Principi Religiosissimo, tum adhuc viventi, ut exinde consilium cœperit de ipso, si pote esset, Sedanum traducendo, quod & aperuerat & commendaverat suæ conjugi ELIZABETHÆ NASSOVIÆ, foelicis recordationis Heroïnæ; quæ illius judicij memor anno post ejus obitum, illum ad se pellicere studuit. Theologiæ Professionem in Academia illa conjunctam cum Ecclesiæ Ministerio, sustinuerant hætenus tres eximij Viri, PETRUS MOLINÆUS, JACOBUS CAPELLUS, & ABRAHAMUS RAMBURTIUS. Sed prior, qui JACOBO M. B. Regi charus erat, abierat in Angliam, animo ut credebatur non

revertendi : & paullò antequam proficisceretur, suo^{motu}antea ad *Muresium* adhuc Lutetiæ herentem scripserat, de vulnere illi inflicto condoliturus, & ei suam operam oblaturus, ad conficiendam vocationem Sedanensem sui loco, si ab ea non abhorreret. Secundus lethaliter decumbebat ab aliquot mensibus; & paullò post obiit. Solus supererat *Ramburtius*, qui toti oneri Scholæ & Ecclesiæ sufficere non poterat. Tunc de *Maresio* ceu viciniore ferio cogitatur, & illius animus prætentatur à Strenuissimo & Illustri viro D. ANTONIO LE CONTE Barone de Le schelle, Sedanensi Præfecto. Admittit *Maresius* oblatam conditionem, modò legitimè ab Ecclesia vocaretur: quod eò magis sibi licitum putabat, quòd nonnisi commodatò inserviret Ecclesiæ Falesianæ, neque illius Pastor proprius esset; nec censeret, posse Synodum tantum juris quoad hoc, ad circumscribendam suam libertatem, in se exercere, quantum habere solet in suos alumnos, è quorum numero nunquam fuerat: Ita commeatu petito ab Ecclesia Falesiana, quæ invitum, quòd suus non esset, detinere nequibat, nec sine honorifico illius Testimonio, sub dato 10. Sept. 1624. Avimontium in ædeis paternas, illinc quinquaginta milliaribus distantes, se recepit. Undè, missò ab Ecclesia Sedanensi uno ex suis Senioribus, cum literis publicis, *Ramburtij* manu exaratis 17. Sept. Sedanum invitatur, ex Principis supremæ voluntate, & totius Synedrij unanimi consensu, urgeturque ut quantocyùs veniat, si vocationem admiserit, tum propter *Capelli* obitum, tum propter absentiam *Molinæi*, tum quòd ageretur de Juvene quodam ad Sacrum Ministerium adsciscendo & ordinando, in quo ejus consilia desiderarentur. Paulo post Sedanum, optimo Patre suo ductore & comite proficiscitur, & ejusdem anni primo Octobris, in *Capelli* locum, eodem stipendio quo *Ramburtius*, Ecclesiæ Pastor, & Theologiæ Professor renunciatur; petito tamen quoad Professionem, spatio aliquò ad studia sua Scholastica recolligenda, quò paratior illam capefferet. Interea, ut omnibus placere nequidem ipse Jupiter potest, ægrè Synodus Provincialis Insulæ Franciæ, quòd se inconsultà Sedanensem vocationem admisisset, ferre visa est: Nam jam ab evo, inter illam Synodum & Ecclesiam Sedanensem, minus benè conveniebat, quòd antea Princeps, suis motus rationibus, eam à Synodo, cujus membrum priùs erat, revulsisset. Nec deerant forte in illo cœtu, qui sibi quam *Maresio* in tanta juventute, hanc vocationem Academicam delatam maluissent; Alij eum Ecclesijs patrijs sublatum indignabantur, & optassent ut potius Rothomagensi Ecclesiæ, quæ eo ipso tempore quo Sedanum venit, de illo in suum Pastorem evocando, ferio deliberabat, operam suam addixisset. Quam tamen inde nihil decesserit honori sui Ministerij, alibi ex professo, contra quosdam malevolos & maledicos, ipse demonstravit, & adulto

Vere

Vere anni 1625. ab optima sua Principe obtinuit interusurium aliquot mensium, ad Academias peregrinas lustrandas; & si ita videretur, Doctræ gradum in aliqua ex illis obtinendum; quo sic alacrior & majori cum celebritate ad professionem Theologicam se accingeret. Ita instructus Principis suæ comite, cui lautum adjecerat viaticum, & perhonesto Ecclesiæ testimonio munitus, Depam profectus est, undè primâ occasione soluit in Hollandiam, & post gravem in mari per novem dies tempestatem, quæ coegit nautas se ad Vectim insulam Angliæ recipere, incolumis tandem Rotterodamum appulit; Salutatoque DUCE BULLIONÆO in castris prope Bredam, quæ recens Spinolæ cesserat, Leydam venit, ac consilio suo expósito Venerandæ isthic Facultati Theologicæ, per Rev. & Celeb. virum D. ANDREAM RIVETUM, illius pro tempore Decanum, & quocum WALLÆUS tum Rector Mag. POLYANDER & THYSIUS viri Clarissimi & Celeberrimam constituebant, ab illa admissus est ad Examen Theologicum, quo privatim per biduum defunctus, juxta illius Academiæ leges, Disputationem inauguralem de JUSTIFICATIONE, in frequentissima Auditorum corona sine Præside, ut moris est, sustinuit, primus omnium post repurgatam ab Arminianismo Academiam, VIIL Julij 1625. & Disputatione finitâ, Doctræ Laureâ à Senatu Academico ipsi decretâ in continenti redimitus fuit, Promotore RIVETO. Doctor creatus, aliquot adhuc septimanas impendit visendæ Hollandiæ, quam non credebat se deinceps visurum. Amstelodamum lustravit, & in Northollandiam excurrit, ac καὶ πάλιν pretiosa Doctoris Paludani Enchusæ, à quo ob nominis affinitatem humaniter admodum fuit exceptus, non sine admiratione spectavit; Dordraci BALTHAZAREM LYDIUM, Ecclesiæ Pastorem valdè eruditum, salutavit; Inde in Zelandiam profectus, nactusque occasionem navis Bellicæ, quæ solvebat Flisfinghâ, in Angliam transfretavit. Doverâ Cantuariam profectus, illinc Londinum venit; sed propter pestem isthic vehementer grassantem, Londini non substitit, Oxonium rectâ tendens, ubi post recens connubium CAROLI optimi sed infortunatissimi Regis, cum MARIA BORBONIA, Henrici magni filia, Comitibus Regni celebrabantur. Paucis exinde transactis septimanis, quæ properanti sufficiebant ad mores Anglorum penetrandos, & suam explendam curiositatem, comitatus duobus alijs in Galliam unâ cogitantibus, & secundo Tamesi delatus Gravezandam usq; inde tandem Boloniam appulit, post malaciam octo dierum in mari toleratam, nec sine jugi metu Turcarum Piratarum, qui tum mare infestabant: maximè quod in navi deprehendisset, suum nautam eum esse, de quo ab affine Depæ monitus fuerat, ne utpam se illi committeret, quod soletet vectores suos piratis prodere, nec eade causa in Patriam redire auderet: Ex quo metu

tres ve-

tres vectores, qui soli erant, juges excubias agere tenebantur. Bolo-
niâ Abbatisvillam venit, & salutatis Avimontij suis parentibus,
Luteriam fratris visendi causâ profectus est. Ibi optimum DU-
RANTIUM reperit agonizantem, & post preces, sic petierat,
ad ejus lectulum fufas, ipsi ultimum vale dixit, Sedanum rever-
surus ad suam stationem, ubi faventissimè ab Aula & Ecclesia ex-
ceptus, in hac ad solita Ministerij munia redijt, & 24. Novem-
bris, auspiciatus est Professionem suam Theologicam, Oratione ha-
bita, de *iniqua Disputandi nobiscum Methodo à Jesuitis usurpa-
ta*, & proposita Disputatione publica *de Iudice Controversiarum*.
Non abierunt priores illius Professionis anni, absque aliqua tem-
pestate, in qua eum sustentabat sua moderatio, Aule totius &
maximè Principis ipsius summus & constans favor, ac universæ Ec-
clesiæ amor & benevolentia. Sed cum hos fluctus decumanos
sibi videretur pati, quod coelebs esset, & nonnullis, ut credebatur,
maneret *altâ mente repostum judicium Paridis spectaque injuria
formæ*; vitâ coelibe relictâ, tandem vitæ sociam sibi adscivit, A-
BIGAELEM LE GRAND, natam Aquiligrani honestissimo lo-
co, patre *Jaspere, Le Grand* Tornacensi, Mercatore
Magnario, qui postea Delphis obiit Ecclesiæ Gallo-Belgiçæ Seni-
or, & Matre *Maria van Bund* Mosæ Trajectensi: Nupserat an-
tea homini prædiviti *Johanni Beots* suo populari; Sed is
Sedani, quò Religionis ergo iverat habitatum, anno 1622. nul-
la prole superstitè relictâ obierat. *Maresij* cum illa Sponsalia, suâ
præsentia cohonestavit, ac Tabulis dotalibus subscripsit, qui ho-
die floret & foeliciter ducat exercitus Galliæ, Celsissimus Princeps
HENRICUS TURRÆUS Turenix Mareschallus; Nuptijs ve-
ro celebratis 2. Maji 1628. benedixit D. RAMBURTIUS in
pago dicto *St. Mange*, quò novi Sponsi, in ipsiusmet Principis
rheda, sic Optimâ Principe suum affectum erga *Maresium*, quem
sæpè suum Ministrum dicebat, declarante, deducti solemniter
fuerant. Ab eo tempore *Maresius* Alcyonia Sedani obtinuit, &
cum Reverendis suis Collegis omnibus, in suo munere, tranqu il-
lè & pacificè versatus est. Fuitque illi hoc suum conjugium in
te usque diem concors & foelix, ex quo quinque liberi restant:
huiusmodi; quorum natu major HENRICUS, (quem sua pie n-
tissima Princeps de sacro lavacro suscipere voluit, & Viri quondam
fui nomine appe-llari) J. U. L. & primum in Curia Parisiensi
Advocatus, abdicato Juris studio, & Theologico ei substituto,
nunc Pastor est Ecclesiæ Sylveducensis, & alter DANIEL non
infœliciter quoque in hac Academia *διδασκων* videtur, & tres fi-
liæ, MARIA, ANNACATHARINA & JOHANNA. Ho-
dem anno sui Conjugij 1628. in lucem emisit primitias suorum
Laborum publicorum, nempe tractatum Gallico idiomate inscri-
ptum *Preservatif contre la Revolte*, cui cœcationem dedit frequen-
s Magnatur a

Magnatum in Gallia defectio ad Papismum, ac etiam in suæ Principis familia, ipsius Ducis Tremolliani, ejus simul Nepotis & Generi: Opusculum hoc gratanter fuit exceptum ab omnibus bonis, & translatum quoque in linguam Germanicam, etsi quidam falsi fratres, suo auctori studuerint in Aula Regia invidiam ac periculum propterea conflare, ac si Reformatos ad perseverantiam adhortando, & deplorando degenerem Nobilium plurium pusillanimitatem, qui tam facile ad castra Pontificia transibant, eo ipso rebellionis Spiritum subditis contra Regem, tunc urbes Reformatas bello prementem, instillaret. Anno 1629. *Regurdus* Jesuita famosus, tentavit in arenam descendere, cum Theologis Sedanensibus; Sed hæc consilia evanescere, post varias literas ultro citroque datas, inter *Maresium*, conscijs suis Collegis, & quosdam Nobiles è vicinia, per & propter quos id agitabatur, & ubi accuratè à *Maresio* relutacè fuerant observationes *Veronis*, ex disciplina Ecclesiastica desumptæ, & firmamenta quibus *Regurdus* Missæ Sacrificio volebat patrocinari; adeò ut Dei beneficio nemo eorum, qui tum tentabantur ad defectionem, illis argutijs permoveri potuerit. Anno 1630. pacem Ecclesiæ & fratrum Concordiam turbare studuit, quidam malè feriatas nec sani Syncipitis Philosophiæ Professor, Scotus natione; Sed irritò consilio, ex quo sibi soli confusionem, Professionis jacturam, Ecclesiæ censuram & tandem Excommunicationem, quadriennio post reaggravatam, accersivit. Anno 1631. Majo mense *Maresius* debuit Celsissimum Ducem BULLIONÆUM in Hollandiam comitari, futurus in castris ipsius Pastor Aulicus & Domesticus, & reparaturus Scandalum, quod quidam Juvenis, in ea statione superioribus annis, vitâ nimium militari & dissolutâ excitaverat: Quinque menses integros egit tum in Castris, & vidit hostilem illam classem ad Scaldim interceptam, quæ Antverpiam solverat animo Zelandiam ab Hollandia separandi: Autumno jam adulto, cœperunt Castra varijs morbis vexari, inter quos *Maresius* singulari Dei beneficio permansit incolumis, ægros quoscunq; maximè suos condomesticos, omni ope juvans & solamine. Corripuit idem morbus ipsum Celsissimum DUCEM Bergis ad Zoniam, nec sine vitæ discrimine, in quo ut sui Pastoris precibus & alloquio summopere delectabatur, sic suos omnes mirum in modum solabatur, varijs fidei suæ & perseverantiæ in illa testimonijs ac declarationibus, quibus tamen proh! dolor, non respondit eventus. Tandem ubi convalescere cœpit, *Maresium* cum suo Fratre, qui nunc est TURENIÆ Mareschallus, & cujus tum primaria laus fuerat, in hostilis Classis expugnatione, domum remisit. Bergis Antverpiam venerunt; Antverpiam Bruxellas, TURENIO secum in scapha nonnisi *Maresium* cum duobus Nobilibus assumente, reliquo Comitatu valdè numerofo, terrestri itinere per Mechliniam dimisso. Bruxellis, *Maresium* cum Nob. D. de Real nunc Prætorè Sedanensi, præmisit Sedanum, quod tum in summo

T

versabatur

versabatur periculo, utpote cinctum undique Regijs copijs, quibus præerat Mareschallus FORCÆUS (cujus neptis, primogeniti sui unica hæres, nunc TURENIO foeliciter est elocata) & obsidionem præsentem minitantibus, quod diceretur BULLIONÆUS, cum Aurelianensi Duce, Sueffionensi Comite, & alijs Magnatibus, Cardinali Richelio offensis, jam tum consilia sua conjungere. Ipsa BULLIONÆI mater, heroici animi foemina, se vicissim parabat ad extrema, & *Maresij* uxori recens puerperæ, curaverat significari, ut se reciperet Carolopolim, ne videretur absente ac infcio marito obsidionis periculo & incommodis exposita, Cui consilio, quod mandati vice erat, debuit tertio à partu die obtemperare, & se accingere itineri, non sine præsentis vitæ discrimine. Sed *Realio* & *Maresio* paullo post adventantibus, res pacificè fuerunt transactæ, juxta literas quas à DUCE attulerant, introductusque in urbem FORCÆUS, novum à Principe exegit Regio nomine juramentum protectionis, & omnia in pristino statu reliquit, quod fortè non fecisset alius, qui Reformatus non fuisset. Ita *Maresius* suis redditus, totam illam hiemem duplici suo muneri diligenter impendit. Sed Anno 1632. nova iterum profectio in Hollandiam illi indicitur, cum ipsamet Principe, id itineris suscipiente, ut Principem ARAUSIONENSEM fratrem suum inviseret, & Principis uxoris instanti puerperio interesset, Nolebat enim eò venire absque Aulico Pastore, & sperabat *Maresium* à DUCE Filio, cui noverat eum esse charum, in usum Castrensem, ut anno superiori, tumendum. At ille, valetudinis suæ curandæ gratiâ ad aquas Tungrenses profectus, de exercitu non cogitabat, & *Maresium* matri reliquerat: Qui dum in illa Aula versatur fatis inutilis, nisi quod singulis vespers, preces concipiebat in cubiculo suæ Domine, & aliquando concionabatur in Ecclesia Gallica, nihil minùs cogitans quam de lationibus suis in Belgio figendis, pro eo quod linguæ Belgicæ addiscendæ vacare potuisset, cujus imperitiam semper postea deploravit, quod supererat temporis vacui ab Aulicis officijs & amicorum salutationibus, ac visitationibus affinium, (quos inter vivebat tunc Hagæ Amplissimus & Consultissimus Vir, D. FAGEL, Senator in Suprema Hollandiæ & Zeelandiæ Curia integerrimus, uxorem suam proximâ cognatione attingens) impendit linguæ Hispanicæ studio, prout antea Sedani, Italo usus fuerat Præceptore, ad linguam Italicam intelligendam. Hac insuper occasione, etsi ex anni præcedentis castrensi occupatione, non omninò ignotus esset in Aula AURIACA, (nam & voluerat Celsissima Princeps eum concionantem audire & audiverat in arce Heusdana, quò ex DUCIS sui mandato eum in finem fuerat profectus, & aliquoties ipsum Principem HENRICUM, foel. mem. alloquutus fuerat, cum Ducem Bergis decumbentem inviseret) propius Celsitudinibus suis innotuit, maximè juniore Principi WILHELMO foel. record. qui ab illo tempore benevolum in illum affectum retinuit, quem

quem & non uno modo testatus est, anno 1648. cum Groningam venisset. Cum verò eo anno 1632. armis victricibus Belgij Fœderati cecissent Venlona, Ruræmunda, Mosæ-trajectum, cum vicina Limburgensi Provincia, Illustriss. ac Potentissimi ORDINES GENERALES, de Ecclesia Gallica Mosæ-trajectensi constituenda solliciti, in *Maresium* oculos conjiciunt, & per Nob. & Ampliss. D. HEMSTEDIUM ad BULLIONÆAM missum, rogant velit eum publico suo aliquantisper indulgere, ad Ecclesiam Christo Mosæ-Trajecti colligendam: Illa putans hac ratione viam sterni, ad id quod optabat, ut nempe Dux filius Præfecturam Mosæ-Trajectensem obtineret, respondet, *Maresium* non suum esse, sed sui filij, illum tamen se libenter, primâ datâ occasione & securitate, missuram ad filium, quem nulla dubitet concessurum quod velint, si eorum D. D. Deputati Castrenses agant cum ipso. Paucis post diebus, magna vis pecuniæ, cum valido comœatu, ad castra mittebatur: *Maresio* hac occasione indicitur ut se pararet ad iter, & committitur pecuniæ illius Ductoribus, tutò unâ deducendus, cum Ordinum Generalium literis ad suos Deputatos, ut agant cum BULLIONÆO Duce, de ipso non solum commodando ad tempus, sed absolutè concedendo Ecclesiæ Mosæ-trajectensi. Dux adhuc incertus de Præfecturâ obtinendâ, ambiguè, sed honestè tamen, responderet Nob. D. ARNHEMIO secum agenti, *Maresium* sibi carum esse, ejusque se egere operâ non tantum in Ecclesia sed etiam in Academia Sedanensi; posse tamen suas Dominationes, per menses aliquot eo uti, ad pium illud opus, donec de altero sibi prospexissent. Ast cum postridie Præfecturam obtinuisset, evocato ad se *Maresio*, multis blandissimisque verbis, ut solent Principes, egit cum illo, ut secum Trajecti vellet manere, semper eodem loco à se habendus, quo antea; significaret ergò Deputatis Ordinum, se in illorum arbitrio futurum, & migrationis consilium admitteret: Acturum & primâ occasione cum ipsis, de illius conditione & stipendio. Gratissimum fuit D. D. Deputatis hoc à *Maresio* audire, qui præter stipendium jam constitutum Belgicis Pastoribus mille & centum florenorum, augmentum illi procurarunt centum & quinquaginta, eâ conditione, ut præsto semper esset, ad primam Professionem Theologicam, quæ in Belgio offerretur, suscipiendam. Ita factus *Maresius* juris Belgici, Ministerium Mosæ-Trajectense orsus est III. Octobris 1632 & per D. D. ARNHEMIUM, GOCHIUM Thesaurarium, & alios ex Proceribus, deductus ad Sacellum vulgo dictum S. *Hilarii*, quod ex Capitulationis lege debebat cedere Reformatis, atque in illius possessionem, ad pietatis exercitia peragenda, immisus, primam ibi Concionem Gallicam habuit. Fuit & insequenti hebdomodâ per eodem Limburgum ductus, & similiter primam illic ex Authori-

tate publica habuit concionem, unàque Rev. & Doct. Vir GOTHOFREDUS HOTTONUS Ecclesiæ Iimburgensi fuit in Pastorem assignatus. Quin sub initium anni 1633. ipsi cum *Hottono*, & *Phil. Ludovico* Belgicæ Eccles. Pastore, Diplomate Ordinum Generalium, potestas facta fuit Ecclesias per totum agrum constituendi, illisque præficiendi, quos idoneos ad Ministerium judicarent. Ut autem ægerrimè tulit Sedanensis Ecclesia, sibi ereptum suum *Maresum*, quem impensè diligebat, quod & literis affectu plenis ad ipsum testata est, cum honestissimo dimissionis testimonio, ita illi in nova hac Sparta infinitæ molestiæ fuerunt devorandæ, & tantum non Herculei labores sustinendi, Bellum fuit ipsi multiplex & ferè continuum cum Monachis & Clero Leodiensi, qui omni conatu Reformationi & Veritati foeliciter procedenti obstabant; & mille artibus milleque libellis famosis Reformatorum Pastorum personas proscindere, eorumque doctrinam plebis odio & contemptui exponere, conabantur. Hisce, & voce & calamo, fortiter se opponebat *Maresius*, ac cum piâ liberalitate Illustris Viri, D. LUDOVICI de GEER nunc *et aliorum*, consequutæ fuissent Ecclesiæ Trajectensis & Ultramosanæ, Typographiam in urbe, ad sui Defensionem, eam ferè semper aliquo scripto Apologetico, vel Polemico, occupatam habebat. Quantâ sollicitudine & fide incubuerit, tum propagationi Veritatis, tum Ecclesiæ Urbisque securitati, Reip. Acta & libri publicè editi testabuntur ad posteros. Anno 1633. de Missæ Sacrificio, in collatione solemnè coepta institui, per *D. Phil. Ludovicum*, cum Franciscano Lovaniensi valdè docto, (sed cujus onus in ipsum fuit statim devolutum) publicè triumphavit, cum *D. Hottono* Sylveducis se stitit Synodo Gallo-Belgicæ, ad Ecclesiam Mosæ-trajectensem ac Ultramosanas ei conjungendas, & ob pestem, horrendum in modum Mosæ-trajecti grassantem, & quæ dum interesset Synodo, suum ei Collegam non ita pridem adscitum, D. DE LA TOUR abstulerat, à qua tamen Dei beneficio ipsius familia permansit immunis, varias curas debuit sustinere. Anno 1634. quo Scholæ Curator sive Scholarcha fuit cum duobus alijs constitutus, cum oportuit devorare molestias, sumptus & pericula obsidionis ferè trimestris, qua Mosæ-trajectum cinxerat Marchio Aytonensis, Sed quod longè ei gravius accidit, tunc etiam ex Conjugio Ducis BULLIONÆI cum Berghensi Comitissâ, eximiæ formæ & sublimis ingenij foemina, sed supra modum Pontificia, nova fuerunt certamina illi sustinenda: Nam exinde unâ refrixere in mente *Ducis*, & benevolentia solita erga se, & amor veræ Religionis, quam deserturum, harum nuptiarum gratiâ, jam ante clam receperat; In qua dum omni conatu, privatim & publicè, cum *Maresius* studet retinere, dum quotidie de scrupulis, quibus ceu amentatis hastis à Jesuitis per suam conjugem instruebatur, ne

ebatur, ne sine causa defecisse ad Papismum videretur, cum ipso differit, dum scripta opponit scriptis, quibus in veritatem armabatur, dum Optime Matri ex officio conscientiae per literas indicat, quid rerum ageretur, dum altius in consilia & astutias Jesuitarum penetrat, quam voluissent, sibi accersivit novae Conjugis odium satis vehemens, & sensit DUCEM pedetentim ad publicam Pontificiorum communionem gradum sibi struere, in quo moliendo per mille fraudes Jesuiticas, annus 1634. & 1635. transacti sunt. Interesset Ecclesiae, specialem Historiam istius defectionis, à *Maresio* diligenter collectam, publici juris fieri, ut constaret quibus artibus Egregius aliàs ille Princeps, Reformatam Communionem deseruit, & ab illo tempore, non sine occulto Dei judicio, in illas incidit calamitates continuas, quibus cum quoad vixit, luctatus est. Non poterat non esse valde gravis illa statio *Maresio*, in qua cum morosis imò falsis quibusdam fratribus, cum caterva Pontificiorum palam inimica, cum apertè Papistico medio Magistratu, cum vicino Leodiensi Clero, cum Governatore, Domino quod magis est quondam suo, Papaturiente, jugiter conficere debebat, in qua nihil poterat dicere vel facere, ex sui Muneris conscientia, quod in sequiorem sensum & argumentum calumniae non raperetur, in qua nec tacere per conscientiam, nec loqui per adversam potestatem licebat, in qua cogebatur Principi, cujus & Salutem & Gloriam semper sitiverat, praedecretam Apostasiam ab Orthodoxa Religione & majorum pietate, se in dies exerentem videre, & illi praeveniendae omnes suos conatus non modò inutiles reddi, sed etiam quadantenus laesae majestatis accusari. Undè saepius optavit prius mori, quam cerneret illum Principem Sacra Pontificia publicè frequentantem: Nam tamdiu sperabat posse eum retineri, etsi jam palam à nostris Coetibus abinentem, quamdiu illum Rubiconem nondum superaverat: Praesto autem & quasi ex machina fuit Dei servo, his in angustiis constituto, ipsius auxilium. Siquidem Ecclesia Gallo-Belgica Sylvæducensis recens suo orbata Pastore, Rev. & Doctiss. Viro DANIELE CASTEL, Lugduno-Batavo, cujus parens quondam cum Ministerio Ecclesiae Gallo-Belgicae Leydenfis, praeter Medicam conjunxerat, *Maresium* in illius successorem elegit & vocavit, sub initium anni 1636. Is admissa vocatione, & Ecclesia Mosæ-trajectensi, ut ut ægerrimè, eum dimittente, quò confuleret ejus quieti & securitati, quam vix amplius apud se sperare poterat, accedente insuper consensu Illustriss. ac Potentiss. D. D. ORDINUM GENERALIUM, Sylvamducis venit, & ipso Paschatis die, Ministerium suum ibi est auspicatus, ei succedens qui non ita pridem Sedani, suus & hospes & Discipulus fuerat, atque se Praefide, publicè in Academia de *Dei natura & attributis* disputaverat, & quem filij instar semper dilexerat. Ad

Ministerij labores, accessere anno sequenti, ex solemnī Ampliss. **MAGISTRATUS** *Sylvæducensis* vocatione, & juxta **ORDINUM GENERALIUM & CONSILII STATUS** decreta, Labores Professorij, quā Historici & Philologici, quā Philosophici & Theologici, in Schola Illustri, quæ tum primum coepit caput erigere, inaugurata solemniter xvi. Feb. anno 1637. Unā ei demandata fuerat Superintendentia sive Inspectio Scholæ Trivialis, Sed quā paullo post se eō libentius abdicavit, quod ad illius Recturam promovisset ingratum scarabæum, qui nec regere poterat, nec regi volebat; & qui ei fuit isthū *οὐλοφ τῆ σαρκί*, & valdè incommodus vicinus. Oblitus fuerat *Maresius* injuriarum atrocissimarum, quas ab eo ejusque conjuge pertulerat, admissā in satisfactionem solemnī palinodia, utriusque manu subscriptā, ad quam per Arbitros utrimque delectos, circa litem in foro prius pendentem, fuerant condemnati; Sed cum suas atroces calumnias, postquam huc venisset variè renovassent, ut aliorum affectibus invirent, coactus fuit scriptis quibusdam publicis se tueri, ex quibus totius rei gestæ veritas satis innotuit. Ajunt vulgò eum esse alienæ vitæ dominum, qui suam contemnit; ita honestiorum famam faciliè depeculantur, qui suam decoxerunt. Non tanti tamen fuerunt *Maresio* malè sanorum & malevolorum Syncipitum istorum consilia, ut eum in duplici sua functione Scholastica & Ecclesiastica, possent remorari: Et quantum in utraque proficeret publico, ternis Concionibus, senisq; lectionibus publicis hebdomadatim, ad quas accedebant frequentes Disputationes Philosophicæ & Theologicæ, præter plures repetitiones & institutiones privatas, singulis diebus; quantum & *Ædificationis* universæ Ecclesiæ, & Ornamenti ac incrementi Scholæ Illustris per ipsum consequeretur, agnitum fuit jam anno 1640. sub finem, cum datis ad eum literis, à Rev. & Clariss. Viro D. **NICOLAO VEDELIO**, Theologo Franekerano p. m. suo & sui Collegæ R. & Cl. **MACCOVII** nomine, quibus ad Theologicam Professionem secum Franekerę sustinendam tentabatur, nec Magistratus nec Ecclesiæ destiterunt, donec ab eo obtinuissent promissionem certam, se non solum non admissurum vocationem Franekeranam, si procederet, sed quoque rescripturum Franekeram, ad impediendum ne procederet, quod etiam præstitit bona fide. Nihilominus tamen Providentia Dei eum Frisię destinaverat; Nam sub finem septennij, quod Sylvæducis transegit, mense Novembr. anno 1642. Illustres ac Præpotentes DD. **ORDINES** hujusce Provinciæ, eum decreverunt vocandum in successorem τῆ μακαρίης R. & Clar. **GOMARI**, biennio ante mortui, ut qui Discipulo Sylvæducis successerat, suo quondam Præceptori Groningę succederet. Ex hoc decreto, Nobiliss. & Ampliss. DD. **CURATORUM** literis ad Magistratum, ad Ecclesiā, ad ipsum, quibus & suas

suas particulares, merum amorem spirantes, adjunxerat Rev. & Clariss. Vir D. HENRICUS ALTING, piæ memoriæ, honorificè vocatur, missò Sylvamducis, qui unà offerret vivâ voce vocationem, remque suâ industriâ ubique expediret ac conficeret, Clariss. ac Celeb. D. TOBIA ANDREÆ in hoc Athenæo Professore Meritissimo, quo cum exinde *Maresio* arctissima amicitia intercessit. Is autem dextrè superatis varijs quæ incidebant difficultatibus, tùm vocati assensum, tùm Ecclesiæ ac Magistratus, ipsorumque DD. Ordinum Generalium consensum, tandem obtinuit, effecitque ut *Maresius* se paullo post sequuturum promitteret. Sic ergò honestè dimissus ab Ordinibus Generalibus, à Sylvæducensi Magistratu, à sua Ecclesia, cum luculentissimis fidei & morum testimonijs (consentiente quoque Synodicâ Ecclesiâ, uti solet appellari, donec ipsa Synodus conveniret) se stitit Groningæ, sub initium anni 1643. atque 20. Januarij, unà cum Rev. Clarissimo & Doctiss. viro D. JACOBO ALTING, eodem tempore vocato ad Linguae Sanctæ professionem, solemniter inauguratur, habitâ oratione de *Vsu & abusu Rationis in rebus Theologicis & Fidei*, de qua in continenti hoc Epigramma conscripsit Rev. & Doctiss. Vir D. JOHANNES MARTINUS, Ecclesiæ Groninganae Pastor Vigilantissimus;

Quid Ratio valeat, Fidei si dogmata spectes,
 Verè, accurate, perspicueque doces.
 Vix toleranda Patrum placita, ut quæ plena pericli;
 Horrida & hæresum monstra cavenda refers.
 Seu cum Esauita & Socino, quem pecus audit
 Servum, dent nimium libera fræna λόγῳ:
 Seu totum ejiciant, ne novos indicet ullos,
 Quos stolidi fingunt, quosve Ubiquista fovet.
 Non ¹ regit, ² evertit-ve Fidem: Serva ¹ arguit, ² infert,
³ Contert, ⁴ illustrat res Fidei Ratio.
 Det λόγος æternus, λόγος ut, te vindice, scriptus
 Sit Dominus, Domino huic serviat iste λόγος.

Biduo vel triduo post revolat Sylvamducis res suas convasaturus, & suam familiam Vere appetente, huc traducturus: atque habitâ Sylvæducis concione valedictoriâ, commeatuque impetrato à Synodo Gallo-Belgica quæ Hagæ convenerat, quæque ipsum honestissimo nactavit testimonio, primo Maij Groningam appulit cum universa sua familia; & octiduo post filiolum suum tertium, adhuc ex mamma pendentem, *Johannem Carolum* amisit, ut quasi hoc pignore huic glebæ addiceretur, prout hætenus alacriter, & summa cum valetudine, Dei beneficio, in Sparta quam nactus est exornanda, quâ publicè, quâ privatim, docendo & scribendo, totus fuit;

tus fuit; licet non defuerint qui ipsum tentarent ac sollicitarent & ex Gallia sua pro Montalbanensi Academia, post obitum Clariss. Viri D. GARISSOLIJ, & ex Hassia pro Marpurgensi, ubi de illa restituenda deliberari coeptum est. Debitos & indebitos labores nunquam intermisit, nisi anno 1647. quo ad paucos menses abfuit, profectus in Galliam, ad Parentes valdè senes coeterosque amicos semel revisendos, post absentiam XVIII. annorum. Bis Academię Recturam sustinuit, in quarum prima moestus parentavit Rev. & Clar. D. HENRICO ALTING S.S. Th. D. & in ea Facultate Collegæ suo Conjunctissimo, ac paullo post duos alios Collegas obtinuit, R. D. ABDIAM WIDMARIUM & R. D. MATTHIAM PASOREM, quorum etiam utrumque, ex Senatus Academici Amplissimi decreto, Doctorem Theologiæ renunciavit: & quibuscum hætenus ita concorditer vixit, ut nec ipsi agrè ferant titulum *Primarij*, ei nec petenti ultrò delatum, à Nob. & Ampl. DD. CURATORIBUS, nec ipse sibi inde quicquam arroget prærogativæ singularis; nam cæteroquin & Facultatis Decanatus ad singulos redit per vices, & quæ ad pacem & concordiam in Facultate servandam, communi consensu prudenter constituerunt, ad eas vitandas, quarum aliàs & alibi tristia visa sunt exempla, religiose & æquo à singulis observantur. Pacis cum omnibus Clariss. Collegis, maximè cum Rev. Theologis, fovendæ & colendæ, primaria semper illi cura: ut constantem eorum amorem in se huc usque expertus est. Quoad Controversias, quibus invitatus & animo reluctante implicitus fuit cum D. Voetio, & alijs per ipsum, earumque originem, ex illa Fratria Sylvæducensi, cujus Defensionem ad Procerum Sylvæducensium instantiam, & ex conscientia suæ dictamine, cum adhuc esset Sylvæducis susceperat, ex libris, qui sunt in omnium manibus, constat, eum semper pacem & petiisse & obtulisse; nec ante ad stylum acerbiorē devenisse, quam ubi sensit nihil lenientia, nihil moderationem suam proficere, nec aliter unquam egisse quam defensivè. Anno 1649. triste ex Gallia accepit nuncium de optimi Patris sui obitu, eique statim sequenti carmine, pro summa sua humanitate condolere dignatus est, admodum Reverendus & Clarissimus Collega suus D. D. ABDIAS WIDMARIUS.

EX animo tecum, Celebris Collega, dolemus,
Nuncia quòd tantum Litera triste refert.
Heu! obijt Genitor decurso lumine vitæ,
Per quem, dante Deo, lumen & ipse trahis.
Præfectum ipsa simul deflet Picardia fidum;
Orbaque flent Patrem Curia, Tempia, Scholæ.
Sed decet esse modum, lachrymas suspendere tandem
Convenit,

SCAUM U E L I M A R E S I U S. 2 153

Convenit, ut nosse, spes quibus est melior.

Dudum alijs vixit, meritis pius, & satur annis;

Emeritus quæ non vivat & ipse sibi?

Vidit & hic natos natorum prole beatius;

Patres ipse suos non videat superos?

Gallia vivum habuit florens; mala fortè futura

Evadit, cæli pace beatus odar.

Ergo anima fortis sic nobis visæ tuisque

Sic annos ultra vive valeque Patris!

Anno 1652. post obitum R. Viri D. DE LA HAYE, qui per complures annos Ecclesiæ Gallicæ Pastor fuerat; ipsi in solidum hoc Ministerium publicâ Authoritate commissum fuit; cum antea semel quidem singulis diebus Dominicis concionaretur, sed potius ex pacis studio & animo sublevandi Pastoris qui valetudinaris erat, quam ex præcisâ obligatione; nam initio ejus arbitrio permiserant Nobiliss. & Ampliss. DD. CURATORES, ut non nisi pro animi lubitu, & horis quibus vellet, quandoque concionaretur. Per hoc autem Ecclesiasticum munus Academicæ Professioni additum, evasit Membrum Presbyterij, & novas accepit compedes, quibus huic Provinciæ & Athenæo, fortius mancipetur. Anno insequenti vidit suum Henricum, (qui primo destinatus ex autoritate Nobiliss. & Ampli. DD. CURATORUM propter iugem invalerudinem D. DE LA HAYE, ad operas Ministerij Gallici in Templo Academico secum partiendas, paulo post fuerat evocatus in Aulam Hassiacam ad Ministerium Gallicum) ex Hassia honorificè revocatum & clementer ac munificè dimissum à Serenissimo & Celsissimo Principe LANTGRAVIO, ad Ecclesiam Sylvæducentem; ita constanter benè affectam nomini Maresiano, ut quod in patre amiserat, in filio recuperare studuerit. Sui porro ex sorore nepotis, Reverendi ac Doctissimi Viri D. JOHANNIS DE LONG, in Ecclesia Gallo-Belgica Medioburgensi, fidelissimi dispensatoris Verbi Divini, est Testamentum illud, quod ejus picturæ adscriptum legitur in hæc verba;

Sub initium
Anni 1654 ei
commissa est
auctoritate
publicâ pro-
fessio Historiæ
Ecclesiasticæ cum Theo-
logicâ et Ministerio
Ecclesiastico conjun-
da, binisque lectionibus
hebdomadarum
exercenda.

GALLIA quem novit, novit quem BELGICA tota,

Et quo nunc fælix Sole GRONINGA micat,

MARESIUS parvâ depingitur hacce tabellâ;

Ars etenim in parvis pandere magna solet.

ELENCHUS

Scriptorum MARESIJ quæ hæcenus publicè prostant,
præter varias Disputationes, habitas Sedani, Sylvædu-
cis & Groningæ.

1623. **S** Ermon de la Predestination, in 2. Tim. 11, 19. Inscio
authore nec ipso nominato, editus, & sæpius recu-
sus in Gallia. 24.
1628. *Preservatif contre la Revolte* : fuit ex Gallico po-
stea translatus in linguam Germanicam. 8o.
1633. *L'esprit du Bourgmaistre Beeckman retourné de l'autre mon-
de aux fideles Bourgeois de la cité de Liege*. Anonymòs. 8o.
*Abbrege de la voye de salut, ou declaration familiere de la
verité Chrestienne, par forme de Catechisme pour confir-
mer les Catholiques & instruire les douteux ou errants;
avec les observations des R. R. Peres Iesuites &c.* 8o.
Anonymòs.
*Apologie & Requete pour ceux qui font profession de la
Religion reformée à Messieurs les Deputes des trois
Estats, des Cité, bonnes villes & pays de Liege.* 8o.
Anonymòs.
*Prosopopee, ou discours de l'espée qui a descapité Simonet, aux
Espagnols.* 8o. Anonymòs.
*Acta Disputationis habitæ Trajecti, inter Anonymum
quendam Franciscanum, qui Lovanio eum in finem vene-
rat, & Ministros Trajectenses.* 4o. Recusa sunt postea
in Monachomachia.
1634. *Traitté de la procession anniversaire des Battus ou Flagellants
sous la conduite des Dominicains, avec un essay popu-
laire de la Doctrine d'un des principaux du mesme ordre.* 8.
L'imposture Monachale, ou la fable du monstre descouverte. 8o.
*La voix du peuple & de Dieu, ou Treshumble & Catholique
remonstrance à Messieurs du Clergé.* Anonymòs. 8o.
*Monachomachia, sive Vindiciæ pro veritate Religionis re-
formatæ adversus Matthiæ Hauzeur Franciscani Leo-
diensis, ac nonnullorum aliorum Monachorum strophas,
argutias & calumnias.* 8o.
1635. *La chandelle mise sous le boisseau par le Clergé Romain, ou
Considerations Theologiques sur le Mandement Episcopal
publié par tout le diocèse de Liege le 24. de May, reiteré le
3. Juillet ensuirant, deffendu & soustenu par le sieur de
Chokier Vicair general en sa Parenese aux Heretiques,
auquel la lecture des livres des Reformés, & notamment
celle des Saintes Escritures en langue vulgaire est abso-
lument*

lument prohibée. 80.

Responce facile et peremptoire à l'argument pretendu invincible touchant la lecture des Saintes lettres en langue vulgaire. 80.

Salus Reformatorum asserta, sive Romanensium de Reformatis eorumque damnatione æternâ Judicium temerarium, ad Charitatis & Veritatis limam exactum & castigatum. 80.

Brevis ad Theodorum Tranquillum parænesis, addita Virgidemie Phil. Ludovici, adversus eundem. 80.

1637. Scholæ Illustri Sylvæducensis inauguratio. 40.

1638. Specimen Jurisconsulti Orthodoxi, sive Enucleatio questionis Juridico-Politice, An Iurisperiti Catholico-Romani ex Justiniani Codice satis firma habeant argumenta remanendi in communione Ecclesiæ Romanæ, nec ne? 120.

1640. Dissertatio de Antichristo, quâ expenditur & refutatur nuper commentatio ad illustriora eâ de re Novi Testamenti loca, Il. V. Hugonis Grotij credita: simulque Ecclesiarum Reformatarum sententia de Antichristo Romano defenditur & confirmatur. 80.

1641. Eschantillon des maximes du Clergé Romaines Prouvinces Unies, représenté par le chapitre onzième de la seconde partie du livre intitulé Mars Francois, écrit contre la Justice des Armes & des Alliances du Roy Tres-chrestien, avec un Discours sur iceluy à Messieurs les Catholiques Romains de la Nation Françoisse, qui sont au service de ce pays, pour les justifier & esclaircir en ce sujet. 80.

Vindiciæ pro salute Reformatorum, sive Decas argumentorum quibus Anonymus quidam Leodiensis pertendit, nullam spem salutis superesse pro Reformatis, cum eorum refutatione 80. Anno 1646. Rev. & Doctiss. Everhardus Schuylius, Pastor Sylvæducensis, hunc tractatum emisit lingua Belgicâ.

Abbrege familier du Catechisme ordinaire des Eglises Reformées es Prouvinces unies, distribué en douze sections pour l'instruction particuliere de la jeunesse, en l'Eglise & es Escholes de la langue Francoisse à Bosleduc.

1642. Cursus Philosophici contracti, pars practica, continens Logicam & Ethicam, cum Oeconomice Synopsi & Isagoge ad Politicam, in usum Scholæ Sylvæducensis. 40.

Concordia discors & Antichristus revelatus, id est Jll. Viri Hugonis Grotij Apologia pro Papâ & Papismo, quam prætextu Concordiæ inter Christianos sarcienda exhibet illius Appendix ad interpretationem locorum Novi

Testamenti de Antichristo, modeste refutata duobus libris. tomis 2. 8°.

Defensio Pietatis & Sinceritatis Optimatum Sylvaeducensium, in negotio Sodalitatis quæ à B. Virgine nomen habet, testibus Veritate & Charitate. 4°. Fuit iterum recusa Ultrajecti in 12°. & in Ultima patientia in 8°.

1643. *Epistola Apologetica ad amicum, quæ rationem reddit cur non respondeat libro contra se edito, sub hac inscriptione Specimen assertionum, partim ambiguarum aut lubricarum, partim periculosarum &c. 12°.*

1644. *[Sapientiæ domus & Epulum ex Prov. ix. sive Oratio habita in Rectoratu adeundo, 23. Augusti. 4°.*

Oratio funebris in luctuosissimum obitum Theologi Celebrissimi, D. Henrici Alting in Academijs Heidelbergensi per ix. & Groningo-Omlandica per ipsos xvii. annos Doctoris ac Professoris meritissimi. 4°.

1645. *Collegium Theologicum, sive Breve Systema universæ Theologiae. Recusum fuit multo locupletius anno 1649. 4°.*

Epigraphæ Athenæi Groningæ & Omlandicæ, sive Oratio habita in Rectoratu deponendo 23. Augusti; Necnon Brevis Refutatio Libelli famosi à quodam Jesuito-Sycophanta se falso W. Guthertthoma vocante, ante biennium emissi ac nuper huc remissi, sub titulo Muneris adventitij. 4°.

Samuelis Marcij Theologi Ultima patientia tandem expugnata à D. G. Voetio Ultrajectino Professore & quibusdam illius asscclis, sive Modesta & Necessaria defensio tripartita, tum sui ipsius, tum eâ occasione causæ Procerum Sylvaeducensium & Decretorum Synodicorum circa illam, ipsi extorta variâ ac longâ Contumeliarum serie, ac præsertim nupero libello famoso, Belgicè edito, & inscripto, Kort ende oprecht verhael &c. 8°.

1646. *Boxæ fidei Sacrum: sive Documenta omni exceptione majora Veracitatis & Innocentiæ Samuelis Marcij Theologi in causa Schoockio-Voetiana; necnon ejusdem seria & Christiana exarèphoris ad C. V. D. Gisbertum Voetium super libello quem haud ita piè Pietatis nomine nuper inscripsit. 8°.*

Theologia Elenctica nova Synopsis; sive Index Controversiarum fidei ex Sacris Scripturis, à Jacobo Tirino Jesuita concinnatus, & censurâ perpetuâ, auctus emendatus & refutatus: tomis duobus in 4°. quorum prior prodijt anno 1646. sub finem, alter sub initium anni 1648.

Dissertatio Theologica de usu & honore sacri Ministerij in Eccle-

in Ecclesijs Reformatis, opposita nupero Anonymi cujusdam eruditi periculoso libello qui inscribitur Ad Legem & testimonium &c. 4o.

Lingua abortiva à D. Gisberto Voetio Theologo Ultrajectino refossa, & adhibita ad atroces calumnias ex suo Tribunali iniquo, Judicio Pseudo-Riveriano, & similibus libellorum famosorum quisquilijs, vel jam editis vel porro edendis, pronunciandas in Samuelem Maresium S. Theol. D. & Professore, ab illis ad æquissimum Dei tribunal provocantem. 8o.

1647. *Biga Fanaticorum eversa; sive Dissertationes duæ Theologicæ, quarum prior continet Vindicias pro SS. Trinitatis Mystero, adversus epistolam Andreæ Dudithij quondam ^{Ecclesiæ} Quinquænsis Ecclesiæ Episcopi; Posterior exhibet Refutationem xxviii. Objectionum, D. N. N. contra varia Religionis Christianæ capita. 12o.*

Lettre écrite par un Gentilhomme François, faisant profession de la Religion réformée à un amy Hollandois, au sujet des Libelles diffamatoires qui se publient en Hollande contre les François, & pour faire voir, que l'intérêt & seureté de la vraye Religion, tant dehors que dedans les Provinces unies, exige quelles demeurent jointes comme par le passé avec la France, & ne concluent aucun traité de paix sans elle. 4o.

Expostulatio ad D. G. Voetium Theologum Ultrajectinum de violata fide publica editione Epistolæ virulentissimæ quam nuper emisit Ultrajecti, sub nomine Is. Chabonæi, cum brevi ejusdem epistolæ confutatione &c. 8o.

1648. *Alter tomus Antitirini, cujus prior prodierat anno 1646. 4o. Exorcista sive de Exorcismis, liber singularis; cui adjiciuntur Dissertationes tres de Deo Maozim, de Calice Eucharistico, De precibus pro mortuis. 12o. Quæstionum aliquot Theologicarum, Regimen, Ordinem, Praxim & Eutaxiam Ecclesiæ spectantium, Decisio Academica. 4o.*

Munera Sacra Sapientum, sive Diatribæ tres Theologicæ De auro, thure, & myrrha, quæ Magi ex Oriente apertis suis thesauris Christo obtulerunt. 4o.

1649. *Theologus Paradoxus reiectus & refutatus: sive Samuelis Maresij Exercitationes aliquot Academicæ, oppositæ duodecim paradoxis & plus æquò virulentis Disputationibus, ex professo contra ipsum habitis, in Lycæo Ultrajectino, authore & præside D. D. Gisberto Voetio, ibidem primario Theologo: Cujus centum assertiones lubricæ periculosæ & planè paradoxæ, bonâ fide*

referuntur & confutantur. 80.

Popularis ad popularem: sive Irenæi Simplicij Philadelphi Epistola partim Increpatoria partim Apologetica ad D. Petrum Bacca Szatthmari Ungarum, super libello quem nuper emisit Franekera sub hoc titulo Defensio simplicitatis Ecclesiæ, adversus nonnullas Quæstiones practicas anno superiori publicè Groningæ ventilatas duobus Ungaris respondentibus & postea ab Authore & Præside in unum collectas, & editas cum hac inscriptione Quæstionum aliquot Theologicarum &c. 40.

Ad Epistolam R. D. N. N. ex Transsylvania nuper scriptam Brevis responsio, sive Iudicium Liberum & Consilium Theologicum ac Christianum de Controversijs in Ecclesijs Transsylvania & Hungariæ ab aliquo tempore agitatis, præsertim circa Regimen Ecclesiasticum, & illarum componendarum recta ratione. 40.

Pro Maresio eodem anno editus est, Stevartus ἐλεγχόμενος, sive Jonathanis Helosij Gallo-Belgæ Spongia destinata acerbissimo ac convicioso libello, quem nuperrime sub hoc titulo Addenda delenda &c. emisit Adamus Stevartus Philosophus Leydensis, ad hos suos quatuor errores capitales propugnandos, 1. Quod idem homo unus & vivus possit esse simul præsens multis in locis à se mutuo magnà intercapedine separatis. 2. Quod nulla detur notitia Dei naturaliter omnium mentibus insita. 3. Quod iustitia Originalis non fuerit naturalis in primo homine. 4. Quod peccatum originale non sit naturale, seu subiecto debitum vi generationis ordinariæ ex Adamo post peccatum.

1650. *Xenia Academica; sive 1. Disputatio Theologica de Personalitate adeoque Divinitate Spiritus Sancti contra Socinianos. 2. Apologia trimemoris pro decisione Synodi Nationalis Dordracenæ de Objecto Prædestinationis; opposita operosæ cuidam Disputationi Anti-Synodice alibi habitæ 31. Octobris 1649. Cum Præfatione de Varijs, ad Reverendos & Clariss. DD. Professores Facultatis Theologicæ in inclyta Academia Groning-Omlandica. 40.*

1651. *Epistola Antapologetica pro Synodi Nationalis Dordracenæ iudicio de objecto Prædestinationis, Decretis publicis Ill. ac PP. DD. Ordinum Groningæ & Omlandicæ ideo factis 10. 11. & 16. Junij 1640. & aliquot alijs quæstionibus Theologicis: opposita Libello nuper edito Amsterodami sub hoc titulo, Francisci Gomari V. C. Disputatio Theologica de Divinæ Prædestinationis Objecto*

Objecto, cum necessaria & modesta pro eodem Apologia. 4^o.

Theologus pacificus, sive Dissertatio Theologica de Syncretismo & Reconciliatione partium in Religione dissidentium, quousque & quibuscum optari & urgeri possit. 4^o.

Hydra Socinianismi expugnata, sive Anti-Volkelij tomus primus. 4^o.

Synopsis verae Catholicaeque doctrinae de Gratia & annexis quaestionibus; proposita partim libello, qui anno superiori à Jansenitis in Communione Romana Gallicè prodiit sub hoc titulo, Catechismus Gratiae, & postea recusatus fuit sub isto; Elucidationes quarundam difficultatum de gratia; partim brevibus ad illam Scholijs Theologicis. 4^o.

Pro Maresio iterum prodijt hoc anno *Jonathanus Helosij Hyperaspistes, sive Epistola Nathanaelis Agamenij Frisij ad Illustrem Virum Claudium Salmasium, de novis quibusdam deliramentis & portentosis haeresibus, Adami Steuarti Philosophi Leydensis, Speciminis ergo breviter enotatis, ex illius conviciosissimo & famoso libello, quem nuper proprijs sumptibus suppresso nomine Urbis & Typographi, atque, ut ajunt, contra expressum Superiorum suorum interdictum, sub titulo Ignorantiae Elenchi Maresianae, emisit adversus Samuelem Maresium Theologiae Professorè Groningae; Quà occasione ejusdem Maresij orthodoxia, adversus Stevartianas & recentissimas Ultrajectinas criminationes, obiter vindicatur.* 8^o.


Dissertatio Theologica de peccato in Spiritum Sanctum, necnon Appendix Ubbeniana ad trutinam rationis appensa, sive Liberum judicium de nupera Appendice D. Martini Ubbenij, in qua, deserto licet patrocinio litis principalis, quam ultrò in alterius gratiam, nec ullo modo laceffitur à Maresio, orationeque totà in illius personam iniquè conversà, nihilominus priorem suam contumaciam adversus Synodi Nationalis Dordracenae apertam definitionem & Rescripta Ill. ac PP. DD. Ordinum Groningae & Omlandiae, imò totius Fæderati Belgij, in Illustri suo nupero Conventu, art. 2. & 3. obstinate retinet. 4^o.

1652. *Auctarium primum Bibliothecae Theologicae D. Gilberti Voetij nuper recusae cum virulentà praefatione; continens 1. Summariam deductionem litis decennalis quae*
ipsi


1650. *Episcopus Samuele Marcio, pulchre pacem & amnestiam
semper deprecante, hactenus intercessit, 2. Vindicias
Conditionum Amnestiae & Reconciliationis partibus
oblatarum, à R.R. Deputatis Synodi Groning-Omlan-*

*dicae, ab hoc admissarum & ab illo rejectarum. 3.
Conditiones iniquissimas & impracticabiles, ab ipso
D. Voetio pro imperio praescriptas, Adversus pertinax
odium & animum invincibiliter irreconciliabilem toti*

Belgio demonstrandum, 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000. 1001. 1002. 1003. 1004. 1005. 1006. 1007. 1008. 1009. 1010. 1011. 1012. 1013. 1014. 1015. 1016. 1017. 1018. 1019. 1020. 1021. 1022. 1023. 1024. 1025. 1026. 1027. 1028. 1029. 1030. 1031. 1032. 1033. 1034. 1035. 1036. 1037. 1038. 1039. 1040. 1041. 1042. 1043. 1044. 1045. 1046. 1047. 1048. 1049. 1050. 1051. 1052. 1053. 1054. 1055. 1056. 1057. 1058. 1059. 1060. 1061. 1062. 1063. 1064. 1065. 1066. 1067. 1068. 1069. 1070. 1071. 1072. 1073. 1074. 1075. 1076. 1077. 1078. 1079. 1080. 1081. 1082. 1083. 1084. 1085. 1086. 1087. 1088. 1089. 1090. 1091. 1092. 1093. 1094. 1095. 1096. 1097. 1098. 1099. 1100. 1101. 1102. 1103. 1104. 1105. 1106. 1107. 1108. 1109. 1110. 1111. 1112. 1113. 1114. 1115. 1116. 1117. 1118. 1119. 1120. 1121. 1122. 1123. 1124. 1125. 1126. 1127. 1128. 1129. 1130. 1131. 1132. 1133. 1134. 1135. 1136. 1137. 1138. 1139. 1140. 1141. 1142. 1143. 1144. 1145. 1146. 1147. 1148. 1149. 1150. 1151. 1152. 1153. 1154. 1155. 1156. 1157. 1158. 1159. 1160. 1161. 1162. 1163. 1164. 1165. 1166. 1167. 1168. 1169. 1170. 1171. 1172. 1173. 1174. 1175. 1176. 1177. 1178. 1179. 1180. 1181. 1182. 1183. 1184. 1185. 1186. 1187. 1188. 1189. 1190. 1191. 1192. 1193. 1194. 1195. 1196. 1197. 1198. 1199. 1200. 1201. 1202. 1203. 1204. 1205. 1206. 1207. 1208. 1209. 1210. 1211. 1212. 1213. 1214. 1215. 1216. 1217. 1218. 1219. 1220. 1221. 1222. 1223. 1224. 1225. 1226. 1227. 1228. 1229. 1230. 1231. 1232. 1233. 1234. 1235. 1236. 1237. 1238. 1239. 1240. 1241. 1242. 1243. 1244. 1245. 1246. 1247. 1248. 1249. 1250. 1251. 1252. 1253. 1254. 1255. 1256. 1257. 1258. 1259. 1260. 1261. 1262. 1263. 1264. 1265. 1266. 1267. 1268. 1269. 1270. 1271. 1272. 1273. 1274. 1275. 1276. 1277. 1278. 1279. 1280. 1281. 1282. 1283. 1284. 1285. 1286. 1287. 1288. 1289. 1290. 1291. 1292. 1293. 1294. 1295. 1296. 1297. 1298. 1299. 1300. 1301. 1302. 1303. 1304. 1305. 1306. 1307. 1308. 1309. 1310. 1311. 1312. 1313. 1314. 1315. 1316. 1317. 1318. 1319. 1320. 1321. 1322. 1323. 1324. 1325. 1326. 1327. 1328. 1329. 1330. 1331. 1332. 1333. 1334. 1335. 1336. 1337. 1338. 1339. 1340. 1341. 1342. 1343. 1344. 1345. 1346. 1347. 1348. 1349. 1350. 1351. 1352. 1353. 1354. 1355. 1356. 1357. 1358. 1359. 1360. 1361. 1362. 1363. 1364. 1365. 1366. 1367. 1368. 1369. 1370. 1371. 1372. 1373. 1374. 1375. 1376. 1377. 1378. 1379. 1380. 1381. 1382. 1383. 1384. 1385. 1386. 1387. 1388. 1389. 1390. 1391. 1392. 1393. 1394. 1395. 1396. 1397. 1398. 1399. 1400. 1401. 1402. 1403. 1404. 1405. 1406. 1407. 1408. 1409. 1410. 1411. 1412. 1413. 1414. 1415. 1416. 1417. 1418. 1419. 1420. 1421. 1422. 1423. 1424. 1425. 1426. 1427. 1428. 1429. 1430. 1431. 1432. 1433. 1434. 1435. 1436. 1437. 1438. 1439. 1440. 1441. 1442. 1443. 1444. 1445. 1446. 1447. 1448. 1449. 1450. 1451. 1452. 1453. 1454. 1455. 1456. 1457. 1458. 1459. 1460. 1461. 1462. 1463. 1464. 1465. 1466. 1467. 1468. 1469. 1470. 1471. 1472. 1473. 1474. 1475. 1476. 1477. 1478. 1479. 1480. 1481. 1482. 1483. 1484. 1485. 1486. 1487. 1488. 1489. 1490. 1491. 1492. 1493. 1494. 1495. 1496. 1497. 1498. 1499. 1500. 1501. 1502. 1503. 1504. 1505. 1506. 1507. 1508. 1509. 1510. 1511. 1512. 1513. 1514. 1515. 1516. 1517. 1518. 1519. 1520. 1521. 1522. 1523. 1524. 1525. 1526. 1527. 1528. 1529. 1530. 1531. 1532. 1533. 1534. 1535. 1536. 1537. 1538. 1539. 1540. 1541. 1542. 1543. 1544. 1545. 1546. 1547. 1548. 1549. 1550. 1551. 1552. 1553. 1554. 1555. 1556. 1557. 1558. 1559. 1560. 1561. 1562. 1563. 1564. 1565. 1566. 1567. 1568. 1569. 1570. 1571. 1572. 1573. 1574. 1575. 1576. 1577. 1578. 1579. 1580. 1581. 1582. 1583. 1584. 1585. 1586. 1587. 1588. 1589. 1590. 1591. 1592. 1593. 1594. 1595. 1596. 1597. 1598. 1599. 1600. 1601. 1602. 1603. 1604. 1605. 1606. 1607. 1608. 1609. 1610. 1611. 1612. 1613. 1614. 1615. 1616. 1617. 1618. 1619. 1620. 1621. 1622. 1623. 1624. 1625. 1626. 1627. 1628. 1629. 1630. 1631. 1632. 1633. 1634. 1635. 1636. 1637. 1638. 1639. 1640. 1641. 1642. 1643. 1644. 1645. 1646. 1647. 1648. 1649. 1650. 1651. 1652. 1653. 1654. 1655. 1656. 1657. 1658. 1659. 1660. 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. 1675. 1676. 1677. 1678. 1679. 1680. 1681. 1682. 1683. 1684. 1685. 1686. 1687. 1688. 1689. 1690. 1691. 1692. 1693. 1694. 1695. 1696. 1697. 1698. 1699. 1700. 1701. 1702. 1703. 1704. 1705. 1706. 1707. 1708. 1709. 1710. 1711. 1712. 1713. 1714. 1715. 1716. 1717. 1718. 1719. 1720. 1721. 1722. 1723. 1724. 1725. 1726. 1727. 1728. 1729. 1730. 1731. 1732. 1733. 1734. 1735. 1736. 1737. 1738. 1739. 1740. 1741. 1742. 1743. 1744. 1745. 1746. 1747. 1748. 1749. 1750. 1751. 1752. 1753. 1754. 1755. 1756. 1757. 1758. 1759. 1760. 1761. 1762. 1763. 1764. 1765. 1766. 1767. 1768. 1769. 1770. 1771. 1772. 1773. 1774. 1775. 1776. 1777. 1778. 1779. 1780. 1781. 1782. 1783. 1784. 1785. 1786. 1787. 1788. 1789. 1790. 1791. 1792. 1793. 1794. 1795. 1796. 1797. 1798. 1799. 1800. 1801. 1802. 1803. 1804. 1805. 1806. 1807. 1808. 1809. 1810. 1811. 1812. 1813. 1814. 1815. 1816. 1817. 1818. 1819. 1820. 1821. 1822. 1823. 1824. 1825. 1826. 1827. 1828. 1829. 1830. 1831. 1832. 1833. 1834. 1835. 1836. 1837. 1838. 1839. 1840. 1841. 1842. 1843. 1844. 1845. 1846. 1847. 1848. 1849. 1850. 1851. 1852. 1853. 1854. 1855. 1856. 1857. 1858. 1859. 1860. 1861. 1862. 1863. 1864. 1865. 1866. 1867. 1868. 1869. 1870. 1871. 1872. 1873. 1874. 1875. 1876. 1877. 1878. 1879. 1880. 1881. 1882. 1883. 1884. 1885. 1886. 1887. 1888. 1889. 1890. 1891. 1892. 1893. 1894. 1895. 1896. 1897. 1898. 1899. 1900. 1901. 1902. 1903. 1904. 1905. 1906. 1907. 1908. 1909. 1910. 1911. 1912. 1913. 1914. 1915. 1916. 1917. 1918. 1919. 1920. 1921. 1922. 1923. 1924. 1925. 1926. 1927. 1928. 1929. 1930. 1931. 1932. 1933. 1934. 1935. 1936. 1937. 1938. 1939. 1940. 1941. 1942. 1943. 1944. 1945. 1946. 1947. 1948. 1949. 1950. 1951. 1952. 1953. 1954. 1955. 1956. 1957. 1958. 1959. 1960. 1961. 1962. 1963. 1964. 1965. 1966. 1967. 1968. 1969. 1970. 1971. 1972. 1973. 1974. 1975. 1976. 1977. 1978. 1979. 1980. 1981. 1982. 1983. 1984. 1985. 1986. 1987. 1988. 1989. 1990. 1991. 1992. 1993. 1994. 1995. 1996. 1997. 1998. 1999. 2000. 2001. 2002. 2003. 2004. 2005. 2006. 2007. 2008. 2009. 2010. 2011. 2012. 2013. 2014. 2015. 2016. 2017. 2018. 2019. 2020. 2021. 2022. 2023. 2024. 2025. 2026. 2027. 2028. 2029. 2030. 2031. 2032. 2033. 2034. 2035. 2036. 2037. 2038. 2039. 2040. 2041. 2042. 2043. 2044. 2045. 2046. 2047. 2048. 2049. 2050. 2051. 2052. 2053. 2054. 2055. 2056. 2057. 2058. 2059. 2060. 2061. 2062. 2063. 2064. 2065. 2066. 2067. 2068. 2069. 2070. 2071. 2072. 2073. 2074. 2075. 2076. 2077. 2078. 2079. 2080. 2081. 2082. 2083. 2084. 2085. 2086. 2087. 2088. 2089. 2090. 2091. 2092. 2093. 2094. 2095. 2096. 2097. 2098. 2099. 2100. 2101. 2102. 2103. 2104. 2105. 2106. 2107. 2108. 2109. 2110. 2111. 2112. 2113. 2114. 2115. 2116. 2117. 2118. 2119. 2120. 2121. 2122. 2123. 2124. 2125. 2126. 2127. 2128. 2129. 2130. 2131. 2132. 2133. 2134. 2135. 2136. 2137. 2138. 2139. 2140. 2141. 2142. 2143. 2144. 2145. 2146. 2147. 2148. 2149. 2150. 2151. 2152. 2153. 2154. 2155. 2156. 2157. 2158. 2159. 2160. 2161. 2162. 2163. 2164. 2165. 2166. 2167. 2168. 2169. 2170. 2171. 2172. 2173. 2174. 2175. 2176. 2177. 2178. 2179. 2180. 2181. 2182. 2183. 2184. 2185. 2186. 2187. 2188. 2189. 2190. 2191. 2192. 2193. 2194. 2195. 2196. 2197. 2198. 2199. 220



Stat placido graphice depicta modestia vultu,
 Sed quæ miramur, pingere dextra nequit.
 Doctrina es Pietas dubiam tibi reddere palmam
 Dum certant, laudem fors utriusq; parem.
 Continuent annos, juvenum, tibi, maxime, Fata,
 Et repetant donum Numina vera suum!
 Sic reposcabis Avum templis, Patroneq; Lyceis,
 In genio quoniam vivit uterq; tuo JACOB. CREVTZ.



J A C O B U S A L T I N G.

Natus hic est Anno Christi c10 10cxviii. die xxvii. Septembris Heidelbergæ Palatinatus interioris metropoli in Collegio Sapientiæ; Patre HENRICO ALTING, Academiæ illius Professore Theologo, & dicti Collegij Inspectore, tunc absente, ob iter ad Synodum Dordracenam: Matre vero SUSANNA BELIER. Turbata mox altero anno civilibus Germaniæ bellis Patria variè cum Parentibus jactatus, variasque sedes sortitus est; unà in exilium deductus, priusquam Patriam nosse coepisset. Quippe jam annò c10 10c xx. cum Spinola in Palatinatum irrupisset, Brettam sorori fratrique comes ad tempus ablegatus: anno autem insequente cum Matre Heilbronnæ dimissus fuit, & hinc anno exacto cum eadem Schorndorfium commigravit. Inde exeunte Febuario c10 10c xxiii cum Parentibus digressus, longo & sinuoso itinere per Franconiam, Saxoniam & Luneburgum Hamburgum usque, hinc porro Emdam pervenit. Hic primum una cum Fratre literis Latinis domi paternæ initiari coepit, eadem deinceps disciplina Leydæ ac Honslardici institutus, mutata pro vocatione Patris familiæ sede. Quo tandem ad Professionem Theologicam in hac Academia obeundam evocato, Groningam appulit anno c10 10c xxvii. Continuata istic sub oculis & moderamine Parentis domesticæ institutione à Præceptoribus longè doctissimis D. Daniele Berckringero Ultrajectinæ, & D. Tobia Andreæ hujus Academiæ nunc Professoribus celeberrimis, in mensem usque Augustum anni c10 10c xxxi. ex sententia Clarissimorum Professorum Facultatis Philosophicæ trivialibus ejus studiis finis impositus, atque ipse cum Fratre ad Academiam promotus fuit. Hic porro Philologicis & Philosophicis studiis sub Clarissimorum Virorum Meyvardi, Gebhardi, Pasoris, & Andreæ manu ductione defunctus, ad Theologiam animum ac operam applicuit, genium naturæ suæ Patriisque voluntatem secutus, Theologorum celeberrimorum Venerandi Gomari & Parentis sui constans auditor & discipulus. Conjunxit tamen sollicitè & citra interruptionem (quod jam aliquot ante annos auspatus fuerat,) Linguarum Orientalium studium publicè Celeberrimi Gomari, privatè Præstantissimi Victorini Bythneri Theologiæ studiosi, nec non Judæi alicujus Emdani in Thalmude institutione usus.

Anno c10 10c xxxix. mense Junio peregrinationem ingressus, Lugduni Batavorum (ubi quoque exegerat plurimam partem

anni MDCCCXXXV. dum Parens ibidem revisioni versionis Belgicæ Novi Testamenti vacaret,) confedit, familiaris præ cæteris Clarissimis viris Polyandro Triglandioque Theologis, & l'Empereur Golioque linguarum Hebrææ Arabicæque Professoribus. Inde anno MDCCXL. in Angliam trajecit, atque in tertium annum inibi commoratus est, cum linguâ gentis Præeodæ Theologicæ addiscendæ potissimum studiosus. Cujus utriusque cum aliquam facultatem sibi parasset, dum Neoburij in ædibus Celeberrimi Theologi Guilelmi Twisse, Oxonij item ac Londini hæret, inprimis autem apud Reverendum Virum Edwardum Reynolds Ecclesiæ Brandestonienfis in Northamptoniâ Ministrum, (cui annum integrum convixit, & tyrocinia Ecclesiastica deposuit,) tandem sacro Ministerio initiatus est Vigornæ, à Reverendissimo illius Dioceseodis Episcopo, D. Johanne Prideauxio S. Theologiæ Doctore & Professore Regio Oxoniensi, ibidemque Collegij Exoniensis Rectore, anno MDCCXLII. Ab illo tempore magis etiam isti Regno addictus, de perpetuâ commoratione non perfunctoriè cogitavit, animantibus quos istuc paraverat amicis. Sed inclinatâ indies intestino bello istius Regni & Ecclesiæ fortunâ, & accedente voluntate Parentum, cum mense Novembri anni ejusdem XLII. in Comitij ab Illustribus & Præpotentibus Groningæ & Omlandiæ Ordinibus Hebrææ & affinium Linguarum Professio ipsi decreta, & per literas publicas oblata esset, eam capeffivit, Angliaque digressus, ac Groningæ redditus, xx. Januarij anni sequentis solenniter adjit: quo die itidem Celeberrimus D. Maresius Theologicam Professionem suscepit. Accessit munus Ecclesiasticis Belgici ab iisdem DD. Ordinibus decreto Comitiorum ipsi demandatum vocatione eadem, quâ Ministerium suum consequuntur Pastores hujus Provinciæ Gallici, quibuscum in eodem Provinciali templo, quod Academiæ est, illo defungitur, inde à Kalendis Januarij anni MDCCXLVII. Eam stationem in hodiernum usque tueretur ac ornare satagit diem, nec sollicitationibus ab Ecclesijs vel Anglicana Amstelodamensi anno XLVI. vel avita Emdana, sesquianno post institutis, inde avelli potuit. Quin etiam superiori anno MDCC LII. cum Vetustissima Universitas Heidelbergensis auspicijs Serenissimi Electoris Palatini instauranda esset, aliquoties de Professione Theologica Veteris Testamenti & Linguae Hebrææ istuc fuscipienda tentatus, assensum tamen hætenus differre maluit. Privatim autem recensitioni Paternorum Scriptorum manum admovit, in quibus ad prelum accurandis, quantum per alias occupationes licet, sedulus versatur.

JACOBUS ALTING.

163

PRODIIT

ab ipso.

R*еспублика Hebræorum Scholastica, sive Historia
Academiæ & Promotionum Academicarum in
populo Hebræorum, geminâ oratione delineata.
Amstelod. apud Janssonium 1652.*



X 2

ABDIAS

ABDIAS WIDMARIUS.

natus 1591

Quomodo jam ab initio militantis Ecclesiæ tot Sancti vi-
ri, & fidi Dei Servi, se professi sunt peregrinos & ad-
venas esse in terra, similiter multis modis ac vicibus ex-
pertus de se & suis profiteri possit ABDIAS WID-
MARIUS. Ut vero in tota sua peregrinatione, & hac miseria-
rum valle, se quoque à divina castigante manu varijs exercitum
adversis non potest non meminisse, ita Dei Opt. Max. in eadem
perpetuam simul gratiam & paternam curam sese haud satis præ-
dicare deplorat. Utrumque scilicet meditatur, dum memoria
secum repetit totum vitæ suæ curriculum inde à nativitate, Dei
beneficio, ad senectutem hucusque. Atque ita, quicquid de hac
in sequentibus referetur (siquidem Ordini sic constituto obte-
quendum fuit) nulla inani ostentatione vel jactantia, sed solum-
modò in testimonium in se minimo & indigno singulariter quo-
que exploratæ divinæ gratiæ & providentiæ, adeoque in unius Dei
laudem, dictum vult & acceptum.

Parentibus ortus est honestissimis. Pater ei fuit Admodum Re-
ver. & Clarissimus M. ANDREAS WIDMARIUS, Hildesiæ
Saxo, postremis annis à Rectoratu Gymnasij revocatus ad Pasto-
ratum Ecclesiæ Bremensis. Mater piissima MARGARETA, è
primaria Hildesiæ familia Bödekerana & Brandesiana. Avus pa-
ternus fuit in eadem inclyta civitate Præfectus Ecclesiasticorum
bonorum & Aedilis Spectatissimus CONRADUS WEDEME-
JERUS: Avia, omni virtute cumulatissima, ANNA Görlings,
ibidem ex patricia cognatione. De stemmate & familia Wede-
mejerorum ut altiora & ampliora producantur, nec animus
nec opus est. Etsi namque retrolapsis annis ab Impera-
tore ob strenuè navatam militiam Ordini Nobilium adscripti sunt,
donato simul prædio cum suis agris, à quo nomen obtinuerunt,
additis quoque insignibus speciosis, unde porro aliqui ex ea fami-
lia sub vicinis Principibus ac Ducibus dignitates sustinuerunt ma-
gnificas: maluit tamen avus amore Evangelicæ veritatis & Papatu
& bonis ac honoribus hujus mundi excedere ac renunciare. Et
plurimum religionis reformationem anno Christi 1542. Hildesiæ
introducendam promovit, institutam scilicet ad formulam Augusta-
næ Confessionis, accessit eum in finem Theologis Joh. Bugen-
hagio Pomerano, Antonio Corvino, & Henrico Winkelio, ne-
quicquam omni vi obnitente Episcopo & Canonicis. Pater iti-
dem potius amore literarum & religionis purioris ductus, omnia alia
facilius sprevit, & virtute propria magis magisque exurgere contendit.

A teneris itaque Pater (ut hujus varia itidem fortu-
na & circa eum Dei cura pateat) fundamentis pietatis & studi-
orum in Patriæ scholis probè jactis, eadem Brunsvigæ plenius
excoluit

Antes natus
Andreas, natum

A 1585. p. 100

P. Andreas

in Hildesheim

de quo i. p. 100

in Hildesheim

p. 100

p. 100


p. 100

p. 100

p. 100



Lemgoe natalem, studiorum Brema palastram,
 Terra Palatini munia sacra dedit.
 Exilium in patriam mutavit Belga, Lycéo
 Hic gemino ABDIAS profuit, atq; gregi.
 Cor pietas habitat, mentem sapientia adornat;
 Quidni igitur placeat vitæ et umbra viri?
 IACOBVS ALTING.



excoluit, sub Rectore celebri M. *Matthia Bergio*, pōst in Academia Altorfina Noribergensium Professore, (à quo simul cum Clariss. M. *Rodolpho Goclenio Seniore*, multisque alijs claris viris commilitonibus, initia solidioris Orthodoxiæ hausit): in Academia Regiomontana Borussiae Philosophica studia ad eum apicem deduxit, ut Magisterij honore sit decoratus. Hinc serè per vices Ecclesiastico & Scholastico munere functus est. Primum in *Bartenstein* urbe *Borussiae* ad S. Ministerium admotus est, sed brevi pōst excitatâ illâ Eteoclâ contentione inter duos *Borussiae* Episcopos, *Heshusium* & *Wigandum*, de abstracto & concreto, à qua omnes Ecclesiae istic turbatae & in partes scissae, donec *Heshusius* excederet, ipse etiam à Collegis porro in suspensionem *Zwinglianismi* & *Calvinismi* (ut odiosè loquebantur) pertractus tempestati cessit. In Patria ob eandem suspensionem gravissimè traductus ad scholam *Huxariae* prope *Visurgim* regendam secessit, & hinc *Lemgoviam*, in Comitatu *Lippiato* metropolin, vocatus, similiter initiò Scholæ praefuit, sed alijs Civitatibus, (ipsaque *Hildesia*) ejus operam Scholasticam flagitantibus, detentus istic fuit, quod ad Ministerium Ecclesiae tum in Neapoli, tum in arce proxima *Brake* dicta (in qua aula erat) obeundum ab Illustri & Generoso Comite ac Nobili Domino de Lippia, Domino *Simone Seniore*, vocaretur. At Lutheranis Ubiquitarijs & hic de religione quaestiones & turbas moventibus, idem Ill. Comes, Mularum & Orthodoxiae Patronus, eum *Salis Ufleniam*, urbem omninò suam, non procul disitam, transtulit, ut & Ecclesiae esset Pastor, & simul Scholæ Inspector & Curator primarius, quam scilicet novam erexit, Rectore & Ludimagistris egregijs liberalissimè evocatis. Hæc Schola cum præ alijs floreret, indeque nomen ipsius latius inclaresceret, Amplissimus Senatus *Bremensis* multum laboravit, tandemque ad Illust. Comitem missis legatis, viris Consultissimis & Spectatissimis, *D. Eberhardo Bornhorstio* J. U. D. Senatore & Scholarchâ, atque *D. Johanne Davemanno* urbis Secretario, obtinuit, ut eum Rectorem haberent sui Gymnasij. In hoc Collegas inter Professores habuit Magnum illum *Christophorum Pözelium*, S. Th. D. olim in Academia *Wittebergensi* Professore, tunc Ecclesiae & Ministerij *Bremensis* Superintendentem, & *Joh. Esychium*, S. Th. D. virum literatissimum, Theologos: *D. Casparum Altenaich* J.C. &c. Ut autem nihil sub Luna est constans & perpetuum, his præclaris viris mortuis, præterea difficultatibus & dissensionibus obortis de Professionibus instaurandis, cum omnem molem per aliquot annos solus sustineret, & juxta Sacra, Philologica, & Philosophica, alia quoque, imò ipsum Jus civile ex Institutionibus, tradere teneretur, præter curam & disciplinam reliquam, quam eandem, qualis sub *Joh. Molano* primo à Reformatione Rectore olim obti-

nuerat, alij servandam urgebant, alij traducebant: sub onere deficere cœpit, & tublevari vel liberari ipsemet anhelus sæpè desideravit. Alijs ergo Scholarchis Gymnasij curam ad animum revocantibus effectum est, ut decreto Amplissimi Senatus ad Ecclesiæ Ministerium in templo Mariano tunc primario, (in quo simul, dum adhuc Rectoratum gereret, antè per integrum annum dixerat, quò de Rectore & Professoribus alijs interea dispiceretur, & ordo Scholasticus restitueretur) legitimè reduceretur, salvo omni honore, etsi non sine unius atque alterius invidia, atq; ea ipsi diebus Dominicis dicendi hora ordinaria assignaretur, qua in reliquis parochijs conciones non haberentur, ut ex his etiam pro voto ad eum audiendum adesse possent. Atque ita postremo in Ecclesiastico munere, quod reliquum vitæ fuit, absolvit satur, ut laborum & dolorum, ita dierum, cum vixisset annos LXIX. mens. II. d. IV. natus scilicet ann. Chr. CIO IOLII. d. XI. Febr. denatus ann. CIO IOCXXI. d. XVII. April.

Hic, inquam, Pater fuit, (de quo non sine gravi causa obiter interere oportuit, etsi aliàs plenius agendum foret) Philosophus eximius, Ramo quidem addictior, faciliè tamen admittens, quæ rectior ratio suaderet; Mathematicus & Astronomus peritissimus, ut celebriores in Germania Astronomi, etiam Cæsarei, eo familiaris uterentur; Orator valde disertus; Theologus gravis, cum veritate pietatem ac pacem sollicitè colens & commendans; in alijs quoque Scientijs & Facultatibus haud leviter versatus, ut de quibusvis differere nosset, & omnis ordinis viris gratissimus esset; quæ singula, tum quotquot eum propius noverunt & adhuc superstites sunt, tum scripta ejus partim edita, partim affecta plurima, apud hunc filium *Abdiam* hætenus asservata, abundè testari possent. Mater vidua, quod memoratu dignum, tandiu supervixit, donec exactè eandem ætatem explevisset, quæ & ipsa in Domino obdormivit ann. Chr. 1631. Utriusque exuviæ, ex pio Magistratus & Ædilium indultu, eidem sepulchro sunt impositæ in choro ejusdem templi Mariani, proximè è regione altaris, seu mensæ, ad quam toties Cœnam Dominicam administrarat. Monumento ex Patris ante obitum mandato, præter alia, incisa sunt insignia, quibus potissimum delectatus & usus fuit, ut essent symbolum & compendium Confessionis fidei suæ, referente imâ ejus areolâ atram noctem, ad miseriam nostram, & cæcitatem humanæ rationis in divinis mysterijs; mediâ, auro-ram cum libro explicato, cui inscriptum *Ad Legem & ad Testimonium* [ex Esa. VII. 20.] & stellâ lucidâ appositâ, ad salutarem rerum divinarum cognitionem ex S. Codice, in hac quidem vita ex parte, sufficienter tamen hauriendam (ex 2. Pet. I. 19.); supremâ Solem ipso clarissimo die splendentem, ad spem plenæ beatæque cognitionis & visionis Dei (ex 1. Cor. XIII. 12. &c.]

significan-

significandam. Ipse quoque hujus suæ mentis & confessionis exegelin apponendam præscripsit, quæ talis adhuc ibidem legitur:

IN INSIGNIA WIDMARII EX

ESA. 8. v. 20.

QUID LIBER EXPLICITUS, LÆTO CUM SIDERE EOIS?
SOLE VEHENTE DIEM, NOCTE PREMENTE SOLUM?
SIC LUX AURORÆ SURGIT, QUIBUS AUREA LEX EST,
QUA DATUR ALMA DIES: CÆTERA CÆCÆ MANENT.
SCILICET HÆC VATES OLIM SIC SIGNA NOTABAT,
AD LEGEM INVITANS, ET RATA VERBA DEI.

His parentibus ita suo tempore peregrinantibus, & plura jam adversa, jam eventu, Dei Gratiâ, semper secunda ac prospera expertis, in lucem est editus hic ipse ABDIAS WIDMARIUS ann. Ch. cto 10 xci. d. xiii. Septemb. Lemgovix dictæ in Westphalia, ingeniorum, si excolantur, & virorum Præstantium feracissima, & quidem quintus seu medius inter novem fratres, præter unicam sororem, è quibus, quo tempore hæc scribuntur, juxta ipsum, Dei beneficio, superstes est, ordine inter eos tertius Rev. *Theodorus Widmarius*, Pastor Ecclesiæ in *Bèrum* prope *Dammonam* in hac *Groningæ & Omlandix* Provinciâ. Nominis impositionem divino Numini refert acceptam, de qua ut addat, non alienum judicatum iri sperat. Cum enim ad Baptisimum ejus Patrini seu Sponsoris officium præstitisset Amplissimus vir *Godescalcus Clavesingius*, seu *Nicolai*, Patri tunc amicissimus, ideoque ex more istic recepto hoc prænomen ei servandum fuisset, maluit tamen Pater, ut ABDIAS ex Hebræo, idem omnino significante, appellaretur, & hoc nomine quasi omne semper meminisset, *se servitio Dei* in Ecclesijs & Scholis è SS. literis obeundo consecratum. *Godeschalk* enim ex prisca Germanorum & Gotorum lingua idem est, quod ex moderna *Godes knecht*, seu *des Heeren Dienaer*. Istis scilicet olim *Schalck* dicebatur *Servus*, seu *minister*, quod adhuc quibusdam est usitatum, & in compositis aliquot dignitatum nominibus reliquum, non tantum inter Germanos, sed ab his etiam inter populos alios, quomodo Germ. *Maerschalc*, Gall. *Mareschal*, Ital. *Marescalco*, Ang. *Marshall*, vocatur, qui equis seu equitatu Principis seu Regis præest, *Magister equitum*, & Germ. *Seneschalc*, Gall. *Seneschal*, Ital. *Senescalco*, qui Regis seu Principis domui & familiæ, (*Sen* sive *Sin* dicebatur *familia*, unde etiamnum, *gesin* seu *gesind* est familia in domo alicujus cohabitans.) *Magister domus*, vel *Palatij*: & quæ sunt similia. Notum autem est, quod Hebræis עבדו, *Obadjahu*, sive עבדו *Obadjah* (ita scilicet promiscuè scribitur,) & hinc ex Græcæ & Veteris vulgatæ Latinæ translationis aliquoties servata scriptura ABDIAS idem significet, quod

quod *Servus Jehovæ*, seu *Domini*, qui *Minister Dei*. Et fate-
tur hic noster, quod id ipsum nomen sibi in Sacro curriculo haud
rarò calcar addiderit, pietatisque & consolationis haud vulgaria in
muneris & crucis onere argumenta suggesserit. Multum certè
refert honesta & pia infantibus indè nomina, eisque hos suo tem-
pore attendere & rectè uti.

Primis annis ferè continuò adversà laboravit valetudine, à
periculosissimis casibus & morbis lethalibus, è quibus tamen di-
vinitus servatus est. Et bono istud eidem fuit, siquidem ita
didicit jugum Domini à pueritia ferre, à pravo consortio abstinere,
domi cum parentibus manere, ad sacra magis attendere, stu-
dia unicè tractare, eoque nunquam satis celebrandę misericordię
Dei & specialis Providentię, conservatricis & directricis, in se e-
dita esse exempla agnoscit. Ita scilicet jam *αὐτὸ βιβλίου* Sacras lite-
ras edoctus est, & ad servitium Dei magis magisque, tum à pijs pa-
rentibus, tum à fidis præceptoribus, & domi & in Scholis, præpa-
ratus; instinctu quo interiore eum simul agente & incitante, ut
libros & imprimis Biblia avidè tractaret, de his audire & inter-
rogare gestiret, Doctiores & nominatim Patrem æmulari conare-
tur, huic semper ad latus adesset, eum etiam adultior, ad conci-
ones & scholas procedentem, & ab his redeuntem, comitaretur,
& parentibus ad omnia, quęcunque grata viderentur, etiam præ
fratribus reliquis interviret.

Ad ludum literarium admissus, rudimenta quidem initio *Sal-
us Uflenie*, Rectore Rever. & Doctissimo *D. Engelberto Gla-
neo*, post *Hornæ*, oppido Comitatus Lippiaci ad *Rupes picarum*
(monumentum perantiquum) sito, degustavit; sed in Gymna-
sio *Bremano*, Rectore Patre, fundamenta studiorum ulterius po-
suit & excoluit. *Bremæ* etenim, urbe *Saxonie* inferioris amplif-
sima, quę itidem in Imperio libera ac florentissima, potissimum
est educatus, ut eam alteram patriam habuerit, & ab eadem *Bre-
mensis* censitus sit, accedente insuper jure civitatis, quo Pater
unà cum filiis ab Ampliss. Senatu donatus & adscriptus fuit. In
studijs tanto felicius profecit, quod ingenio & memoriã, Dei do-
no, præ multis alijs valeret, ut sæpè, quę in tempus aliud edi-
scenda injungerentur, ubi semel atque iterum relegisset, etiam,
antequam scholæ dimitterentur, Præceptoribus recitaret. Acces-
sit ardor semper procedendi plus ultra, æmulatio superioribus pa-
ria præstandi, imò, si pote esset, eos superandi; ingenua suavi-
tas ex Patre & Præceptoribus in ea, quę ignoraret, vel de quibus
dubitaret, liberiùs inquirendi, & modestia patienter ferendi, si
fortè importuniùs accedere, & quid durius audire videretur, nec
non studium sese in omnibus, quę decerent, & accepta fore spe-
raret, probandi. Evénit hinc, ut viri plures in dignitate con-
stituti spem de ipso conciperent, & Pater eum amplecteretur
maximè.

maximè. Inter illos nominatim fuit idem ille Magnus & Celebrissimus *D. Christophorus Pezelius*. Cum enim occasione aliquâ huic haud multò ante obitum *Abdias* quid retulisset, & de interrogatis dexterius respondisset, quæ arridebant, Venerandus Senex blandissimè eum affatus est, & manu dextrâ ejus capiti impositâ pluribus benedixit &c. Pater quoque læpius spem suam de hoc suo filio testatus est publicè, tum in solennioribus actibus, tum in editis compendiis & Scholasticis dialogis. Jucunda existis est memoria Scholasticæ *Actionis Anglico-Danicæ*, quâ IV. Non. Octob. ann. Ch. c10 10c11. Illustres Legatos Regiarum Majestatum, *Elisabethæ Angliæ*, & *Christiani IV. Daniæ*, præter hospites alios omnis ordinis Spectatissimos (cùm *Bremæ* ad litem quam interventu *Anseaticarum* civitatum convenissent) in Gymnasium deductos discipulus nomine Scholæ excepit, eisdemque, post orationem à Patre Rectore *de Pace & Concordia inter Reges & Respublicas Christianas* habitam, discessuros similiter Scholæ nomine gratiis actis dimisit, formulâ ipsi præscriptâ, solutâ & ligatâ, rituque præformato. Quàm hæc sibi habuerint accepta etiam Regij Legati, & quæ de hoc *Abdia*, nominatim *Angli*, judicarint, & quanta ei polliciti sint, non est, quod hic repetatur. Talia interim fatetur sibi calcar addidisse. Et quantum vota piorum senum, ac parentum filiis ac junioribus profint, & sacræ & profanæ historiæ evincunt.

Ad Scholas publicas promotus, primùm Patre adhuc Rectore, deinde, (hoc ad S. Ministerium, ut dictum, revocato) Rectore successore Rev. & Clariss. *D. Matthia Martinio*, Philologo Celebrissimo, ab Ecclesia *Emdana* advocato (inter primos scilicet hujus & reliquorum Professorum, recens surrogatorum, auditor fuit) ad majora & ipse magis contendit. In Philologicis & Philosophicis sedulò perrexit; In Oratorijs & Poëticis specimina publica dedit, aliquoties dicendo latinè & græcè, in Collegijs & disputationibus omnis generis sese exercuit, privatim, publicè. Medicinæ quoque & Jurisprudentiæ aliquandiu haud segnis fuit sectator; imò huic incumbens Institutiones Juris memoriæ mandavit, ut huic studio videretur inhæsurus. At hinc gravioribus rationibus & tentationibus retractus sese tandem totum Sacris ac Theologicis devovit, quibus jam ab utero consecratus erat, & quibus aliàs semper deditus fuerat. Biblia itaque magis magisq; sibi familiaria reddidit, ea perlegendo, tum linguâ Germanicâ, tum linguis originalibus, fontibus sacris. Catechetica & Theologica omnis generis assiduè pervolvit. Theologorum in Gymnasio, Pastorum in templo, attentus fuit auditor, illorum lectiones, horum conciones insigniores, nominatim plerasque Patris, calamo, ceu velox Scriba, excipiens. Inter disputationes adhuc gratum est meminisse habitæ *ad Augustanam Confessionem*

sub Vener. & Celeberrimo *D. Urbano Pierio*, S. Th. D. & ipso olim *Witebergæ* Professore, sed ab Ubiquetarijs in exilium ejecto, tum *Bremæ* Superintendente & Professore honorario. In Practicis, ad conciones progymnasticas, sese etiam maturius & frequentius exercere coepit, causâ sic postulante. Frater enim *Andreas*, Vir Doctissimus, cum ex *Academijs*, in quibus Clarissimis Professoribus & ipse familiarissimus, & *Heidelbergæ* *D. Pareo* convictor fuerat, domum reversus esset, & Ecclesiæ Ministerium in *Buren*, territorij *Bremensis ad Visurgim*, suscepisset, fere per integrum semestre febris correptus, toto illo tempore concionandi vices, quod aliter non posset, ipsi in exercitium cessit, unde eodem fratre ad Ecclesiam in *Suderhusen* prope *Embdam* vocato, Præfecti Ecclesiæ ipsum sibi in successorem jam tum petere non sunt veriti. Diutius autem parentes eum secum detinuerunt, pro tenerrimo suo affectu, quod valetudine esset sapius afflicta, minusque firmâ, ut maturius ad Academiâs non dimitterent, quo tamen simul nomine gratias Deo debet, siquidem interea in studiis, consilijs, & praxi rerum Ecclesiasticarum, etiam quoad ordinem & regimen Ecclesiæ, ex domestica partim informatione partim observatione factus est maturior & exercitior.

Ad alias Illustres Scholas & Academiâs tandem dimissus rectâ *Heidelbergam* tendit inter alios cum Venerando *D. Wesselo Emio*, post Ecclesiæ *Groningæ* Pastore Seniore, & ibidem in ædes Clariss. *D. Henrici Altingij* Professoris p. m. exceptus, & in Studioforum Academicorum numerum cooptatus fuit. Perlustratis hîc cunctis, suis ductus rationibus, similiter alia *Germaniæ* loca, Scholas & Academiâs, lustrare perrexit. Nominatim passim inquisivit in ea, quæ visu & notatu digna audiverat. In his fuit, quod *Paderbornæ*, præter Collegium Jesuitarum & Academiâs splendide extructam, spectator fuit annuæ & sollemnioris processions, quâ reliquiæ *S. Liborij* (uti dictabant) *μετὰ πολλὰς φαντασίας* circumferebantur in theca argentea, deaurata, & gemmis preciosissimis coruscante, è qua postea capta Illustr. Dux Brunsvicensis, Episcopus Halberstadiensis, fertur nummos cum emblemate suo cudisse. In Comitatu Lippiaco *Hornæ*, salutato Rev. *D. Glaneo*, suo olim Præceptore & primo Rectore, istic Pastore, admiratus est *Rupes picarum*, quæ sunt quasi tres turres è lapide solido ac monte excisæ, & in facella excavatæ, cum monumento *S. Ursulæ*, uti vocabant. Quæ similiter alia *Westphaliæ* & vicinæ Inferioris *Saxonie* loca transiens observavit, hoc loco, ut aliena, præterit. *Marpurgum* tandem reversus humanitate Professorum singulari commotus, & occasionem in studijs sese exercendi nactus magis urgentem, istic ulterius substitit. Mensa toto illo tempore usus est viri Doctissimi & integerrimi, *D. M. Wolfgangi Heinzenbergeri* inter aliquot Juvenes No-

venes-Nobiles eorumque Ephoros , S. Theologiæ & Ministerij, Jurium, ac Medicinæ Candidatos, quibuscum ei semper suavis fuit convictus & literata confabulatio. Ab Acutissimo & Clarissimo *D. Johanne Combachio* Professore Philosopho, ultro indes invitatus & hospitio exceptus, non tantum contubernalem habuit doctissimum *D. Albertum Niclassium Polonum*, post *Dantisci Ecclesiæ Orthodoxæ Pastorem*, sibi & amore & studio junctissimum, sed etiam cum eodem hospite Professore, quod & ipse sese totum S. Theologiæ dederet, de difficilioribus ferè quotidie contulit. A reliquis Venerandis & Celeberrimis Professoribus, *D. Schonfeldio*, *D. Sturmio*, *D. Molthero*, *D. Eglino*, Theologis, *D. Rodolpho Goclenio Seniore*, Antecessore Philosopho, & alijs, ad colloquia & de dubijs magisq; arduis *orthodoxis* humanissime semper admissus fuit. Cum doctioribus quibuscunque viris-juvenibus in studijs communibus familiariter conversatus est, & in his cum *Illustriss. Landgravij Principis* alumnis primis, *Magistris Majoribus*, uti vocabantur, inter quos non potest sine honore meminisse sibi amicissimi Reverendi & Clarissimi *D. Wolfgangi Crellii*, & ipsius *Bremensis*, Magni *Pezelii* ex filia nepotis, post in Academia & aula *Electoralis Brandeburgica* Doctoris Theologi. Nec defuerunt è Studiis, (aliquibus etiam Philosophiæ Magistris, ad S. Theologiam primum accedentibus) qui operam ipsius privatam efflagitarent in exercitijs sacris, ceu collegijs, quibuscum Institutiones Theologicas *D. Treleatij* tractavit: & Juris aliqui Candidati, quod in Politia victuri de controversijs religionis rectius judicare possent, similiter institerunt, ut de his jam ad positiones præscriptas, jam ad Fasciculum *Eckhardi Lutherani* &c. cum ipso differerent. Tantum scilicet sibi profuisse sensit, quod in Gymnasio patrio & cum Patre diutius versatus, studia magis matura ad Academias secum advexit, siquidem hinc curriculum Academicum eo successit facilius & felicius. In ferijs ut plurimum excurrit ad vicinos Doctores, nominatim, vel *Herbornam*, unde sermonum, quos eruditos & pios hausit à Venerandis illis & Celeberris viris Orthodoxis, Magno *Piscatore*, *Pasore Seniore*, insigni *Alstedio*, alijs, jucundum ipsi est recordari, vel *Gieffam*, unde post colloquia cum Theologis Lutheranis *Winckelmanno*, *Finckio*, *Helvico*, & imprimis cum *Menzero* habita, semper in Orthodoxia magis confirmatus recessit. In concionibus progymnasticis sub *D. Schönfeldio* Superintendente & Oratore disertissimo sese porro exercens hoc obtinuit, ut hic cum *Marpurgi* in Ecclesia ad conciones publicè habendas invitaret ac produceret. In Hebraicis, quo magis proficeret, Rabbinum aliquem, ex Judæo Christianum, & recens istic baptizatum adhibuit, præterquam, quod Vener. *D. Moltheri* Professoris Theologi & Hebræi domū

instar filij quotidie frequentaret, ut hic eum *filium suum* vocaret.

Plurimum autem tum in excolendis Hebraicis tum in attenta lectione SS. Literarum, maximè Prophetarum Veteris Testamenti, ipsum incitavit, quòd ad Controversias Judaicas accuratius tractandas pertractus fuit. Acciderat enim aliquantum ante ipsius ad *Academiam Marpurgensem* adventum, casus tristis & detestandus. Ludimagister, in linguis orientalibus versatissimus & doctissimus, nomine CONRADUS VIETOR, cum ad tempus contra *Judæos* Christianismum, & nominatim doctrinam de S. S. Trinitate tam fervidè propugnasset, ut sibi gratularetur, quod per nominis anagramma CARUS DEO TRIUNO audiret, postea, vel in tam abditis mysterijs non satis instructus, eisque nimis temerè & intempestivè immersus, vel (ut nonnulli suspicabantur) invidiâ & odio adversus aliquos in transversum abreptus, veritatem impugnarat, & ad ipsos Judæos turpiter defece- rat, atque uxore & prole numerosâ desertâ aufugerat, apertus veri Trinunius Dei hostis factus. Quod verò tandem *Thessalonica* in *Græciam* delatus sit, testantur literę, quas ipsemet inde dedit 23. Dec. ann. Chr. 1614. hac additâ subscriptione, *Moses Parto, quondam in Gentilismo vocatus M. Conradus Vietor Marpurgensis*, quarum literarum apographum est penes *Abdi-* am nostrum; de quibus & quę eo pertinent, alibi plenius. Commoti, inquam, & graviter offensi istac apostasiã erant multi, imò scrupuli in aliquorum animis altiùs hærebant, quibus familiariùs uti consueverat, & heterodoxas suas exceptiones sapiùs instillarat. In hos cum *Abdias* incidisset, & ferè quotidie cum eis conversaretur, contra tales dubitationes & objectiones Judaicas subinde oppositas luctari, eoque ad oracula Prophetarum & quidem ex fonte Hebræo studiosius & attentius recurrere debuit. Atque ex istis in sacra militia exercitiis, accedente insuper consilio & approbatione Ven. Patris & Professorum, enatæ ipsi sunt *Disputationes Theologicae adversus Judæos de Messia Persona, Officio, & Adventu*, quas singulas ordine in Academia publicè defendit, in Præsidem, pro more, assumto, in talibus exercitatissimo, D. *Moltbero*. Etsi verò plerasque controversias contra Judæos in eis attigit, magis tamen ei consultum est visum, primùm de Messia eos convincere, vel saltem nos confirmare; siquidem inde doctrina de S. S. Trinitate partim ultrò consequitur, partim ex admisso Novo Testamento est manifestior. Divine autem gratiæ & glorię unicè tribuit, quicquid in istis Christianismi fundamentis solidius cognoscendis, ejusdemque vindicijs penitiùs instituendis, tum ipse profecit, tum circa aliquos fecit, ut scandalum hætenus tolleretur, & nutantes confirmarentur. Tacet quoque, quàm avidè disputationes exceptæ, in nundinis Francofurtensibus mox distractæ,

distraetæ, indeque aliquoties desideratæ sint. Nec repetit, quàm Rev. & Clariss. D.D. Professores tum in disputationum actu, tum aliàs, amorem & favorem, honores etiam alios offerendo, singularem comprobarint. Silentio interim non potest omninò præterire piam memoriam Magni *Hermanni Vultesi*, Antecessoris in Jure primarij, Academiæ Cancellarij. Cùm enim *Marpurgo* abiturus inter alios ipsi quoque valediceret, præter sermones alios sanctum aperuit propositum, quod, uti sub Incomparabili *Theologo, Zacharia Ursino Heidelbergæ*, in Collegio Sapientiæ studiorum initium fecisset à Sacris, etiam Hebraicis, ita eisdem ab his ipsis cum vita finem imponere desideraret. Et hoc dicto assidenti in musæo Psalterium Hebræum, proximè mensæ impostum, monstravit, è quo Psalmos repeteret, imò mox Psalmum aliquem Hebraicè memoriâ recitavit promptissimè, eo ipso simul testatus, quàm studia illa sacra, & Christianismi è fontibus Israelis assertionem & vindicationem probaret, eoque hunc *Abdiam* amplecteretur, eidem quasi mandans, ut ubicunque ejus fieret mentio, liberè profiteretur, *Vultesum* ipsi magnum esse amicum. Quàm porro honestis & amplis ornatus testimonijs tum Academiæ & Facultatis Theologicæ, tum Fac. Philosophicæ & Hospitis dimissus sit, ipsa testari possint.

Animus hinc fuit similiter *Heidelbergam* repetendi, & exteras inde terras, Ecclesias, & Academiæ salutandi, quod à Patre & Fautoribus approbatum. *Heidelbergam* itaque reversus à Professoribus Theologis humanius excipitur. Ad Collegium, quod sub *D. Pareo* solis erat Ungaris & Polonis, quum aliquibus jam *Marpurgi* innotuisset, mox facillè admittitur, atque isto absoluto obtinet, ut ab eodem Biblicum ad Themata textualia peteretur, & hoc cum alijs itidem nationibus commune esset. Interfuit quoque singulis Collegijs aliorum Theologorum *D. Coppenij* & *D. Altingij*, nec non Practico *D. Sculteti*, Aulici Concionatoris disertissimi, qui dicentem mox amplexus & professus est veteranum & exercitatum esse. In Publicis disputationibus talem se probavit, ut, cùm anno Christi 1617. in *Palatinatu* quoque, unà cum alijs *Protestantibus in Germania*, annus Jubilæus celebrandus esset, non tantum in Ecclesijs, sed etiam in Academia, ob Evangelij lucem è Papatus tenebris reductam, atque inter alios *D. Pareus* publicè ventilandum instituisset *Thema seculare de causis centum abhinc annis, immenso Dei beneficio, ex Evangelicis Germaniæ Ecclesijs eliminati semperque fugiendi Papatus Romani*, & ad solemniorem istum disputationis actum, cui præter Sereniss. Electorem & Consiliarios etiam Jesuitæ, & omnis generis viri, interfuturi expectabantur, ex singulis nationibus singuli viderentur assumendi, qui strenuè opponerent, ipse à Vener. Facultate Theologica electus est, qui nomine Pontificiorum è Ger-

manis causam ageret. Cum pluribus ibidem viris, doctis juvenibus, Germanis, Gallis, Ungaris, Polonis, amicitiam contraxit, in quibus nominatim censet Rever. & Clarissimum *D. Matthiam Pasorem*, post sibi in Academia Groningana Collegam Theologum. Inter Professores sibi singulariter amicum & familiarem expertus est Rever. & Clarissimum *D. Altingium* p. m. Hujus commendatione factum, ut, cum ex studiorum & aliarum sollicitudinum multitudine corpore infirmior esset, atque hinc à tentationibus & melancholia quasi *μισάνθρωπος* videretur, ab Amplissimo & Optimo viro, *D. Ezechia Fettichio*, inter Secretarios Sereniss. Principis Spectatissimo, in ædes invitaretur & hospitio ejus exceptus honestissimè & humanissimè haberetur, ubi, dum ipsum & uxorem similiter quasi melancholicos & tristiores pijs & jucundis colloquijs omnis generis quotidie excitabat, & ipse sibi restitutus fuit; & virum sibi tantopere devinxit, ut per totam vitam ipsum amplexus sit.

At hac felicitate Heidelbergensi non licuit frui diu. Nam Generosus *Dn. Johannes Fredericus Riedessel à Bellersheim*, ex Liberis Imperij Nobilibus *Altorsij Nemetum*, à Vener. Facultate Theologica per literas petit sibi & Ecclesiæ suæ prospici de Pastore. *Abdiam*, hæc commendat, & per *D. Altingium* obtinet, ut solum exercitij causâ excurrat, & istuc dicat. Concione habitâ, Ecclesia mox vocationem offert, sed renuit hanc admittere, memor dicti propositi, & desiderio actus, ut alias porro regiones & Academias videat, & *Marpurgum* redeat. Persuadetur tamen, ut saltem ad tempus munus suscipiat, atque, si omnino ipsi, Mœcenatibus, ac Patri stet animus, propositum persequatur. Quæ verò omnia *εὐοχμῶντες & κατὰ τὰς ἐν* fiant, ipse à Vener. & Amplissimo Electorali Senatu Ecclesiastico examen petit, eodemque illo die concionem habere jubetur, examinatur, in Ministrum Ecclesiæ consecratur. *Altorsij* autem tantam experitur Dei benedictionem, tantum Ecclesiæ & Generosi Domini zelum ac pietatem (cui in viro tantæ dignitatis parem nusquam observavit) & tantum erga se omnium affectum, ut manum aratro semel admotam retrahere aut retrospicere religio esset. Cœlibem hîc vivit vitam in tertium annum, præter Ecclesiam studia sacra unicè curans, maximè nactus vicinum Doctissimum & Humanissimum, *D. Christianum Kyfertum Silesium*, *D. Sculteto* intimum, è cujus scriptis multa latinè transtulit & ad prelum paravit. Cum hoc enim singulis septimanis agit, jam per literas, jam coràm mutuis visitationibus & colloquijs, quæstiones, dubia, casus conscientiæ difficiliore tractans. Accedit singularis humanitas & exacta doctrina atque experientia Vener. *D. Christophori Gundermanni*. S. Theol. Doctoris, ejusque olim in Saxonia *Lipsiæ* Professoris, tunc *Neostadij*, urbe proxima, & Ecclesiarum Palatinarum in illo tractu

Inspectoris,

Inspectoris, qui ipsum ad colloquia interiora de Theologicis & Ecclesiasticis rebus faciliis admittit, atq; in Classes ac cætus Pastorum, ut vicinum, (cum aliàs Ecclesia ipsius nulli Classi subesset) ad consilia sæpius invitat. Excurrit quoque aliquoties ad Pontificios, nominatim in clauistro Capucinorum propè Spiram; atque ad Lutheranos, quos in Orthodoxiam acerbius debacchari intellexerat, ut cum eis conferat, eosque retundat. Interea, ut Heidelbergam veniat, rogatur, atq; ad Ecclesiam Dantiscanam vocatur, causam Ecclesiæ agentibus & valdè commendantibus *D. Pareo* & *D. Sculteto*: sed *D. Altingius* adhibitis aliquibus ex Senatu Ecclesiastico ipsum in Palatinatu detinet, eumque sibi in Collegio Sapientiæ adjungi posse studet; in locum scilicet *D. Conradi Deckeri* S. Th. Doctoris & Collegæ defuncti. Mansione itaque in Palatinatu conclusa ex ejusdem *D. Altingij*, *D. Fetti-chij* hospitis, aliorumque Fautorum consilio, consensu accedente parentum, ad conjugium ineundum animum applicat, atque in uxorem ducit Venerandi & Optimi senis, *D. Johannis Bourgesij* Ecclesiæ Gallicæ Heidelbergæ Pastoris, filiam *Saram*, nuptijs ibidem celebratis xi. Aug. ann. 1619. magno cum honore & applausu omnis Ordinis, etiam inter alios præsentibus Sereniss. Regis Galliarum, & Illust. ac Præp. DD. Ordinum Confœderati Belgij Legatis. Generosus Dominus à *Bellersheim* agnoscens, quàm benè Heidelbergæ & in tota vicinia audiret, eoque veritus, ne *Altorfio* avocaretur, omni eum ratione sibi devincire conatur, tum in zelo religioso subditis insigniter prælucens, omnemque operam conferens, quò Ecclesiæ ædificatio ex voto succederet, nemo conciones negligeret, vel à catechisationibus abesset, aut disciplinam fugeret, tum ædes Pastoris splendidius adornans, eique stipendium ultro superaddens personale, ut vocant, & honorarium, quale olim obtinuerat vir Clarissimus *D. Theobaldus Meuschius*, antea Inspector *Crucenacensis*, cujus extat *Harmonia Evangelica*, edita *Hanoviae* ann. 1604. & *Systema Chronologicum Veteris Testamenti*, editum *Spiræ Nemetum*. ann. 1612. Nusquam se profitetur tanta cum voluptate ac libertate omnes partes S. Ministerij exequutum unquam esse, adeoq; ædificatio Ecclesiæ felicissimè istic successit, atque haud facilè vel leviter inde secessit.

Quid vero? Anno 1621. à Venerando Senatu Ecclesiastico Electorali Heidelbergam evocatus rogatur, ut mox postero die in templo Urbis dicat de capite, quod ex ordine pro more explicandum sequatur, (erat 2. Epist. ad Corinth. cap. 1.) ac postero die vocatur *Neubusium* proximè *Wormatiam*, urbem Imperij amplissimam, ad Ecclesiæ Ministerium, camque vocationem tandem admittit; quòd Illustre istic esset Gymnasium, à viris Magnis & metioribus studiis florentissimum, in quo pro voto cum Doctoribus conversari, & Sacra pertractare posset; quòd Ecclesia simul ex urbe, cui ad-

jacet

jacet, esset valdè ampla à Nobilibus, & Mercatoribus, civibus
 primarijs è pluribus nationibus, inprimis Belgis; quòd denique
 tristi illo bello Palatinatu tunc illato in urbe Imperiali habitan-
 di locus concederetur tutior. Generosus Dominus ægerrimè i-
 psum dimittit; etsi suo loco successorè impetrasset Doctissi-
 mum *D. Iohannem Kleinium*, *Spiræ* Orthodoxum Pastorem al-
 terum, quem etiam ipse, antequam discederet, in Ecclesiam *Al-*
torffensem introduxit. Et quàm tamen honestè de ipso sente-
 rit ac testatus sit, literis ad Quæstorem, seu Curatorem, *Neuhusianum*,
 ipso inscio, datis, præ verecundia tacere mavult; nihil sibi
 boni, sed omne gratiæ Dei tribuens in solidum. *Wormatiæ* & *Neuhusij*
 ab Ecclesia & Gymnasio amicissimè exceptus introducitur à Ve-
 ner. Dn. M. *Johanne Cnefelio*, Inspectore vicino Osthoviano,
 viro integerrimo, sub cujus præsidio olim *D. Scultetus* in *Hei-*
delbergenfi Academia publicè disputando in Philosophicis edide-
 rat specimen. Jucundum erat *Wormatiæ*, (in urbem scilicet
 sese *Neuhusiani* omnes receperant, quòd à militibus, tam amicis
 quàm inimicis, eorumque excursionibus metuendum esset) tot vi-
 ris Claris familiaris uti, atq; inter tot Nobiles, & Cives ortho-
 dos, omni rerum usu præstantes, tam blandè haberi. Et spes
 subinde fiebat de milite hostili omni abducendo, pace verò re-
 stituenda, quæ & ipsum & bonos omnes alebat, ut difficultates
 omnes patienter ferrent, serena magis tempora expectantes.
 Tristius interea nuncium ipsum valdè affecit, de Patris obitu,
 qua de causâ à matre vidua ac fratribus instanter rogatus, im-
 petratâ Senatus Electoralis & Consistorii Ecclesiastici veniâ,
Bremam excurrit, ut disponderetur de scriptis Patris, quæ nonnisi
 hoc filio *Abdia* præsentè moveri jussèrat, siquidem ipsi præ
 reliquis penitiùs cognita essent. In hoc itinere Belgicas Provin-
 cias transiens videt *Amsterdamum*, *Groningæ* nominatim pran-
 dio excipitur à Ven. & Clariss. *D. Ubbone Emmio*, celebri Hi-
 storico Chronologo, primo Academiæ Rectore Magnifico, id-
 que causâ filij, Rev. *D. Wesseli Emmii*, cui *Heidelbergæ* fami-
 liaris innotuerat; *Emdæ*, ex Ampliss. Senatus voluntate, urgen-
 tibus RR. DD. Pastoribus Senioribus, concionatur, utque
 reversurus in *Palatinatum* isthac rursus transire ne gravetur, ro-
 gatur; *Bremæ* etiam ad conciones habendas invitatur, atque de
 ipsius vocatione agitur, sed cum ipse *Palatinatus* esset melior,
 ipsique tam suaviter & familiaris *Neuhusij* futurum videretur,
 maximè quòd tam recens istuc venisset, ad nulla consilia vocati-
 onis ad alia loca attendit. Rebus itaque paternis *Bremæ* dispo-
 sitis, in *Palatinatum* quamprimum redit, rectaque *Heidelbergam*,
 ubi uxorem in socris ædibus esse acceperat, tendit. At hic o-
 mnis spes coepit evanescere, cum exercitum *Palatinum* cedere,
 omnia metu trepidare, quosunque, etiam ex Magnatibus &
 Prefectis

Præfectis, fugam meditari observaret, quasi *Annibal* jam 'proximè ad portas esset. Ad Ecclesiam tamen, & quidem per *Spiram* circumiens, *Wormatiam* cum uxore pergit. Et hîc omnia commota & dubia, imò ubique conclamatum deprehendit, ut & ipse subinde animi penderet, & tot procellis ac fluctibus continuis ferè dejiceretur. Horret meminisse omnium; quàm istud Bellum magis magisque exarserit; nec ulla UNIO (validissima licet videretur nonnullis per anagrammatismum VINO) opem contulerit, nisi ut opes aveherentur omnes: quàm leviter tot urbes & arces munitæ mox hosti deditæ: quàm florentissimus ille *Palatinatus*, tot terræ fertilissimæ, imò tota *Germania*, hætenus visa tam bellicosa & invicta, à Bellona illa dira, verè *Bel-lua*; exhausta: quàm tristi spectaculo *Osthorvium* & *Westhorvium*, loca ab ædibus, frugibus, vino refertissima, ab ipsis amicis flammis data: quàm *Neubusium* devastatum, Schola celebris dissipata: quanta barbarie spoliati, trucidati, miserrimè habitati *Palatini*, ut nulli ordini, sexui, ætati parceretur: quanta cum truculentia tandem *Heidelberga* ipsa expugnata & direpta: quanta annonæ caritas, fames, morbi varii insecuti: quàm omnes ferè miseris *Palatinis* orthodoxis insultarint; & in his Edomæi fratres, Lutherani duriores: quantis in periculis vitæ sæpius versatus hic ipse *Abdias*, aliquando in ipsum globis sclopetorum instar grandinis ejectis, strictis gladiis intentatis; bonis obviis exutus; insidiis pluribus expositus, donec tandem tempestatum cedere est coactus. Interea admirandam Dei manum in se & suis clementissimè tuendis, atque instar titionis è mediis flammis eruendis, non potest non celebrare. In medio scilicet inimicorum Dominum dominari multis insignibus expertus est documentis. Hinc unicè factum proficitur, quod *Wormatiæ* viri Orthodoxi & Magnifici ipsum adeò amplecterentur, ut omnia officia exhiberent, ædes concederent, easque tutas & immunes præ omnibus civium ædibus præstarent, ne unquam ullum militem ex toto illo tempore, è præsidio vel Unionis, vel postea ipsius Urbis, vel denique Imperatoris domi haberet ac aleret: quod Ecclesia ex urbe, (Lutherani enim nullatenus aliquod Religionis orthodoxæ exercitium intra mænia sua concedebant) Nobilibus & ditioribus rhedis pluribus vel equitatu, alijs pedibus procedentibus, ex omni ordine & sexu, ipsum ad conciones *Neubusium* comitarentur ac deduceret; indeque reduceret catervatim instar exercitus (ex tota scilicet vicinia *Palatini* in urbem secesserant) posthabitis cachinnis, illusionibus, convitijs, & latratu in Zwinglianos & Calvinianos, nescio quos, vexationibus militis Lutherani initio ab Unionis Principibus, post ab Urbe ad vigiliis & custodias portæ versus *Neubusium* dispositi; ut certè zelum Ecclesiæ istis duris & adversis temporibus observaret majorem, quàm ante-

tea tranquillis & secundis, quo ipsi quoque animus accessit major, ut esset semper lætus ac fortis in Domino: quod ijs ipsis primis diebus, quibus *Heidelberga* occupata diripiebatur, ex commendatione Orthodoxi Mercatoris *Wormatiensis*, per Chiliarcham (Colonellum) sub Duce *de Tilli* Bavaro & Cæsari militantem, isti civi per officia præstita obstrictum, (qui tamen & ipse prædas agebat, & Pastores quos in vinculis detinebat) tutus ac salvus & *Heidelbergam* duceretur, & *Wormatiam* reduceretur, ad Socerum & Socrum, cum filia natu minima, & quæ eis spoliatis adhuc erant reliqua, educendum & ad se transferendum: quod aliàs quoque jam ipsum, jam quæ bona servarat, ipsi hostes, etiam inscij & inviti, quasi miraculo, tuiti sint, promorint, defenderint: quod, quamdiu istuc fuit, *Neuhusianorum*, & civium, aliorumque aliunde, liberalitate insigni pauperibus, ex decem circiter pagis vicinis istuc exulantibus & duriore tunc fame pressis, rationibus intis succurrere datum fuit: quod ipsi quoque ad necessarium victum non defuit: quod nulla unquam vis, (etsi sæpe intentata & insidiæ structæ sint,) vel ipsi vel suis, quoad corpora, illata est: & quæ reliqua Dei mirabilia in ipso exhibita enarrare non licet, imò nec recordari possit omnium, eoque hætenus etiam illud Davidis meditetur sæpius, *Deus fortis est nobis, Deus fortis ad salutem omnimodam, & Jehovæ Domino sunt exitus contra ipsam mortem.* Psal. 68. 21.

Quomodo tandem & quò ex *Palatinatu* delatus sit, ut addat, negligere non potest. Res videbantur desperatæ. Misso exercitu, Duce *Leopoldo*, *Wormatiæ* præsidium Cæsareum imponitur; tributum à *Palatinis* grave exigitur; *Neuhusium* à Commissario *Moguntino* occupatur; Quæstor citatur, rationes ei reddere, & bona Ecclesiastica tradere cogitur: istuc ad conciones egredi prohibetur, tum violentiâ militum, tum duritiæ Lutheranorum, nec exitum nec reditum concedentium: insidiæ nominatim *Abdiæ* Pastori struuntur, & prætextus varii quærentur, ut eum vel Urbe ejciant, vel omninò exuant, imò ei majora minentur: Socer Senex cum suis in *Belgium* ad filium Pastorem meditatatur, instat ut à Genero deducatur: multis aliis rationibus undiquaque urgetur. Re itaque seriò deliberatâ ab ipsis simul Ecclesiæ viris primarijs consultum esse judicatur, ut tempori & tempestati cedat; Socerum Senem in *Belgium* ducat; curam interea Ecclesiæ commendet Pastoribus Orthodoxis aliis, quòd plures istuc exularent, & passim civibus noti & familiares essent, eoque privatim hos in orthodoxia confirmare & solari possent, (siquidem publicè nihil liceret) donec, Deo *Palatinatum* & *Neuhusium* clementer restituyente, atque rebus utrinque integris, revocari possit. Atque ita suavis & consensu eorum, quorum proximè intererat, (Ecclesiasticus

fiasticus Electoralis Senatus *Heidelbergâ* occupatâ nusquam erat), magno tamen & suo & omnium Orthodoxorum dolore, Socerum cum suis primùm ducit *Frankofurtum*, ubi uxoris soror altera, antehac Mercatori Spectatissimo, *Danieli du Hamel*, desponsata, matrimonio jungitur; & hinc tandem varijs difficultatibus superatis rectâ defertur in *Belgium*, atque in *Zelandiam Arnemudam* ad affinem, Reverendum *Dn. Johannem Bourgeois*, tunc per *Flandriam* orthodoxorum latitantium sub cruce, jam propè *Dordracum in Niewbeyerland* Pastorem. Oblivione hinc non potest nec debet præterire memoriam Magnifici *D. Theobaldi Teelingij, Quæstoris in Zelandiâ Generalis*. Pro singulari sua pietate missâ rhedâ & Socerum & ipsum cum omnibus suis *Medioburgum* invitat; condolet & ipsis & Ecclesiis *Palatinis*; prandio eos excipit blandissimè; hospites ex Pastoribus & alijs Spectatissimis viris, nominatim Vener. *Hermannus Faulkelius*, & piissimus *Wilhelmus Teelingius* frater, similiter ^{συμπράξαντες} testantur; humanissimè cum ipso de varijs disserunt; post prandium consilia ineunt, de ipso ad Scholam aliquam vel Gymnasium adhibendo, donec idioma Belgicum sibi comparet, Ecclesiæque inservire possit. Ipse Ampliff. *D. Quæstor* post alia colloquia, etiam de lingua Belgica, elegans Bibliorum Belgicorum exemplar portatile (formâ 12a.) à Bibliopola per amanuensem curat afferri, & mox, *En Abdia*, inquit, *hoc te libello dono, adventum in Belgium nostrum gratulor; ut Belgico idiomati assuescas, hortor. quod enim Ecclesijs Belgicis in Biblijs enucleandis & tractandis aliquando sis inserviturus videre mihi videor; & hoc precor; confide modo in Domino, qui providebit.* Cùm verò Rectoratum Scholæ *Slusis in Flandria* adeundum, (de quo alii egerant) dictus *D. Quæstor* dissuaderet, & *S. Ministerij* functionem expectandam consuleret, alibi interea commorari visum est. Hinc ergo *Lugduni Batavorum*, salutaris Professoribus Theologis, amore *Academiæ* celeberrimæ, subsistere constituit, quò studiosos quos hospitio excipiat, & cum suis sese in studijs exerceat, donec videat, quid de *Palatinatu* & se futurum; eoque rogat quem, ædes sibi conducatur. Interea *Amstelodamum* pergit cum Socero, qui desiderio flagrabat videndi veteres amicos & notos, quos olim in juventute, & post in Ministerio quadraginta quinque annorum, inprimis *Vesalia & Colonia*, habuerat, vel ex ipsorum familia baptizarat, quorum haud pauci *Amstelodamum* migrarant. Socer & ab his humanissimè excipitur, & ab Ecclesia Gallo-Belgica rogatur, ut istic Rev. *D. Pastoris Doucher*, quod in *Gallias* ivisset, & tam citò rediturus non esset, vices usque ad ejus reditum suppleat. Generum itaque rogat ne se Senem fidus Achatas ac comes in exilio deleat; suadent idem Venerandî

D. Jacobus Rolandus, & *D. Casparus Heidanus*, Ecclesiæ Belgicæ Pastores Seniores, & ipsi olim *Francothaliæ in Palatinatu* Evangelistæ, indeque Socero istic familiariter noti, ut tandem ædibus conductis *Amsterdam* commoretur, persuadent. Hic ergo omni modo Belgicæ linguae sibi comparandæ attentius incumbens, haud diu post à Venerandi *D. Rolandi* filio, *Timotheo* tunc Sponso, semel atque iterum rogatur, ut ejus loco in *Ouderkercke* prope *Amsterdam* concionem habeat; cumque ipse senior *Rolandus* aliquando concioni interfuisset, & de felici successu ad Venerandum Presbyterium retulisset, hujus rogatu in urbe dicere incipit. Missi etenim Venerandi *D. Casparus Heidanus*, & *D. Goswinus Geldorpius*, Pastores Seniores, nomine Ven. Consistorij ipsi sunt gratulati, quod tam brevi tempore expectatione citius, tantum in Belgico idiomate sibi acquirendo profecisset (uni verò Deo omnem laudem & gloriam debet) atq; suadent, ne gravetur subinde vices Pastorum, quorum plures tunc senes erant, subire, quò tum in lingua Belgica fieret expeditior, tum in Hollandiæ Ecclesijs magis innotesceret, siquidem brevi vocationem aliquam oblatum iri non dubitarent. Adhuc cum viri tanti hortarentur & animum adderent, nec hactenus Palatinatus restituendi spes ulla affulgeret, neque ita ulterius in exilio vivere posset, suis penè absumtis, literas dat *Wormatiam*, & consilium petit, an veniâ & pace Ecclesiæ istic suæ vocationem quam in Belgio admittere liceret, utque in hunc finem testimonia mittant, rogat. Responsum est amicissimè, omnes ac singulos ex animo dolere, quod ipso carere oporteat, non tamen posse improbare aut ullatenus ei vertere vitio, ut vocationem quam oblatam aliam in Belgio admittat, quandoquidem *Wormatiæ* tutus non foret, spes sustentationis & restitutionis nulla appareret, interea autem unus atque alter, ex Pastoribus vicinis istic latitantibus, privatim Ecclesiæ membris confirmandis operam commodare possit, donec tandem, quid futurum, eventus det, vel *Palatinatu* restituto, & rebus ipsius integris sic ferentibus, revocandus sit. Ita, inquam, respondent, testimonijs simul missis honestissimis, nominatim Venerandus *D. M. Johannes Cneshius Inspector Osthoiviensis*, tunc Pastor *Lampsumanus*, cujus Inspectioni ex ordine *Neuhusium* subesse consueverat; nec non Prætor *Judicii*, & Seniores *Neuhusiani*, quotquot tunc in urbe supererant. Testimonia hæc singula de ipsius doctrina orthodoxa, vita ac conversatione probata ac grata, abitus necessitate & ratione, testantia ac sigillis suis munita, adhuc dum penes ipsum sunt, atq; ubicumque desiderabitur, produci possunt, præter aliorum civium *Wormatiensium* literas amoris plenissimas; siquidem *Heidelbergâ* occupatâ, & Electorali Senatu Ecclesiastico dissipato, cum hoc agere non licebat. Hinc itaque animo magis libero ac tranquillo

quillo *Abdias* noster *Amsterodami* dicere pergit, jam linguâ Germanicâ loco Rever. *D. Ottonis Badij*, tunc ibidem Pastoris Germanici, aliquandiu decumbentis, jam linguâ Belgicâ in singulis templis, quasi per ordinarias vices, unde non tantum Pastoribus, sed etiam civibus, & Mercatoribus emporii amplissimi primarijs, aliisque magnatibus, (ad quorum aliquos etiam in morbis ipsisque extremis vocatus fuit) familiaris factus, & variis officijs ac beneficijs affectus est, ut eorum non possit non honestè & grata mente meminisse. In *Hollandia* quoque vicina ea ratione innotuit, ut de ipso vocando Ecclesiæ plures deliberarent. *Amsterodami* ipsum aliqui, haud è postremis, detineri desiderant, aliqui idem præ se ferunt, nisi vox exilior esset, & pronunciatio adhuc aliquantum Germanismum saperet. *Hornam* quoque in *Hollandiam Borealem* interea rogatus excurrit, uti etiam *Emdam* in *Frisiam Orientalem*, ubi ipsum sibi Collegam dari optabant Admodum Rev. & Celeberrimi, DD. *Abrahamus Scultetus* & *Fredericus Salmuthus*, Verbi divini Præcones disertissimi, præter Pastores reliquos, uti Vener. Presbyterij literæ, singulorum Pastorum nomine subscriptæ, testari possint, atque hinc vocatio successisset, nisi quæ dissensio, mota ab aliquo suum præferri urgente, causæ remoram injecisset, & Deus ipsum aliorum divertisset.

Mox *Amsterdamum* reversus à pluribus Ecclesijs sollicitatur. *Loenensis* Ecclesia, sub Vener. Classe *Amsterodamensi* è primis, loco sita amænissimo, vocationem offert, eandem offert loci istius Dominus, Nobiliss. Dn. à *Cronenburg*; dum verò lite disceptant de instituendæ vocationis jure, (legitimam enim & ipse expectabat) *Oostzanensis* & *Uytgeestana*, (ambæ Ecclesiæ amplæ in *Hollandia Boreali* sub Vener. Classe *Harlemensi*) de ipso vocando contendunt. *Uytgeestana* autem ipso audito, mox unanimi omnium consensu, unâ cum Pastore Seniore Rev. *D. Nicolao Nicolai*, viro optimo, sed ex hydropo laborante, ideoque rude donato, ipsum prior eligit & vocat. Perspecto præterea pio hujus Ecclesiæ zelo, ejus commendato pacis studio, ac commodiore situ, (cum alter ille magis esset paludoso, aquis singulas ferè ædes & agros interluentibus, unde quoque obtinet ut loca illa dicantur het *Waterlandt*) qui valetudini magis convenire videbatur, vocationis admittendæ spem facit, & re deliberatâ se propediem responsurum pollicetur. Deo gratias agit, & gaudet, quòd tot fluctibus peregrinationum & exilij variè jactatus hucusque evasisset. At gaudium hoc ne esset nimium, alia suboritur tempestas, quasi omnino ipsum tandem in portu submersura. Cum etenim literas, quibus *Uytgeestanis*, ut promiserat, respondit, & operam suam addixit, nautæ curandas commendasset, navi egrediens, tabulâ inde in terram expositâ,

sed à pluvia lubrica decidente, & ipse in fluvium, qui *Amstelodamum* alluit (*Ya* vocatur) delabatur, & totus ferè ei immergitur. Fune scilicet arrepto sese sustinet, donec alij succurrentes extrahunt. Gravissima autem febris mox corripitur, morbis insuper pluribus concurrentibus, ex tot annorum curis, ac difficultatibus coacervatis. Classi *Harlemensi* sistere se non potest, ut pro more de vocatione & vocato cognoscat. Literis itaque datis sese excusat, additis Ecclesiarum *Palatinatus* & *Amstelodami* testimonijs, quibus visis, & accedente plurium Pastorum suffragio, qui ipsum *Amstelodami* sæpius dicentem audiverant, vocatio approbatur, & de proclamatione ac consecratione ordo constituitur. Ad diem 10. Novemb. anni 1624. *Uytgeestæ* jubetur adesse, ut introducatur, & Ministerium adeat, ægerque ac languidus adducitur, ut dubium esset omnibus, uter è vivis excessurus esset prior, an Pastor Veteranus ac Senior, an hic Pastor Novus ac Junior. Mœror animi gravior accessit ex obitu filioli primogeniti, *Johannis Henrici*, qui ipsi in exilio & tot periculis hætenus exantlatis suâ suavitate solatio & recreationi fuerat, in fixam illam sedem cælestem advocati. Morbus quoque ipsius increvit, & aliquot annis cum exereuit, ut, cum singulis tamen septimanis ternas haberet conciones, tandem succumberet, & *Amstelodamum* ducendus esset, quò Medicorum operâ rectius uteretur. In ædes ipsum recipit Honestissimus & Præstantissimus vir, *Johannes à Swolle*, olim Ecclesiæ istic Senior Spectatissimus, ipsique amicissimus. Dei verò Opt. Max. clementiâ ac benedictione, & Medicorum duorum ex Experientissimis manu, atque reliquâ pijsimæ matronæ & familiæ *Swollanæ* curâ, eoque restituitur, ut ad Ecclesiam rediret, & officio fungeretur, etsi morbus necdum omninò cessaret. Valdè insuper ipsum afficit, quòd Adversarij (inprimis *Anabaptistæ* & *Pontificij*) infirmitate ipsius abusi, ut singulos privatim frequentius invisere non posset, conarentur aliquos ab Ecclesia abstrahere. Præsentem tamen Dei gratiam ac virtutem sensit, quâ cum *Iobo* & jacturam rerum, & morbos in se, atque obitum filioli suavissimi, patienter tulit & reliquas difficultates superavit. Plurimum etiam excitabat Ecclesiæ amor ac fervor in concionibus & sacris frequentandis, etiam horis vespertinis, ex vicis in circuitu remotioribus, hiemis quoque tempestatibus neminem avertentibus, sed omnibus, modo non omninò decumberent, vel pedibus, vel equis aut scaphis advolantibus, ut auditorium semper esset frequentissimum. Etsi igitur sæpè præ morbo vix proreperet, & difficulter suggestum conscenderet, conspectâ tamen tantâ auditorij aviditate adeo semper animus erigebatur, ut in concionibus vires ei accedere, imò ipse optimè valere videretur. Et hinc porrò Dei fretus gratiâ non solum in concionibus suos confirmandos, sed etiam

etiam *συσάδο*, ac publicè in ipsorum coetibus Adversarios insolentiores aggrediendos esse statuit. Ab *Anabaptistis* pugnam sacram inchoat, quòd simulatâ suâ & suorum doctorum pietatis specie audaciores, & Ecclesiæ magis molesti & noxij essent. Sperarat autem ipsos quietiores futuros, si semel ipsos adortus esset, & res benè successisset; sed concitati & indignati, quòd ipsorum Doctor, contra quem primâ vice egerat, remissior esset, ac veritati cederet, ipsum postea ultrò provocant, & jam hos jam illos ex Episcopis suis hinc inde contra ipsum evocant, unde concertationes sæpius contra eos continuare cogitur, Dei gratiâ, cum successu optato. Uni etenim Deo omnem dat laudem, expertus manifestè, quàm ipsius potentia in nostra infirmitate consummetur. Inter alia non potest non singularis & prædicandæ divinæ gratiæ & virtutis specimen referre, quòd, cum secundâ vice cum istis hominibus congressurus, & totâ nocte præcedente cum gravissimo febrili paroxysmo luctatus esset, ut non videretur incedere & progredi posse, divinitus tamen confirmatus est, atque cum contra tres simul Episcopos & Exhortatores ipsorum in densissima hominum turba, qui undiquaque confluxerant, idque mediâ ætate, atque æstu valdè urente, majori corporis & animi intentione agendum esset, non tantum adversarios confudit, sed etiam ab eo tempore à febre liber evasit. Colloquijs porrò toties iteratis (quæ vel à Notario publico excepta, vel postea fideliter conscripta, apud *Abdiam* hucusque hærent) id Dei dono obtinet, ut tum Pontificij sibi metuerent & cautiùs agerent, tum Anabaptistæ modestiores essent, nec valdè constaret, quando cætus suos haberent, imò haud pauci de religione vera dubij confirmarentur, & plures ex istis, etiam antea acerbioribus, ad Ecclesiam accederent, & S. Baptismum susciperent; adeoque opus in vinea Domini felicissimè procederet. Plurimum hoc, Deo singulariter benedicente, promotum catechisationibus, quas varias instituit, catechumenis in suas classes distributis, ut tandem in his essent, qui fassus ex S. Literis capita Religionis Christianæ, probare, errores contrarios refutare, imò alios cum fructu docere, & cum Adversarijs ipsis de vulgatis controversijs congregi possent. Inter hos nominatim unus, *Johannes Johannis*, qui ex Anabaptistis antea orthodoxiæ fuerat infensor, at de veritate in conscientia convictus, hanc, Baptismo simul suscepto, professus erat, adeò profecit, ut ad S. Ministerium ex ordine Vener. Classis & Synodi admissus, eoque fideliter functus sit. Nec tantum numero, vel scientiâ sacrâ Ecclesia crevit, sed seriis adhortationibus, crebris visitationibus, & disciplinæ Ecclesiasticæ exercitijs, Dei Spiritu aspirante, Christiana quoque vita magis magisque respondit, ut quasi minus honestum haberetur, si qui viri-juvenes vel puellæ, ex Ecclesiæ membris, cauponis vel choræis interfu-

reïs interfuissent. Ad familiam præterea honestè alendam, stipendio istic tenuiori Pater celestis similiter succurrit, favore ipsi in utraque Hollandia passim conciliato, ut Spectatissimorum virorum filios *Enckhusâ*, *Hornâ*, *Amsterodamo*, *Harlemo*, &c. rogatus in ædes reciperet, in melioribus literis instituendos. Aliquos insuper ferè semper secum habuit S. Ministerij Candidatos, vel à Classibus & Magnis viris sibi commendatos, vel ultrò ipsi cohabitare desiderantes, cum quibus ipsi Theologica exercitia fuerunt exoptata, & conversatio jucundissima, unde noctes ipsum in studijs lucubrantem detinuerunt, quò eis satisfaceret. Erant enim in his viri doctissimi, jam in Academijs & exteris regionibus cum Professoribus eximijs versati, qui postea in *Hollandia* & *Zelandia* Ecclesijs suis cum laude partim præfuerunt, partim adhucdum præfunt. Interea lucis quoque Schola ipsi pro divina voluntate fuit in schola crucis, dum varijs exercitus est adversis, morbis, & funeribus suorum, uti duorum aliorum filiorum *Uytgestâ* in universitatem cælestem promotorum, Venerandi foceris *Leidæ*, honestissimæ focrus *Uytgeestæ*, fratris *Andree* natu maximi in *Sunderhusen* prope *Embdam* Pastoris, charissimæ matris *Bremæ*; Fratris natu minimi *Conradi*, Juris Candidati, ex varijs itineribus & *Constantinopoli* reducis in *Italia* abrepti, & quæ alia *παθήματα* ipsi erant totidem nova *παθήματα*, quibus eo magis ad fidei & pietatis officia excitatus est. Multum tamen in his ipsum erexit Dei munere benedictio, & jucunda consuetudo cum vicinis in *Hollandia* utraque Reverendis Pastoribus, & viris celebrioribus alijs, nominatim in Veneranda Classe *Harlemensi*. Hujus certè haud satis commendare potest exemplarem *εὐταξίαν*, & fraternam concordiam; erga se quoque multis modis testatum favorem & amorem, ut cum pluribus causis Ecclesiasticis curandis, vel dissidiis componendis adhiberet, examinibus instituendis sæpius præficeret, ad Synodos aliquoties deputeret, ac neminem Fratrum norit, qui vel verbulo vel nutu animum minùs benè affectum ostenderit. Ipsi *Uytgeestani* nihil non offerunt ac præstant, ut ipsum sibi devinciant, nec alijs auscultet, qui hinc inde ipsum auditum & vocatum accedebant. Et hinc, cum in suo *Uytgeest*, loco licet aliàs non tam celebri, tam benè lateret, Deoque & Ecclesijs tam opatà quiete terviret, ad loca ampliora non aspirat, forte suâ in Domino acquiescens. Accessit, quòd præter alios labores tum laudata Classis *Harlemensis*, tum Synodus *Hollandiæ Borealis*, ipsi post obitum RR. DD. *Johannis Acronij* & *Danielis Souterij* Pastorum *Harlemensium*, demandavit vindicias pro Orthodoxa Ecclesia adversus mendacia & calumnias alicujus Chronici, quòd Anabaptista *Hornensis*, nomine *Pieter Janssen Twisck* in duos tomos corrasit, hoc ficto specioso titulo, *Chronick van den Ondergang der Tyrannen / ofte Jaerlychse geschiedenisse in Wereltlycke ende*

ijke ende kerckelyke saeken / van Christi geboorte af tot desen tijt toe / wesende een tijdt Chreloor / wonderboeck / en Taerrekening van de voornaemste geschiedenissen des gantschen Werdebodems. &c. Et, instante quidem annis sequentibus pluribus Ven. Synodo, optasset certè ex animo, ut opus cœptum licuisset absolvere; remoris autem subinde injectis gravioribus hætenus id præstare non potuit, ut Vener. Synodum ipsæ reverenter rogarit, vel causam hanc Deo ac tempori committeret, vel onus alijs imponeret, ne toties frustra in Actis Synodalibus recurreret. Inprimis ipsum avocarunt vocationes, & difficultates magis magisque impositæ graviores, uti quivis æquus rerum iudex arbitrabitur, eoque ipsum facilius excusatum habebit.

Dum scil. in his aliisque studiis, & privatis & publicis, laborat, en Novæ Belgicæ Bibliorum Versionis recognitio seu revisio (quoad Verus Testamentum) nomine Ecclesiarum *Hollandiæ Borealis* ipsi simul ab eadem Vener. Synodo injungitur. Alterius est loci altius repetere & plenius exponere, quare, quid, & quomodo de accuratiore Belgica Translatione jam ab initio Reformationis aliquoties tentatum, promotum, & tandem, Dei gratiâ, Ecclesiarum desiderio, & Illustriss. ac Præpot. DD. Ordinum Confœderati Belgij munificâ pietate, absolutum sit. Quid de ea instituenda in Synodo Nationali, habita Dordraci ann. 1618, decretum sit, Acta ejus ad sess. 6, 7, 8, 9, 10, 11, 12, 13. docent. Suffecerit hoc loco in gratiam Lectoris recensere nomina tum Interpretum, tum Revisorum. Interpretes, inquam, V. T. fuerunt, RR. DD. JOHANNES BOGERMANNUS Synodi Nationalis Præses, Pastor Ecclesiæ *Leovardiensis*, & post S. Theol. D. & Professor *Franequæ in Frisia*; WILHELMUS BAUDARTIUS, Ecclesiæ *Zutphanensis* Pastor; GERSON BUCERUS, Pastor Ecclesiæ *Verianæ in Zelandia*, qui tamen sub versione obiit. Novi Testamenti Interpretes fuerunt, RR. DD. ANTONIUS WALÆUS, S. Theol. D. & Professor in Academia *Leidensi*; FESTUS HOMMIUS S. Th. D. Synodi Nat. Scriba, Collegij Theologici Ordinum *Hollandiæ* Regens, & Ecclesiæ *Leidensis* Pastor; JACOBUS ROLANDUS, in eadem Synodo Nat. Assessor, Pastor Ecclesiæ *Amsterodamensis*, qui tamen & ipse sub opere Versionis ante Revisionem obiit. Revisores præter dictos Interpretes circa Verus Testamentum, juxta ordinem Provinciarum, hi erant: Ex *Geldria* ANTONIUS THYSIUS, S. Theol. D. & ejusdem Professor, antea in Illustr. Schola *Harderwici in Geldria* (eoque in Synodo Nat. hujus nomine deputatus) tunc verò in Academia *Leidensi*; ex *Hollandia Australi* JOHANNES POLYANDER, S. Th. D. & Prof. itidem *Leidæ*, atque ibidem Ecclesiæ Gallo-Belgicæ Pastor; Ex *Hollandia Boreali* hic ipse ABDIAS WIDMARIUS, tunc Ecclesiæ in *Uytgeest* sub Classe *Harlemensi*, post *Goudæ* in *Hollandia Australi* Pastor, inde S.

Theol. & Hebr. Lingue Professor, simulque Pastor *Harderwici in Geldria*, hinc S. Th. D. & Prof. in Academia *Groningana*: ex *Zelandia* JACOBUS LARENUS, Ecclesiæ *Vlissinganæ* Pastor: *Ultrajecto* ARNOLDUS TEEKMANNUS, Pastor Ecclesiæ *Ultrajectinæ*: ex *Frisia* BERNHARDUS FULLENUS, Pastor *Leovardiensis* Ecclesiæ: Ex *Transisulania* JACOBUS REVIVUS, tunc Ecclesiæ *Daventriensis* Pastor, post *Leidæ* Regens Collegij Theologici Ordinum *Hollandiæ*: *Groningâ* FRANCISCUS GOMARUS, ibid. S. Theol. D. & Professor. Novi Testamenti Revisores præter suos Interpretes erant, è *Geldria* SEBASTIANUS DAMMANNUS, Pastor *Zutphaniensis* Ecclesiæ, & ipse Synodi Nat. Scriba: ex *Hollandia Australi* JOHANNES ARNOLDI LINDANUS, Ecclesiæ *Delphensis* Pastor; *Boreali*, GUILHELMUS NIEUHSIUS, Rector *Harlemensis* Scholæ: ex *Zelandia* CAROLUS DEMATIUS, antea Pastor Ecclesiæ *Middelburgensis*, post *Ultrajecti* Academiae S. Theol. Prof. & Ecclesiæ Pastor: *Ultrajecto* LUDOVICUS GERHARDUS à *Rensse*, tunc Pastor Ecclesiæ in *Maerssen*, post *Bredæ* Ecclesiæ Pastor, & S. Theol. Professor: è *Frisia* BERNHARDUS FULLENUS, qui idem jam inter Revisores Veteris T. est nominatus: Ex *Transisulania* CASPARUS SIBELIUS, Ecclesiæ *Daventriensis* Pastor: *Groningâ* HENRICUS ALTINGIUS, antea *Heidelbergæ* in *Electoralis Palatinatu*, tunc *Groningæ* S. Theol. Doctor ac Professor. Interpretes illi Veteris T. *Leidam* conveniunt ann. Ch. 1628. atque initium suæ Interpretationis fecerunt: anno proximo eos secuti sunt alteri isti in Novo. Peractâ itaque ab illis translatione V. T. ad instantem annum 1633. ex decreto Illust. & Præpot. DD. Ordinum è singulis Provinciis *Leidam* simul evocantur dicti ejusdem Revisores: cumque hic *Abdias Widmarus* à Ven. Synodo *Noort-Hollandiæ*, anno præterito 1632. *Hornæ* habita, surrogatus esset in locum demortui Rev. D. Jacobi Rolandi, (qui similiter Rev. D. Petro Plancio Pastori ejusdem Ecclesiæ *Amsterodami* ad Recognitionem V. T. successerat) & ipsi literis Illust. & Præp. DD. Ordinum *Hollandiæ* datis *Hagæ Comitum* 22. Decemb. ann. 1632. imponitur, ut se quamprimum paret, & ad Cal. Jul. ann. 1633. juxta Interpretes & alios Revisores designatos *Leidæ* sistat, ad Revisionem operis tam sancti & diu desiderati perficiendam. Literis porro additis RR. DD. Interpretes duo superstites (Rev. Gerson Bucerus ferè sub finem peractæ interpretationis obierat) mittunt versionis suæ exemplaria examinanda, quæ tamen demum 13. Februar. ann. 1633. redduntur. Inexpectatum omnino hoc ipsi accidit, siquidem, quàm sibi ad tantum opus curta esset supellex, optimè norat. Interea adorans Dei providentiam, atque erga se indignissimum omniumque infimum servum gratiam, non potest

potest non eidem Deo omnium Moderatori, Ecclesijs & harum nomine Synodo, atque Summo Magistratui suo obsequi, & in Domini timore ac tremore, onus quidem grave ac arduum; tam verò simul sanctum & utile subire, assiduis animi suspiriis Spiritus Sancti implorans gratiam ac virtutem. Mox itaque dimissis convictoribus, rebusque alijs compositis, dies noctesque sacro labori impendit, quò tum paratior accederet, tum unà cum reliquis RR. DD. Collegis pari passu procederet. Ipse etenim ferius adhibitus est, cum alij Rev. & Cl. DD. Revisores ad singulas transmissas partes se diutius ante commodius parare potuerint. Ordine quoque de Ecclesia à Ven. Classe *Harlemensi* constituto, ut scilicet Pastores ex ea reliqui vices suas, dum domo abesset, supplerent, familiam etiam, & nominatim uxore partui proximam, vicinis & amicis commendatam, pridie Cal. Jul. ejusdem anni 1633. *Leidam* profectus appulit. Eodem dicti reliqui D. D. Revisores unà cum Interpretibus conveniunt, & de ordine ac modo agendi deliberationibus & constitutionibus præmissis, opus in nomine Domini serio & sanctè, indefesso labore singulis diebus ante & post meridiem, in ædibus Ven. *D. Boggermanni* Præsidis peragunt, tandemque Dei gratiam feliciter absolvunt mense Septembri anno Christi 1634. à quò Interpretes ac Revisores Novi Testamenti successerunt; & toti operi finem imposuerunt mense Octobri anno 1635. Quid hic noster suo loco pro modulo contulerit, non est quod jactet: imò nihil omnino in se esse asserit, quod gloriatur. Nihil, inquam, sibi arrogat, sed quicquid præstitit, uni divinæ gratiæ in solidum ascribit. Gratias interim Deo agit ex animo, quod se ex abjectissimis & minimis servis suis tantam dignatus est gratiam, ut isti summorum in Ecclesijs Confoederati Belgij Theologorum Collegio interesset, de tot gravissimis Veteris Testamenti locis judicia limata cognoscere, & de difficultatibus pluribus conferre liceret. Gratulatur quoque sibi de probata Deo conscientia, Ecclesiæ fide, & tantis luminibus diligentia ac sedulitate, quam in ipso simul nominatim commendat, qui vitam *D. Walæi* p. m. ejus operibus additam, descripsit, & in ea de Versione Bibliorum Belgica historiam recenset. Et licet primo accessu non videretur ab uno vel altero tanti fieri (quis enim iste natione Germanus, conditione Pastor ex agro *Caninefatum Noort-Hollandiæ*, existimatione cum nemine aliorum comparandus, aspectu nullus?) sub ipso tamen opere eum magis magisque amplexi sunt, omnia humanitatis & amicitiae officia ei exhibuerunt, & quam fideliter Spartam suam exornaret, & quantum usum in Belgico quoque idiomate accuratiore sibi comparasset, ad alios ultrò testati

sunt, ut in felicitate non minima istam tantorum virorum amicam consuetudinem, & aliqualem in publicas Ecclesias collatam opellam habeat, ejusque non possit sine animi lætitia & laude divina meminisse. Quam enim lucri & emolumentum exinde parum, imò nihil, sibi cesserit, ex nonnullorum iniquitate, mavult tacere. Quanti verò ipsius studium & operam imprimis æstimarint RR. DD. Interpretes, eo præterea comprobant, quod ipsum nominatim commendarunt, qui operi prelo edendo adhiberetur, si, peste tunc *Leidæ* vehementissimè grassante, sibi quid humani eveniret, quod ipse in toto opere ad omnia attendisset, ad suum exemplar, quæcunque mutata essent, ipsemet annotasset, in adversaria quoque sua præcipuas observationes exceptas retulisset, & ferè omnium rationem posse reddere videretur. Nec tantum in principio, cum prelum admovendum esset, de pluribus commonefecit, sed etiam, à quo Biblia ista Belgica Nova primum prodierunt, quod factum ann. Ch. 1637. multa tubinde notavit, & maximè post Vener. Synodum *Hollandiæ Roterodamensem*, anni 1641. In hac scilicet de commissis erratis typographicis coeptum est agi, atq; hinc ipse integrum opus denuo privatim recognovit, & primo suo exemplari Belgico collato, errata ex universo opere collegit. Editionem horum cum historia totius Translationis, ejus defensione, erratorum syllabo & excusatione, & de alijs, quæ ulterius desiderari possint, causis eorum monstratis, *ὁ δὲ δὲ*, meditatur, nisi prævenierint alij, cum Operis Sanctissimi honor hoc postularit. Minati quidem nonnulli initio sunt multa, & arrodere aliquis annotationes conatus est, sed frustra hactenus; imò à plerisque Doctioribus, & magis Candidis ex quibusvis Adversarijs, opus magni fieri & commendari manifestum est. Solius Episcopi, Orthodoxæ Ecclesiæ in Belgio infensissimi, judicium ac testimonium in Institutione sua inter Opera Theologica de ipsa Translatione omnium vicè esse possit, etsi notæ ad ipsius non sunt palatum.

Soluto itaque isto spectatissimo & amicissimo Collegio, & singulis ad suos revertentibus, ipse quoque cum Bono Deo ad tuam festinavit Ecclesiam in *Uytgeest*, secum simul reductâ familiâ, quam propter moram absentiae diuturniorem *Leidam* accessiverat. *Uytgeestani* obviam facti ipsum cum suis reducunt, cum gaudio & mutua comprecatione recipiunt. Ad labores & curas itaque redit etiam ordinarias. Discipuli & convictores se insinuant partim priores, partim insuper alij. De ipso hinc vocando laboratur amplius *Leidæ*, *Harlemi*, *Goudæ*, *Hagæ Comitum*. &c. Urgetur quoque porro ad continuanda extraordinaria, ad supra dictas vindicias contra Anabaptistas, ad Belgicorum Bibliorum reliquam adorationem, ad eorundem in idioma *Germaniæ* Superioris translationem, quam Typographus aliquis expetebat, & ad quam,

ad quam, viso & approbato jam aliquo specimine à Vener. & Clariss. DD. *Bogermanno* & *Altingio*, alii hortabantur. At hæc ipsa varia moles ipsum obruit, ut perficere non valeret, & à *Germanica* translatione ultra absterruit, quod de *Germania* & Ecclesijs in ea Orthodoxis restaurandis, tunc spes magis magisque excideret. Accessit à laboribus & vigiliis valetudinis adversitas, dum catarrhi violentiores corpusculum infestant, & doloribus intensioribus macerant. Avocat autem ab omnibus istis cœptis studijs vocatio *Goudana*, antehac aliquoties tentata, tandem, necessitate sic adigente, in actum deducta.

Est *Gouda* è sex Majoribus, uti olim loquebantur, *Hollandiæ* Urbibus notissima, amœnissima; ab aquis pleraque plateas interluentibus saluberrima, omnibus rebus ad victum & externa bona felicissima, curiam habens in medio amplo toro spectabilem, templum in tota *Hollandia* facile amplissimum &c. At hoc uno multis alijs infelicior, quod inde à prima Evangelii Reformatione ferè semper Ecclesiam habuisset pressam & Religionem laborantem, tum ab hæresibus & sectis omnis generis, tam comodo loco nidum ponentibus ac toleratis, tum ab internis dissidijs, vel Ecclesiasticis; vel Politicis, quæ sese ut plurimum in mutuas partes adversas abripunt. Vetera repetere non est hujus loci. Quæ istuc hunc nostrum vocandi causa; ipsique eundi necessitas fuerit, non potest præterire. Ab aliquot annis novum erat ortum incendium, quo & Ecclesia & Politia schisma grave patiebatur. Pastor alius ab Ecclesiasticis, alius à Magistratu erat ejectus. Odio flagrabant omnia. Ecclesia Pastoribus, Politia Justitiâ destituta videbatur. Singuli suos habebant, qui nihil non pro suis molirentur ac agerent. Cum ergo conclamatum videretur, per DD. Deputatos & Classis & Synodi causa deferretur ad Illustr. ac Præp. DD. Ordines *Hollandiæ*, ab his commendatur Illustriss. Principi Auraco, Fortissimo *Henrico Friderico* fel. mem. Hic assumtis viris Prudentissimis, ex Advocatis Consiliariis & Presbyteris Gravissimis magnæque auctoritatis; atque partibus *Hagæ Comitatus* citatis, & omnibus probè perspectis, anxniam sancit, ad certos articulos pacem ac concordiam reducit, ad Ecclesiam verò instaurandam consultum judicat; ut Pastor, *D. Isaacus Abbama*, qui unus supererat, sed ab Ampliss. Magistratu remotus fuerat, muneri quidem suo ob honorem Ministerii & Ecclesiastici Ordinis restituatur, sed hoc sese mox eodem quasi sponte abdicante, tres Pastores alij simul vocentur, quibus nihil unquam cum istis litigijs fuerit commune. Ordine itaque legitimo proceditur. Presbyterium, approbante Ampliss. Senatu urbis, antegressis consilijs & commendationibus Illustriss. Principis & dictorum Consiliariorum, ex *Hollandia Boreali* eligit & evocat hunc ipsum *Abdiam Widmarium* (quem jam ab

aliquot annis desiderarant) *Nathanem Vogelsangium*, & *Jacobum Sceperum*. Dimittere illum *Uytgeestani* erant difficillimi, & ipse pacis studiosior tantæ tempestatî sese committere haud erat facilis. Cùm autem Ven. Classis *Harlemensis* ipsius operam Ecclesiæ *Goudanæ* necessariam esse pronunciaret, & præterea Literarum Illustriss. Principis & RR. DD. Deputatorum Synodi *Hollandiæ Australis* suavoriæ & commendatitiæ urgerent, & istis & huic acquiescendum fuit. Ægerrimè tamen ab invicem divelluntur, & non sine fufissimis omnium lacrymis, maximè cùm Ecclesiæ concione, de toties ei dicta vulgata Benedictionis formula (Numer. vi. 23.) benedicens, valediceret. Hujus autem Ecclesiæ memoria ipsi multis nominibus est sacra ac grata; & vicissim sui memoriam *Uytgeestanis* in hunc usque diem esse jucundam sæpius est compertum, præter testimonia honestissima Ven. Classis, & Ecclesiæ, & Judicij Politici. Indicio inter alia unum esto. Cùm postea istic quoque grave dissidium ac schisma ortum esset, nec à Ven. Classe tam facilè sopiri posset, partes utrinque in suum *Abdiam* compromittunt, quod in ejus arbitrio omnes acquieturi essent, ideoque ipsum obnixè repetunt, additis ad *Goudanos* literis, cum approbatione Ven. Classis, ut tamdiu redire concedatur. Avidè expectatus tanto omnes ac singulos à se pendere affectu experitur, ut intra bihorium omnia ex voto & prospero cum successu expediret. Tantum scilicet refert Dei beneficio, Pastoris fidelitatem Ecclesiæ esse plenè probatam, ut sibi omnium animos pio amore habeat devinctos, & ad saniora consilia obsequiosos.

Goudam quando venit, honorificè exceptus unà cum dictis Collegis introducitur 16. Maj. ann. Chr. 1638. (altero illo Pastore priore Ecclesiæ simul valedicente) unde ipse mox post meridiem suo & Collegarum nomine concionem habet ex Rom. xiv v. 19. & S. Ministerium istic Dei gratiâ aggreditur. Quàm adhuc singulorum animi distracti fuerint, quàm ipsi & Collegis variorum & graves sæpius audiendæ querelæ, quantæ superandæ difficultates, quot labores impendendi, ut Ecclesiam dissipatam in unum recolligerent, & ad S. Cœnæ communionem reducerent, à qua plerique per annos plures abstinerant, omniaque restituerent, nemo satis effari possit. Quid nominatim *Abdias* præstitit, mavult tacere, cùm nihil sibi, sed omne gratiæ divinæ debeat. Jucundum ipsi interim est, quàm, Collegis concorditer agentibus, Ecclesia accreverit, floruerit, etiam catechisationibus introductis, visitationibus Orphanotrophiorum institutis, concionibus extraordinarijs in Sophronisterio &c. habitis. Collega uterque huic nostro se ostendebat addictissimum, ut alter præ altero æmulus sibi vellet solum, & præter eos Rev. & Doctissimus Dn. *Carolus Everwinus* ipsi erat familiarissimus. Ampliss. Urbis

¶ Ecclesiæ Gallo-Belgiæ Pastor

Magistratus

Fuit quoque Rev. & Doctiss. D.
Abrahamus Hertogius, Ecclesiæ
vicinæ in *Sluyswijck* Pastor
Goudæ habitans.

Magistratus omnem favorem sæpius est testatus, atque ipsum mox ab initio Scholarchis, seu Scholæ Curatoribus, viris Consultissimis & Excellentissimis, adjunxit. Si quis alienior unquam sit visus, omninò factum, vel quòd Religioni non sincerè addictus, vel ab aliquo delatore deceptus esset, culpam, quâ ipse tenebatur, in innocentem transferente. Vener. Classi de honore aliquoties sibi exhibito gratias agit, uti ipse quoque ordinis & pacis studiosissimus de omnibus benè mereri studuit, etsi per *Diotrephen* aliquem nonnulla ἀτάκτως fierent, unde etiamnum dolet, quòd jussu Presbyterii ann. 1639. in Vener. Synodo *Leidensi* libertatem & jus Ecclesiæ *Goudanæ* unà cum Collegis vindicare coactus fuit. De Ecclesiæ certè totius amore, Dei beneficio, sibi gratulari potest, quam sibi fideliter docendo, assiduè visitando, officia quævis præstando, maximè habuit devinctam, ut ex varijs etiam Adversarijs aliqui ipsum admitterent, & Ecclesiæ sese jungerent. Vener. Synodis *Hollandiæ Australis* se quoque multis rationibus obstrictum profitetur, quæ ipsum sæpius humanissimè habuerunt, & per aliquot annos, præter S. Theologiæ Professores *Leidenses*, deliberationibus adhibuerunt in dissidio *Bremensium* ab Universalis Gratiae Patronis exorto &c. unde ipsum quoque Synodus *Goudana*, etsi ei non interesset, anno 1640 Correspondentiæ (ut vocant) in Frisiam designavit; anno proximo 1641. Synodus *Roterodamensis* Assessoris loco dignata est, atque denuò ad Correspondentiam delegavit ad Synodum *Groningæ & Orlandiæ*.

Hac occasione *Groningam* delatus à Vener. & Clarissimo D. *Henrico Altingio*, verè Theologo, Orthodoxo ac Solido, olim *Heidelbergæ* Præceptore suo, & post toto vitæ tempore, fautore & amico intimo ac integerrimo, in ædes excipitur. Ab eo ad Nobiliss. & Ampliss. DD. Curatores Academiæ adducitur, ignarus hætenus, quâ de causâ; tandem tentatur multis rationibus, ut Professionem Theologicam in locum Ven. & Celebrerrimi D. *Francisci Gomari*, quam speraret offerendam, susciperet. Renuit tunc ipse, *Goudâ* se nunquam abiturum ratus, quòd ibi sedem fixisset, atque commodiùs & quietiùs Ecclesiæ serviret, atque tenuitatem suam agnosceret. Non potest non sacra ipsi esse recordatio tanti viri, & sermonum, quibus secum de scriptis ac rebus suis, ut aliàs, ita isto postremo colloquio egit familiarissimè. Verissimum autem est expertus illud Regis Sapientissimi, *Anima hominis excogitat viam suam, sed Jehova statuit gressum ejus*. Vix enim *Goudam* est reversus, inter duos Collegas Juniores magis magisque gliscit æmulatio, & alia sese igni fovendo & excitando immiscent, ut omninò in apertum incendium esset erupturum, cui, quòd hætenus fecerat, cavendo haud amplius par futurus, sed ipse potius, etsi absque omni sua culpa, invol-

pa involvendus videbatur, accedentibus unius atque alterius Religioni minus addicti sinistris susurris & comminationibus. Ex animo itaque contristatur: omnia declinandæ tempestati consilia inquit: Deum, ut viam monstraret, dies noctesque sollicitus veneratur. Quid tandem! Omnino inexpectatò offertur & commendatur Profectio Theologica & Hebræa in Illustri & Academica Schola Geldro-Velavica *Hardervicensa*, & ibidem in Ecclesia SS. Ministerium. Hæret dubius, ac rationibus utrinque urgetur. Invocato Dei nomine amicos in consilium vocat *Leidæ*, *Amsterdam*, *Groningæ* &c. Suadent omnes, suis singuli rationibus. Instat eundo, redeundo, & causam promovendo Nobilissimus & Amplissimus D.D. *Johannes à Wynbergen*, alter ex Curatoribus, donec, quæ erat suadâ, expugnat, ut hætenus assensum præberet, quoad Professiones (de Ministerio visurus, ubi Ecclesiastica accederet vocatio) si honestè dimitti possit. Difficultates haud leves obijciuntur à Ven. Presbyterio, & ab Ampl. Magistratu, maximè quòd *Abdia* suo dimisso discordiam & divisionem erupturam præviderent. Sperat autem ipse, alio erudito, pio, & pacifico viro sibi substituendo posse succurri. Tandem igitur, Nobiliss. Curatore causam strenuè persequente, in dimissionem consentitur, modò tamdiu maneat, simulq; consiliis adsit, ut talis vir ipsius loco electus sit. Et eligitur sanè talis à Presbyterio, quem probè norat, & confidebat tempestatem aversum esse (*Amsterdam* jam Pastorem agit fidelissimum); at verò approbatio, à Magistratu & Classe desiderata, variis artibus protrahitur in *Abdia* abutitur, à quo omnia redduntur irrita, unde postea inter Collegas collisio ac divisio gravior successit, quæ Ven. Synodis proximis annis negotium faceffit; donec tandem omnia composita sunt, alterò Collegarum etiam ultrò aliorum secedente. Interea ipse optima quæque expectans, & honestissimis testimonijs à Presbyterio, Magistratu, Classe ornatus, ædibus suis divenditis, & rebus præmissis, *Goudanis* valedicit 28. Aug. ann. 1644. concionibus ante & post meridiem, ex Zachar. 8. v. 19. p. ult. omnibus ac singulis sanctè commendans & comprecans *veritatis & pacis amorem* ac studium. Quanto cum mœröre & sollicitudine totius Ecclesiæ & omnium bonorum abierit, non potest eloqui, ut, etiamsi summo mane curru ex urbe portâ vicinâ egressus esset, ne concursu ullorum detineretur, mox tamen duo è Consulibus, Viri Magnifici, Optimi, deque Ecclesia & Politia optimè meriti, per apparitorem celerrimo cursu ipsum ad extrema mœnia juberent subsistere, atque cum ipso ulterius agerent, quantum mœtuerent, & quid consilij daret, peterent. Et hoc magis postea sæpè doluit, quod spe & voto suo falsus fuit, Deum rogans gratiam ac veniam, tum sibi, si quid peccarit; omnino tamen contra propositum, tum alijs, qui Ecclesiam turbarunt. Quàm enim aliàs

enim aliàs ægrè inde discesserit, novit, qui novit & judicat omnia; præterquam quod amœniorem & longè lautiorẽ stationem defereret, ut suspiciones ac calumnias, quasi ampliore stipendio in Geldria obtinendo dimotus fuerit, facilè rideret.

Hardervici inauguralem habet *de Urim & Thummim* in frequenti & splendida panegyri 13. Jul. an. 1644. Professiones, Dei gratia, Theologica & Hebræa, uti quoque Disputationes & Collegia, eodem Deo benedicente, procedunt. Ubi semel atque iterum rogatus in Ecclesia dixisset, ad Ordinarium insuper Ministeriũ legitimè vocatur, idque suscipit, modò sibi concedatur immunitas à deputationibus ad Classēs & Synodos, à concionibus dierum, quibus Scholæ inserviret, à visitationibus ordinarijs: atque ita vices suas pariter ordine suo subit, tum in concionibus, tum in catechisationibus, quæ istic quoque tunc introductæ sunt. Valdè ipsum reficit Nobil. & Ampliss. Consulum & Procerum insignis humanitas; Collegarum in Ecclesia ac Scholæ concordia & conversationis suavitas, Studiosorum & civium ad officia facilitas. Animus proinde nihil cogitabat minus, quàm ut inde revocandus esset. At verò & hîc Dei manum se huc illuc trahentem, retrahentem, manifestè sentit. Vener. & Celebrerrimus Theologus, *D. Henricus Altingius, Groningæ* moritur, ipso ante obitum denuò commendato Nobiliss. & Ampl. Academiæ Curatoribus. Huic itaq; qui noluerat esse Collega, tandem successor ex ipsius simul consilio vocatur. Rev. & Cl. *D. Jacobus Altingius* filius, ibidem Professor linguæ Hebrææ, post etiam Academicus Ecclesiastes, ablegatur, ut pro interiore & hæreditaria amicitia vocationem persuadeat, additis literis à Rev. itemq; Celebrerrimo Theologo *D. Samuele Maresio*, tunc Academiæ Rectore, humanitate & officiorum oblatione plenissimis. Difficultates obstabant aliquot, ad quas, nomine Nobiliss. & Ampl. DD. Curatorum, Clariss. *D. Maresius* Rector Magnificus respondens satisfactionem pollicetur. Unum porro potissimum restabat, quod tam brevi tempore istic fuerat. Cum verò *Cl. Altingius* literis instructus ad Curatores, Presbyterium, Magistratũ *Hardervicenum*, Illust. Ordines *Velavie*, tum istic, tum *Hagæ Comitis & Arnheimæ* (alteris etiam nihil non offerentibus, ut detinerent) nihil non ageret, dimissionem ipsius tandem impetrat, idque hoc facilis, quod spes aliunde facta erat, de Clariss. *Dn. Matthia Pasore*, Matheseos & Philosophiæ Moralis Professore, vicissim *Groningâ* in ipsius locum impetrando, qui etiam post vocatus successurus erat, nisi detentus fuisset, & ipse simul tertio loco ad Professionem Theologicam assumtus, quod tamen huic nostro postea eo gratius fuit, quod ipsum olim *Heidelbergæ* in Sacris studiis commilitonem & familiarem habuerat. Inter alia autem ipsum maximè permovet, quod in florentissima Academia, unà cum Clariss. Collegis Orthodoxi-

iam, adeoque Ecclesiam, Deo pro sua gratia tenuitati ejus porro benedicturo, promoturus, suisque, cum unicum istic fratrem haberet, propius adfuturus videretur, ignorans hactenus, quod brevi *Hardervici* propiores habiturus esset, uti post innotuit. *Groningani* suis rationibus ipsum urgent, ut quamprimum adsit ad inaugurationem, ordinem in Facult. Theologica, aliaque constituenda, siquidem feriæ majores instent, & alius præterea Professor Juris expectetur. Festinat ergo, atque, sic postulante ordine ac more Academicarum, Gradum ac titulum in S. Theologia Doctoris, quem hucusque fugerat, admittit, Promotore Admodum Rev. & Celeberrimo DD. *Samuele Maresio*, tunc (ut dictum) Academiae Rectore Magnifico, & hinc iv. Jun. inaugurali oratione tradit Columbam, Spiritus S. hieroglyphicon, ex illa celesti inauguratione Christi, & manifestatione Sp. S. specie columbe ad ejus Baptismum &c. in frequentissima Panegyri ex omni Ordine. *Hardervicum* reverso, & res suas ad abitum componenti, remoram, cum ipsi *Groningam* introducto omnino non posset amplius, quoad filiam natu maximam, *Saram*, injicit Rever. & Doctiss. D. *Hermannus Velingius*, Ecclesiae *Hardervicenaë* jam per sex annos fidelissimus Pastor cælebs, ipsiusque proinde ibidem in S. Ministerio Collega. Non passus eam à Patre simul abduci, quam honestè, à quo istuc venerat, amare cœperat, tandem animum aperit, eamque sibi in uxorem dari expetit. Fortè ipsimet detinendo remora fuisset fortior, si se prodidisset maturius: cum verò Pater neque pedem retrahere, neque filiam petenti denegare posset, hanc potius posthabere, & quamprimum licuit, in sanctè suscepto vocationis proposito progredi oportuit. Ita scilicet nihil his in terris ex omni parte est beatum, & quæ Dei sunt, nobis & nostris præferenda esse divina docet Providentia.

Groningam igitur, honestis è *Geldria* reportatis testimoniis Ampl. Senatus Scholastici, Nobiliss. DD. Curatorum, uti quoque, Nobiliss. DD. Consulum, & Vener. Consistorij Ecclesiastici, cum familia reliqua demum aliquanto post expiratas Academicas ferias migrat, atque in Nomine Domini Professionem Novi Testamenti inchoat. Ex hoc scilicet hactenus ordinariè lectionibus publicis textus selectos, ac difficiliores, magisque controversos explicat, à variis corruptelis Adversariorum quorumvis, maximè *Neo-Photinianorum*, seu *Socinianorum*, & nominatim postremo *Enjedini*, vindicat, atque loco, tempore, & Auditorio sic exigente, subinde ad Praxin Sacram applicat. In publicis Theologicis Disputationibus pro modulo quoque suo officium bonis probatum confidit. In privatis Institutionibus, Collegiis, & Exercitiis, Didacticis, Elencticis, Examinatorijs, Biblicis variis, Analyticis, Conciliatoriis, & nominatim Practicis Propositionum, quas vocant, nequicquam in se jure desiderari patitur, præter alia liberalia humanitatis & æquitatis officia, unde etiam

eriam de ingenuorum Studiolorum vicissim amore est certissimus. Et hoc facilius fert, quod hinc in Ecclesia Belgicè docenda non adhibetur, maximè à quo anni ingravescent, & vires corporis decrescunt; in Dei voluntate ac gratia animo grato acquiescens, quod saltem per alios à se fideliter instructos Ecclesias plures passim docet, & docturus est, quamdiu Domino, & ipso Servo suo, & istis uti placuerit, ut opellam suam non tamen omninò inutilem vel esse vel fore speret in eodem suo Domino. Nec verò interea nihil hinc in Ecclesia agit, sed quomodo olim in Vet. Test, Sacerdotes ab anno quidem ætatis quinquagesimo à laboribus in mactandis & offerendis victimis immunes erant, consiliis tamen & curis reliquis aderant: ita Vener. Presbyterio hinc quoque placuit inter alios viros Graves & Spectatissimos ipsum ^{per reliquam} adsciscere ad Regimen ^{vita tempus} Ecclesiasticum. Et hoc sanè, ut favoris & judicij de se honorificum testimonium, admittit, modò dignitas S. Ministerij sibi maneat illibata, ne ad vulgarem Levitarum ordinem censeatur omninò relegatus, quod proinde & cautum, & in Acta relatum. In Academia ab ann. Ch. 1647. in ann. 1648. Rectoratus, Dei gratia, ipsi satis quidem fuit tranquillus, etsi difficilioribus Provinciæ temporibus, ut, præter Illust. ac Præp. DD. Ordinum Generalium Nobiliss. & Consultiss. DD. Delegatos, ipse quoque Illustriss. Princeps Auracus, *Guilhelmus p. m.* adesset, ad divisionem tollendam. Luctuosus tamen fuit à funeribus, tum sui *Petri Bourgesij*, uxoris ex fratre nepotis, tum plurium ex omni Ordine, Consulum, Curatorum, Professorum, Studiosorum &c. Jacturam insuper Academia verebatur, quod unus & alter è Professoribus ad novam Academiam *Geldro-Zutphanæ*, ex Illustri Schola *Hardervici* tandem erectam, vocatus esset, nisi alter persuasus ultrò renunciasset, alter (Experientiss. DD. *Antonius Deusingius* Med. D. hujus nostri etiam antehac *Hardervici* Collega conjunctissimus) à Nobil. & Ampl. DD. Curatoribus ac Proceribus quasi retractus & detentus esset. Anno Chr. 1652. filiam natu secundam, *Annam*, desponsat Rever. & Doctissimo D. *Guilhelmo Wiermanno*, Pastori Ecclesiæ in *Nunspeet*, proximè *Hardervicum*, quò sorores sibi magis vicinæ solatio & auxilio essent, duabus reliquis filiabus Parentibus piè ministrantibus. Nobiliss. & Ampliss. DD. Curatoribus ac Proceribus multis sese nominibus fatetur obstrictum, eisque se & suos posthac, quoque commendatos fore non dubitat. Nominatim aliquorum è Proceribus & Magnatibus prædicat insignem humanitatem & facilitatem interioris & liberioris admissionis, atque ex his unum atque alterum vel abiisse vel obiisse luget. Inprimis ipsi jucunda est amica & familiarior consuetudo cum Rever. Consultiss. Experientiss. & Clarissimis

omnium Facultatum Professoribus, Collegis sibi omnibus ac singulis plurimum honorandis.

Atque ita se habent *Abdia Widmarii* in his terris peregrinationes perpetuæ, huc usque, quando hæc scribuntur, Dei beneficio productæ in annum ætatis ipsius LXIII, qui vulgò Climactericus & simul Enneaticus, adeoque præcipuè senibus gravis censetur, & hinc cuidam (an jure, an injuria?) *Andraclas* dictus.

Quantas sui & rerum humanarum revolutiones in hoc sublimari Orbe observarit, facile est colligere. Ipse certè in se singularis variæ ac paternæ Dei providentiæ adorat exemplum, quodque omnis annorum hominis excellentia sit *labor ac dolor*, cum Magno Mose, Dei viro, agnoscit. Nominatim homines didicit plerunque mutari levissimè, ut amici sæpe sint minùs amici, ideoque inter illos vitam judicet tutissimam, sua fideliter agere, multa patienter ferre, Deo suorum tutori, vindici, & de omnibus providenti unicè confidere, atque illud Davidicum ingeminare, *Doceme, Jehovah, viam tuam, & deduc me per semitam planam, propter observantes me.* Et gratulatur quidem sibi maximè de vera ac salutari fide ac pietate in Deum, & Servatorem Christum, Dominum suum, Spiritus Sancti gratiâ ac dono, agnita & constanter asserta; quodque sibi non sit conscius ullius justæ alijs datæ offensionis aut scandali, facile aliàs deprecaturus, & sanctè semper caverit, ne ulli se muneri illegitimè ingereret, vel, ceu *ἀλλοτριεπίσκοπος* aut *πολυπράγμων*, alienis rebus aut litibus se immisceret; vel divitiis aut inani gloriolæ inhiaret, veritus illud de talia quærentibus dictum Dominicum, *Retulerunt mercedem suam*: absit tamen, ut in hujusmodi se justificatum putet, vel ullatenus gloriatur, aut de alijs temerè judicet. Miserrimum se potius confitetur peccatorem, ut si litigare cum eo velit Deus, huic non possit respondere ad unum ex mille (*Aberrationes suas quis intelligat?*) eoque omnem suam justitiam ac salutem sitam profiteretur in Jesu Christo, ex mera Dei gratia, & sic unicè gloriatur in Domino. Ad scripta publica se hætenus non fuisse pronum agnoscit, etsi nullatenus ociosus, tum quod sit timidior, indeque tardior, tum quòd meliora jam extent, ipseque aliorum ingenia ac dotes semper magis suspiciat. Ad alia tamen quæ contulit, tacet, & quæ partim edidit, partim huculque pressa edi possint, subjiciuntur. Quod reliquum est, sicut peregrinus ad patriam, & servus ad umbram aspirat, & sicut mercenarius expectat, dum fecerit; ita & ipse, quandocunque Deo placuerit, (qui unus nullis naturæ terminis aut annis alligatus, unicuique homini determinationes fecit, quas non transgrediatur) Dominum ac Servatorem suum servus anhelus, & desiderans, ut in permanentem illam civitatem, sub umbram arboris vitæ, ad æternam è militia requiem avocetur, expectat, & implorat, *Veni Domine Jesu!*

Quæ

Quæ nomine ABDIÆ WIDMARIJ edita sunt :

Disputationes Theologicæ adversus Judæos de Vero Messia &c. Marpurgi an. 1617.

De Urim & Thummim Oratio Inauguralis, Harderv. 1644.

Πέντας Disputationum de Natura SS. Theologiæ, hujus simul Synopsis exhibens, ibid. 1645.

Columba, Spiritus Sancti Hieroglyphicum, hoc est, Oratio Inauguralis de manifestatione Spiritus Sancti, sub specie columbæ, ad inaugurationem Christi circa hujus Baptismum, Groningæ 1646.

Quæ (siquidem ita visum fuerit) edi possint:

Theologica opuscula M. Andreæ Widmarij, Illustrius Scholæ Bremensis Rectoris p. m. operâ Abdiæ filij recensita.

Spicilegium Observationum in aliquos S. Scripturæ, tum libros, tum textus illustriores. &c.

Sacræ Vindiciæ Doctrinæ & Interpretationis Orthodoxæ adversus varias SS. Literarum corruptelas, nominatim Neo-photinianorum, sive Socinianorum &c.

Dubia & Responsa, seu, Quæstiones & Conclusiones de varijs Theologicis capitibus & casibus.

Orationes aliquot de Sacra olea; de Arca Noachi; de Aaron ejusque investitura typica ad Christum; de re-
cta mortuos lugendi ratione; habitæ ad Rectoratus
suspensionem & depositionem, ad Doctrinæ Theologicæ
collationem, ad parentationem. &c.

Actes Bellorum Domini, hoc est, Syllabus Controversiarum Theologicarum, quæ hodie præcipuè agitari sunt solitæ inter Orthodoxos & Adversarios, & hos primum quosvis promiscuè in genere, deinde in specie Pontificios, Lutheranos, Anabaptistas, Negatores-Remonstrantes, Socinianos, Weigelianos & Fanaticos, Judæos &c.

Sylloge Disputationum è S. Theologia selectarum.

Historia ac defensio Novæ Belgicæ Versionis, cum Typographicorum ad editionem primam erratorum indice, & quæ huc faciunt alia.

Anabaptistarum Confusio, hoc est, Colloquia aliquoties cum Anabaptistarum principibus in eorundem cælibus Uytgeestæ habita, partim à Notario Publico excepta, partim postea fideliter relata; præter reliqua cum iisdem acta ac controversa. Belgicè.

Christianismus Confœderati Belgii, hoc est, Apologeticus libelli cujusdam A. V. T. Antverpiæ editi, partim de Religione & Christianismo Belgii Confœderati in genere, partim de Sacramento altaris (ut iste loquitur) in specie; jam anno Clir. 1638. oppositus. Belgicè.

Aliquot Decades selectarum concionum in insigniores Sacras historias ac rextus S. Scripturæ, & Veteris & Novi Testamenti, variis occasionibus habitarum. German. & Belg.

Catechisatio accuratior ad Catechesin Palatino-Belgicam instituta &c. Belgicè.

JOHANNES CONRADUS MONÆUS.

DEbet hunc quoque eximium virum Academia nostra Palatinatui, cujus, ut olim Trojæ excidium ortum Romæ dedit, desolatio Lycea Ecclesiasque Belgicas locupletavit. Natale solum ei *Crucenacum* oppidum amoenissimum Palatinatus interioris sub jurisdictione Simmerensi. Pater ipsi ex parte cognominis *CONRADUS MONÆUS Vetteranus Hassus*: Mater *MARGARETA GEORGIA VON STOLPEN* familia utraque honoratissima & antiqua. Paterna sanè genealogia inde ab aliquot annorum centurijs deduci possit, sua habens bona, feudo descendencia ab Illust. Dn. Comitibus à Waldek, quomodo literæ investituræ adhuc exstantes testantur. In optimis autem literis pater adeo excelluit, ut cum laude Rector fuerit Illustris & Celeberrimi Gymnasij Neuhusiani, etsi suis ductus rationibus inde ad Crucenacensem Rectoratum concessit. In Schola hac patria jactis noster literarum fundamentis, Neuhusium tanquam ad amplius studiorum emporium missus, sed mox deferere coactus fuit. Cum enim bello illo crudeli & per 30 annos in Germania continuato Palatinatus arderet, omniaque conclamata essent, mox an. Chr. c10 130 XXI. Illustr. hæc Schola Neuhusiana dissipata fuit.

Sic fatis urgentibus patriâ profugus Marpurgum commigravit, quod eo tempore commodum pluribus exulibus asylum, Musisq; proscriptis non ultimum murarium extitit. Hic studia feliciter continuavit, tum sub *M. Theodoro Vietore*, Professore Linguae Græcæ & Pædagogearcha, tum in Academia, in qua summos habuit Philosophos, *D. Rodolphum Goclenium*, *D. Georgium Crucigerum*, *D. Johannem Combachium*, alios: nec non celeberrimos Ictos *D. Hermannum Vultejum*, *D. Joh. Gæddeum*, *D. Ant. Matthæum*, *D. Christophorum Deichmannum*, ut non potuerit non ad culmen omnis eruditionis, imprimique jurisprudentiæ, ascendere. Imprimis celeberrimi Icti & Antecessoris Eminentiss. Dn. *D. Vultej* familiaritate & interiori ac domesticâ admissione usus, utpote sanguine propinquo junctus. Heidelbergâ, illo mercatu & communi Prytaneo bonarum artium, occupatâ, Marpurgum, rebus suis sic poscentibus, cum excurrisset, in reditu Marpurgum repetens Comitem nactus incomparabilem *Bacchovium*, qui eodem contendebat, fixam sedem Eunomiæ suæ quæsiturus, à quo in via rationem studij in jure instituendi sciscitanti saluberrima consilia suggesta ipse solebat deprædicare: Cum eodem in isto itinere eam quoque sortem habuit communem, quod in palantium illapsi militum manus, omni uterque argentario, quod secum ferebant, præsidio fuerint emuncti. Brevi post gliscen-

tibus turbis



Ex vultu CANDOR, VIRTUS ex pectore, fraudis
 Expers se prodit cognitione FIDES.
 Inspecto hunc vultum, et CANDOREM agnoscito: pectus
 Explora, VIRIUS quò generosa latet:
 Vita adjuvesce Viri, mecumq; fatere MONÆI
 Raras VIRTUTES ingenuamq; FIDEM.
 C. A. Bucholz Ictus et Antecessor.



tribu
ren
ma
Oe
in
gab
com
no
nat
hac
bu
pe
on
th
me
ly
w
f
l
c
i
a
f
a
w
d
i
n
t
n
c
k
q
E
ap
ca
th
pr
cu
na
rib
bur

tibus turbis Hassiacis, ista quoque statione exutus, Bremam contendit, jam olim non contemnendum bonarum artium seminarium, ubi cum Patriciorum primariorumque in Civitate ac Gymnasio Virorum familiaritatibus usus est, tum eximie carus fuit Celeb. Philologo ac Theologo *Matthiæ Martinio*, Scholæ illius Rectori perpetuo. Ei cum patefecisset desiderium, quod flagrabat exteris lustrandi Regiones, ipso autore aliquamdiu ibidem commoratus, voti sui brevi compos factus est, à Gener. Domino Ennone Guilelmo Barone ab Inhausen & Kniphausen, Dynasta in Lutzenborg vocatus & datus Ephorus studijs ac moribus filio ipsius Ill. & Gener. *Dn. Rudolpho Wilhelmo Baroni in Inhuysen & Kniphuysen Dynastæ in Lutzenborg & Bergum*, nuper Athenæi nostri Curatori gratiosissimo, nunc inter Ill. Dn. Ordines Generales Deputato spectatissimo. Cùm hoc accuratam instituit peregrinationem, ac primum prolixum per Gallias iter emensus Genevæ ad tempus substitit. Ibi Clarissimis *Tronchino*, *Spanhemio*, ac *Steinbergio* postea Collegæ in Academia nostra amicissimo, primum se insinuavit, usque usus inde est familiarissimè. Præ cæteris verò Nob. & Ampl. *Gothofredo Dionys. F. Jurium Antistiti & Consuli*, singulari animorum coagulo adhæsit, cum eo de gravissimis quæstionibus conferre solebat, qui cum semper (sæpè etiam ad vagam corporis juris aperturam) singulare quid ei elucidaret, eas observationes marginibus codicis sui accuratè annotabat, quas ipse amicis narrare & ostendere cum grata memoria benè meriti, solebat. In jure, post advocatum inde ad Academiam nostram Cl. *Steinbergium*, Collegia privata non una, sed varia habuit, ut nemo dubitaret Professionem ibi ipsi demandatum iri, nisi vehementius, quod eum incesset peregrinandi desiderium, aliò animum ejus avocasset. Pedem Genevæ movens cum Generoso suo Barone se accinxit ad Celticam, Italicam, Britannicam visendas. In itinere Italico Landgravium etiam Hassiæ *Fridericum* sibi associavit. Perlustratis ita præcipuis Galliæ, Italiæ, Angliæ urbibus, ipsaque olim orbis Domina Roma, compellatis, quos quovis loco reperiret, viris primarijs, literis imprimis ac famâ commendatis, inspectisque ubique antiquitatis vestigijs ac monumentis visu dignis, etiam primarijs Hispanicæ Jurisdictionis provinciis, præ cæteris verò Regno Neapolitano florentissimo, non tantum promptissimum Lingue Italicæ Gallicæque sibi usum comparavit, sed leges etiam, mores, instituta singulorum singulari studio observavit atque didicit, ut prudentia ac facundiâ quadam Ulysseâ de varijs rebus jucundè cum omnium attentione differeret. Absoluto prolixæ peregrinationis curriculo, Gener. sibi concreditum Baronem patrijs laribus parentumque gremio salvum & incolumem restituit. Hamburgi, quæ Civitas Gener. Dn. patrem ejus Chiliarcham habebat ac præ-

bat ac præfectum. Inde Rintelium, cum Academiæ illi instaurandæ illi ejus Mæcenates incumberent, legitimè vocatus ad Professionem juris, eo se contulit, spartamque eam capeffivit Anno 1642. antèrè, quàm nomine Doctor & Ictus: quem titulum & gradum anni demum sequentis 7. Febr. munere sic poscente, suscepit in eadem Academia, more-rituque solenni. Quibus honoris ejus natalibus, testando singulari favori, præter alios viros summos, sex quoque Comites Schaumburgi, Triga masculi sexus, Triga Illustrium fœminarum, præsentie suæ splendorem accommodare atque affulgere non sunt dedignati. Inde præter ordinaria Acad. exercitia ad Consilia de summa rerum adhiberi ac consuli coeptus, in quibus deliberationibus cum exquisitam prudentiam suam juriumque cognitionem luculenter expromississet, mox cum Ill. ac Gener. *Dn. D. Philippo Comite Schaumburgico ac Lippiaco Academia Ernestinae supremo statore* ad Comitatum, quem Episcopus Mindensis affectabat, vindicandum & asserendum Legatus missus in Sueciam, ibique apud Serenissimam Reginam & Regni procures causam fidelissimè egit, feliciterque obtinuit. Brevi post ad Celsiss. Hassiæ Landgraviam Ameliam Elisabetham, Heroinam potentissimam, Cassellas ablegatus propter unam aliqualem partem ejusdem Comitatus in securitatem vindicandam, ex voto Ill. ablegantium munere suo defunctus est, ibi & Osnabrugæ, quo eandem ob causam ad Suecicos Pacis Caduceatores missus fuit, re feliciter expedita. Eâ occasione Ill. illa Heroina operam ejus expetivit, ut eo Legato in Tractatibus illis Pacis universalis Monasterij atque Osnabrugæ uteretur, ut etiam à diversis Germaniæ Principibus literis ad ipsum manu propria exaratis ad Consiliarij munus invitatus fuit: sed ipse, qui ornandæ Sparte Academicæ talentum suum destinasset, ab eo suo decreto deflectere noluit. Interim consilijs dandis, quæ, & dum Rintelij hæret, & dum hic commotatur, undique in variis & gravissimis causis ab eo petebantur, subactum ingenium & solertem *αγχινοια* in dissolvendis ancipitis juris nodis Collegis suis & eximie clientibus comprobabat. Dum Rintelij degit, omnia cætera ex voto nec quicquam sinistri ei evenit præter inopinatam semel Cæsarianorum irruptionem, qua in communi Oppidi & civium direptione ipse quoque non parvo damno affectus, atque in ædibus vestibibus spoliatus ac sic nudatus relictus, quo tamen nuncio in aula percepto, è vestigio inde aliæ (qui erat Gener. in eum favor) ipsi vestes fuere submissæ. Fixo verò lare & fabricata sic utcunque fortuna sua Rintelij, quò tetricis Oeconomix curis se exsolveret vite sociam sibi delegit & adjunxit an. 1645. d. 2. Febr. lectissimam tunc virginem ANNAM CATHARINAM WIPPERMANNIAM, natam Nobil. & Ampl. *Dn. Johannis Wippermanni* Consiliarij & aulæ Magistri Schaumburgici. Ex qua venti filix

venti filia dux, & tertia ei posthuma nata. Cum Spartam illam Rintelensem per triennium secundâ famâ & bonorum omnium applausu ornasset Ann. 1645. XI. April. ex decreto Ill. Ord. in Comitatu facto, in hanc nostram Academiam in locum Cl. *D. Nicolai Langij* vocatus est; cui vocationi, licet à Clarissimis Collegis & Studiosis Juris, cui charissimus erat (ut utrique propempticis, quibus discedentem profecuti, Studiosi insuper magno numero ipsummet comitati vel secuti, abundè testati sunt) ægrè avelleretur, tamen, tum ob alias causas, tum quod non satis tutam in posterum ubi erat stationem ob belli pericula sibi futuram auguraretur, promptè annuit, & huc cum familia profectus, 27. Octobr. est inauguratus. Et si autem tristi fato Academiæ in hac Spartâ ornanda brevis nimis ei fuerit periodus, tamen & sic in eâ totum se virum patefecit, solerti industriâ ac religiosâ fide partibus sibi demandatis defunctus, ut nec publicè in Cathedrâ, nec privatim, siue docendo siue disputando amplius quid exspectare aut optare ab eo posset legum cupida juvenus, nisi ut annis longè pluribus eâ ipsius institutione frui sibi liceret. In omni verò vitâ singularem Numinis reverentiam ac pietatem verbis factisque testabatur, tum constanti sacrarum Concionum auscultatione, tum assiduâ & quotidianâ sacri Codicis lectione, quem non minus ac Codicem Justinianum faciebat, & quotannis (rarò, nec ita multis forte Theologiæ Candidatis communi exemplo) à capite, ad calcem integrum exactè absolvebat. In actionibus ipsius verbisque omnibus sincera probitas ac candor fuci omnis expers ab omni histrionica (licet & in Aula versatus, & cum ingenijs Italianis multum conflictatus esset) abhorrens, elucebat: humanitas, comitas, affabilitas obvia, animus benè merendi consilio, opera, ope promptissimus: pacis & concordie studium perpetuum ab omni contentione alienissimum: pectus generosum, serium, frivola ac ineptias, quæ plerumque in circulis reciprocari solent, aspernans, & semper grave aliquid ac dignum viro vel promens ipse, vel ab alijs exspectans atque eliciens. Hinc carus Collegis omnibus; arctiorem tamen præ cæteris cum Cl. *Jacobo Altingio* ob peculiare & Patriæ communis, & affinitatis alicujus vinculum, amicitiam percolens. Tum, de quo sibi sæpissimè gratulari solebat, interioris ac gratæ admissionis erat apud Ill. & Excellentissimos *Ludovicum & Joachimum Camerarios* ac *Paulum Strasburgerum* Reginae ac Coronæ Suevicæ Exlegatos ac Consiliarios, quibuscum & seria de gravibus rebus, & nunquam non jucunda ac utilia colloquia crebrò miscere, nec proletaria affectus propensi signa ac testimonia plurima referre. Ut postrema quoque paucis attingamus, cum corporis esset aliàs benè compacti ac vegeti, nec ita morbis obnoxij, calculus, (cujus tormenta toto vitæ prioris cursu ter tantum se expertum narrabat, bis Genevæ, & semel Parisijs, à vita se-

dentaria & assiduâ lucubrationum contentione (dum de alijs benè mereri studet, in se sævus) fomento suppeditato, infestior in eum irruens, tandem prostravit & extinxit. Quatuordecim diebus ante morbum questus de corporis aliqua indispositione & punctura ac pruritu in ea brachij regione, ubi consueverat venæ sectionem quotannis admittere. Cl. autem viro *D. Deusingio* monente, ut pharmaco uteretur purgante, ac curaret secari venam, respondebat ob negocia quædam nondum sibi vacare. Cui tunc Cl. Medicus reposuit, etiam morti, multò magis Hygieiæ vacandum esse. Triduo ante decubitus, cum initia debilitatis sentiret, sequenti die præsidis munere functus, illico post primâ horâ, qua de dolore nephritico queri cœpit, tanta debilitas adfuit, ut ferè in deliquium animi incideret, quod singulis fermè momenti metuebat. Huic debilitati ab interna dispositione pendenti, existimabat Experientissimus vir olim dedisse occasionem frigus intensissimum, quo, cum ut innuimus, nudus effugeret manus Cælianas, totus obrigit: quippe ab eo tempore se debiliorem fuisse constitutionis subinde retulit. Postera die, quæ fuit Dominica, vincente pietatis zelo acriusque stimulante, quàm dolores lancinantes, qui infestare jam cæperant, in concione Gallicana à Cl. *D. Maresio* habita se stitit, sed invalescentibus cruciatibus *Rev. D. Pasori* ipsi adstanti professus, si tam graves insultus potuisset præsentiscere, satius fuisse domi se continere. Comitatus is eum languescens domum, cumque jam in horto inambulare conatus esset, vi morbi prævalente lecto se componere coactus est, & mox Cl. Medicos Collegas suos *Dn. Dn. Deusingium & Perizonium* advocari curavit. Præcipuus affectus fuit calculus renum, (quem carnificem suum Erasmus ac sævissimum tyrannum longe Mezentio & Phalaride crudeliorem appellabat) ad caput Ureteris devolutus, qui tandem ob continuum cruciatum, torporem partium inducebat, ut ultimo die imprimis videretur dolor remissior. Cum verò nihil causæ morbificæ excerneretur, partim ob mali pertinaciam, partim quod ob continuum vomitum medicamenta non admitterentur commodè; terosa corporis materia, alioqui per illas partes excerni solita, per corporis habitum magnam partem delata est. Hinc pridie ante obitum caput valde intumuerat, ipsumque collum, unde & de phantasia erronea subinde intercurrente conquerebatur, quam tamen ratio vegeta & ad extremum halitum sibi constans, corrigebat. Ipso die obitus, brachia cæterique artus plane lassi erant, ut quasi paralyfin paterentur, nec adeo sustineri, multò minus attolli possent. Nempe eadem serosa materia per corporis habitum diffusa nervosas partes occupante, ipsumque facultatis animalis robur enervante. Post meridiem detumelcebat caput, sed tunc circa cor ipsum omnia graviora evadebant,

evadebant, maximaque aderat cum maxima enervatione, partium anxietas. Audito tristi morbi ejus nuntio plerique Collegarum singuli, ut sibi aut ipsi commodum, eum invisere, & pro se quisque studia ac officia deferre, quorum nemo non ab ipso ita mœstus discessit, ac si fratris sui in eo vita ageretur. Quod tamen ob continuam morbi sævitiam minus tempestivum observarent, vel præsentia suâ liberos ejus gemitus interpellare, vel si fortè induciæ breves concederentur dolorum, quieti intercedere, infrequentiores post in compellendo eo fuere, contenti per internuncios de valetudine ejus sciscitari ac edoceri. At morbus quotidie incendi & cum incremento doloris ingruere symptomata gravia morbi capitalis comites, omnemque vitæ comeatum paulatim intercipere, viresque magis magisque deicere, ἀνορεξία, δυσουπνία, eæque contra omnem Medicorum artem contumaces. Ipse jam mox à morbi initio ad beatam ἀνάλυσιν se comparans, non tantum animum eum cordatè profitebatur, sed & dilectissimam conjugem ingemiscentem ejus morbo, illacrymantem & graviora ominantem, constanti animo, vultu, voce consolatus, divinæ Providentiæ spe suffulciebat, qui cum volucres cœli & lilia campi vestiât, ipsi liberisque suis fiducia piâ in eum reclinatis abundè sit prospecturus. Delectabatur imprimis præsentia Dn. Altingi & sacris consolationibus ab eo suggestis, adeo ut subinde accitum postulare ex fontibus Israël in instillare salutaria, eaque tam avidè tantoque cum emolumenti sensu, admittebat, ut clarissimis Medicis de pharmacis exhibendis deliberantibus, ad ipsum conversus, vestrum, diceret, *pharmacum omnium est optimum*, animæ nimirum medicinam ex sacris haustam depredicans. Postremo ac fatali die & horâ preces præeuntem verbis conceptis Rev. Dn. Zaunschlifferum, qui non sine Numine & quasi ἀπὸ μηχανῆς ultimo huic ejus agoni intervenerat, fervido zelo animoque secutus, tum voce satis clarâ ipsemet pari devotione orationem Dominicam adjecit, simulque paulò mox Cygneam suam recitavit cantionem ex Hymno in Germanijs nostris usitatissimo, hymno planè flexanimo & vorticordio, quo precatus fuit, sibi versanti in luctû, debili Christus succurreret, se enim soli ejus gratiæ adhærere, & quæ in illo hymno sequuntur. Tum obvertens se ut in latus incumberet, sic Germanicè fatus: *Waarlich ich will Schlaffen, Revera somnum capiam*, eaque voce mystica ultimum vitæ suæ actum clausit, atq; ita placidissimè sine ullo angore, sine ulla convulsionis deformitate in Domino obdormivit. Exequiæ ipsi more solenni à Senatu Acad. & studiosa Juventute factæ, corpusq; ejus in choro templi Academici honestè contumulatum est. Postridie Cl. Dn. D. Johannes Steinbergius Juris Antecessor primarius, Collega Collegæ desideratissimo parentavit.


S C R I P T A.

Tractatus de Legum Interpretatione, Disputationibus.

Tractatus de Jure Publico.

Explicatio Rubricarum ad Digesta.

JOHANNES BORGESII primam lucem intueri cœpit anno currentis hujus seculi duodevicesimo, die tertio decimo Junij, vesperi inter horam nonam & decimam. Locus natalis fuit ager Omlandicus, atque speciatim qui in illius districtu primo, qui ab Huneso amne nomen fert, pagus occurrit exiguus, nomine *Wester-Witwert* / additamento plagæ Occidentalis designari solitus, quo distinguatur tum à *Witwert* pago simpliciter sic dicto, in quo olim fuit cœnobium velatarum virginum, ad regulam ordinis S. Johannis compositarum, tum etiam ab *Ooster-Witwert* in Fivelgonia. Parens est JOACHIMUS BORGESII, eo tempore Ecclesiæ, quæ in pago jam notato Christo colligitur, antecessor ac pastor, nunc vero ultra quatuor atque triginta annos, Groninganus gymnasiarcha. Proavus patri cognominis proprios fundos habuit in interiori Saxonia, sub Duce Hareburgensi in pago *Mabbolbultel*: cui fuerunt filij tres, & filia unica, ex quibus quæ natu minima, pro more gentis sedem paternam accepit. De reliquis propinquis paternis quamvis multa dici possent, hoc loco tamen prætereuntur, ac solum reficitur memoria Rev. Magistri JOACHIMI WERMERI Hamburgensis, quem Magni titulo condecoravit Beatæ memoriæ DN. NIC. MULERIUS, in Programmate ferali HENRICO RODOLPHI genero illius scripto WERMERUS hic ut parenti hujus Borgesii [cujus mater CATHARINA WERMERI] fuit avunculus patris instar venerandus, ita optime meritis per viginti annos de Ecclesia Orthodoxa civitatis Groningane, cui ante omnes alios datus pastor, ex quo 13. d. Julij anno xcv. superioris seculi, reliquis Belgij provinciis, quæ à federe perpetuo nomen habent, fuit sociata: in ipem patriæ suæ tempore liberandæ, à Groninganis Bremæ exulantibus (qui norant, eum ob professionem Orthodoxæ veritatis anno 1589. Hamburgo à Flacianis ejectum fuisse, nec subsistere potuisse Witebergæ, Theologiam licet Orthodoxam sub Christiano I. pacifice docuisset in Academia,) diu antea Ecclesiæ destinatus, ac per eos subductus interiori amicitie summorum virorum D. Christophori Pezelii, & D. Urbani Pierii. Avus, cujus nomen tulit JOHANNES BORGESII, fuit honestus apud Hamburgenses civis & mercator, qui comparata navi, mercaturam in variis ad Albim civitatibus, maxime Magdeburgo, exercere solet. Mater viti fecundæ non absimilis, est lectissima matrona, etiamnum per Dei gratiam superstes, Gertrudis Houbingh, filia Rev. Henrici Houbing primo Rectoris Dammonensis, dein Pastoris in pago *'t Sandt* / cujus uxor, Anna Couvroirs Antverpiana, prius nupta fuerat Dn. Arnoldo van Nyeveen Medi-



BORGESI hæc facies è pulchro corpore picta est,
 Ingenij faciem pinxit at ipse sui.
 Doctior an melior sit, nullus dicere possum.
 Pars bona philosophi, maxima pars Medici.
 MART. SCHOOCKIVS prof.

Medicinæ Doctori. Hisce parentibus editus, quod à prima ætate altioris indolis igniculi se proderent, cum cura ab iisdem est educatus, quodque pater, in eo animadverteret ingenium disciplinis percipiendis accommodatum, septennem ex suarum ædium angustis, in ampliorem Gymnasii sui aream deduxit; in qua Bonæ Mentis palæstra, ipse singulare modestiæ, industriæ, ac diligentæ exemplar, substitit ad annum sextum decimum ætatis, profecitque non solum in lingua Latina feliciter, ut, siue propria siue vorfa oratione scriberet, non minus cultus quam nitidus notaretur; verum etiam in lingua Græca eo usque progressus, ut pauci occurrerent ex poëtis quoque, in quibus interpretandis magnam difficultatem offenderet, jactis amplius solidis fundamentis, non minus in dicendi & differendi arte, quam in plerisque utriusque Philosophiæ partibus. Sexto decimo ætatis anno, qui erat hujus seculi quartus supra trigesimum, Academiæ hujus civibus ascriptus est, quæ tamen promotio legitime atque ordine procurata, neque spiritus ei addidit, neque ad vivendum liberius animum, quum, quamdiu studiorum gratia hic vixit, modestiæ, sobrietati, & continentiæ religiosissime litarit. Quod vero genuinum studiosum, perpetuo ex antiqua formula tum *hoc agere* oporteat, tum meminisse studiorum gradus fieri debere, neque otio se frangendum dedit, neque multorum exemplo desultorio ordine simul per varias oberravit disciplinas; sed exorsus à suavissimæ Philologiæ Latine atque Græcæ studio, adeo pertinaciter ei incubuit, pervigil atque pernox in omni antiquorum authorum genere, ut non solum eleganter atque Latine loqui & scribere potuerit, verum etiam carmen utraque lingua tam felici vena, itans pede in uno profundere; ut, si ad poësin componere se voluisset, ante primam quoque barbam paria fecisset cum præstantissimis hujus seculi vatibus. Ad philosophiam deinde, tam Theoreticam quam practicam, animum applicuit, sub manu ductione Rev. D. *Matthiæ Pasoris*, itemque Cl. D. *Francisci Meyvartii*: sic, ut interea studium quoque Græcum, quam maxima pertinacia excoleret, auditor frequens Cl. D. *Tobiæ Andrea*: delectabatur vero summopere disciplinis Mathematicis, quarum non solum promulsidem, sed solidiora quoque fercula, D. *Parens* jam tum gustanda dederat: eoque, non ante quietem à semet impetrare potuit, quam quicquid ad illas pertinet in pectoris sui sacrarium coëgisset. Ex Mathesios autem partibus nullam æque in delitiis habuit atque Astronomiam, quod homo natus ad contemplandum, nihil possit majus, sublimius, excellentius, & illustrius illis plagis intueri. tantosque, vixdum ex Ephæbis egressus, in ea fecerat progressus, ut, in civium suorum gratiam, ad plures annos accuratas Ephe-

merides non ex aliis exscripserit, sed ad urbis hujus Meridianum composuerit. Amplius admodum adolescens, bona cum venia Clarissimorum Professorum in hac Academia, varia Collegia Mathematica habuit, suamque industriam non solum probavit iis qui per eum profecerunt plurimum, verum etiam illis quos veluti conatum suorum inspectores reverenter semper coluit: hoc ipso tempore in charta chorographica, faciem hujus Provinciae accuratè exhibente, liquidò probavit Geographiam aliquando sibi devotam fore; illamque contractiorem, ut commodius inferi posset libello Celeberrimi DN. *Ubbonis Emmii* de agro Frisiae, ætate jam maturiori, adornata eum in finem lamina ænea sua manu sculpsisset, nisi secus visum fuisset Typographo, qui, ut Authori parceret, eam Amstelodami cælari curavit. Ejus jam erat ætatis, ut cogitare deberet de superiori aliquo studio, cui, sive in Ecclesiae, sive in Reip. gratiam se consecraret, cujusque subsidio suo tempore inclarescere atque per hominum ora circumferri posset. Non convenit autem initio inter eum ipsum & parentem, quem licet in oculis ferret, observando singula quoque illius verba tanquam totidem oracula, non potuit tamen à suo ingenio impetrare, ut illud Theologiae consecraret: quibus rationibus fuerit motus haut per omnia liquet. Quoniam tamen verebatur ulla ratione Venerandum parentem offendere, antea ad Medicinam, quam aliquando se exornaturum confidebat, non fuit ausus animum appellere, quam usus fuisset intercessione viri in hac Republ. summi, Nobilissimi atque Amplissimi DN. *Bertholdi Wicheringe*: qui tum notabatur Consul hujus civitatis dignissimus. Quamvis eum postea instituti poenituerit, luminibusque captus sæpius optarit, vice dogmatum Medicorum, mentem replevisse scitis Theologicis. Quod verò prono non tam affectu, quam toto animo ad Medicinam ferretur, aut potius in ejus amplexus rueret, brevi temporis spatio plurimum in illa profecit, primo usus in hac Academia præceptoribus D. Doct. *Iohanne Freitagio*, & D. Doct. *Conrado Matthæo*; atque post eorum immaturum Academiae excessum, D. Doct. *Henrico Welmanno*, sub cujus præsidio uti maximo cum applausu Theses Medicas proposuit, sic eidem, quamdiu per fata licuit, interioris admissionis amicus fuit. Præcipuè coluit experientissimum *Freitagium*, cui adhæsit, quod nosset ipsum longo usu raram sibi in praxi Medica (quam felicissimè exercuit) prudentiam comparasse. In incude studii medici etiamnum positus, tantam artis suæ habuit fiduciam, ut ausus fuerit ejusdem tyrocinium deponere: non in Care aliquo, aut paupere pupillo, aut homine de stiva, sed eo quem omnium mortalium carissimum ducebat, scil. honorando suo parente, cui ex morbo pectoris, ac respirandi difficultate fermè sesquimeniem

menſem decumbenti , tam feliciter præparatam potionem exhibuit , ut eadem , poſt Dei miſericordiam , brevi priſtinæ valetudini reſtitutus fuerit. Quum vero non minus *Ipſe* , quam illi , ex quorum arbitratu ſe ſuæque omnia componere pulchrum ducebat , probè exploratum haberent , interdum expedire patriam negligere , ut ſapientia acquiratur : Poſtquam integrum lexennium in hac , patria ſua Academia , tempus optime diſpuxiſſet , peregrinationem Academicam inſtituere cœpit. Primo autem ad Academiam Ultrajectinam delatus eſt : ſed in illa , quod Lugdunum in Batavis , ex quo domo deceſſerat , animo circumferret , modico ſolum tempore ſubſtitit , in Medicina ſectans Experientiſſimum D. Doct. *Guilielmum Stratenum* hoc tempore domus *Auraicæ* archiatrium : aſſiduus quoque auditor Cl. Dn. *Antonii Emili* , ibidem digniſſimi Hiſtoriarum Profeſſoris : Offendit hic quoque feliciffimi ingenij virum , veterem ſuum contubernalem Cl. Dn. *Jacobum Ravenſbergerum* , tum Matheſin non ſine applauſu ſtudioſæ juventutis proſitentem , cum quo ut multas horas tranſegit jucundiſſimè , ita brevi admodum intervallo eundem ad meliores ſedes ſecutus eſt , cum & ille , inſtar ſolſtitialis herbe , inter prima famæ auſpicia ante triennium occubuerit. Ultrajecto Leidam conceſſit , pellectus Academiæ celebritate , in qua ut à multis annis honos potiſſimum facultati Medicæ ſteterat , ſic ea hoc tempore ad ſummum veniſſe videbatur. Medicinam ſiquidem docebant *Otho Heurnius* celeberrimi illius *Iohannis Heurnij* filius digniſſimus , *Ewaldus Screvelius* Præcticus feliciffimus , *Adolphus Vorſtius* patre ſuo *Ælio Everardo* nequaquam interior , *Adrianus Falcoburgius* in ſecandis cadaveribus qua hominum , qua mutarum pecudum , adeo exercitatus , ut componi potuerit cum præſtantiſſimis Anatomicis , & ^{Joannes} ~~Antonius~~ *Waleus* , reliquis licet junior , neſcius tamen ulli ex illis cedere : hos omnes licet ſedulo audiverit , addiſtus tamen præ aliis fuit *Vorſtio* ob herbarum raræ ſcientiam , atque *Waleo* propter ſingularia , quæ in Anatomicis obſervaverat. Ut prius in hac Academia alios Matheſin docuerat , ita in Leidenſi periculum fecit institutionis Medicæ , pluribus ſtudioſis in diſciplinam acceptis , quibus principia Medica inculcavit feliciffimè. Juſto tempore commoratus Leidæ in Gallias trajecit , fixo primitus domicilio Pariſiis , quo non tam univerſi terrarum orbis epitomen intueri animoque complecti poſſet , quam cadavera inſpiciendo [quæ , in maxima illa urbe , quaque fere hebdomadè à peritiſſimis artiſtibus ſecantur] devenire ad interiores Anatomix reſeſſus. Innotuit , dum hic ſedet , multis viris doctis , maxime Medicis. Quod verò urbis tantæ frequentiam ſtrepitumque ſtudiis ſuis , quæ ſeceſſum amant , officiſe animadverteret , de loco mutando cogitavit : licet autem primo cogitaret Montem-Peſſulum , celebrem ab anno milleſimo centeſimo

centesimo nonagesimo sexto Academia, atque in ea præ cæteris facultate Medica, institutum tamen mutavit, prætulitque Andegavum, seu Ptolomæi Juliomagum provinciæ Andegavenſis caput, celebrequè ab anno temporis ultimi millesimo trecentesimo nonagesimo octavo Athenæo, in quo quamvis ad multos annos primas obtinuerit Juridica Facultas, hoc tamen tempore in Medica facultate octo occurrebant Professores, omnes in arte sua præstantes. Nec tamen conscendit Jovis quadrigas, sed modicis progressus est itineribus, tum ut videre posset Aureliam, Blæſiam, Turcunum, Salmurium, aliasque civitates, atque per moram, quam, sedendo in iis trahebat, linguæ Gallicę peritam promptitudinem sibi comparare; tum etiam ut in hoc transitu propius varias plantas, solo Gallico, variisque illius provinciis vernaculas, cognosceret. Andegavum simul ac venit; prima ei cura fuit, ut medicis, atque in iis Excellentissimo, & Experientissimo D. Doct. *Baillif*, Professorum primario innotesceret, cui tantopere se probavit, ut non solum candidissimos suos mores, diffusam eruditionem, promptumque eloquium exosculatus fuerit, verum etiam se in centubernium & convivium receperit, concessio ad hoc usu Bibliothecæ, omnigenis libris medicis, atque inter eos, plurimis Græcis instructissime: deductus amplius quotidie ab eo fuit ad valetudinaria publica, adhibitusque consultationibus medicis, ibi institui solitis: curam quoque variorum ægrorum ibidem cubantium suscepit, quo praxi medicæ; quam aliquando in Patria exerciturus esset, hac ratione præluderet, atque per experimenta varia artis certitudinem exploraret. Quod dum agit, à toto Collegio Professorum Medicorum invitatus est, ut pateretur sibi lauream doctoralem, supremosque in medicina honores conferri; quos, utpote spectatus satis, quamvis citra examen & disputationem consequi potuisset, noluit tamen similis videri illis, qui bullatis tabulis antea sunt instructi, quam familiaribus eorum constet, quibus disciplinis se consecraverint: eoque, quod plurimos per annos non fuerat factum, & cuius rei memoria apud Academicos propemodum interciderat, per biduum, loco publico & patente, à singulis ex Professoribus ordine est examinatus, examinatore nullis lincis inhærentibus, sed quoque pro arbitrato tale dubium movente, quod Gordij nodi instar esse credebatur. Postea disputationem de Catharro proposuit, arguentesque, præter eos, quos examinatores antea habuerat, expertus est multos, quos spes gloriæ exciverat. Objecta tela sic excepit, ut in eos, qui miserant, aut retorqueret, aut iuvalida esse opposito scuto responsionis, solidis rationibus suffultæ, probaret; adeo ut stupori fuerit iis, cum quibus antea conversatus non erat, BORGESIUM autem in BORGESIO agnoverint, quotquot gustulum eruditionis illius antea delibaverant. tam

verant. tam digno candidato condignum datum testimonium: Munitum illud fuit non solum sigillis solitis, verum etiam subscriptione omnium Professorum. Hoc honore sublimis, submisit se demissè; & quasi multo eruditionis viatico adhuc instruendus esset, cum singulis ex Professoribus egit, ut, si quæ rariora in praxi Medica observassent, communicare dignarentur: quorum favorem cum erga se primum experiretur, nequaquam sibi deesse voluit; sed integras noctes, quod dierum dimensum non sufficeret, colligendo huic thesauro impendit; non quod crederet eos demum in Medica arte excellere, qui remediorum formulis observationibusque historicis præ aliis sunt instructi; sed, ut ex moderamine prudentiæ, habitâ ratione temperamenti cuiusque, item loci, temporis, aliarumque circumstantiarum, ab his experimentorum commentariis quacunque ratione adjuvari posset. Inter ea reputans, quod diu in Patria desideraretur, eaque consecutus esset, ob quæ iter ingressus erat, instructus ampliùs plenâ linguæ Gallicæ cognitione, suorum spem diutiùs eludere noluit, sed eos suo reditu quanto ocyus recreare: quod accidit adulto autumnio anni huius seculi XLV. Primos menses, quos redux in Patria transegit, impendit honesto amorì, à quo ne quidem heroum soboles abhorruit, siquidem & usu edoctus & simul à parentibus monitus, nullum esse honestius levamen, quam habere conjugem prosperis dubiisque sociam; serio nuptias meditari cepit, Deoque propitio, atque feliciter dicentibus omnibus amicis, primâ hyeme anni subsequenti XLVI. lectissimam virginem *Catharinam Nyenborck*, filiam natu maiorem *Danielis Nyenborch*, Mercatoris Groningani non ex postremis, ante plures annos jam tum compositi, domum duxit, atque in thori sui sociam ritu solemni accepit. Extinctis vixdum nuptialibus facibus, omnes suas cogitationes ingeniique nervos intendit, ut suis civibus quàm maxime prodesse posset, curandoque eorum morbos, vulturum & Libitinariorum vota. Divinâ ante omnia Gratiâ aspirante, eaducâ reddere, nec conatur ac voto successus defuit. Simul ac enim ad exercitium praxios se composuit, pariter inclarescere cepit: illo, qui supremus agnoscendus medicus, ejus sollicitæ industriæ adeo benedicente, ut non solum multis feliciter valetudinem pristinam restituerit, verum etiam varios, qui jam jam ostio credebantur admovendi, ab Orci quasi faucibus revocaverit. quod uti multi post cineres quoque illius, tum in hac urbe, tum in agro proximo grato animo agnoscunt, sic brevissimo temporis spatio praxin consecutus est uberrimam, dum certatim se ei omnes illi committunt, qui circa prima pericula felicem successum gratulabantur. In Gallis adhuc sedens destinatus erat Professioni Mathematicæ, vacivæ per promotionem admodum Rev. Clarissimique viri D. *Matthiæ Pasoris*,

ad tertiam Professionem Theologicam. cæterum, ob varia, quæ interveniebant, in muneris possessionem introduci non potuit, nisi propriè. Kal. Decemb. anni XLVI. decurrentis hujus seculi, quo die habuit inauguralem Orationem de Mercurio, quæ non uno nomine arguebat tum diffusam lectionem, tum penitientem historiarum cujusvis generis cognitionem. Quotquot BORGESIUM familiariter noverant, non nisi summa quæque ab eo jam expectabant, persuasi, tam profitendo in Academia, quam agris in Urbe & Provincia medendo, ad nominis æternitatem grassaturum esse. Imo, multorum erat opinio, eum medicum futurum fuisse incomparabilem, & non modo paria facturum, cum suo populari *Volkerò Coiter*, quem Noriberga pro experientissimo Archiatro aliquando amplexa est, quique non minus magno illi *Ulyssè Aldrovando* hospes fuit acceptissimus, quam agnoscitur ex limato Anatomico scripto, licet Groningæ ejus memoria prope modum sit intermortua, verum etiam exhibiturum fuisse talem medicum, qualem *Hieron. Cardanus* duntaxat millesimo quoque anno nati perhibuit. Certè primordia praxeos hoc promittere videbantur. Atque longè majorem præconio hoc se exhibuisset, nisi Deo ter Opt. Max. supremo illi moderatori cogitationum nostrarum, secus visum fuisset. Dum enim Andegavi moratur, vinique parvus olei autem prodigus, Aristophanis & Cleanthis lucernam suæ cedere compellit, morbum non solum acutum, verum etiam desperatum incurrit, quem & experientissimus hospes parenti significavit: ex quo licet singulari Dei Opt. Max. beneficio, tum temporis eluctatus fuerit, tristes tamen reliquias secum traxit. si quidem vis illius cerebro incumbens, fluxusque plurimos concitans, nervis opticis vicinisque oculorum partibus potissimum obfuit, visum, qui cum aquilæ in videndo acumine ante potuerat componi, initio leviter debilitando, deinde confundendo & obscurando admodum, ac postremo planè obliterando. Quasi Deo placuerit, per catarrhos eum subigere, qui tam feliciter de iis disputaverat! Interim nihil remediorum, quæ adhiberi possent, neglexit: utque cœcutientiam pederentim accedentem, aliquandiu subsidio maxime medicamentorum chymicorum, & fumo Nicotiani sustentavit, sic excitus fama acidularum prope Herbornam in Comitatu Nassovico ebullientium, non dubitavit, comitante dulcissimâ uxore, & dilectissimo fratre Cl. D. *Joachimo Borgeſio* juniori, singulari tum temporis Gymnasij Velsaliensis ornamento, eo per sexcentas difficultates contendere, at, ut fama plerumque, quæ incerta, in majus vero extollere solet, neque eam aquarum medicatarum vim expertus est, neq; quicquam levaminis ex largiori quoque earum usu. Interea, cum omnis materia morbifica ad oculos deflueret, postquam viam morbus antea aperuerat, in tantum malum hoc auxit, ut tandem dulci lumini, fenestris

occlusis

valēdicere coactus fuerit. Eo nomine beatus, quod cœcitas diu antea monitricem præmisisset cœcutientiam, ac lento accesserit gradu ne percelleret, adeo ut ipse suffecerit ei ferendæ, priusquam veniret. Dici non potest, quam patienter incommodum hoc, (quod alij, habita ratione ætatis, vitæ generis, & matrimonij, malorum maximum censebant) pertulerit, & non tam Philosophico quam Christiano stomacho concoxerit. Malum hoc interruptit quidem praxin Medicam, non æquè tamen Professionem, quam non solum obiit, verum etiam admodum exornavit: & quamvis schemata Geometrica delineare haut posset, suosque sectatores in rem præsentem deducere, vivâ tamen voce supplevit ea, quæ per oculorum incommodum præstare non poterat. Unde uno eodemque tempore pluribus quoque Collegiis privatis suffecit, ex quibus maximos fructus se percepisse, multi cum gratiarum actione professi sunt. Publicæ lectiones erant solidæ, nitidæ, sesamoque & papavere variarum historiarum, ac jucundissimarum fabellarum conditæ; maxime illæ, quas in cursu lectionum Geographicarum Belgij sui illustrationi consecravit, quas verè Cygnæam ipsius cantionem dixeris: cumque aliquando disputandi occasio occurreret, quam frustra antea captarat, tam feliciter ea defunctus est, ut jurasses hominem ad terram hanc reciprocandam factum. Neque enim sola Medicina & Mathesis eum occupaverant: sed, commune ei erat cum eximio illo *Wolfgango Lazio*, ut & bonus Medicus, & multæ lectionis Historicus esset: cum *Ioanne Posthio*, & elegans scribebat carmen, & quosvis Poëtas interpretari poterat: cum *Hieronymo Mercuriali*, quâ Latinæ quâ Græcæ Philologiæ arcana habebat exploratissima. Cum cœcitate alia accumulata incommoda, quæ prostrēmò subsecuta est febris, dubium an Epidemica illa, quæ tot homines anno c15 15 c171. ubique in Belgio sustulit: facta vehementior ante quatuor hebdomadas, mentis delirium secum traxit, atque usum linguę impeditiorem reddidit. Usus tum est opêrâ Experientissimi ac Celeberrimi D. Doctoris *Antonij Deusingij*: quodque medicorum filijs quasi gentile, à sumenda medicina alienior fuit: Et tamen, cum, invitante humanissimo medico, tandem poculum ex lege Artis salubriter præparatum admisisset, post dies quatuordecim febris dereliquit. In vado jam res esse videbatur, propinquis sibi gratulantibus, quod præternaturalis calor, quo solo viscera torreri existimabant, mitigatus esset, quum interim summus languor, cibique & potus fastidium, comite febriculâ, viam straverint ad profundum illum somnum, si non lethargum, quo, accedente ructu & singultu, impeditoq; rationis & linguę usu, biduo post, altero & vigesimo Novembris mensis die, inter horam sextam & septimam matutinam, placidè in Domino obdormivit, Anno jam dicto, sive c15 15 c171. Quod quis jute vero admiretur anno Cometalis natus &

denatus est. Ut enim anno c10 idcxix. horrendus fulsit Co-
 metes, sic mense ferme post ejus excessum novum ^{φανόμενον} Co-
 metę non absimile coelo se prodidit. Et hic quidem exitus fuit *Johan-*
nis Borgesij, viri optimi, Mathematici eximij, Medici felicissi-
 mi non minus quam undequaque doctissimi, in cujus labijs ipsa
 Suada sedem fixisse videbatur, qui infucatis & verè niveis mori-
 bus in familiaribus colloquiis sales omnis acrimonię expertes cum
 grata audientium voluptate miscere solet. Pacis & concordie
 per omnem vitam studiosissimus tuit, adversus nulli, alienissimus
 ab omni fastu, adulandi non minus nescius, quam assentatorum
 impatiens; ad hoc vixit sobrius, castus, & verè pius, ex corde
 Deum timens, superiorum observans, parentum præcipuè reve-
 rens, æquales colens, & inferiores amans. In quo hoc unicum
 solum ipse Momus reprehenderit, quod minus providus ac cau-
 tus mercator fuerit: cum enim hac ratione angustiam stipendij
 fulcire vellet, à Mercurio, quem tamen in Inaugurali oratione,
 ut fallacem atque furum patronum traduxerat, circumventus est.
 Filium reliquit unicum, novimestrem, nomine Danielem, qui
 cum sit puer scitus, vultuque patrem referat, speramus suo tem-
 pore ^{τὸν ἄγχιον} in eo revicturum esse. Parentavit defuncto Cl.
Martinus Schoockius Log. & Phys. Prof. ord. ex cujus oratione
 funebri hæc desumpta sunt.





Hæc illa hospitii facies, pulcherrima quod mens
 DEUSINGI nacta est, et Sophia, et Charites.
 Effigiem mentis per docta volumina, mores
 Perg. inculpato, exhibet ipse suæ.
 Herois cultum venerare, ad acumina cuius
 Lumina et Aonidum numina summa stupent.

IOHANNES WITTEN Nob. Gal



A
N
trimon
merer
Princ
Ritua
rité
staa
Prac
der
cirro
fuer
ex
de
tu
per
na
nimu
hioy
fop
fre
vol
L
L
fr
e
cap
g
L
u
P
S
lo
Pa
Ch
Li
du
Me

ANTONIUS DEUSINGIUS.

Natus Meursæ, anno MDCXII. 15. Octobr. Stylo Greg. Patre *Joanne Ottone Deusingio*, St. Goarensi, in militia Ordinum Generalium confederati Belgij Signifero, Matre *Agneta Vermeren*, Delfensi, Meursæ, cum matrimonium iniret, commorante in gratiam Fratris *Reineri Vermeren*, Comitatus & Urbis Meursensis Prætoris & Quæstoris, à Principe Auriaco Mauritio, ejusdem Comitatus Comite, constituti. In Patria, ob Palæstræ literariæ ibidem tunc temporis minus ritè constitutæ incommoda, primos pueritiæ annos in tenuioribus studiorum fundamentis dissultoriè trivit, sub varijs Pædagogis ac Præceptoribus: donec à Parente ad celeberrimam Scholam Hardervicenam deducitur An. MDCXXVIII, Rectorique ibidem inclyto dudum, *D. Iodoco Hoingio* commendatur. Hinc, dum studijs ad altiora surgentibus operam navat, ob irruptionem Exercitus hostilis in Velaviam, cedere primum cogitur, Anno MDCXXIX. moxque ob epidemicam luem ibidem grassantem à reditu arcerur: sicque in Gymnasium Vetaliense à Parente deductus, per annum ibidem, eximij ac celeberrimi viri, *D. Joannis Sazani*, institutione publicâ ac privatâ usus est. Inde missus Athenas Batavas, ad inclytum illud totoque Christiano orbe celeberrimum Sapienciæ ac Eruditionis Emporium, illico animum Philosophiæ adjecit, Præceptore Clarissimo Celeberrimoque Philosopho, *D. Francone Burgersdicio*, Physices ac Logices Professore. Mox verò in domesticam familiaritatem, intimaque benevolentiae & amoris penetralia admissus ab incomparabili Viro, *D. Jacobo Golio*, L. A. M. Matheseôs & Arabicæ Linguae in eadem Lugd. Batava Academia Professore, (cui tantum se debere proficitur, ut alterum Parentem, ingenique formatorem, multoties eundem deprædicet,) Matheseos studium reliquæ Philosophiæ caput adjungere. Philosophiam quippe, absque Matheseos cognitione, mancam esse, ac terè sterilem, à dicto D. Præceptore suo D. D. Golio quandoque intelligebat. Interea & Arabicæ Linguae studio se applicuit, continuus Præceptoris sui auditor, unâ cum Reverendis, plurimumque de Ecclesia Christi, ac Republica literaria, meritis Viris, *D. Constantino Imperatore*, S. S. Theologiæ Doctore, ac L. S. primum, post verò S. S. Theologiæ in eadem Academia Professore, & *D. Ludovico de Dieu*, Pastore Ecclesiæ ibidem ac Collegij Gallo-Belgici Regente, ut & Clariss. & Experientissimo *D. Joanne Elichmanno*, Med. Doct. Linguarum Orientalium plurimarum callentissimis Viris, quibus, dum viverent, intimus fuit ac familiarissimus: mox insuper ad Medicinæ studium adjecit animum, suasu imprimis prædicti Cla-

riss. Viri, *D. D. Golij*, rerum medicarum peritiâ eximiè exculiti, ac ratione occasionis commodissimæ, quam Arabica Lingua, illi studio luculentiùs excolendo aptissima, videbatur polliceri: cum alioqui Parens antea studio Juridico ipsum destinasset. Occasionem verò nactus, in Lingua etiam Persica ac Turcica, orbi nostro rarioribus, proficiendi, iisdem succisivis horis operam impendit, in quibus brevi temporis spatio eatenus profecit, (ut Pentateuchum Persicum, ex interpretatione Jacobi Tawusi, Constantinopoli à Judæis olim excusum characteribus Hebræis, ubi ex multiplici literarum confusione, quâ plures literæ Persarum paucioribus Hebræorum exprimuntur, permagna existit difficultas,) Persico caractere consignare distinctè, & vocalibus accuratè illustrare, aggressus fuerit, ac præter Illustris Viri *D. Salmasij* (in cujus Numinis favorem ac gratiam tunc quoque facilis ac spatiosus ipsi patebat aditus,) aliorumque celebrium atque in Orientalibus Linguis versatissimorum Virorum opinionem, feliciter absolverit. Dumque interea in lectione Medicorum Arabum se exercet, Lexicon Medicum Arabico Latinum adornare instituit, in quo exhibeat Medicamentorum simplicium ac vocabulorum technologicorum ad medicinam spectantium, interpretationem. In eodem cursu Academico, Erpenij Grammaticam Arabicam majorem ac vetustiore nactus, in qua plurima Autor ipse propriâ manu interpolaverat, eandem cum Rudimentis, ceu curis posterioribus ejusdem Autoris, contulit, omniaque ita digessit, ut unum exinde opus exurgeret: in quo cum nihil de suo adderet, sed mera Autoris tum antè tradita, tum postmodum observata, convenienter in unum systema concinnaret, ne fortè quid gloriolæ immaturiùs capere videretur, in solidum universa Autoris nomini inscripsit: ne quidem suo sub ipsa Præfatione, quam nomine Typographi addebat, ullâ factâ mentione, quamvis & *Locmanni Fabulas*, & *Adagia Arabum*, eidem Editioni (anni 1636.) adjecta, proprio studio & industriâ vocalibus & notis orthographicis illustrasset, sicque Tyronibus accommodatiora emitteret. Inter alia item Lexicon Persico-Latinum, ut & Turcico-Latinum adornare instituit. In Medicina Doctores ac Præceptores audivit Clarissimos totoque orbe celeberrimos viros, *D. Otthonem Heurnium*, *D. Ewaldum Schrevelium*, *D. Adolphum Vorstium*, & *D. Adrianum Falckenburgium*; ac in audiendis quidem *D. D. Schrevelio*, ac *D. D. Vorstio*, illo Practico eximio ac felicissimo, hoc tunc temporis Theoreticæ Medicinæ Professore acutissimo & Excellentissimo, nunc primario Medicinæ Professore, assiduus fuit. Ad septimum annum usque in celeberrimo illo Athenæo, sub maximorum Luminum splendore, versatus, tandem anno M DC XXXVII. 25. Septembr. Styl. Gregor. supremo in Medicina Doctoris titulo, Promotore prædicto Cla-

ANTONIUS DEUSINGIUS. 215

dicto Clariss. Viro, *D. D. Adolpho Vorstio*, in eadem Academia cohonestatus est. Quo admissio, lustratisque interim obiter Academicis nonnullis Belgij alijs, in Patriam reversus, Praxi Medicæ, tum ibidem, tum in circumjacente Comitatu tractuque, se applicuit, cui jam antè Leidæ animum parare cœperat, manucentibus Præceptoribus ac Directoribus *D. D. Schrevelto*, & *D. D. Heurnio*, cum quibus gnaviter Nosocomium frequentaverat, ægros visitaverat, ac variorum morborum, tum internorum tum externorum, causas, signa, ac curandi rationem, in subjectis vivis notaverat. Vix patriam reversus in urbem per *D. D. Officiales*, Vrbi ac Comitatu à Celsissimo Principe Auraico præfectis, nec non ipsius Urbis Magistratu^m, invitatus est ad Matheseôs publicam Professionem: Aliquot enim annis tunc antè, Triviale Gymnasium ibidem erectum erat, jamque sub auspicijs Celsissimi Principis ac Moersæ Comitissæ spes animique ad altiora publica Illusttris Lycæi Exercitia nitebantur, ad quæ eâ ratione parabatur aditus. Ad eam quidem Professionem inauguratus est publicè ix. Jul. St. Gregor. MDCXXXVIII. habitâ Oratione *De Felicitate Patriæ ex Gymnasio acquisita*. Id verò muneris cum Praxi Medicæ junxisset, mox anno sequenti, ex autoritate Illustr. ac Præpotentum *D. D. Ordinum Tetrarchiæ Gelro-Velavicæ*, ac Nobilissimorum & Magnif. *D. D. Curatorum* potestate, per Nobilissimum & Amplissimum Virum, *D. Ioannem à Wijnbergen*, tunc Hardervici Consulem ac Illustris Gymnasij Gelro-Velavici quod Hardervici erat Curatorem, nunc Ducatus Gelriæ ac Comitatus Zutphanix Senatorem, & Academiae Provincialis, quæ est Hardervici, Curatorem, invitatus ac vocatus est ad publicam & ordinariam Professionem Physicæ & Matheseôs, in locum paulo antè defuncti celeberrimi Viri, *D. Isaaci Pontani*. Inauguratus vero est ad publicam utriusque Professionis functionem v. Decemb. 4. Jul. MDCXXXIX. ubi sub Inauguratione dixit publicè *De rectâ Philosophiæ Naturalis conquirendæ methodo*. Sicque ad antiqua illa Masarum castra reversus, paucis mensibus post à Nobiliss. & Ampliss. Magistratu Harderviceno ordinarius Urbis Medicus, in locum defuncti Doct. *Bachovij*, est subrogatus, cum adjecto liberalis stipendij, tum ab Urbe tum à Tetrarchia Velavica ad id muneris constituti, emolumento. Anno autem MDCXLII, ex autoritate *D. D. Curatorum*, in eodem Illustri Athenæo, Spartæ priori junxit Medicinæ Professionem, quam auspiciatus est xii. Aug. Oratione publicâ, quâ *Medicinæ Dignitates* perstringebantur. Sicque primum Facultas medica florere ibidem cœpit, ante id tempus in istud Athenæum non introducta. Sequentis Anni, scil. MDCXLIII, Calendis primis, in Seniore Ecclesiæ Hardervicenæ est electus, ac post solennes in cœtu Ecclesiæ proclamationes, 22. Januar. confirmatus, eoque munere

216 ANTONIUS DEUSINGIUS.

munere biennium, ex ritu illius Ecclesiæ ordinario, functus est. Cumque jam septennium integrum in Sparta varia ibidem exegisset, sub finem tandem Anni MDCXLVI. ex decreto Illustr. ac Prepotentum D. D. Ordinum Groningæ & Omlandia, à Nobiliss. & Ampliss. D. D. Curatoribus Academiae Provincialis ibidem, ad Primariam Medicinæ Professionem vocatus est: Atque ad illius muneris functionem, solenniter introductus XII. Jan. St. Jul. MDCXLVII. sub Oratione Inaugurali, quâ *Idea Medici absoluti* adumbrabatur, seu, *Quod optimus Medicus sit idem Philosophus*. Vocationem autem hanc potissimum eâ de causa admittebat, ut malevolis quibusdam, variaque passim in ipsius scriptis insequiorem sensum torquentibus, (contra quorum cavillationes jam antè varia in lucem emiserat,) os eâ tandem ratione obturaret, jactantibus imprimis, se ipsi viam præcidisse, ac intereluisse aditum, ad Spartam quamvis in Academia quacumque, splendidiorē. Quam autem ægrè ex illa statione Gelro-Velavica & Hardervicena dimissus fuerit, quantumque sui desiderium in animis Optimatum ac Bonorum omnium reliquerit, mox publicè innotuit. Quippe cum sub ipso emigrationis tempore, quo Groningam se reciperet, ab Illustr. ac Præpot. Ducatus Gelriae ac Comitatus Zutphaniae Ordinibus decretum fieret, de inclyto & Illustri Gymnasio Gelro-Velavico in Academiam Provinciale Gelriae Zutphaniaeque convertendo, vocandique ad celebritatem majorem varijs, in omni Facultate, celeberrimis ad publica Professionum munia Viris, mox inter hosce primus ipse nominatur, revocandus ad Primariam Medicinæ nec non Philosophiæ Naturalis Professionem: Sicque Veteri Professori, cujus animum integro septennio altiores radices in Gelria egisse noverant, ac cui rationes ad aliam Spartam capessendam potissimum impellentes jam cessare non ignorabant, mox primis mensibus, quibus in inclyta Groningæ Omlandiaque Academia versabatur, prædicta vocatio à Nobiliss. & Ampliss. novæ Academiae D. D. Curatoribus insinuat, iterumque per Nobiliss. D. D. Senatorem Gelriae Zutphaniaeque ac Curatorem Academiae, D. Wijnbergium, Groningæ, offertur, unâ cum literis vocatorijs à Nobiliss. & Ampliss. Magistratu Harderviceno ad pristinum Poliatri munus atque emolumenta, quæ tum ab Vrbe tum à Tetrarchiâ Gelro-Velavica antè obtinuerat; Velut item postmodum primus Academiae Rectoratus, per decretum NN. & AA. D. D. Curatorum ipsi destinatus, ac per literas insinuatus est. Post multa verò à D. D. Proceribus utrinque, hinc pro dimissione impetrandâ, hinc pro detinendo Professore, ultrò citroque acta, (dum primum animum quidem in Gelriam gratum ac primum facilemque testatus, passivè se haberet, ac postmodum, ob intervenientes circumstantias varias, dimissionem & ipse peteret ac urgeret;) dimissio

dimissio tandem, quod Academia Professore, & Urbs atque Omlandia Medico Practico carere recusarent, honestè negatur; peculiari etiam Illustrum ac Præpotentium D. D. Groningæ & Omlandicæ Ordinum accedente decreto, quo, ne erga Virum liberum sui que juris minor gratia ac favor crederetur Dominorum detinentium; quàm revocantium ac faventissimo quovis molimine retrahentium, inscio tandem honestissimum stipendium, quo tunc antea gaudebat, insigni additamento auctum est, insuperque Provincialis Medici titulus, honos, & emolumenta annua, adjecta. Interea, cum paulò antè de honesta dimissione per D. D. Gelriæ Zutphaniæque Proceres impetranda nullum videretur dubium, Magisterij gradum in Academia Groningæ & Omlandicæ 19. Octobr. MDCXLVII. admisit, ac Philosophicæ est creatus Doctor, quo in nova Academia, ad id quoque muneris, præter Medicam Professionem, vocatus, postmodum ritè ac legitimè gradum eundem in alios conferret. Cumque jam Fato divino Groningo-Omlandicæ Spartæ affixus maneret, Rector Academiæ designatus est Anno MDCXLVIII. die 16. Aug. ac solenniter inauguratus, die ejusdem 23. ubi Orationem habuit *de Boni Medici officio*, præsentibus in Academici Templi Choro, Celsissimo ac gloriosæ memoriæ *Principe Auriaco* GUILIELMO, nec non Illustribus & Excellentissimis Illustrissimorum ac Præpotentum D. D. Ordinum Generalium ad componenda negotia controversa Groningo-Omlandica Delegatis, itemque Illustr. Curia Hollandiæ, Zelandiæ, Westfris. delegatis Senatoribus, ac plurimorum Generosorum, Nobilissim. Amplissim. Clarissimorum, Doctissimorumque Virorum splendidissimo cœtu. Subsequenti anno, MDCXLIX, pridie Cal. Novembr. in Seniore Ecclesiæ Groningane electus est, ac post solennes Proclamationes, 25. Nov. confirmatus. Denique Anno MDCLII. ab Illustriss. Comite Nassovia, WILHELMO FRIDERICO, Frisiæ, Groningæ, Omlandicæ, ac Drentiæ Governatore, &c. Archiatri ac Medici Aulici Titulus, dignitas, & emolumenta ipsi addita. Præsenti Anno MDCLIII iterum Academiæ Rector electus & inauguratus est, sollemni die ac more, ubi Orationem habuit de *Judicij difficultate*, seu ad verba Hipp. aph. 1. f. 1. *Judicium difficile*. Prædictis vero muneribus, cum in Provinciali Groningæ Omlandicæque Academia, tum in Provincia ipsa, itemque Illustriss. Aula Governoris, nec non Ecclesia (quippe Presbyterij munia hic solent esse perpetua,) etiamnum, supremo favente Numine, fungitur, Deo ter Opt. Max. Disque mortalibus, ac Proximo serviens, seque totum in commune Bonum potius quàm privata commoda impendens, donec alijs inserviando sensim consumatur. In Matrimonium adscivit Anno MDCXL. die 5. Aug. St. Greg. Nobiliss. Virginem SOPHIAM ab OOSTERWIJCK, E c natam

natum in patria & avita Arce nobili, *den Rosendael Ducatus Clivix* Patre Nobiliss. & Ampliss. Viro *D. Ludolpho ab Oosterwick* cum virtute propriâ, tum stirpe Patricia & antiquâ, eâdemque Nobilissimis in Ducatu Clivix muneribus publicis ac Legationibus cohonestatâ, spectatissimo, Matre verò *Elisabetta ab Amelongen*, antiquâ stirpis Nobilitate ac Virtute conspicua Matrona. Ex hac unicam Filiolam superstitem habet, Filiolo uno cum duabus Filiabus Deo animarum datori redditis. Hâc piè defunctâ, cum animum tandem ad secunda vota applicaret, in uxorem duxit Anno MDCL. die vi Januar St. Jul. Lectissimam Virginem *MAGDALENAM MODESTAM SCHEIDMAN'S*, Filiam unicam Nobil. & Ampliss. Viri *D. Hermann Scheidman* Icti Eximii & Clariss. ac dum viveret in suprema Imperij Rom. Camera Judiciali, quæ Spiræ est, Assessoris, & honoratissimæ Matronæ *Margarethæ Kumpstoffs*, Sororis Nob. & Ampl. Viri *Johannis Kumpstoffs*, ante Germanici belli tumultus Electori Palatino Heidelbergæ, post Electori Brandenburgico, in Clivix Ducatu ac Marchiæ Comitatu, à Consilijs intimis ac secretioribus: Educata inprimis ea fuit post præmaturum utriusque Parentis obitum, apud consobrinum suum, eundemque Tutorem ac Curatorem suum, *D. HENRICUM NYSS J. U. D.* Electoris Brandenburgici in Ducatu Clivix ac Comitatu Marchiæ Consiliarium intimum Archivique Directorem, ipsaque cohonestandæ familiæ causa aderat Consobrino alteri *D. JOANNI NYSS*, tunc urbis Clivensis Consuli, nunc Ordinis Equestris in Clivix Ducatu Syndico, cum is uxorem duceret Nobiliss. Virginem *CATHARINAM* ab *OOSTERWICK*, memoratæ *SOPHIÆ*, tunc pridem defunctæ, Sororem. Ex ea hætenus Filiolam unam, (non multo post Deo redditam,) ac Filiolum unum (secundum nunc ætatis annum agentem) suscepit,

Scripta ab ipso edita extant,

Cosmographia Catholica.

Astronomia secundum Hypotheses Ptolemai in concinnum brevem & perspicuum ordinem digesta.

Natura Theatrum universale, ex monumentis Veterum, ad S. Scripturæ normam ac rationis & experientie libellam extractum

De vero Systemate mundi Dissertatio Mathematica: quæ Copernici Systema Mundi reformatur; sublatis interim infinitis penè orbibus, quibus in Systemate Ptolemaico Mens humana distrabebatur: in partes quatuor divisa.

De Mundi Opificio Discursus Physicus; duodecim Dissertationibus propositus.

De Anima Humana Dissertationes Philosophicæ septem.

De Origine formarum naturalium, & Anima Humana substantia, Disquisitiones, habita cum Rev. & Clariss. Viro *D. Ioanne Santeno*: ubi item multa de Creatione & Conservatione rerum, &c.

Spongia adversus cavillationes quasdam, sub selecta Disputatione Philosophico-Theologica in Anima Humana substantia egestas.

Hexaëmerum Recognitum, seu de Creatione Meditatio.

- Meditationes, Explicationibus Christiano-Philosophicis & Animadversionibus necessariis illustrata.*
- Synopsis Philosophiæ primæ, seu Compendium Metaphysicæ.*
- Synopsis Philosophiæ Naturalis, seu Compendium Physicæ.*
- Synopsis Philosophiæ moralis, seu Compendium Ethicæ.*
- Exegesis Apologetica, seu Locorum quorundam, quæ in Scriptis ipsius, per mutila quadam Excerpta, obscuritatem habere visa sunt, collatione factâ precedentium & consequentium, exacta declaratio.*
- I. Cloppenburgius Heautontimorumenos, seu Retorsio injuriarum in libello falsidico, cui titulus, Res Iudicata, cumulatavum.*
- Synopsis Medicinæ universalis, seu Compendium Institutionum Medicarum.*
- Exercitationes Anatomica, de Visceribus Humani corporis.*
- Dissertatio de motu Cordis & Sanguinis.*
- Appendix De Venæsectione in Pleuritide.*
- Dissertatio de Lacte, ac Nutrimeto fatus in utero.*
- Anatomia parvorum Naturalium, seu Exercitationes Anat. & Physiol. de Partibus humani corporis conservationi speciei inservientibus.*
- Genesis Microcosmi, seu De Generatione Fatus in utero.*
- Oratio de recta Philosophiæ Naturalis conquirenda methodo.*
- Oratio de Astronomiæ Origine, Ejusdemque ad nostram usque ætatem progressu.*
- Oratio in Cosmographiâ commendationem.*
- Oratio quâ Medicinæ dignitates perstringuntur.*
- Oratio quâ Idea Medici absoluti adumbratur, seu, quod Optimus Medicus sit idem Philosophus.*
- Oratio de boni Medici Officio.*
- Oratio de Felicitate Sapientum.*

Quæ ex Arabico in Latinum vertit

E D I T A.

- Anticum Avicenna de Medicina, seu Institutionum Medicarum Compendium.*
- Selecta Medica Iohannis Mesuæi Damasceni.*

Prælo parata sunt.

- Idea Fabricæ Corporis Humani, seu Institutiones Anatomica.*
- Exercitationes Anatomica de Ossibus.*
- De Operibus Dei, secundum singulos dies Meditationes Christiano-Philosophicæ, in quinque libros digestæ.*
- Continuatio Disquisitionum cum Rev. ac Clariss. Viro D. Joanne Santeno, de Origine Formarum Naturalium, & Animæ Humanae Substantia.*
- Disquisitio Philosophica, de Terra mobili an immobili.*
- Arithmetica, Geometrica, Geodætica, Tri-*
- gonometrica, aliaque Mathematica varia.*
- Pentateuchus Persicus, interprete Iac. Tuvusio, ex typis Hebræis in Characterem Persicum ab ipso conscriptus, & vocalibus adjectis accuratè distinctus.*
- Commentarius in Dissertationem de motu Cordis & Sanguinis; Vbi & de Causis illius motus, aliisque varijs, formas substantiales concernentibus.*
- Commentarius in Dissertationem de Lacte, & Nutrimeto Fetus in utero materno.*
- Orationes varia, sub varijs Inaugurationibus ac Promotionibus habitæ.*

Complura alia sub manu sunt, ac nonnulla propemodum absoluta ultimam manum expectant, tum in Re Medica, (inter quæ Therapeutice Particularis, exhibens morborum singulorum Essentias, Causas, Signa, & Curationem,) tum & in alijs: quæ cum tempore, si Deus vitam, otium, & occasionem concesserit, lucem videbunt.


CHRISTIANUS PERIZONIUS.

Natus fuit Anno partæ salutis supra millesimum sexcentesimo nono, in arce *Brakensi*, prope *Lemgoviam*, oppidum in *Comitatu Lippiaco* situm, ubi Parens ejus, Vir Reverendus ac Doctissimus ANTONIUS PERIZONIUS circa id tempus Ecclesiæ aulici munere fungebatur, apud Illustrum Comitem Lippiacum, ex Celeberrima Schola Steinfurtensi, ubi summa cum laude ac dignitate, nec non Juventutis insigni emolumento, ConRectoratum gerebat, in illam Ecclesiastici muneris dignitatem evocatus, velut postmodum, ob fidelem circa gregem Christi curam, ampliori Ecclesiæ, quæ Salvatori nostro in *Cappell* colligebatur, præfectus est: Mater ipsi fuit perhonestæ Matrona, *Wibbina Trop*, honestissimi Civis Steinfurtensis legitima filia unica. Avum paternum habuit D. GERHARDUM PERIZONIUM, Jure-Consultum eximium, eundemque altiori serie à Majoribus eruditione simul ac virtute excultis, *Scuttorpiu*, in *Comitatus Bentheimici* primario oppido, prognatum. A Parentibus illic simul atque puerilis ætas doctrinæ capiendæ videretur apta, institutioni diligentissimorum Scholæ Lippiacæ, quæ erat *Dethmoldiæ* Præceptorum commissus est. Inde Bremam traductus, publicas ibidem Lectiones diligenter frequentavit: Præ cæteris autem, dum in illo publico eruditionis virtutisque Asceterio versatus est, Præceptores sibi elegit ac coluit, Clarissimos & Eximios Viros D. D. MATTHIAM MARTINIUM, ac D. D. Gerhardum Neveviliu, illum sacrarum Literarum ac Philologiæ, hunc Philosophiæ ac Medicinæ Professore, ut & D. M. Balthasarem Willium, Professore Logicæ ac Metaphysicæ. Hisce verò Celeberrimis Viris ac Professoribus industriis cum sedulitate adhæsit, ingeniumque felix ac promptam diligentiam iisdem, quâ publicè quâ privatim, luculenter probavit. Paulatim verò cum studiis ipsis crescente eruditionis desiderio, post aliquot annos *Groningam*, in florentissimum universæ Sapientiæ emporium se recepit, mercatumque haud infelicem in inclyto Groningæ & Omlandiæ Athenæo instituit: ac non mediocriter delibatis jam antè studiis fociis, Medicinæ penitus se consecravit, sub Præceptoribus Clarissimis & Excellentissimis, D. Doctoribus Joanne Freitagio, ac Conrado Matthæo, sub quorum fideli & erudita institutione, colophonem studiis Academicis imposuit; cum tandem, post bidui examen per universam Medicinam, publicamque per biduum disputationem institutam, (velut moris est in istac Academia,) Promotore dicto D. D. Freitagio, lauream doctoralem nactus, supremamque in Medicina dignitatem ac privilegia, Doctoribus, velut



Desine velle Virum Magnum vidisse Galenum,
 Hippocratemq; simul desine velle Virum.
 En valet Hippocrates, doctus valet ipse Galenus,
 Quando PERIZONI^{VS} vivit imago Viri.

HENR. ZIERENBERG. Med. D.



velut præmia virtutum , conferri solita , est consecutus , ipsis Calendis Februarii , anno Christi 1639. ætatis vero suæ 30. Ita verò in publicum per honores euectus nequaquam substitit , nec solâ scientiâ Medicâ acquieuit , ; ad usum transferenda duxit , quæ benè didicerat , ac mortaliū calamitatibus amovendis remedia adhibenda esse , quæ mente memoriâque complexus erat : Nec enim in terram detodiendum thesaurum , quem elegantissimum ac pretiosissimum à Deo consecutus erat ; nec divinitus concessâ sibi dona deneganda mortalibus. In agrum itaque *Tubantinum* se contulit , plurimorum ibidem desideriis evocatus , ac *Oldenzaliæ* Poliatri titulum admisit . Cùmque jam fixa in urbe sedes , publicæque functionis molesta exercitatio , quærendum curarum levamen suaderet , domique fidum adjutorium exigeret , vellicante interim naturali illo (quod Deus mortaliū visceribus iniecit ,) in prole post fata vivendi desiderio , sociam sibi jugalem obtinuit Lectissimam ac Honestissimam Virginem *Margaretham Hetsinge* , Honoratissimorum Parentum , *Andree Hetsinge* & *Mechtildis Walgers* Conjugum , atque in Civitate *Groningana* Municipum , legitimam filiam ; quam sibi sacro Matrimonii vinculo junxit anno salutis 1640. die 29. Novembris. Ex hac dilecta uxore sua quinque filiolas ordine sustulit , ac filios duos : E quibus tres gnatas , filiumque alterum posthumum , cùm Matre vidua , reliquit superstites. Felicissima illi ac diffusissima , tum *Oldenzaliæ* , tum circumcirca per omnem terræ tractum circumjacentem , Medica Praxis ultrò se obtulit , unde aurea messis jam redundare uberrimè cœperat , cùm desiderio Affinium , soceri socrûsque imprimis , satisfacturus , Groningam denuo animum convertit. Incitamenta porrò perhonestâ hinc inde conatum addebant : Placuerat namque , medullisque hærebat , florentissima istæ Musarum Palæstra , quæ orba Medicæ Facultatis Antistite , pondus ac momenta Affinium votis superaddebat. His blandimentis pellectus familiam huc transtulit , direxitque conatus ad gloriam sublimiorem ex Athenæo hoc inclyto hauriendam. Nec defuit tandem votis successus : Invalesciente etenim per urbem passim & agrum praxi , designatus est tandem ab Illustribus ac Præpotentibus D. D. Groningæ & Omlandicæ Ordinibus Medicinæ Professor , atque inaugurali sermone in muneris functionem immissus est , anno 1647. die Januarii 19. moxque à Clarissimorum D. D. Professorum Collegio unanimi consensu in Academiæ Secretarium est electus. Eâ verò laude & existimatione munus prædictum sustinuit gessitque primùm extra ordinem , ut tandem post trium annorum decursum Ordinarii Professoris titulus & honos ab Illustribus ac Præpotentibus D. D. Ordinibus illi fuerit adjectus : tumque anno Académico ventente , ultrò sese Secretariatus laboribus , (quod Medica Praxis


negotia intenderet,) liberatum quæsit. Toto illo functionis suæ corrente tractu, vegeto fuit & corpore & animo: nisi quod circa ætatis proximè ante obitum elapsæ initia, dum verna tempestas humores agigaret, gravissimis torminibus abdominis corripì cœperit, acutosque sentiret ventriculi dolores, ac vomitus pateretur supra modum immanes, identidem per dies aliquot continuos recurrentes, assumptis interim in merum quasi acetum abeuntibus, cardialgiâ simul ac vomitus exacerbantibus. Hoc malum aliquoties per intervalla recrudit, paucorumque identidem dierum duratione facultates universas vehementer afflixit: ut non immeritò Vir Experientissimus suæque Artis peritissimus, hunc sibi affectum lethalem fore, jam dudum præfageret; quod Fratri suo Germano, Spectatissimo ac Doctissimo Viro, Domino ANTONIO PERIZONIO, Scholæ Dammonensis Rectori, non semel testatus est. Antecedens mali causa collectio fuit vitiosorum humorum, circa lienem imprimis ac mesenterium scatentium, ipsamque pancreatis glandulosam substantiam copiosè obsidentium, qui facillima de causa regurgitabant in ventriculum, quandoque item per inferiora exitum cum cruciatu quærentes. Hisce ac similibus latentibus morborum mortisque causis frequenter in corporibus Medicorum origo est, dum aliis inserviando dissolvuntur ipsimet ac consumuntur. Interea verò plethorici succulentique corporis concussiones crebriores, ex itineribus ægrorum causa institutis, quandoque exortas, augere malum visæ sunt, causamque delitescentem in actum suscitare: quippe sapius, domum reversus, gravem paroxysmum illico sustinuit, quo facultates non leviter affligebantur, ac vires enervabantur: Donec tandem præter abdominis viscera morbo subacta, ipsam quoque mentis arcem impugnari contingeret, regiamque animæ in pectore sedem concuti: Tandemque ne quid malorum cruciatibus deesset, repentinus sanguinis purissimi ac rubelli subsequeretur vomitus, gravelque lipothymia: Quin & Epileptici tandem ipsum invaderent Paroxysmi, ipsaque Syncope quandoque reverteretur. Sicque tandem 29. Septembr. Anni 1650. circa septimam matutinam, cum jam membra flaccida concidissent, placidè obdormivit in Domino; cum in hac ærumnarum valle, ac difficili multorum peccatorum labyrintho, vixisset annos unum & quadraginta, in conjugali societate annos novem ac menses decem; in functione Academica annos tres, menses octo, & decem dies. Felicissimus fuit in profligandis ægritudinibus; plurimisque mortalibus languore oppressis solatia præbuit; sui que desiderium apud multos reliquit. Gratus fuit & amicus omnibus Collegis suis, nemini gravis, nemini iniquus, si non sibi, humanus, candidus, apertissimi animi. Interviendo autem alijs, dum viveret, paulatim suum corpus detrivit. Ac satius quidem duxit,

duxit, presentibus mortalibus suâque operâ jam indigentibus, humanitatis officia non denegare, licet cum propriâ valetudinis incommodo, quàm hisce derelictis per ingenii monumenta transire ad posteros. Curationum tamen interim ac Observationum rariorum, numerum quemcumque, ex sua Medica Praxi congeffit: quæ fortè lucem possent videre.



Natus est Embdæ anno currentis hujus seculi vigesimo quarto Mensis Septembris die vigesimo primo. Pater fuit V.Cl. *Ioannes Casimirus Iunius*, (quod nomen à suo ei dari voluit Serenissimus Elector Palatinus *Joannes Casimirus*, qui eum baptizaturus ministro ipsemet obtulit) **FRANCISCI JUNIJ** Theologi filius: cujus majores hic non opus est referre, cum Avus ipse p. m. eos in vita sua recenscat, quò lectorem avidum semittimus. Aviam habuit *Elisabetham Kornputiam*, *Joannis Kornputij* Actuarij & Consulis Bredani filiam: cujus Sororem duxit Vir Nob. *Henricus Smetius Iani Gruteri* Socer: Ut ad patrem redeam, is primùm literis operam dedit, atque ad Theologiam appulit animum, cui rei fidem facit liber ejus, quem Belgico idiomate scripsit ad defensionem Orationis Illustris Viri D. *Dudlei Carleton* à Serenissimo magnæ Britanniae Rege Jacobo ad Synodum Dordracenam missi, contra Remonstrantis (Taurini, nisi fallor) scriptum Belgicum, quo is prædictam orationem refutare satagebat. Sed mortuo patre, qui eum ad Professionem Hebrææ linguæ destinarat, quæ post D. Coddæo à DD. Curatoribus Academiae Leidensis fuit demandata, induxit eum Avunculus *Joannes à Kornput* cohortis militaris Capitaneus, atque arcis olim Groninganae præfectus, de quo Meterani historiæ videri possint, ut militiam sequeretur: ac lectus mox fuit in cohortis vicarium. Mater fuit illi *Maria de Disson*, cujus Pater, *Ioannes de Disson* ac fratres Senatoriâ dignitate defuncti sunt; Mater *Anna de Thomas* Consulem patrem habuit *Ioannem de Thomas*; Matertera *Maria de Thomas* nupta fuit *Ludovico Carlier* Domino de Manieres. Paullo postquam vidisset hanc lucem V.Cl. denatus est pater ejus Gertrudisbergæ, ac inde Leidam delatus & in Paterno sepulcro, quod est in æde D. *Petri*, humatus est: Volentibus autem defuncto patre ita rebus Mater domicilium Embdæ mox hanc in urbem transtulit. Ubi jam ad ætatem venit, præceptoribus est traditus, qui docerent literas. Vixit dein aliquot per annos in ædibus Celeberrimi D. *Gerardi Ioannis Vossij*, qui *Amitam Elisabetham Juniam* paucos ante annos reliquit viduam. Ubi tulit ætas, ut ad facultatem aliquam se accingeret, studium Juris elegit: ac dato hic ei biennio sub Amplissimo D. Doctore & Professore *Steinbergio* Ultrajectum petiit, atque illic Amplissimus Vir D. *Antonius Matthæus* juris Antecessor primarius suam humanitatem, quæ nescio an major sit, an ejus eruditio, erga eum exercuit, concessis soli unaquaque hebdomade horis, quibus hanc vel illam legem explicandam dederat. Quorum sanè Antecessorum erga se amorem ac institutionem quavis occasione prædicat. Inde

Leidam



IUNIUS, à magno demissum nomen IUNIO. Doctrina, & pietas, morumq; modestia, cædor.
 Lectori in hac parvâ conspicitur tabulâ. Hæc facies IUNI vera figura sui est.
 Atquâ parte suavit meliore vigetq;, Vivit Avum Leida his quondam virtutibus: inde
 Pingere non posset Leici dæ ipsa manus. Nunc tibi succrescit, docta Groningæ nepos.
 CORNELIUS TOLLIVS

Leidam petijt, atque non diu illic substitit, huc à Matre & Amicis revocatus, ut gradum in utroque jure Doctoratus fumeret. Sumpsit igitur conferente eum Viro Clarissimo & optimo *D. Ioanne Conrado Monro*. Missus post est in Gallias, ac Parisijs quidem favore Nobilissimorum & Clarissimorum Virorum *D. D. Sarravij*, Puteanorum fratrum, Valesiorum, aliorum, Genevæ verò Amplissimi viri *D. Jacobi Gothofredi* Reipublicæ istius Syndici, gavisus est. Deinde invisit Helvetias, ac Basileæ aliquamdiu substitit. Salutatis postmodum Argentinensibus in Galliam redijt, quam totam perlustravit. Facto domum reduci Professio Iuris Extraordinaria ab Illustribus & Præpotentibus hujus Provinciæ *D. D. Ordinibus* delata est, ut biennio post ordinaria, quâ nunc defungitur. Uxorem duxit ante lesquiannum, *Deboram ab Heeck*, filiam *Matthiæ ab Heeck* cohortis civicæ centurionis, & in Camera rationum Provinciali Assessoris. Duxit verò eople tempore, quo patruus ejus *Henricus ab Heeck* Consulatu urbis defungebatur, & erat Academiæ nostræ Cûrator. Filiolam Mariam ex ea unam dedit & abstulit Deus.

Vixit in hac Urbe hunc Juris Grævingsæ Anno 1661.



CATALOGUS

RECTORUM MAGNIFICORUM

Academiae Groningæ & Omlandiaë.

- Rector Academiae primus
- 1614. Ubbo Emmius. Histor. & Ling. Græc. Prof.
 - 1615. Hermannus Ravenspergerus. SS. Theol. Doct. & Prof.
 - 1616. Cornelius Pynacker. J. U. D. & Prof.
 - 1617. Nicolaus Mulerius. Med. D. ejusd. & Math. Prof.
 - 1618. Franciscus Gomarus. SS. Theol. D. & Prof.
 - 1619. Johannes Huninga. J. U. D. ejusd. & Eth. Prof.
 - 1620. Guilelmus Mackdouwel. Philos. Prof.
 - 1621. Hermannus Ravenspergerus, iterum.
 - 1622. Idem 3. extraordinaria causa reselectus.
 - 1623. Guilelmus Mackdouwel. 2.
 - 1624. Franciscus Gomarus. 2.
 - 1625. Hermannus Ravenspergerus. 4.
 - 1626. Antonius Matthæus. J. U. D. & Prof.
 - 1627. Nicolaus Mulerius. 2.
 - 1628. Henricus Alting. SS. Theol. D. & Prof.
 - 1629. Franciscus Mayvartius. Philos. Prof.
 - 1630. Franciscus Gomarus. 3.
 - 1631. Antonius Matthæus. 2.
 - 1632. Johannes Freitagius. Med. D. & Prof.
 - 1633. Matthias Pasor. L. A. M. & Prof. Philos.
 - 1634. Antonius Matthæus 3.
 - 1635. Franciscus Gomarus. 4.
 - 1636. Henricus Alting. 2.
 - 1637. Conradus Matthæus. Med. D. & Prof.
 - 1638. Joannes Steinbergius. J. U. D. & Prof.
 - 1639. Joannes Freitagius iterum.
 - 1640. Tobias Andreae. Hist. & L. Gr. Prof.
 - 1641. Henricus Alting. 3.
 - 1642. Nicolaus Langius. J. U. D. & Prof.
 - 1643. Martinus Schoockius. A. L. M. & Phil. Prof.
 - 1644. Samuel Maresius. SS. Theol. D. & Prof.
 - 1645. Joannes Steinbergius. 2.
 - 1646. Jacobus Alting. A. L. M. & L. Heb. Prof.
 - 1647. Abdias Widmarius SS. Theol. D. & Prof.
 - 1648. Antonius Deusingius. Med. ac Phil. D. & Prof.
 - 1649. Tobias Andreae. 2.
 - 1650. Matthias Pasor. 2.
 - 1651. Samuel Maresius. 2.
 - 1652. Joannes Steinbergius. 3.
 - 1653. Antonius Deusingius. 2.
 - 1654. Martinus Schoockius. 2.
 - 1655. Abdias Widmarius. 2.
 - 1656. Franciscus Iunius F. N. J. U. D. & Prof.
 - 1657. Antonius Deusingius. 3.

Ze vends omge vanden venders

CATALOGUS

CATALOGUS DOMINORUM CURA- TORUM ACADEMIÆ GRONINGÆ & OMLANDIÆ.

Octo viri erigendæ constituendæque Academię creati, 1612.
quorum quatuor priores ex urbe, cæteri quatuor ex agro.

1612. Joachimus Alting Consul.
Eggericus Eggæus Senator.
Hieronymus Isebrants Senator.
Pancratius Castricomius Synd.
Joannes Rengers Postanus.
Joannes Lewius.
Bocco Awama.
Scato Gockinga Syndicus.

1613. Joachimus Alting Cof. 2.
Rodolphus Battingius Senator.
Eizo Tiarda Senator.
Pancratius Castricomius Syndicus 2.
Joannes Rengers Postanus 2.
Joannes Lewius 2.
Hiddo Jensema.
Scato Gockinga Syndicus. 2.

1614. Fridericus Coenders Cof.
Lambertus Hornkens Senator.
Gofwinus Schaffer.
Pancratius Castricomius Synd. 3.
Joannes Rengers Postanus 3.
Joannes Lewius 3.
Bocco Awama 2.
Scato Gockinga Synd. 3.

Curatores ordinarij quaterni, bini oppi-
dani, bini agrarij.

1615. Fridericus Coenders. Cof. 4.
Gofwinus Schaffer Senator 2.
Joannes Rengers Postanus 4.
Scato Gockinga Synd. 4.

1616. Joachimus Alting. Cof. 3.
Eizo Tiarda. Sen. 2.
Joannes Rengers Postanus 5.
Scato Gockinga. Synd. 5.

1617. Idem.

1618. Fredericus Coenders. Cof. 3.
Gofwinus Schaffer. Sen. 3.
Joannes Rengers Postanus 6.
Scato Gockinga. Synd. 6.

1619. Abel Coenders. Cof.
Rudolph Wicheringe. Sen.
Johannes Rengers Postanus. 7.
Scato Gockinga Synd. 7.
1620. Joachimus Alting. Cof. 1.
Joannes Huninga. Sen.
Joannes Rengers Postanus. 8.
Scato Gockinga Synd. 8.
1621. Joachimus Alting. Cof. 6.
Joannes Huninga. Sen. 2.
Edzard Jacob Clant.
Scato Gockinga. Synd. 9.
1622. Abel Coenders. Cof. 2.
Rudolph Wicheringe Sen. 2.
Edzard Jacob Clant. 2.
Scato Gockinga Synd. 10.
1623. Idem.
1624. Hieronymus Isebrants Cof. 2.
Ioannes Huninga Sen. 3.
Reint Alberda op't Sant Senior.
Scato Gockinga Synd. 12.
1625. Abel Coenders Cof. 4.
Hugo van Nyeveen Sen.
Georgius ab Eufum.
Scato Gockinga Synd. 13.
1626. Abel Coenders Cof. 5.
Bernardus Iulſing Sen.
Edzard Iacob Clant. 4.
Scato Gockinga. Synd. 14.
1627. Henricus Schonenborch Cof.
Petrus Eiflinghe Sen.
Edzard Jacob Clant 5.
Scato Gockinga Synd. 15.
1628. Henricus Schonenborch Cof. 2.
Hugo van Nyeveen Sen. 2.
Bernardus Schaffer toe Loofdorp.
Scato Gockinga. Synd. 16.
1629. Hugo van Nyeveen. Cof. 3.
Andreas Winſemius. Sen.
Reint Alberda op't Sant.
Scato Gockinga. Synd. 17.
1630. Bernhardus Iulſing. Cof. 2.
Andreas Winſemius. Sen. 2.
Reint Alberda op't Santa 2.
Scato Gockinga. Synd. 18.

1631. Petrus Eissinghe. Cof. 2.
Tiaffo Tiaffens Senator.
Sixtus à Bothnia.
Scato Gockinga. Synd. 19.
1632. Hugo van Nyeveen. Cof. 4.
Tiaffo Tiaffens. Sen. 2.
Allardus Tamminga.
Scato Gockinga. Synd. 20.
1633. Hugo van Nyeveen Cof. 5
Andreas Winlemius Sen. 3
Christophorus ab Ewsum.
Scato Gockinga. Synd. 21.
1634. Petrus Eissinghe Cof. 3.
Tiaffo Tiaffens. Sen. 3.
Christophorus ab Ewsum. 2.
Scato Gockinga. Synd. 22.
1635. Idem.
1636. Hugo van Nyeveen. Cof. 6.
Gerardus Buning. Sen.
Allardus Tamminga. 2.
Scato Gockinga. Synd. 24.
1637. Bartholdus Wicheringe. Cof.
Otho Valcke. Sen.
Christophorus ab Ewsum. 4.
Scato Gockinga. Synd. 25.
1638. Petrus Eissinghe. 5.
Otto Valcke Sen. 2.
Atho Riemers.
Scato Gockinga. Synd. 26.
1639. Petrus Eissinghe. 6.
Henricus ab Heeck. Sen.
Edzard Iacob Clant. 6.
Scato Gockinga. Synd. 27.
1640. Gualtherus Schonenborch. Cof.
Eggo Phebens. Sen.
Reint Alberda op 't Sant. 3.
Scato Gockinga. Synd. 28.
1641. Hugo van Nyeveen. Cof. 7.
Ioannes Clinge. Sen.
Jebbo Aldringa tot Ferwert.
Jodocus Hensius. Synd.
1642. Albertus Hooftman. Cof.
Bernhardus Schaffer. Sen. 2.
Edzard Jacob Clant. 7.
Jodocus Hensius. Synd. 2.

1643. Petrus Eissinghe Cof. 7.
Hieronymus Eyben Senatot.
Reint Alberda op't Sanr. 4.
Jodocus Hensius Synd: 3.
1644. Hugo van Nyeveen Cof. 8.
Petrus Hebrants Senator.
Edzard Jacob Clant 8.
Jodocus Hensius Synd: 4.
1645. Idem.
1646. Petrus Eissinghe Cof. 8.
Hieronymus Eyben Sen. 2.
Eiad Collegium Ord. Gen. misso suffectus
Joannes Tiaffens Sen.
Oelebrant Johannes Rengers Schlochteranus.
Jodocus Hensius Synd: 6.
1647. Petrus Eissinghe Cof. 9.
Otto van Fermpsum Sen.
Rudolphus Guilelmus L. B. ab In & Kniphusen, Dn. de Lutz-
borch.
Jodocus Hensius Synd: 7.
1648. Henricus ab Heeck Cof. 2.
Otto van Fermpsum Sen. 2.
Edzard Jacob Clant 9.
Jodocus Hensius Synd: 8.
1649. Henricus ab Heeck Cof. 3.
Iohannes Birza Sen. cui mortuo suffectus
Otto Valcke ex Satrapâ veteris præfecturæ iterum Sen. 3.
Adolphus Louwens Sen.
Iebbo Aldringa 2.
Oelebrant Iohannes Rengers Schlochteranus. 2.
Jodocus Hensius Synd: 9.
1650. Albertus Hooftman Cof. 2.
Otto Valcke Sen. 4.
Folcker Folckers Sen.
Johannes Lewius Middelftumanus.
Guntherus Thylo.
Jodocus Hensius Synd: 10.
1651. Albertus Hooftman Cof. 3.
Otto van Fermpsum Sen. 3.
Folcker Folckers Sen. 2.
Rudolphus Guilelmus L. B. ab In & Kniphusen 2.
Onno Tamminga op Ludema.
Ulricus van Ewsum.
1652. Henricus ab Heeck Cof. 4. cui mortuo suffectus.
Peter Hebrants Cof. 3.
Otto van Fermpsum Sen. 4.
Johannes van Hulten Sen. cui mortuo surrogatus

Alardus Aldringa, ei Consuli facto, suffectus
 Gerardus Swarte Sen.
 Johannes Lewius 2.
 Hermannus de Sighers.
 Jodocus Hensius 11.

1653. Johannes Tiaffens Cos. 2.
 Gerardus Buning Sen.
 Gerardus Swarte Sen. 2.
 Hillebrant Gruis te Lellens.
 Jodocus Hensius, 12. cui suffectus
 Hillebrant Entens.
 Abelus à Bolhuis.

1654. Petrus Eissinghe Cos. 10.
 Johannes Eeck Sen.
 Gerardus Buning. Sen. 2.
 Oesebrant Johannes Rengers 3.
 Jodocus Lewius.
 Johannes Woltheri.

1655. Johannes Eeck Cos. 2.
~~Gerardus~~ Regnerus Tiarda Sen.
 Gerardus ten Bergh Sen.
 Onno Tamminga. 2.
 Oesebrant Johannes Rengers 4.
 Bocco Ketel.

1656. Adolphus Louwens Cos. 2.
 Gerardus Buning Sen. 3.
 Gerardus ten Berge Sen. 2.
 Hillebrant Gruis te Lellens. 2.
 Gerlacus Dois.
 Johannes Gaickinga.

1657. Petrus Eissinghe Cos. 11.
 Gerardus Buning Sen. 4.
 Regnerus Tiarda Sen. 2.
 Mauritius Ripperda.
 Ludolphus Tiarda van Starckenborch.
 Paulus a Merck.

1658. Petrus Eissinghe Cos. 12. cui mortuo suffectus
 Johannes Tiaffens Cos. 3.
 Regnerus Tiarda Sen. 3.
 Gerhardus ten Berge Sen. 3. huic Consuli facto suffectus
 Jodocus Lewius. 2. Johannes Wichers Sen.
 Regnerus Ubbena.
 Paulus a Merck. 2.

H h . . . C O M-

C O M M I S S A & O M I S S A

PAg. 12. 13. 14. 15. pro NATALES ACADEMIÆ, rescribendum WESSELUS GRONINGENSIS. p. 33. *φωτισ-
χόν τε* Pag. 38. ad calcem vitæ Prædini hęc adjuvantur. David Chytræus in continuatione Historiæ Saxonicæ ad annum 1559. pag. 520. luculentam ejus facit mentionem, hic non præmit-
tendam.

Regnerus, ait, Prædinius, Scholæ Groningane Rector, excellen-
ti ingenio, varia & recondita eruditione, eloquentia singula-
ri, & docendæ ac gubernandæ juventutis mirabili quadam dex-
teritate præditus, ex his terris decessit 18. d. April. 1557. cu-
jus, biennio ante ipsius obitum, Groningæ parvam artem Galeni
Græcam, frequenti Scholasticorum agmini, erudite & facunde
explicantis, auditor fui; & in familiari colloquio de Wesselo (cu-
jus ossa inferioris maxillæ, velut reliquias sacras, mihi monstra-
bat) de Luthero, de Erasmo Rotterodamo, de Religionis Emen-
datione nostro tempore facta, & de Anabaptistarum in vicino
Groningensi agro, varijs ac monstrosis sectis, sermones adhuc in
auribus meis *ἐκκλυοι* sonant. Hęc Chytræus.

Voluit sepeliri in ipso aditu Scholæ, quæ tum ad coemeterium
Martinianum sita, ubi nunc domus Provincialis, ut discipulis
& posteris memoria sui sic indies renovaretur. Epitaphium grandi
faxy tale insculptum.

SUPPLICIUM
PECCATI MORS

AT PECCAVIMUS
AD UNUM
OMNES

ΕΣΤΩ Ο ΙΗΣΟΥΣ ΕΜΟΙ ΧΡΙΣΤΟΣ

SIT JESUS MIHI CHRISTUS.

HIC SITUS EST REGNERUS
PRÆDINIUS IN CHRISTO JE-
SU MORTUUS ANNO SUE
ÆTATIS QUINQUAGESIMO
PRIMO DNI. VERO MILLESI-
MO QUINGENTESIMO, QUIN-
QUAGESIMO NONO DIE XVIII.

APRILIS.

CÆTERUM
NEMO MO-
RIETUR
CREDENS IN
FILIIUM DEI

ET
OMNIS NON
SECUNDUM CAR-
NEM SED SECUN-
DUM SPIRITUM.

Pag. 47.

Pag. 47. l. penult. *pro Perio lege Pierio*. p. 55. l. 2. *pro priorum lege*
priorum p. 56. l. 8. *pro in re lege in ore* p. 57. l. 13. *pro earum lege*
carum p. 63. l. 19. *pro parvorum lege* paucorum p. 64. l. 1. *lege abru-*
pissent. p. 81. l. 35. *solent*, p. 88. l. 28. Feiconel. 32. in sua. p. 91.
l. 42. Tossano, constanter illi interfuit. p. 93. l. ult. per focerum suum,
cujus ædes peramplas ille occuparat, consecutus est literas salvi con-
ductus & facultatem. p. 94. l. 13. *dele* ei. p. 119. l. 26. *lege* incendium.
p. 136. l. 23. *pro exercitium lege* argumentum. p. 139. l. 33. *lege* San-
quintini. p. 140. l. 40. capacitatem. p. 141. l. 28. istæ p. 142. l. 1.
suapte motu. p. 145. l. 23. quadriennio. p. 147. l. 41. Hilarij. p. 151.
l. ult. privatim p. 153. l. 30. *post* studuerit. *adde*, Sub initium anni
1654. ei commissa est autoritate publicâ Professio Historiæ Eccle-
siasticæ cum Theologicâ & Ministerio Ecclesiastico conjungen-
da, binisque lectionibus hebdomadatim exercenda. P. 157. l. 14.
Quinquecclesiensis P. 160. ad calcem, catalogi scriptorum
publicè extantium *adde*, 1654. *Apologia Novissima pro S. Au-*
gustino Jansenij & Jansenitis, contra Pontificem & Jesuitas; si-
ve, Examen Theologicum tripertitum Constitutionis nuperæ In-
nocentij X. P. R. quâ in gratiam Iesuitarum & Pelagianorum
contra Augustini & Jansenij sequaces declarantur & definiuntur
quinque propositiones in materiâ fidei. Præmittitur præfatio ad
Jansenitas & adijcitur ad calcem iterata editio Planctus Au-
gustinianæ veritatis, in Belgio patientis, ante aliquot annos in
Brabantia emissi.

Synopses veræ Catholicæque doctrinæ de Gratia & annexis
questionibus &c. editæ anno 1651. iterata editio locupletior &
auctior.

P. 173. l. 6. *lege* primarij p. 174. l. 9. à fine, *lege* M. Christia-
num p. 190. lin. ult. *lege* Everwinus Ecclesiæ Gallo-Belgiæ
Pastor. *ibid.* post familiarissimus, *adde*, uti quoque Rev. & Do-
ctiss. D. Abrahamus Hertogius, Ecclesiæ Vicinæ in Sluypwijck
Pastor Goudæ habitans. p. 195. l. 14. *lege* ipsum per reliquum vi-
tæ tempus. p. 196. l. 22. *lege* deprecaturus. p. 211. l. 1. oclusis,
valedicere pag. 215. l. 11. *lege* præfectos. *ibid.* l. 12. magistratum.

Typis HENRICI LUSSINCK, Typographi.

vervolg van de *Lyft* der *Rector* *Magnific*

1650

59

60

61

62

63

64

65

66

67

68

69

70

71

72

73

74

75

76

77

78

79

80

81

82

83

84

85

86

87

88 J. à March.

89

90

91

92

93

94

95

96

97

98

99

Ze verduyden de tytel van volgende blad

cat. 18.2

const. 18 st. in auct. Joh. à Selbach; L. D.

875/117

6/6/

875/117

